

# ଲୁକ ଲିଖିତ ଯୀଶୁ ଖ୍ରୀଷ୍ଟଙ୍କ ସୁସମାଚାର ଲୁକ ଅଲୀକାଦ୍ ଯୀଶୁ ଖ୍ରୀଷ୍ଟଆଃ ସୁକୁକାଜି ପୁଥିରେୟାଃ ପାରିଚାଏ

ନେ ସୁକୁକାଜିରେ ପ୍ରାଭୁ ଯୀଶୁକେ, ଇସ୍ରାଏଲ୍ ଆଡ଼ଃ ସବେନ୍ ହଡ଼କଆଃ ଜୀଉ ବାସ୍ତାଅି ଆଡ଼ଃ ନାରାଦୁରାକଆଃ ଆୟାରରେ ସୁକୁକାଜି ଉଦୁବ୍ ନାଗେନ୍ତେ ଜନିଃ ପାର୍ମେଶ୍ୱାରଆଃ ଆମ୍ବଲିଃ ହିଜୁଃୟାନାଏ ମେନ୍ତେ ଲୁକ ଅଲୀକାଦାଏ । ଏନାମେନ୍ତେ ନେ ସୁକୁକାଜିରେ ହଡ଼କଆଃ ନାଗେନ୍ତେ ଜୀଉରାଡ଼େଃରେୟାଃ କାଜି ପେରେଜାକାନା । ନେ ପୁଥିରେ ଆଡ଼ଃମିଆଁଦ୍ ମାରାଙ୍ଗ୍ ଜନିତୁ ମେନାଃ, ଏନା ହବାଅଃତାନା ରାସକା । ଯୀଶୁଆଃ ହିନିଜୁଃ ଆଡ଼ଃ ଯୀଶୁ ଖ୍ରୀଷ୍ଟ୍ ସିର୍ମାତେ ସେନଃତାନ୍ ଜମ୍ତାରେୟାଃ କାଜି ନେ ସୁକୁକାଜିରେ ଉଦୁବାକାନା । ନେ ସବେନ୍ ବିଷାଏ ହଡ଼କଆଃ ନାଗେନ୍ତେ ମିଆଁଦ୍ ରାସକାନ୍ରେୟାଃ କାଜିତାନା ।

ନେ ସୁକୁକାଜିରେ ଆଡ଼ଃ ଚିମିନ୍ ବିଷାଏକ ଅଲୀକାନା, ସିର୍ମା ଦୁଁଡ଼କଆଃ ଦୁରାଙ୍ଗ୍, ସିଟିଆ ଯୀଶୁକେ ମିଣ୍ଡିଗୁପିକ ସେନ୍କେଦ୍ତେ ନେଲ୍କିୟାକ, ମାନ୍ଦିର୍ ଅଡ଼ଃରେ ପାଣ୍ଡିଡ଼କଲିଃ ସିଟିଆ ଯୀଶୁଆଃ ଜାଗାର୍, ବୁଗିନ୍ ଶମିରୋନିଆଃ କାଜି ଆଡ଼ଃ କା ମାନାଡ଼ିଙ୍ଗ୍ ହନ୍ଆଃ ଜନ୍କା, ନେ ସବେନାଃ ଏଟାଃ ସୁକୁକାଜିରେ କା ଅଲୀକାନା ।

ଲୁକ ଆଡ଼ଃମିଆଁଦ୍ ପୁଥି ଅଲୀକାଦାଏ, ଏନା ହବାଅଃତାନା “ପ୍ରେରିଡ଼କଆଃ କାମି” । ଏନ୍ ପୁଥିରେ ଖ୍ରୀଷ୍ଟିୟାନ୍ ହଡ଼କ ଚିଲ୍କା ପାସରାଅୟାନାକ ଏନ୍ ସବେନ୍ ବିଷାଏକ ଅଲୀକାନା । ବିକ୍ରି, ପାବିତାର୍ ଆମ୍ବ, ଯୀଶୁ ଖ୍ରୀଷ୍ଟ୍ଆଃ ସୁକୁକାଜି ଉଦୁବ୍ ଦିପିଲିରେ କୁଡ଼ିକ ଚିଲ୍କା ଯୀଶୁଆଃ ଆଡ଼ଃ ଚେଲ୍ଲାକଆଃ ସେଝା ରିକାକେଦାକ, ଏନ୍ ସବେନାଃ ନେତାଃରେ ଲୁକ ଆବୁକେ ଉଦୁବାକାଦ୍ବୁଆ ।

**ପୁଥି ଭିତାରରେ ତାଇକାନ୍ କାଜି**

- ୧. ଏନେଚେଦ୍ ବାଚାନ୍ । ୧:୧-୪
- ୨. ବାପ୍ତିସ୍ମା ଏମଃନିଃ ଯୋହାନ୍, ଯୀଶୁଆଃ ଜାନାମ୍ ଆତଃ ସିଟିଆ ଦିପିଲି । ୧:୫-୨:୫୨
- ୩. ବାପ୍ତିସ୍ମା ଏମଃନିଃ ଯୋହାନ୍ଆଃ ପାର୍ଚାର୍ । ୩:୧-୨୦
- ୪. ଯୀଶୁଆଃ ବାପ୍ତିସ୍ମା ଆତଃ ସାଏତାନ୍ରାଃ ବିନିଡାଅ । ୩:୨୧-୪:୧୩
- ୫. ଗାଲିଲ୍ରେ ଯୀଶୁଆଃ ପାର୍ଚାର୍ ଆତଃ ସେଖାକାମି । ୪:୧୪-୯:୫୦
- ୬. ଗାଲିଲ୍ହେତେ ଯୀରୁଶାଲେମ୍ତେ ସେନଃ । ୯:୫୧-୧୯:୨୭
- ୭. ଯୀରୁଶାଲେମ୍ ହେପାଦ୍ରେୟାଃ ହାତୁକରେ ତୁଣ୍ଡୁ ହୁାପ୍ତା ଇମ୍ତା ଯୀଶୁଆଃ କାମି । ୧୯:୨୮-୨୩:୫୬
- ୮. ପ୍ରାଭୁ ଯୀଶୁଆଃ ଜୀଉବିନିରିଦ୍, ଚେଲକତାଃରେ ଉଦୁବେନ୍ ଆତଃ ସିର୍ମାତେ ସେନଃ । ୨୪:୧-୫୩

**ପାରିଚାଏ**

୧ ହେ ଦୁଲ୍ଲାଡ୍ ଥୁଅଫିଲ୍,

ପୁରାଃ ହଡକ ଆଲେ ଆଲ୍ଲାରେ ହବାକାନ୍ ଯୀଶୁ ଖ୍ରୀଷ୍ଟୁଆଃ ଜାନାମ୍, ଗନଏଃ ଆତଃ ଜୀଉବିନିରିଦ୍ରେୟାଃ ପକ୍ତାନ୍କାଜିକ ଅଲ୍ ନାଜ୍ ସାନାଜ୍କାଦାକ । ୨ ଅକନ୍କଟି ନେ ହବାକାନ୍ ବିଷାଏକେ ଏନେଚେଦ୍ଏତେ ନେଲ୍ଲାକାଦାଃକ ଆତଃ ହଡକତାଃରେ ନେୟା ଉଦୁବ୍କେଦାଃକ, ଏନ୍ ହଡକତାଃଏତେ ଅକନ୍ ବିଷାଏଲେ ଇତୁଆକାନା ଏନକାଜି ଇନ୍କୁ ଅଲ୍ଲାକାଦାଃକ । ୩ ଏ ମାଲ୍ଲାନାନ୍ ଥୁୟଫିଲ୍ସ୍, ଏନାନାଗେନ୍ତେ ଆଇଜ୍ ନେ ସବେନ୍ କାଜି ମୁଲ୍ଏତେ ବୁଗିଲେକା କୁଲିନାମ୍ ବାଡାକେଦ୍ତେ ସାରିକାଦାଈଜ୍, ଏନାମେନ୍ତେ ଆମାଃ ନାଗେନ୍ତେ ମିଆଁଦ୍ ପୁଥ୍ ଲେକା ତାରାଗେନାଏତେ ସବେନ୍ କାଜି ଅନଲ୍ ସାନାଜ୍କେଦାଆଇଜ୍, ୪ ଜେ'ଲେକା ଆମ୍ ଅକନ୍ ସବେନ୍ କାଜିକମ୍ ଇତୁଆକାନା ଏନ୍ ସବେନ୍ କାଜିକରେୟାଃ ପକ୍ତାମ୍ ନାମ୍ଦାଡିୟାଃ ।

ବାପ୍ତିସ୍ମା ଏମଃନିଃ ଯୋହାନ୍ଆଃ ଜାନାମ୍ ଉଦୁବଃତାନା

୫ ଯିହୁଦା\* ଦିଶୁମ୍ବରେନ୍ ରାଜା ହେରୋଦ୍‌ଆଃ ଦିପିଲିରେ ଅବିୟଥାଃ ଯାଜାକ୍ ଝୁଣ୍ଡରେନ୍ ଜାଖ୍‌ରିୟା ନୁତୁମ୍ ମିଆଁଦ୍ ଯାଜାକ୍ ତାଇକେନାଏ । ଇନିୟାଃ ଘାର୍‌ନି ଏଲିଶାବେଥ୍, ଇନିଃ ହାରୁନ୍‌ଆଃ କିଲିରେନ୍ ତାଇକେନାଏ । ୬ ଏନ୍ ବାରାନ୍‌କିନ୍ ପାର୍‌ମେଶ୍‌ବରାଆଃ ସାମ୍‌ନାଙ୍ଗ୍‌ରେ ଧାର୍‌ମାନ୍ ଆତଃ ପ୍ରାଭୁଆଃ ସବେନ୍ ଆନ୍‌ତୁ ଆତଃ ରିତିରିଝାଜ୍ ବେଗାର୍ ଚିଟାତେ ବୁଗିଲେକା ମାନାତିଙ୍ଗ୍ ତାଇକେନାକିନ୍ । ୭ ମେନ୍‌ଦ ଇନ୍‌କିନାଃ ହନ୍‌ଗାଁଣା କାକ ତାଇକେନା, ଚିୟାଃତି ଏଲିଶାବେଥ୍ ଚଣିଟ୍† ତାଇକେନାଏ, ଆତଃ ବାରାନ୍‌କିନ୍ ହାଡାମ୍ ବୁଢାଆକାନ୍‌କିନ୍ ତାଇକେନା ।

୮ ଜାଖ୍‌ରିୟା, ଆୟାଃ ଝୁଣ୍ଡରେୟାଃ ପାଲି ଲେକାତେ ମାନ୍‌ଦିର୍ ଅଡ଼ାଃରେ ପାର୍‌ମେଶ୍‌ବରାଆଃ ସାମ୍‌ନାଙ୍ଗ୍‌ରେ ଯାଜାକ୍ କାମି କାମିତାନ୍ ଇମ୍‌ତା, ୯ ଯାଜାକ୍‌କଆଃ କାମିରେୟାଃ ରିତିଲେକାତେ ପାଞ୍ଜିଶାଡ଼ିଲଃ ଇନିଃକେ ପାର୍‌ମେଶ୍‌ବରାଆଃ ମାନ୍‌ଦିର୍ ଅଡ଼ାଃରେ ବଲକେଦ୍‌ତେ ବୁଗିନ୍‌ସଞ୍ଜାନ୍‌ତେୟାଃ ଧୁଆନ୍ ଉରୁବ୍ ଲାଗାତିଙ୍ଗ୍‌ୟାନା । ୧୦ ଆତଃ ବୁଗିନ୍‌ସଞ୍ଜାନ୍‌ତେୟାଃ ଧୁଆନ୍ ଉରୁବ୍ ଦିପିଲିରେ ସବେନ୍ ହଡକ ମାନ୍‌ଦିର୍ ଅଡ଼ାଃରାଚାରେ ବିନ୍ତିତାନ୍‌କ ତାଇକେନା ।

୧୧ ଇମ୍‌ତାଙ୍ଗ୍ ଜାଖ୍‌ରିୟାରାଃ ଆୟାର୍‌ରେ ପାର୍‌ମେଶ୍‌ବରାଆଃ ଦୁଁଡ୍ ଉଦୁବେନ୍‌ୟାନାଏ ଆତଃ ଧୁଆନ୍ ଉରୁବ୍ ବେଦିରେୟାଃ ଜମ୍‌ସାଃରେ ତିଙ୍ଗ୍‌ୟାନାଏ । ୧୨ ଜାଖ୍‌ରିୟା ଇନିଃକେ ନେଲକେଦ୍‌ତେ ଆକ୍‌ଦାନ୍‌ଆୟାନା ଆତଃ ବରକେଦାଏ । ୧୩ ମେନ୍‌ଦ ଦୁଁଡ୍ କାଜିକିୟାଏ, “ଏ ଜାଖ୍‌ରିୟା ! ଆଲ୍‌ମେ ବରୟାଃ, ଆମାଃ ବିନ୍ତିଦ୍ ପାର୍‌ମେଶ୍‌ବରାଆଃ ଆୟୁମ୍‌ୟାନା । ଆମାଃ ଘାର୍‌ନି ଏଲିଶାବେଥ୍ ଆମାଃ ନାଗେନ୍ତେ ମିଆଁଦ୍ କଡାହନ୍‌ଆଏ ଜାନାମ୍‌ୟା, ଆତଃ ଇନିଃକେ ଯୋହାନ୍ ମେନ୍ତେପେ ନୁତୁମ୍‌ୟା । ୧୪ ଆମ୍ ପୁରାଃଗି ସୁକୁ ରାସକାଞ୍ଜାମ୍ ଆତଃ ଆୟାଃ ଜାନାମ୍‌ରେ ପୁରାଃ ହଡକ ରାସକାଞ୍ଜାଃକ । ୧୫ ଇନିଃଦ୍ ପାର୍‌ମେଶ୍‌ବରାଆଃ ନେପେଲ୍‌ରେ ମାରାଙ୍ଗ୍‌ଅଃଆଏ, ଇନିଃ ଦାଖ୍‌ରାସି ଚାଏ ବୁଲଃତେୟାଃ ଚିଉଲାହ୍ କାଏ ନୁଁଏୟା ଆତଃ ଇନିଃ ଏଙ୍ଗାତେୟାଃ ଲାହିଦ୍‌ତେଗି ପାବିତାର୍ ଆମାତେ ପେରେଜଃଆଏ, ୧୬ ଆତଃ ଇନିଃ ଇସ୍ରାଏଲ୍ ହଡକଆଃଏତେ

\* ୧:୫ 1:5 ପାଲେଷ୍ଟାଇନ୍‌ରେୟାଃ ଗଟା ଦିଶୁମ୍ବକେ କାଜିୟାଃକ † ୧:୭ ୧:୭ ଚଣିଟ୍ ବାଞ୍ଜେନ୍

ପୁରାଃ ହତକକେ ପାରମେଶ୍ୱାର୍ ଆକଥାଃ ପ୍ରାଭୁସାଃତେ ରୁହାଡ଼୍ ହିନ୍ଦୁଃନାଜ୍ ଦେଙ୍ଗାକଞ୍ଜାଏ । ୧୭ ଆତଃ ଆପୁକଥାଃ ମନ୍ ହନ୍କସାଃ ଆତଃ କା ମାନାତିଙ୍ଗ୍ ତାନ୍କକେ ଧାର୍ମାନକଥାଃ ସେଣ୍ଠାସାଃ ରୁହାଡ଼୍କଥାଏ ଆତଃ ପ୍ରାଭୁନାଜ୍ ମିଆଁଦ୍ ବାଇସେକାଡ଼ାକାନ୍ ହତକେ ବାଇନାଗେନ୍ତେ ଇନିଃ ଏଲିୟଥାଃ ଆମ୍ନା ଆତଃ ପେଡ଼େଃତେ ଇନିୟାଃ ସାମ୍ନାଜ୍ରେ ସେନେୟାଏ ।”

୧୮ ନେ କାଜି ଆୟୁମ୍ କେଦ୍ତେ, ଜାଖ୍ରିୟା ଦୁଁଡ଼କେ କାଜିକିୟାଏ, “ଆମ୍ ଅକ୍ନାଃ କାଜିତାନାମ୍, ଏନା ସାର୍ତି କାଜି ମେନ୍ତେ ଚିଲ୍ଲକାଇଙ୍ଗ୍ ସାରିୟାଃ ? ଆଇଙ୍ଗ୍ଦ ହାଡ଼ାମ୍ ଯାନାଇଙ୍ଗ୍ ଆତଃ ଆଇଁୟାଃ ଘାର୍ନିୟଗି ବୁଡି ଯାନାଏ ।”

୧୯ ସିର୍ମାରେନ୍ ଦାସି କାଜିରୁହାଡ଼କିୟାଏ, “ଆଇଙ୍ଗ୍ ଗାବ୍ରିଏଲ୍ ଦୁଁଡ଼ ତାନିଙ୍ଗ୍, ପାରମେଶ୍ୱାର୍ଆଃ ସାମ୍ନାଜ୍ରେ ତିଙ୍ଗୁନ୍ନିଃ ତାନିଙ୍ଗ୍ ଆତଃ ଆମ୍କେ ନେ ସୁକୁକାଜି ଉଦୁବ୍ ନାଗେନ୍ତେ ପାରମେଶ୍ୱାର୍ ଆଇଙ୍ଗ୍କେ କୁଲାଇଙ୍ଗ୍ୟାଏ । ୨୦ ନାହିଁଃ ଆୟୁମେମ୍, ନେ ସବେନ୍ ସାର୍ତି କାଜି କା ପୁରାଥଃ ଜାକେଦ୍ ଆମ୍ ବାଖାଣ୍ କାମ୍ ଦାଡ଼ିୟାଃ ଚିୟାଃଚି ଆଇଁୟାଃ କାଜିରେ ଆମ୍ କାମ୍ ପାଡ଼ିୟାର୍‡ କେଦାଃ, ଏନାଦ୍ ଠିକ୍ ନେଡ଼ାରେଽ ପୁରାଅଥାଃ ।”

୨୧ ଇମତାଙ୍ଗ୍ ହତକ ଜାଖ୍ରିୟାକେ ନେଲ୍ଲହରାଇତାନ୍କ ତାଇକେନା ଆତଃ ଇନିଃ ମାହିର୍ ଅତାଃଏତେ ଜାଲ୍ଦି କାଏ ଅତଙ୍ଗ୍ଅଃତାନ୍ ନେଲ୍ଲକେଦ୍ତେ ଇନ୍କୁ ଆକ୍ଦାନ୍ଦାଥଃ ତାଇକେନାକ । ୨୨ ଚିମ୍ତାଙ୍ଗ୍ ଜାଖ୍ରିୟା ଅତଙ୍ଗ୍ୟାନା, ଇନିଃ ଇନ୍କୁକେ ଜେଡ଼ନାଃ କାଜି କାଏ ଦାଡ଼ିକେନା । ଏନାତେ ଇନ୍କୁ ଆର୍କାର୍ କେଦାଃକ ଯେ ଇନିଃ ମାହିର୍ ଭିତାରରେ ଜେତାଏୟାଃ ଦାର୍ଶାନନାଏ ନେଲ୍ଲକାଦା, ଚିୟାଃଚି ଇନିଃ ଇନ୍କୁକେ ତିଃଇତେ ଉଦୁବ୍କତାନ୍ ତାଇକେନାଏ ଆତଃ କାଏ ବାଖାଣ୍ ଦାଡ଼ିକେଦା ।

୨୩ ଜାଖ୍ରିୟାରାଃ ସେଞ୍ଜା ପାଲିରେୟାଃ ସାମାଏ ପୁରାୟାନ୍ତି ଇନିଃ ଅତାଃତେ ରୁହାଡ଼୍ୟାନାଏ । ୨୪ ନେଆଁ ତାୟମ୍ତେ ଜାଖ୍ରିୟାରାଃ ଘାର୍ନି ଏଲିଶାବେଥ୍ ହାମ୍ବାଲ୍ ରୋଞ୍ଜାୟାନାଏ । ଆତଃ ଇନିଃ ପାଞ୍ଚ ମାହିଁନା ଜାକେଦ୍ ଜେତାଏକେ ଜେଡ଼ନାଃ କାଏ କାଜିକେଦ୍କଥା

‡ ୧:୨୦ ୧:୨୦ ପାଡ଼ିୟାର୍ ବିଶ୍ୱାସ୍ § ୧:୨୦ ୧:୨୦ ନେଡ଼ାରେ ଦିପିଲିରେ

। ୨୫ ଏନ୍ତେ ଏଲିଶାବେଥ୍ କାଜିକେଦାଏ, “ନେଲେପେ, ତୁଣ୍ଡୁରୁ ପାର୍ମେଶ୍ଵାର୍ ଆଇଙ୍ଗ୍ ନାଙ୍ଗ୍ ନେଆଁ ରିକାକାଦାଏ । ହଡ଼କଆଃ ଆଲାରେ ଆଇଁୟାଃ ଗିହୁଃ ଆତମେ ନାଗେନ୍ତେ ପ୍ରାଭୁ ଆଇଙ୍ଗ୍‌କେ ଦେଙ୍ଗାକେଦିୟାଁ !”

**ୟାଶୁଆଃ ଜାନାମ୍ ଉଦୁବଃତାନା**

୨୬ ଏଲିଶାବେଥ୍‌ଆଃ ହାମ୍‌ଲାରୋଝାରାଃ ଛ ମାହିଁନା ତାୟମ୍‌ତେ ପାର୍ମେଶ୍ଵାର୍ ଗାବ୍ରିଏଲ୍ ନୁତୁମ୍ ମିଆଁଦ୍ ସିର୍ମାରେନ୍ ଦୁଁଡ଼କେ ଗାଲିଲ୍‌ରେୟାଃ ନାଜ୍‌ରେଡ୍ ନାଗାର୍‌ତେ ମିଆଁଦ୍ ଡିଣ୍ଡାକୁଡ଼ିତାଃତେ କୁଲ୍‌କିୟାଏ, ୨୭ ☆ଏନ୍ ଡିଣ୍ଡାକୁଡ଼ିଦ ଦାଉଦ୍‌ଆଃ କିଲିରେନ୍ ଯୋଷେଫ୍ ନୁତୁମ୍ ମିଆଁଦ୍ ହଡ଼ନାଙ୍ଗ୍ ଆସିଆକାନାଏ ତାଇକେନା, ଇନିୟାଃ ନୁତୁମ୍ ମାରିୟାମ୍ ତାଇକେନା । ୨୮ ସିର୍ମାରେନ୍ ଦୁଁଡ଼ ଇନିୟାଃ ଅତାଃତେ ବଲକେଦ୍‌ତେ କାଜିକିୟାଏ, “ଏ ଲିବୁଇୟାକାନିଃ, ଆମ୍‌କେ ଜହାର୍ ! ପ୍ରାଭୁ ଆମ୍‌କେ ପୁରାଃଗି ଲିବୁଇୟା କାଦ୍‌ମେଁୟାଏ ଆତଃ ଇନିଃ ଆମାଃଲଃ ମେନାଇୟାଃ !”

୨୯ ମେନ୍‌ଦ ମାରିୟାମ୍ ଇନିୟାଃ କାଜିତେ ପୁରାଃଗି ଆକ୍‌ଦାଦାଅୟାନା, ଆତଃ ନେୟାଁ ଚିଲ୍‌କାନ୍ ଜହାର୍ ତାନାଃ ମେନ୍ତେ ଆୟାଃ ମନ୍‌ରେ ଉଡ଼ଃତାନାଏ ତାଇକେନା । ୩୦ ଏନାତେ ସିର୍ମାରେନ୍ ଦୁଁଡ଼ ଇନିଃକେ କାଜିକିୟାଏ, “ଏ ମାରିୟାମ୍, ଆଲମ୍ ବରଏୟା, ଚିୟାଃତି ଆମ୍ ପାର୍ମେଶ୍ଵାର୍‌ଆଃ ଆୟାର୍‌ରେ ସାୟାଦ୍ ନାମାକାଦାମ୍ । ୩୧ ☆ଆତଃ ନେଲେମେ, ଆମ୍ ହାମ୍‌ଲାରୋଝାଅଃଆମ୍ ଆତଃ ମିଆଁଦ୍ କଡ଼ାହନ୍‌ନାମ୍ ଜାନାମ୍‌ୟା ଆତଃ ଇନିଃକେ ଯାଶୁ ନୁତୁମ୍‌ୟାମ୍ । ୩୨ ଇନିଃ ମାରାଙ୍ଗ୍‌ଅଃଆଏ ଆତଃ ହଡ଼କ ଇନିଃକେ ମାରାଙ୍ଗ୍ ଉତାର୍‌ନିୟାଃ ହନ୍ ମେନ୍ତେକ କାଜିୟାଃ ଆତଃ ପ୍ରାଭୁ ପାର୍ମେଶ୍ଵାର୍ ଇନିଃକେ ଇନିୟାଃ ଆପୁତେ ଦାଉଦ୍ ରାଜାରାଃ ରାଜ୍‌ଗାଦି ଏମାଇୟା । ୩୩ ଆତଃ ଇନିଃ ଜାନାଅଜାକେଦ୍ ଯାକୁବ୍‌ଆଃ କିଲିରେନ୍‌କଆଃ ରାଜା ତାଇନାଏ, ଇନିୟାଃ ରାଇଜ୍ ଚିଉଲ୍‌ଅ କା ତୁଣ୍ଡୁଆ !”

☆ ୧:୨୭ ୧:୨୭ ମାଥୁଉ ୧:୧୮. ☆ ୧:୩୧ ୧:୩୧ ମାଥୁଉ ୧:୨୧.

୩୪ ମାରିୟାମ୍ ସିର୍ମାରେନ୍ ଦୁଁଡ଼କେ କୁଲିକିୟାଏ, “ନେଆଁ ଚିଲ୍ଲକାତେ ହବାଅଥାଃ ? ଆଇଙ୍ଗଦ ଜେତାନ୍ କଡ଼ାକେ କାଇଙ୍ଗ୍ ସାରିୟାକାଇଜାଃ ।”

୩୫ ସିର୍ମାରେନ୍ ଦୁଁଡ଼ ମାରିୟାମ୍‌କେ କାଜିରୁହାଡ଼କିୟାଏ, “ପାବିତାର୍ ଆମ୍ ଆମ୍‌ରେ ଆଡ଼ଗୁନାଏ ଆତଃ ମାରାଙ୍ଗ୍ ଉତାରନିୟାଃ ପେଡ଼େଃ ଆମ୍‌କେ ଉମ୍‌ଲୁ\* ମୈୟାଏ । ଏନାନାଗେନ୍ତେ ଜାନାମଃତାନ୍ ହନ୍ ପାବିତାର୍ ହବାଅଥାଏ ଆତଃ ପାର୍‌ମେଶ୍ୱାର୍‌ଆଃ ହନ୍ ମେନ୍ତେ ନୁଡ଼ୁମଃଥାଏ । ୩୬ ଆତଃ ନେଲେମେ, ଆମାଃ ମିଶିମ୍ ଏଲିଶାବେଥ୍ ବୁଡ଼ିୟଃତାନ୍ ନେତାରେ ମିଆଁଦ୍ କଡ଼ାହନ୍ ଜାନାମ୍ ିୟାଏ, ଆତଃ ଇନିଃଦ ଟଶିଟ୍† ମେନ୍ତେ କାଜିୟଃତାନ୍ ତାଇକେନାଏ, ନାହିଁଃ ଇନିୟାଃ ହଡ଼ମଃତେୟାଃ ଛ ମାହିଁନା ହବାଅଥାତାନା । ୩୭ ଚିୟାଃତି ପାର୍‌ମେଶ୍ୱାର୍‌ଆଃ ଆୟାର୍‌ରେଦ ଜାହାନ୍ କାଜି କା ହାମ୍‌ଲଆଃ ।”

୩୮ ଏନ୍ତେ ମାରିୟାମ୍ କାଜିକିୟାଏ, “ନେଲେମେ, ଆଇଙ୍ଗ୍ ପାର୍‌ମେଶ୍ୱାର୍‌ଆଃ ଦାସି ତାନିଙ୍ଗ୍ ଆମାଃ କାଜିଲେକାଗି ଆଇଙ୍ଗ୍‌ରେ ହବାଅଥକା,” ଏନ୍ତେଦ ଦୁଁଡ଼ ଇନିଃତାଃଏତେ ସେନଃୟାନାଏ ।

**ଏଲିଶାବେଥ୍‌ଲଃ ମାରିୟାମାଃ ନେପେଲ୍**

୩୯ ଏନ୍ତେ ମାରିୟାମ୍ ଏନ୍ ନେତାରେ ବିରିଦ୍‌ୟାନଲଃ ବୁରୁଦିଶ୍ୱମ୍ ଯିହୁଦା ରାଇଜ୍‌ରେୟାଃ ମିଆଁଦ୍ ସାହାର୍‌ତେ ଜାଲ୍‌ଦିଗି ସେନଃ ଦାବ୍‌ୟାନା । ୪୦ ଇନିଃ ଜାଖ୍‌ରିୟାରାଃ ଅଡ଼ାଃତେ ବଲ୍‌ୟାନତି ଏଲିଶାବେଥ୍‌କେ ଧାନ୍ୟାବାଦ୍ ଏମକିୟାଏ । ୪୧ ଆତଃ ଏଲିଶାବେଥ୍ ମାରିୟାମ୍‌ଆଃ ଜହାର୍ ଆୟୁମ୍‌କେଦ୍‌ତି ଏଲିଶାବେଥ୍‌ଆଃ ଲାହିଦ୍‌ରେନ୍ ହନ୍ ଏନେଃକ୍‌କେଦାଏ ଆତଃ ଏଲିଶାବେଥ୍ ପାବିତାର୍ ଆମ୍‌ତେ ପେରେଃୟାନାଏ । ୪୨ ଇନିଃ କାଉରିତାନ୍‌ଲଃ କାଜିକେଦାଏ, “ଆମ୍ କୁଡ଼ିକଆଃ ଥାଲାରେମ୍ ଧାଇନ୍‌ଗିୟାଃ ଆତଃ ଆମ୍ ଜାନାମ୍ ହନ୍ ଧାଇନ୍‌ଗିୟାଏ ! ୪୩ ମେନ୍ଦ୍‌ଦ ଆଇଁୟାଃ ପ୍ରାଭୁଆଃ ଏଙ୍ଗାତେ ଆଇଙ୍ଗ୍‌ତାଃତେ ହିଜୁଆକାନାଏ, ଏନା ଆଇଙ୍ଗ୍ ନାଙ୍ଗ୍ ଚିଲ୍ଲକାତେ ହବାକାନା ? ୪୪ ଚିୟାଃତି, ନେଲେମେ, ଆମାଃ ଜହାର୍ ଆୟୁମ୍‌କେଦ୍‌ତି ଆଇଁୟାଃ ଲାହିଦ୍‌ରେନ୍ ହନ୍ଦ ରାସ୍‌କାତେ

\* ୧:୩୫ ୧:୩୫ ଉମ୍‌ଲୁ ଆବ୍ରାଅ † ୧:୩୬ ୧:୩୬

ଏନେଃକ୍‌କେଦାଏ । ୪୫ ଅକଏ ବିଶ୍ୱାସ୍‌କେଦାଏ ଇନିଃ ଧାଇନ୍‌ଗିୟାଃଏ,  
 ଚିୟାଃଚି ପାର୍‌ମେଶ୍ୱାର୍‌ତାଃଏତେ ଇନିଃକେ କାଜିୟାକାନ୍ କାଜିଦ  
 ହବାଅଃଗିଆ !”

ମାରିୟାମ୍‌ଆଃ ମାନାରାଙ୍ଗ୍ ଦୁରାଙ୍ଗ୍

୪୬ ଆତଃ ମାରିୟାମ୍ କାଜିକେଦାଏ,

“ଆଇଁୟାଃ ମନ୍‌ସୁରୁଦ୍ ପ୍ରାଭୁକେ ମାରାଙ୍ଗ୍‌ଇତାନା;

୪୭ ଆତଃ ଆଇଁୟାଃ ଜୀଉ ବାସ୍ତ୍ରାଅନିଃ ପାର୍‌ମେଶ୍ୱାର୍‌ତାଃରେ  
 ରାସ୍‌କାଅଃତାନାଏ,

୪୮ ଚିୟାଃଚି ଇନିଃ ଆୟାଃ ଦାସିଆଃ ନାରାଦୁରାକେ  
 ନେଲ୍‌କାଦାଏ !

ଆତଃ ନେଲେମେ, ନାହ୍ୱାଃଏତେ ସବେନ୍ ପାରିୟାରେନ୍ ହଡ଼କ  
 ଆଇଙ୍ଗ୍‌କେ ସୁକୁତାନ୍‌ଗିୟାମେ ମେନ୍ତେକ ମେତାଇୟା,

୪୯ ଚିୟାଃଚି ପେଡ଼େୟାନ୍ ପାର୍‌ମେଶ୍ୱାର୍ ଆଇଁୟାଃନାଙ୍ଗ୍  
 ମାପରାଙ୍ଗ୍ କାମିକ କାମିୟାକାଦାଏ ।

ଇନିୟାଃ ନୁତୁମ୍ ପାବିତାର୍‌ଗିୟାଃ;

୫୦ ଆତଃ ଇନିଃକେ ବରତାନ୍‌କଆଃନାଙ୍ଗ୍ ଇନିୟାଃ ଦାୟା  
 ଇନ୍‌କୁଆଃ ପିଡ଼ି ପିଡ଼ି ଜାକେଦ୍ ଜାନାଅଗି ତାଇନାଃ ।

୫୧ ଇନିଃ ଆୟାଃ ସୁପୁତାଃରେୟାଃ ପେଡ଼େଃ ଉଦୁବାକାଦାଏ ।

ଇନିଃ ମାରାଙ୍ଗ୍‌ୟେନ୍ ତାନ୍‌କକେ ଆକଆଃ ମନ୍‌ରେୟାଃ  
 ଉଡ଼ଃଏତେ ଛିତିବିତିୟା କାଦକଆଏ ।

୫୨ ଇନିଃ ଆକ୍‌ତେୟାର୍ ନାମାକାଦ୍ ପେଡ଼େୟାନ୍ ରାଜାକକେ  
 ରାଜଗାଦିଏତେ ଆଡ଼ଗୁଆ କାଦକଆଏ,

ଆତଃ ନାରାଦୁରାକକେ ଚେତାନ୍‌ତେ ରାକାବା କାଦକଆଏ ।

୫୩ ଇନିଃ ରେଙ୍ଗେଜାକାନ୍‌କକେ ବୁଗିନ୍ ବିଷାଏତେ ବିୟାକାଦକଆଏ,  
 ମେନ୍‌ଦ କିସାଁଣ୍ ହଡ଼କକେ ସାମା ତିଃଇଗି କୁଲୁରୁହାଡ଼୍  
 କାଦକଆଏ ।

୫୪ ଆବୁଆଃ ପୁରଂଖାହାଡ଼ାମ୍‌କକେ କାଜିୟାକାଦକ ତାଇକେନ୍ ଲେକା,  
 ଇନିଃ ଆୟାଃ ଦାସି ଆବ୍ରାହାମ୍ ଆତଃ ଇସ୍ରାଏଲ୍ ହଡ଼କକେ  
 ଦାୟା କାଦକଆ ।

୫୫ ଇନିଃ ଜାନାଅ ଜାନାଅ ନାଗେନ୍ତେ ଆବ୍ରାହାମ୍ ଆତଃ ଆୟାଃ ସବେନ୍  
 କିଲିକକେ ଲିନିବୁଇ ଉଦୁବ୍ ନାଗେନ୍ତେ କାଏ ରିଡ଼ିଙ୍ଗ୍‌କାଦା ।”

୫୭ ମାରିୟାମ୍ ଆପି ମାହୁଁନା ଜାକେଦ୍ ଏଲିଶାବେଥଆଃ ଅଡ଼ାଃରେ ତାଇନ୍ୟାନାଏ, ତାୟମ୍ତେ ଆୟାଃ ଅଡ଼ାଃତେ ରୁହାଡ଼ୟାନାଏ ।

**ବାପ୍ତିସ୍ମା ଏମଃନିଃ ଯୋହାନ୍‌ଆଃ ଜାନାମ୍**

୫୭ ଏଲିଶାବେଥଆଃ ହନ୍‌ଜାନାମ୍ ଦିପିଲି ସେଟେର୍‌ୟାନା, ଆଡ଼ଃ ଜନିଃ ମିଆଁଦ୍ କଡ଼ାହନ୍‌ ଜାନାମକିୟାଏ । ୫୮ ଆଡ଼ଃ ପାର୍‌ମେଶ୍ୱାର୍ ଯେ ଏଲିଶାବେଥକେ ପୁରାଃଗି ଲିବୁଇୟାକାଇୟାଏ ମେନ୍ତେ ଆୟୁମ୍‌କେଦ୍‌ତେ ଆୟାଃ ହପରଜାପାଃରେନ୍‌ ହଡ଼କ ଆଡ଼ଃ ପାରିବାରରେନ୍‌କ ଆୟାଃଲଃକ ରାସକାୟାନା ।

୫୯ ହନ୍‌ ଜାନାମ୍‌ରେୟାଃ ଇରାଲିୟା ମାହାଁରେ ଇନ୍‌କୁ ବାଲେଃହନ୍‌କେ ଖାଡ଼ନାଅ ନାଗେନ୍ତେକ ହିଜୁଃୟାନା, ଆଡ଼ଃ ଆୟାଃ ଆପୁତେୟାଃ ନୁତୁମ୍‌ଲେକା ଆଇଃକକେ ଜାଖ୍‌ରିୟା ମେନ୍ତେ ନୁତୁମ୍‌ ତାନ୍‌କ ସାନାଙ୍ଗ୍ ତାଇକେନା, ୬୦ ମେନ୍‌ଦ୍ ଇନିୟାଃ ଏଙ୍ଗାତେ କାଜିକେଦାଏ, “ବାନଃଗି ଇନିଃକେ ଯୋହାନ୍‌ ନୁତୁମଃଆ ।”

୬୧ ଇନ୍‌କୁ ଏଲିଶାବେଥକେ କାଜିକିୟାଃକ, “ଆପେୟାଃ କିଲିରେନ୍‌ ହାଗା ହନ୍‌କରେ ଜେତାଏୟାଃ ନୁତୁମ୍‌ ନେ ଲେକା ବାନଃଆ !” ୬୨ ଏନ୍ତେ ଏନ୍‌ ସିପିଆକେ ଚିକାନ୍‌ ନୁତୁମ୍‌ ନୁତୁମଃଆ ମେନ୍ତେ ଆୟାଃ ଆପୁତେ ସାନାଙ୍ଗ୍‌ତାନାଏ, ଏନା ସାରିନାଙ୍ଗ୍ ଆପୁତେକେ ଡିଃଇତେକ କୁଲିକିୟାଃ ।

୬୩ ନେୟାଁ ଆୟୁମ୍‌କେଦ୍‌ତେ ଆପୁତେ ମିଆଁଦ୍ ତାକ୍‌ତାଃ ଆସିକେଦ୍‌ଚି, “ବାଲେଃହନ୍‌ଆଃ ନୁତୁମ୍‌ ଯୋହାନ୍‌ ତାନାଃ” ମେନ୍ତେ ଅଲ୍‌କେଦାଏ, ଏନାତେ ସବେନ୍‌କ ଆକ୍‌ଦାନ୍‌ଆୟାନାକ । ୬୪ ଆଡ଼ଃ ଇମ୍‌ତାଗି ଇନିୟାଃ ମତା ଆଡ଼ଃ ଆଲାଙ୍ଗ୍ ରାଡ଼ାୟାନା ଆଡ଼ଃ ଇନିଃ ଆଡ଼ଃମିସା ବାଖାଁଣ୍ ଏଟେଦ୍‌କେଦ୍‌ତେ ପାର୍‌ମେଶ୍ୱାର୍‌କେ ଧାନାବାଦ୍ ଏମ୍‌କିୟାଏ । ୬୫ ଏନାତେ ଇନ୍‌କୁଆଃ ସବେନ୍‌ ହପରଜାପାଃରେନ୍‌କ ବରକେଦାଃକ, ଆଡ଼ଃ ସବେନ୍‌ କାଜି ଯିହୁଦା ଦିଶୁମ୍‌ରେୟାଃ ଗଟା ବୁରୁ ଦିଶୁମ୍‌ରେ ଉମିନ୍‌ୟାନା । ୬୬ ନେ କାଜି ଆୟୁମାକାଦ୍ ସବେନ୍‌ ହଡ଼କ ଆକ୍‌ଦାନ୍‌ଆୟାନ୍‌ଲଃ ଆକଆଃ ଆପ୍‌ନାଃ ମନ୍‌ରେ

‡ ୧:୬୩ ୧:୬୩ ତାକ୍‌ତା ସିଲେଟ୍ ଲେକ୍‌ନା



କୁଲିକେଦାଃକ, “ନିଃ ଚିଲ୍‌କାନ ହନ୍‌ନାଏ ହବାଅଆଃ ?” ଚିୟାଃଚି ପାର୍‌ମେଶ୍‌ବାର୍‌ଆଃ ତିଃଇ ଇନିଃଲଃଃ ତାଇକେନା ।

**ଜାଖ୍‌ରିୟାରାଃ ଆୟାର୍‌କାଜି**

୨୭ ଆଡଃ ଯୋହାନ୍‌ଆଃ ଆପୁତେ ଜାଖ୍‌ରିୟା ପାବିତାର୍ ଆମ୍‌ତେ ପେରେଃୟାନ୍ତେ, ନେ ଆୟାର୍‌କାଜିୟାଏ ଉଦୁବ୍‌କେଦାଃ :

୨୮ “ଇସ୍ରାଏଲ୍‌ଆଃ ପ୍ରାଭୁ ପାର୍‌ମେଶ୍‌ବାର୍‌ଆଃ ସାହାରାଅ ହବାଅଃକା !

ଚିୟାଃଚି ଇନିଃଦ ଆୟାଃ ହଡ଼କକେ ଦେଙ୍ଗାନାଙ୍ ମେନ୍ତେ ହିଜୁଆକାନାଏ ଆଡଃ ଇନ୍‌କୁକେ ରାଡ଼ା କାଦ୍‌କଆଏ ।

୨୯ ଇନିଃ ଆବୁଆଃନାଙ୍ ମେନ୍ତେ ଆୟାଃ ଦାସି ଦାଉଦ୍‌ଆଃ କିଲିଏତେ ମିଆଁଦ୍ ପେଡ୍‌ୟାନ୍ ଜୀଉବାସ୍ତାଅନିଃକେ ଏମାକାଦ୍‌ବୁଆଏ ।

୩୦ ନାଙ୍ ପାରିୟାଏତେଽି ତାଇନଃତାନ୍ ତାଇକେନ୍ ଆୟାଃ ପାବିତାର୍ ନାବୀକଆଃ ମଚାତେ ପାର୍‌ମେଶ୍‌ବାର୍ ନେୟାଏ ଉଦୁବ୍‌ଲେଦା ।

୩୧ ଏନ୍‌ଲେକାଗି ଆବୁଆଃ ବାଇରିକଏତେ ଆଡଃ ସବେନ୍ ଖସ୍‌ଆବୁତାନ୍‌କଆଃ ତିଃଇଏତେ ଜୀଉବାସ୍ତାଏ ଏମାକାଦ୍‌ବୁଆଏ ।

୩୨ ଆବୁଆଃ ପୁର୍‌ଖାହାଡ଼ାମ୍‌କକେ ଦାୟାକଆ ଆଡଃ ଆୟାଃ ପାବିତାର୍ ରାଜିନାମାରାଃ କାଜିକେ ପାହାମେ ନାଗେନ୍ତେ,

୩୩ ଇନିଃ ଆବୁଆଃ ଆପୁ ଆରାହାମଲଃ କିରିୟାକାଦ୍ ତାଇକେନାଏ ।

୩୪ ଆବୁକେ ଆବୁଆଃ ବାଇରିକଆଃ ତିଃଇଏତେ ବାସ୍ତାଅବୁଆଏ, ଆଡଃ କା ବରତାନ୍‌ଲଃ ଇନିୟାଃ ସେଞ୍ଜାନାଙ୍,

୩୫ ପାବିତାର୍ ଆଡଃ ଧାର୍‌ମାନ୍ ଲେକାତେ ଇନିୟାଃ ସାମ୍‌ନାଙ୍‌ରେ ଆବୁ ଜାଉଜରଙ୍ଗ୍‌ବୁ ତାଇନାଃ ।

୩୬ ଆଡଃ ଏ ହନ୍, ଆମ୍ ମାରାଙ୍ ଉତାର୍‌ନିଃ ପାର୍‌ମେଶ୍‌ବାର୍‌ଆଃ ନାବୀ ନୁଡ଼ମଃଆମ୍

ଆମ୍‌ଦ ପ୍ରାଭୁଆଃ ଆୟାର୍‌ରେ

ଇନିୟାଃ ହରା ବାବାଇତେମ୍ ସେନାଃ ।

୩୭ ଇନିୟାଃ ହଡ଼କକେ ଆମ୍

ଆକଆଃ ପାମ୍ ଛାମାରେୟାଃ ହରାତେ ଜୀଉବାସ୍ତାଅରାଃ ସେଣ୍‌ମ୍ ଉଦୁବାକଆ ।

---

୯:୨୦ ୧:୨୦ ସୁରୁଏତେ

୨୮ ଚିୟାଃଚି ପାର୍ମେଶ୍ୱାର୍‌ଆଃ ମାରାଙ୍ଗ୍ ଲିବୁଇତେ  
 ତୁରୋଃତାନ୍ ସିଙ୍ଗି ସିର୍ମାଏତେ ଆରୁତାଃରେ ଉଦୁବଃଆ ।  
 ୨୯ ଏନା ନୁବାଃରେୟାଃ ଆତଃ ଗନଏଃରେୟାଃ ଉମ୍ବୁଲୁରେ  
 ଦୁବାକାନ୍‌କକେ ମାର୍ସାଲ୍‌କଆଏ,  
 ଆତଃ ଜୀଉ ସୁକୁରେୟାଃ ହରାରେ ସେନ୍‌ନାଙ୍ଗ୍ ଆୟାର୍  
 ଇଦିକଆଏ ।”  
 ୩୦ ନେ ଲେକାଗି ଏନ୍ ସିଟିଆ ହନ୍ ମାଡ଼ି ମାଡ଼ିତେ ହାରା  
 ଇଦିୟାନଲଃ ଆମ୍ବାରେ ପେଡ଼େଃ ଇଦିୟାନାଏ, ଆତଃ ଇସ୍ରାଏଲ୍‌ତାଃ  
 ଆଉରି ଉଦୁବଃ ଜାକେଦ୍ ବିର୍ରେ ତାଇକେନାଏ ।

# ୨

## ୟୀଶୁଆଃ ଜାନାମ୍ (ମାଥୂଉ ୧:୧୮-୨୫)

୧ ଏନ୍ ହୁଲାଙ୍ଗ୍‌କରେ ଗଟା ରୋମ୍ ଦିଶୁମ୍‌ରେନ୍‌କଆଃ ନୁତୁମ୍  
 ଅଲ୍‌ଲଃକା ମେନ୍ତେ ଲାଟ୍‌ସାହେବ୍ କାଇସାର୍ ଆଗସ୍ତସ୍ ହୁକୁମ୍  
 ଜାରିକେଦାଏ । ୨ କୁରିଣିୟ ନୁତୁମ୍ ସିରିୟାରେନ୍ ଲାଟ୍‌ସାହେବ୍  
 ତାଇକେନ୍ ଦିପିଲିରେ ନେଆଁ ପାହିଲା ନୁତୁମ୍ ଅନଲ୍ ତାଇକେନା ।  
 ୩ ଏନା ନାଗେନ୍ତେ ସବେନ୍‌କ ଆକଆଃ ନୁତୁମ୍ ଅଲ୍‌ରିକାନାଙ୍ଗ୍ ଆକଆଃ  
 ଆକଆଃ ନାଗାର୍‌ତେକ ସେନଃୟାନା ।

୪ ଆତଃ ଯୋଷେଫ୍‌ହଚି ନୁତୁମ୍ ଅଲ୍‌ରିକା ନାଗେନ୍ତେ ମାରିୟାମ୍‌ଲଃ  
 ଗାଲିଲ୍‌ରେୟାଃ ନାଜ୍‌ରେଡ୍ ନାଗାର୍‌ଏତେ ଯିହୁଦା ଦିଶୁମ୍‌ରେୟାଃ  
 ବେଥ୍‌ଲେହେମ୍ ନୁତୁମ୍ ଦାଉଦ୍‌ଆଃ ନାଗାର୍‌ତେକିନ୍ ସେନକେନା,  
 ଚିୟାଃଚି ଯୋଷେଫ୍ ଦାଉଦ୍‌ଆଃ କିଲି ଆତଃ ଅଡ଼ାଃରେନ୍‌ନିଃ  
 ତାଇକେନାଏ । ୫ ଯୋଷେଫ୍ ନାଙ୍ଗ୍ ଆସିଆକାନ୍ କୁଡ଼ିଲଃ ନୁତୁମ୍  
 ଅଲ୍‌ରିକାତେ ହିଜୁଃୟାନା, ଇମ୍‌ତା ଇନିଃ ହାମ୍ବାଲ୍‌ରୋଝା \*କାନାଏ  
 ତାଇକେନା । ଏନ୍ କୁଡ଼ିରାଃ ନୁତୁମ୍ ମାରିୟାମ୍ ତାଇକେନା  
 । ୬ ଇନକିନ୍ ବାଏତୁଲାମ୍ ରେନକିନ୍ ତାଇକେନା ଇମ୍‌ତାଙ୍ଗ୍  
 ମାରିୟାମ୍‌ଆଃ ରାଝାଲଃରେୟାଃ† ନେତା ସେଟେର୍‌ୟାନା । ୭ ଆତଃ  
 ଇନିଃ ଆୟାଃ ମୁଡ୍‌କୁଲ୍‌ହନ୍ ଜାନାମ୍‌କିୟାଏ, ଆତଃ ଇନିଃକେ

\* ୨:୫ ୨:୫ ହାମ୍ବାଲ୍‌ରୋଝା ହଡ଼ମ୍‌ଆଁ † ୨:୬ ୨:୬ ରାଝାଲଃରେୟାଃ ବୁଗିୟଃରେୟାଃ  
 ‡ ୨:୭ ୨:୭ ପାହିଲା

ଲିଜାସତେ ପୋଟମ୍‌କିସତେ ଡାଡାକାରେୟାଏ ବାଟିକିୟାଃ, ଚିୟାଃଚି  
ଇନ୍‌କିନାଃ ନାଗେନ୍ତେଦ ତେରା ଅଡ଼ାଃରେ ଠାୟାଦ୍‌ହ କା ତାଇକେନା  
।

ମିଣ୍ଡିଗୁପିମାହାରାକ ଯୀଶୁଆଃ ଜାନାମ୍ ଉନ୍ନୁଦୁବ୍‌କଃ ଆୟୁମ୍‌ଲୀଃ

୮ ଆଡ଼ଃ ଏନ୍ ହାଡୁ ଜାପାଃରେୟାଃ ପିଡ଼ିରେ ମିଣ୍ଡିଗୁପିମାହାରାକ  
ତାଇକେନା, ଇନ୍‌କୁ ନିଦାରେ ଆକଆଃ ମିଣ୍ଡିକକେ ହରତାନ୍‌କ  
ତାଇକେନା । ୯ ଆଡ଼ଃ ପ୍ରାଭୁଆଃ ମିଆଁଦ୍ ଦୁଁଡ୍ ଇନ୍‌କୁତାଃରେ  
ତିଙ୍ଗୁୟାନ୍‌ଏ ଆଡ଼ଃ ପ୍ରାଭୁଆଃ ମାନାରାଜ୍‌ରାଃ ମାର୍ସାଲ୍ ଇନ୍‌କୁତାଃରେ  
ଜୁଲ୍‌ବିୟୁରୟାନ୍‌ଆ ଆଡ଼ଃ ଇନ୍‌କୁ ପୁରାଃଗିକ ବରକେଦାଃ ।  
୧୦ ମେନ୍‌ଦ୍ ଦୁଁଡ୍ ଇନ୍‌କୁକେ କାଜିକେଦ୍‌କଆଏ, “ଆଲ୍‌ପେ ବରୟାଃ !  
ନେଲେପେ, ଆଇଲ୍‌ ଆପେକେ ପୁରାଃ ରାସ୍‌କାରେୟାଃ ସୁକୁକାଜିଙ୍ଗ୍  
ଉଦୁବାପେତାନା, ଏନା ସବେନ୍ ହଡ଼କଆଃ ନାଗେନ୍ତେ ତାଇନାଃ ।  
୧୧ ଚିୟାଃଚି ତିସିଙ୍ଗ୍‌ଦ ଦାଉଦ୍‌ଆଃ ନାଗାର୍‌ରେ ଆପେୟାଃ ନାଗେନ୍ତେ  
ମିଆଁଦ୍ ବାସ୍ତାଅନିଃ ଜାନାମା କାନାଏ, ଇନିଃ ଖ୍ରୀଷ୍ଟ୍ ପ୍ରାଭୁ ତାନିଃ !  
୧୨ ଆଡ଼ଃ ଆପେୟାଃ ନାଗେନ୍ତେ ନେଆଁ ଚିହ୍ନାଁ ତାନାଃ, ଆପେ ମିଆଁଦ୍  
ବାଲେଃ ହନ୍‌କେ ଲିଜାସତେ ପୋଟମାକାନ୍ ଆଡ଼ଃ ଡାଡାକାରେ  
ବାଟିୟାକାନ୍‌ପେ ନାମିୟା ।”

୧୩ ଇମ୍‌ତାଗି ଏନ୍ ଦୁଁଡ୍‌ଲଃ ସିର୍ମାରେନ୍ ଫାଉଦ୍‌କ ହୁଣ୍ଡିୟାନାକ  
ଆଡ଼ଃ ଇନ୍‌କୁ ପାର୍‌ମେଶ୍ଵାର୍‌କେ ମାରାଜ୍‌ଇତାନ୍‌ଲଃ କାଜିକେଦାଃକ  
:

୧୪ “ସାଲ୍‌ଜିଉତାର୍ ସିର୍ମାରେ ପାର୍‌ମେଶ୍ଵାର୍‌ଆଃ ମାନାରାଜ୍,  
ଆଡ଼ଃ ଅତେରେ ଆୟାଃ ସୁକୁଆକତାନ୍ ହଡ଼କରେ ସୁକୁ  
ହବାଅଃକା !”

୧୫ ଦୁଁଡ୍‌କ ଇନ୍‌କୁତାଃଏତେ ସିର୍ମାତେକ ସେନଃୟାନ୍‌ଚି,  
ମିଣ୍ଡିଗୁପିମାହାରାକ ଆକ ଆକରେ ମେନ୍‌କେଦାଃକ, “ଦଲ୍‌ରୁ  
ବେଥ୍‌ଲେହେମ୍‌ତେରୁଆ ଆଡ଼ଃ ପ୍ରାଭୁ ଉଦୁବାକାଦ୍‌ରୁଆଏ ଏନ୍  
ହବାକାନ୍ କାଜିରୁ ନେଲେୟାଃ ।”

୧୬ ଆଡ଼ଃ ଇନ୍‌କୁ ଜାଲ୍‌ଦିଗି ସେନ୍‌ତେବାଃୟାନ୍ତେ ମାରିୟାମ୍,  
ଯୋଷେଫ୍ ଆଡ଼ଃ ଡାଡାକାରେ ବାଟିୟାକାନ୍ ବାଲେଃ ହନ୍‌କେକ  
ନେଲ୍‌ନାମ୍‌କିୟାଃ । ୧୭ ଇନ୍‌କୁ ଇନିଃକେ ନେଲ୍‌କିଃତେ ହନ୍‌ଆଃ  
ବିଷାଏରେ ଦୁଁଡ୍ କାଜିଲେଦ୍ କାଜିକ ଉଦୁବ୍‌ବାଡାକେଦାଃ ।

୧୮ ମିଶ୍ରିଗୁପିମାହାରାକ ଉଦ୍ଭବକେଦ୍ କାଜିତେ ସବେନ୍ ଆୟୁମ୍‌କେଦ୍ ହଡକ ଆକଦାନ୍ଦାଅୟାନାକ । ୧୯ ମେନ୍‌ଦ ମାରିୟାମ୍ ନେ ସବେନ୍ କାଜି ଆୟାଃ ମନ୍‌ରେ ଦହକେଦାଏ ଆଡ଼ଃ ପୁରାଃ ଉଡ଼ଃତାନାଏ ତାଇକେନା । ୨୦ ଆଡ଼ଃ ମିଶ୍ରିଗୁପିମାହାରାକକେ ଉଦ୍ଭବଲେନ୍‌ଲେକା, ଏନ୍ ସବେନାଃ ଆୟୁମ୍‌କେଦ୍‌ତେ ଆଡ଼ଃ ନେଲ୍‌କେଦ୍‌ତେ ପାରମେଶ୍ଵାର୍‌ଆଃ ମାନାରାକ୍ ଦୁରାକ୍‌ତାନଲଃ ଇନ୍‌କୁ ରୁହାଡ଼ୟାନାକ ।

**ୟୀଶୁକେ ଯୀରୁଶାଲେମ୍ ମାନ୍ଦିରତେକ ଇଦିକିୟାଃ**

୨୧ ✧ ଏନ୍ ସିଟିଆକେ ଇରାଲିୟା ମାହାଁ ହବାୟାନ୍‌ଲଃ ଖାତନାଅକିୟାକ, ଆଡ଼ଃ ଇନିଃକେ ଯୀଶୁ ମେନ୍‌କେ ନୁତୁମ୍‌କିୟାଃ, ନେ ନୁତୁମ୍ ଇନିୟାଃ ହାମ୍‌ଲାରୋଞ୍ଜା ହବାଅଃ ସିଦାରେ ଦୁଡ଼ିଆଃ ହରାତେ ନୁତୁମାକାନ୍ ତାଇକେନା । ୨୨ ମୁଣାରାଃ ଆନ୍‌ରୁଲେକା ଇନ୍‌କୁଆଃ ଫାର୍‌ଚିରେୟାଃ ନେଡା ତେବାଃୟାନ୍‌ରେ, ପ୍ରାଭୁଆଃ ସାମ୍‌ନାକ୍‌ରେ ରାକାବି ନାଗେନ୍‌କେ ଯୋଷେପ୍ ଆଡ଼ଃ ମାରିୟାମ୍ ଇନିଃକେ ଯୀରୁଶାଲେମ୍ ମାନ୍ଦିରତେକିନ୍ ଇଦିକିୟାଃ । ୨୩ ପ୍ରାଭୁଆଃ ଆନ୍‌ରୁରେ ଅଲ୍‌କାନା, “ସବେନ୍ ମୁଡ଼କୁଲ୍ କଡାହନକ ପ୍ରାଭୁଆଃ ନାଗେନ୍‌କେ ପାବିତାରଃକା,” ୨୪ ଆଡ଼ଃ ଇନ୍‌କିନ୍ ପ୍ରାଭୁଆଃ ଆନ୍‌ରୁରେୟାଃ କାଜିଲେକା, ବାରିୟା ପୁତାମ୍ ଚାଏ ବାରିୟା ଦୁଦୁମ୍‌ଲ୍ ହନ୍‌କିନ୍‌କେ ଦାଣିଁ ରାକାବ୍‌ତେକିନ୍ ସେନଃୟାନା ।

**ଶିମିୟନ୍ ଆଡ଼ଃ ହାନ୍ନା ଯୀଶୁକେକିନ୍ ନେଲ୍‌କିୟା**

୨୫ ନେଲେପେ, ଯୀରୁଶାଲେମ୍‌ରେ ଶିମିୟନ୍ ନୁତୁମ୍ ମିଆଁଦ୍ ହଡକ ତାଇକେନାଏ, ଇନିଃ ଧାର୍‌ମାନ୍ ଆଡ଼ଃ ମାନାତିକ୍‌ନିଃ ତାଇକେନାଏ । ଇନିଃ ଇସ୍ରାଏଲ୍ ହଡକଆଃ ଜୀଉରାଡ଼େଃ ଏମଃନିଃକେ ନେଲ୍‌ହରା ତାଇକେନାଏ, ଆଡ଼ଃ ଇନିଃରେ ପାବିତାର୍ ଆମ୍ ତାଇନଃତାନାଏ ତାଇକେନା । ୨୬ ଆଡ଼ଃ ଆମ୍ ପ୍ରାଭୁଆଃ ଶ୍ରୀଷ୍ଟକେ ଆଉରି ନେଲିୟାକେଦ୍ ଆମାଃ ଗନଏଃ କା ହବାଅଆଃ ମେନ୍‌କେ ପାବିତାର୍ ଆମ୍ ଇନିଃକେ ଉଦ୍ଭବାକାଇ ତାଇକେନା । ୨୭ ଆଡ଼ଃ ଶିମିୟନ୍ ପାବିତାର୍ ଆମ୍‌ତେ ମାନ୍ଦିର ଅଡ଼ାଃତେ ହିଜୁଃୟାନାଏ । ଆଡ଼ଃ ଆନ୍‌ରୁରେୟାଃ କାଜିଲେକାତେ କାମିନାକ୍ ଯୀଶୁଆଃ ଏକ୍ମା ଆପୁକିନ୍

---

✧ ୨:୨୧ ୨:୨୧ ଲୁକ ୧:୩୧.

ଇନିଃକେ ସାବ୍‌କେଦ୍‌ତେ ମାନ୍‌ିରତେକିନ୍‌ ବଲୟାନା, ୨୮ ଇମ୍‌ତାଙ୍ଗ୍‌ ଶିମିୟନ୍‌, ହନ୍‌କେ ଖାକିୟାଅକିୟାଏ ଆତଃ ପାର୍‌ମେଶ୍ଵାର୍‌କେ ଧାନ୍ୟାବାଦ୍‌ ଏମ୍‌ତାନ୍‌ଲଃ କାଜିକେଦାଏ :

୨୯ “ହେ ଗମ୍‌କେ, ନାହାଁଃଦ୍‌ ଆମ୍‌ ଆମାଃ କାଜିଲେକା, ଦାସିତାମାଃକେ ସୁକୁତେମ୍‌ ବିଦାଇତାନା ।

୩୦ ଚିୟାଠି ଆଇଙ୍ଗ୍‌ଦ୍‌ ଆଇଁୟାଃ ମେଦ୍‌ତେ ଆମାଃ ପାରିତ୍ରାଣ୍‌କେ ନେଲକାଦାଇଙ୍ଗ୍‌,

୩୧ ଅକଆଠି ସବେନ୍‌ ହଡକଆଃ ଆୟାର୍‌ରେ ସେକାଡାକାଦାମ୍‌ :

୩୨ ଆତଃ ଏଟାଃ ଜାତିରେନ୍‌କଆଃ ନାଙ୍ଗ୍‌ ମାସ୍ତାଲୁରାଃ ଦିମି ଆତଃ ଆମାଃ ଇସ୍ରାଏଲ୍‌ ହଡକଆଃ ନାଗେନ୍ତେ ମାଇନାନ୍‌ ଆଉଝେୟାଏ ।”

୩୩ ସିଟିଆ ହନ୍‌ଆଃ ଏଙ୍ଗାଆପୁକିନ୍‌ ଆୟାଃ ବିଷାଏରେ କାଜିୟଃତେୟାଃ ଆୟୁମ୍‌କେଦ୍‌ତେ ଆକ୍‌ଦାନ୍‌ଆୟାନାକିନ୍‌ । ୩୪ ଶିମିୟନ୍‌ ଇନ୍‌କୁକେ ଆଶିଷ୍‌ କେଦ୍‌କଆଏ, ଆତଃ ଇନିୟାଃ ଏଙ୍ଗାତେ ମାରିୟାମ୍‌କେ କାଜିକିୟାଏ, “ନେଲେମେ, ନେ ହନ୍‌ ପୁରାଃ ଇସ୍ରାଏଲ୍‌କଆଃ ଉୟୁଗଃ ଆତଃ ବିରିଦଃ ନାଗେନ୍ତେ ପାର୍‌ମେଶ୍ଵାର୍‌ଆଃ ମିଆଁଦ୍‌ ସାଲକାନ୍‌ ଚିହ୍ନାଁ ହବାଅଆଏ, ମେନ୍‌ଦ୍‌ ପୁରାଃ ହଡକ ଇନିୟାଃ ବିରୁଧ୍‌ରେ ବାଖାଁଣେୟାକ । ୩୫ ଆତଃ ଏନାତେ ପୁରାଃ ମନ୍‌ରେୟାଃ ଉଡ଼ୁ ଉଦୁବଃଆ । ଆତଃ ଏନ୍‌ ବିଷାଏନାଙ୍ଗ୍‌ ଆପେୟାଃ ମନ୍‌ସୁରୁଦ୍‌ରେ ତାରାଉଡ଼ି ଗୁଡୁ ପାରମଃଆ ।”

୩୬ ଆସେର୍‌ କିଲିରେନ୍‌ ପିନ୍‌ଏଲ୍‌ଆଃ ହନ୍ତେକୁଡ଼ି ହାନ୍ନା ନୁଡୁମ୍‌ ମିଆଁଦ୍‌ କୁଡ଼ିନାବୀ ତାଇକେନାଏ । ଇନିଃ ଡିଣ୍ଡାଏତେ ସାଡ୍‌ ବାରାଷ୍‌ ଆୟାଃ କଡାତେଲଃ ତାଇକେନ୍‌ତେ ବୁଡ଼ି ଲୁକୁଦ୍‌ ଲୁକୁଦା କାନାଏ ତାଇକେନା । ଆତଃ ଇନିଃ ଚାର୍‌ହିସି ଚାର୍‌ବାରାଷ୍‌ ରେନ୍‌ ରାଣ୍ଡିକୁଡ଼ି ତାଇକେନାଏ । ୩୭ ଆତଃ ଇନିଃ ଚିଉଲ୍‌ହା ମାନ୍‌ିର୍‌ ଅଡାଃଏତେ କାଏ ଅଡଙ୍ଗ୍‌ଅଃତାନ୍‌ ତାଇକେନା, ମେନ୍‌ଦ୍‌ କାଟାବ୍‌ତାନ୍‌ଲଃ ଆତଃ ବିକ୍ରିତାନ୍‌ଲଃ ନିଦାସିଙ୍ଗି ପାର୍‌ମେଶ୍ଵାର୍‌କେ ମାଇନାନ୍‌ ତାଇକେନା ।

୩୮ ଇନିଃ ଇମ୍‌ତାଙ୍ଗ୍‌ଚି ସିଟିଆ ହନ୍‌ ଆତଃ ଆୟାଃ ଏଙ୍ଗାଆପୁକିନ୍‌ତାଃ ନାଡ଼େୟାନ୍‌ଲଃ ପାର୍‌ମେଶ୍ଵାର୍‌କେ ଧାନ୍ୟାବାଦ୍‌କିୟାଏ ଆତଃ

ଅକନ୍ଦକ ଯୀରୁଶାଲେମ୍‌ରାଃ ମୁକ୍ତି ନେଲ୍‌ହରାତାନ୍ ସବେନ୍‌କକେ  
ଇନିଃ ଯୀଶୁଆଃ ବିଷାଏରେ କାଜିୟାଦକଆଏ ।

ଯୋଷେଫ୍ ଆଡଃ ମାରିୟାମ୍ ତିକିନାଃ ଅଡଃ ରୁହାଡ଼୍

୩୯ ✨ଯୋଷେଫ୍ ଆଡଃ ମାରିୟାମ୍ ପାର୍‌ମେଶ୍‌ବାରଆଃ ଆନ୍‌ରୁଲେକା  
ସବେନାଃ ଚାବାକେଦ୍‌ତି ଗାଲିଲ୍ ଦିଶୁମ୍‌ରେୟାଃ ଆକିନାଃ ନାଗାର୍  
ନାଜ୍‌ରେଡ଼‌ତେକିନ୍ ରୁହାଡ଼୍‌ୟାନା । ୪୦ ଆଡଃ ସିଟିଆ ହନ୍  
ମାଡ଼ି ମାଡ଼ିତେ ହାରା ଇଦିୟାନ୍‌ଲଃ ପେଡ଼େଃ ଆଡଃ ସେଣ୍‌ତେ  
ପେରେଃଇଦିୟାନାଏ, ଆଡଃ ପାର୍‌ମେଶ୍‌ବାରଆଃ ସାୟାଦ୍‌ ଇନିଃଲଃ  
ତାଇକେନା ।

ବାରା ବାରାଷ୍‌ରେନ୍ ଯୀଶୁ ମାନ୍‌ିର୍‌ଅଡଃରେ ଗୁରୁକଲଃ  
ଜାଗାର୍‌କେଦାଏ

୪୧ ଯୀଶୁଆଃ ଏଙ୍ଗାଆପୁକିନ୍ ସବେନ୍ ବାରାଷ୍ ପାସକା ପାରାବ୍‌ରେ  
ଯୀରୁଶାଲେମ୍‌ତେ ସେନଃ ତାନ୍‌କିନ୍ ତାଇକେନା । ୪୨ ଯୀଶୁକେ ବାରା  
ବାରାଷ୍ ହବାଅଃତାନ୍ ତାଇକେନ୍ ଇମ୍‌ତା, ଇନ୍‌କୁ ରିତିଲେକା ପାରାବ୍  
ମାନାତିଙ୍ଗ୍ ନାଙ୍ଗକ ସେନ୍‌କେନା । ୪୩ ଆଡଃ ପାରାବ୍ ମାନାତିଙ୍ଗ୍  
ଚାବାକେଦ୍‌ତି, ଅଡଃତେ ସେନ୍ ରୁହାଡ଼୍‌ତାନ୍ ଇମ୍‌ତା ହନ୍ ଯୀଶୁ  
ଯୀରୁଶାଲେମ୍‌ରେ ତାଇନ୍‌ୟାନାଏ, ଏନା ଆୟାଃ ଏଙ୍ଗାଆପୁକିନ୍  
କାକିନ୍ ସାରିତାନ୍ ତାଇକେନା । ୪୪ ମେନ୍‌ଦ ଇନିଃ ଗାତିକଲଃ  
ମେନାଇୟାଃ ମେନ୍‌ଡେକିନ୍ ପାହାମ୍‌କେଦ୍‌ତେ, ସିଙ୍ଗିସାଟୁବ୍‌ରେୟାଃ  
ହରା ସେନଃୟାନାକିନ୍, ଏନ୍ତେ ଆକିନାଃ କୁପୁଲ୍‌କ ଆଡଃ ଗାତିକଆଃ  
ଆଲାରେକିନ୍ ଦାଣ୍‌ଏଟେଦ୍‌କିୟାଃ । ୪୫ ଇନିଃକେ କାକିନ୍  
ନାମ୍‌କିଃତେ ଦାଣ୍‌ତାନ୍‌ଲଃ ଯୀରୁଶାଲେମ୍‌ତେକିନ୍ ରୁହାଡ଼୍‌ୟାନା  
। ୪୬ ଆପି ମାଃ ତାୟମ୍‌ତେ ଇନ୍‌କିନ୍ ଯୀଶୁକେ ମାନ୍‌ିର୍‌ଅଡଃରେକିନ୍  
ନାମ୍‌କିୟାଃ, ଧାରାମ୍‌ଗୁରୁକ ଆଲାରେ ଦୁବ୍‌କେଦ୍‌ତେ ଇନ୍‌କୁଆଃ କାଜି  
ଆୟୁମ୍‌ତାଇକେନାଏ ଆଡଃ ଇନ୍‌କୁକେ କୁଲିକତାନ୍ ତାଇକେନାଏ  
। ୪୭ ଇନିୟାଃ ବାଣ୍‌ଣ୍ ଆୟୁମ୍‌ତାନ୍ ସବେନ୍ ହଡ଼କ ଇନିୟାଃ  
ସେଣ୍‌ ଆଡଃ କାଜିରୁହାଡ଼୍‌ରେ ଆକ୍‌ଦାନ୍‌ଅୟାନାକ । ୪୮ ଇନିୟାଃ  
ଏଙ୍ଗାଆପୁ ଇନିଃକେ ନେଲ୍‌କିଃତେ ଆକ୍‌ଦାନ୍‌ଅୟାନାକିନ୍, ଆଡଃ

✨ ୨:୩୯ ୨:୩୯ ମାଥୁର ୨:୨୩. § ୨:୪୦ ୨:୪୦ ସାୟାଦ୍ ଆନୁଗ୍ରାହା

ଏଞ୍ଜାତେ ଇନିଃକେ କୁଲିକିୟାଏ, “ଏ ହନ୍, ଆମ୍ ବିକାନାଙ୍ଗ୍‌ତେ ନେକାକେଦ୍‌ଲିୟାମ୍ ? ନେଲେମେ, ଆପୁମ୍ ଆତଃ ଆଇଙ୍ଗ୍ ଦୁକୁତାନ୍‌ଲଃ ଦାଣାଁବାଡ଼ାମେଁ ତାନାଲିଙ୍ଗ୍ ତାଇକେନା ।”

୪୯ ଯୀଶୁ ଇନ୍‌କିନ୍‌କେ କାଜିକେଦ୍‌କିନାଏ, “ତିନାଃମେନ୍ତେବେନ୍ ଦାଣାଁବାଡ଼ାଇଙ୍ଗ୍ ତାଇକେନା ? ଚିୟାଃ ଆଇଙ୍ଗ୍‌କେ ଆପୁଇୟାଃ ଅଡ଼ାଃରେ ତାଇନଃ ଲାଗାତିଙ୍ଗ୍‌ୟାଃ ଏନାଟି କାବେନ୍ ସାରିତାନ୍ ତାଇକେନା ?” ୫୦ ମେନ୍‌ଦ ଇନିଃ ଇନ୍‌କିନ୍‌କେ କାଜିୟାଦ୍‌କିନ୍ କାଜିକେ ଇନ୍‌କିନ୍ କାକିନ୍ ଆବ୍‌କାର୍‌ଉରୁମ୍‌କେଦାଃ ।

୫୧ ଏନ୍ତେ ଯୀଶୁ ଇନ୍‌କିନ୍‌ଲଃ ନାଜ୍‌ରେଡ଼ତେ ସେନଃୟାନାଏ, ଆତଃ ଇନ୍‌କିନାଃ କାଜିକ ମାନାତିଙ୍ଗ୍‌ତାନ୍‌ଲଃ ତାଇୟାନାଏ । ମେନ୍‌ଦ ଇନିୟାଃ ଏଞ୍ଜାତେ ଏନ୍ ସବେନ୍ କାଜି ଆୟାଃ ମନ୍‌ରେୟାଏ ଦହକେଦା । ୫୨ ଆତଃ ଯୀଶୁ ସେଣାଁତେ, ହଡ଼ମ୍‌ତେ ଆତଃ ପାର୍‌ମେଶ୍ୱାର୍ ଆତଃ ହଡ଼କଆଃ ସାୟାଦ୍‌ରେ ହାରା ଇଦିୟାନାଏ ।

## ୩

ବାପ୍ତିସ୍ମା ଏମଃନିଃ ଯୋହାନ୍‌ଆଃ ପ୍ରାଚାର୍

(ମାଥୁଉ ୩:୧-୧୨; ମାର୍କ ୧:୧-୮; ଯୋହାନ୍ ୧:୧୯-୨୮)

୧ ଡିବିରିୟା କାଇସାର୍‌ଆଃ ରାଇଜ୍‌ତାନ୍ ପାନ୍‌ରା ବାରାଷ୍ ତାଇକେନ୍ ଇମ୍‌ତା ପନ୍ତିୟ୍‌ ପିଲାତୁୟ୍ ଯିହୁଦାରେନ୍ ଲାଟ୍‌ସାହେବ୍ ତାଇକେନାଏ, ଆତଃ ହେରୋଦ୍ ଗାଲିଲ୍‌ରେନ୍ ମିଦ୍‌ହାନାଟିଙ୍ଗ୍ ରାଜା, ହାଗାତେ ଫିଲିପ୍ ଇଡୁରିୟା ଆତଃ ତ୍ରାଖୋନିତିଆରେନ୍ ମିଦ୍‌ହାନାଟିଙ୍ଗ୍ ରାଜା, ଆତଃ ଲୁସାନିଆଁ ଅବିଲିନିରେନ୍ ମିଦ୍‌ହାନାଟିଙ୍ଗ୍ ରାଜା ତାଇକେନାଏ । ୨ ହାନାନ୍ ଆତଃ କାୟ୍‌ଫା ନୁଡୁମ୍ ମାରାଙ୍ଗ୍ ଯାଜାକ୍ ତାଇକେନ୍‌ପାରିୟାରେ ପାର୍‌ମେଶ୍ୱାର୍‌ଆଃ କାଜି ଜାଖ୍‌ରିୟାରାଃ ହନ୍ ବାପ୍ତିସ୍ମା ଏମଃନିଃ ଯୋହାନ୍‌ତାଃତେ ବିର୍‌ରେ ସେଟେରୟାନା । ୩ ଏନାତେ ଇନିଃ ଯାଦାନ୍ ଗାଡ଼ା ଯାପାଃରେୟାଃ ସବେନ୍‌ସାଃତେ ସେନ୍‌କେଦ୍‌ତେ “ପାପ୍ ଛାମା ନାମେନାଗେନ୍ତେ ମନ୍‌ରୁହାଡ଼ରେୟାଃ ବାପ୍ତିସ୍ମା” ଉଦୁବ୍‌ବାଡ଼ା ତାନାଏ ତାଇକେନା ।

୪ ଜେ'ଲେକା ନେଆଁଦ୍ ଯିଶାୟ ନାବୀୟାଃ କାଜିରେୟାଃ ପୁଥ୍‌ରେ ଅଲାଇକାନା,

“ଜେତାଏ ବିରରେ କାଉରିତାନନ୍ଦିୟାଃ ସାଡ଼ି ଆୟୁମଃତାନା,  
ପ୍ରାଭୁଆଃ ହରା ବାଇୟେପେ,  
ଇନିୟାଃ ହରା ସିଧାଏପେ

୫ ସବେନ୍ ଗାଡ଼ା ପେରେଜଃଆଃ,  
ସବେନ୍ ବୁରୁ ଆତଃ ଗୁରୁ ଲାତାରଆଃ ।

ବେଙ୍କଆକାନ୍ ହରାକ ସିଧାଅଃଆ  
ଆତଃ ଗାଡ଼ା ତିପା ହରାକ ସବେନ୍ ସାମ୍ବାଇୟଆଃ ।

୬ ଆତଃ ସବେନ୍ ହଡ଼କ ପାର୍ମେଶ୍ଵାରଆଃ ପାରିତ୍ରାଣକ ନେଲେୟାଃ  
।”

୭ ✨ଯୋହାନ୍ତାଃତେ ବାପ୍ତିସ୍ମା ଇଦିନାଗେନ୍ତେ ହିଜୁଆକାନ୍ ପୁରାଃ  
ଫାରୁଣୀ ଆତଃ ସାଦୁକି ହଡ଼କକେ କାଜିୟାଦକଆଏ, “ଏ ବିଙ୍କକଆଃ  
ହନ୍କ !” ହିଜୁଃତାନ୍ ମାରାଙ୍ଗ ଏନେସେଦ୍‌ଏତେ\* ନିର୍ ନାଗେନ୍ତେ  
“ଅକଏ ଆପେକେ ଚେତାଝାଦ୍‌ପେୟାଏ ? । ✨ଆପେ ସାର୍‌ତିଗି  
ପାପ୍‌ଏତେ ହେୟାତିଙ୍କକାଦ୍‌ରେଦ ଆପେୟାଃ ବୁଗିନ୍ କାମିତେ  
ଉଦୁବେନ୍‌ପେ । ଆତଃ ଆବ୍ରାହାମ୍ ଆଲେୟାଃ ଆପୁ ତାନିଃ ମେନ୍ତେ  
ଆପେ ତିତିକେଦ୍‌ତେ କାଜିତାନ୍‌ଲଃ ନେ ସାଜାଇଏତେ ବାଞ୍ଚାଝାଃଲେ  
ମେନ୍ତେ ଆଲ୍‌ପେ ଉଡ଼ୁୟା । ଚିୟାଃତି ଆଇଙ୍ଗ୍ ଆପେକେ କାଜିୟାପେ  
ତାନାଇଙ୍ଗ୍ ପାର୍ମେଶ୍ଵାର୍‌ଦ ନେ ଦିରିକଏତେ ଆବ୍ରାହାମ୍ ନାଗେନ୍ତେ  
ହନ୍କଏ ବାଇଦାଡ଼ିୟା ! ✨ଆତଃ ନାହାଁଃ ଦାରୁରେୟାଃ ବୁଗାରେ  
ହାକେ ମାଣ୍ଡାଝା କାନା; ଅକନ୍ ଦାରୁ ବୁଗିନ୍ ଜ କା ଜଅଃଆ ଏନାକେ  
ମାଗଃଆ ଆତଃ ସେଙ୍ଗେଲ୍‌ରେ ହୁରାଙ୍ଗ୍‌ଅଃଆ ।”

୧୦ ଏନ୍ତେ ଗାଦେଲ୍ ହଡ଼କ ଇନିଃକେ କୁଲିକିୟାଃକ, “ତାବ୍‌ଦ  
ଆଲେ ଚିନାଃଲେ ଚିକାୟା ?”

୧୧ ଯୋହାନ୍ ଇନ୍‌କୁକେ କାଜିରୁହାଡ଼ାଦକଆଏ, “ଅକଏତାଃରେ  
ବାରିଆ ତୁସିଙ୍ଗ୍ ଲିଜାଃ ମେନାଃ, ଇନିଃ ଅକଏତାଃରେ ବାନଆଃ  
ଇନିଃକେ ମିଦ୍ ହାଟିଙ୍ଗ୍ ଏମାଇକାଏ, ଆତଃ ଅକଏତାଃରେ ଜମେୟାଁ  
ମେନାଃ, ଇନିଃହ ଏନ୍‌କାଗି ହାଟିଙ୍ଗ୍‌ୟେକାଏ ।”

✨ ୩:୬ ୩:୬ ମାଥୁର ୧୨:୩୪; ୨୩:୩୩. \* ୩:୭ ୩:୭ ଏନେସେଦ୍‌ଏତେଖ୍‌ଏତେ  
✨ ୩:୮ ୩:୮ ଯୋହାନ୍ ୮:୩୩. ✨ ୩:୯ ୩:୯ ମାଥୁର ୭:୧୯.



୧୨ ✨ଆଡ଼଼ ମାଲ୍‌ହାରମ୍‌କହ ବାପ୍ତିସ୍ମା ଇଦିନାଙ୍ଗକ ହିଜୁଃୟାନା ଆଡ଼଼ ଯୋହାନକେକ କୁଲିକିୟାଃ, “ହେ ଗୁରୁ ଆଲେ ଚିନାଃଲେ ଚିକାଏୟା ?”

୧୩ ଏନ୍ତେ ଇନିଃ ଇନ୍‌କୁକେ କାଜିକେଦ୍‌କଆଏ, “ଆପେକେ ଚିମିୟାଙ୍ଗ ଇଦିନାଙ୍ଗ କାଜିୟାକାନା, ଏନାଏତେ ଆଦ୍‌କା ଆଲ୍‌ପେ ହାରୋମେୟା ।”

୧୪ ଆଡ଼଼ ପାଲ୍‌ଟାନ୍‌କ ଯୋହାନକେକ କୁଲିକିୟାଃ, “ଆଲେ ଚିନାଃଲେ ଚିକାୟା ?” ଇନ୍‌କୁକେ କାଜିକେଦ୍‌କଆଏ, “ପେଡ଼େଃତେ ଚାଏ ବେଦାତେ ଆଡ଼଼ ହାଡ଼କାଅକେଦ୍‌ତେ ଜେତାଏୟାଃ ଖୁଜ୍‌ ଆଲ୍‌ପେ ଇଦିୟା ଆଡ଼଼ ଆପେୟାଃ ନାଲ୍‌ରେ ସୁକୁଆକାନ୍‌ପେ ।”

୧୫ ସବେନ୍ ହଡ଼କ ବାଞ୍ଛାଅନିଃକେ ନେଲ୍‌ହରାତାନ୍‌କ ତାଇକେନ୍ ହରାତେ, ଯୋହାନକେ ଖ୍ରୀଷ୍ଟ ତାନିଃ ମେନ୍ତେ ଆକଆଃ ମନ୍‌ରେ ପାହାମ୍ ତାଇକେନାକ । ୧୬ ଏନାମେନ୍ତେ ଯୋହାନ ଇନ୍‌କୁକେ କାଜିକେଦ୍‌କଆଏ, “ଆଇଙ୍ଗଦ ଦାଆଃତେ ବାପ୍ତିସ୍ମାପେ ତାନାଇଙ୍ଗ ମେନ୍‌ଦ ଆଇଙ୍ଗଏତେ ପେଡ଼େୟାନ୍‌ନିଃ ହିଜୁଃତାନାଏ, ଇନିୟାଃ ଖାର୍‌ପାରେୟାଃ ତନଲ୍ ରାଡ଼ାଏ ଲେକାନିଃହ ଆଇଙ୍ଗ ନାହାଁଲିଙ୍ଗ । ଇନିଃ ଆପେକେ ପାବିତାର୍ ଆମ୍ବା ଆଡ଼଼ ସେଙ୍ଗେଲ୍‌ତେ ବାପ୍ତିସ୍ମାପେୟା । ୧୭ ଆୟାଃ ତିଃଇରେ ହାଗାଆଃ ମେନାଃ, ଏନାତେ କଲମ୍‌ରେୟାଃ ଗହମ୍ ଆଡ଼଼ ବାବା ଗୁମ୍ ସାଫାକେଦ୍‌ତେ ଆୟାଃ ଭାଣ୍ଡାର ଅଡ଼ାଃରେ ମାଣ୍ଡାୟା ଆଡ଼଼ ପେଟେକେ କା ଇଣ୍‌ ଜଃ ସେଙ୍ଗେଲ୍‌ରେ ଅଣ୍ଡୁର୍‌ଏଣ୍ଡାଗେୟା ।”

୧୮ ନେ ଲେକା ଆଡ଼଼ଃଗି ପୁରାଃ ଏଟାଃ ଇନିତୁ କାଜିକତେ ଯୋହାନ ହଡ଼କକେ ସୁକୁକାଜି ଉଦୁବାକତାନ୍ ତାଇକେନା । ଆଡ଼଼ ମନ୍‌ରୁହାଡ଼୍ ନାଗେନ୍ତେ ଇନ୍‌କୁକେ ଆରୁକେଦ୍‌କଆ । ୧୯ ✨ମେନ୍‌ଦ ମିଦ୍ ହାନାଟିଙ୍ଗ୍‌ରେନ୍ ରାଜା ହେରୋଦ୍ ଆୟାଃ ହାଗାତେୟାଃ କୁଡ଼ି ହେରୋଦିୟାଲଃ ଆଣ୍ଡିୟାନ୍ ନାଗେନ୍ତେ ଆଡ଼଼ ହେରୋଦ୍ କାମିକେଦ୍ ସବେନ୍ ଏଡ଼କାନାଃ ନାଗେନ୍ତେ ଯୋହାନ ହେରୋଦ୍‌କେ ମାରାଙ୍ଗ୍ ମଚାକିୟାଏ । ୨୦ ଏନା ନାଗେନ୍ତେ ହେରୋଦ୍ ଯୋହାନକେ ଜେହେଲ୍‌କିୟାଏ ଆଡ଼଼ ନେ ଲେକାତେ ଇନିଃ ଆୟାଃ ଏଡ଼କାନାଃକେ ଆଦ୍‌କାକେଦା ।

✨ ୩:୧୨ ୩:୧୨ ଲୁକ ୭:୨୯. ✨ ୩:୧୯ ୩:୧୯ ମାଥୁଇ ୧୪:୩,୪; ମାର୍କ ୬:୧୭,୧୮.

ଯୋହାନ୍ ଯୀଶୁକେ ବାପ୍ତିସ୍ମାକିୟାଏ

(ମାଥୂଉ ୩:୧୩-୧୭; ମାର୍କ ୧:୯-୧୧; ଯୋହାନ୍ ୯:୨୩-୩୫)

<sup>୨୧</sup> ସବେନ୍ ହଡକ ବାପ୍ତିସ୍ମାୟାନ୍ତେ ଯୀଶୁ ହରି ବାପ୍ତିସ୍ମାୟାନାଏ । ଆଡ଼ଃ ଇନିଃ ବିକ୍ରିତାନ୍ ଇମତାଙ୍ଗ ସିର୍ମା ନିଜୟାନା, <sup>୨୨</sup> ଆଡ଼ଃ ପାବିତାର୍ ଆମ୍ବା ଦୁଦୁମୁଲ୍ଲେକା ନେଲଃ ହଡ଼ମ୍, ଯୀଶୁଆଃ ତେତାନ୍ତରେ ଆଡ଼ଗୁୟାନା ଆଡ଼ଃ “ଆମ୍ ଆଇୟାଃ ଦୁଲ୍ଲାଡ୍ ହନ୍, ଆଇଙ୍ଗ୍ ଆମକେ ପୁରାଃ ସୁକୁଆମତାନାଇଙ୍ଗ୍” ମେନ୍ତେ ସିର୍ମାଏତେ ଆୟୁମୟାନା ।

ୟୀଶୁଆଃ କିଲିରେନକ

(ମାଥୂଉ ୧:୧-୧୭)

<sup>୨୩</sup> ଯୀଶୁ ଆୟାଃ ସେଝାଏଟେଦକେଦ୍ ଇମତାଙ୍ଗ୍ ତିରିଶ୍ ବାରାଷ୍ରେନ୍ ଲେକାଏ ତାଇକେନା ଆଡ଼ଃ ଇନିଃ ହଡକଆଃ ସାରିଲେକାତେ ଯୋଷେଫ୍ଆଃ ହନ୍, ଆଡ଼ଃ ଯୋଷେଫ୍ ଏଲିଆଃ ହନ୍, <sup>୨୪</sup> ଏଲି ମାଡ଼ଆଡ଼ତାଃ ହନ୍, ମାଡ଼ଆଡ଼ ଲେବୀଆଃ ହନ୍, ଲେବୀ ମଲ୍ଲଖୀଆଃ ହନ୍, ମଲ୍ଲଖୀ ଯାନ୍ନୟାଃ ହନ୍, ଯନ୍ନୟ ଯୋଷେଫ୍ଆଃ ହନ୍, <sup>୨୫</sup> ଯୋଷେଫ୍ ମାଭିଥ୍ୟାରାଃ ହନ୍, ମାଭିଥ୍ୟା ଆମୋସ୍ଆଃ ହନ୍, ଆମୋସ୍ ନାହୁମ୍ଆଃ ହନ୍, ନାହୁମ୍ ଏସ୍ଲିଆଃ ହନ୍, ଏସ୍ଲି ନଗୟାଃ ହନ୍, <sup>୨୬</sup> ନଗୟ ମହଥ୍ୟାଃ ହନ୍, ମହଥ୍ୟା ମାଭିଥ୍ୟାରାଃ ହନ୍, ମାଭିଥ୍ୟା ଶିମୟୀଆଃ ହନ୍, ଶିମୟୀ ଯୋସେଖାୟାଃ ହନ୍, ଯୋସେଖା ଯୋଦାୟାଃ ହନ୍, <sup>୨୭</sup> ଯୋଦା ଯୋହାନ୍ଆଃ ହନ୍, ଯୋହାନ୍ ରେଷାଆଃ ହନ୍, ରେଷା ଜିରୁବାବେଲ୍ଆଃ ହନ୍, ଜିରୁବାବେଲ୍ ଶଲ୍ଲଟିୟେଲ୍ଆଃ ହନ୍, ଶଲ୍ଲଥୀୟେଲ୍ ନେରୀଆଃ ହନ୍, <sup>୨୮</sup> ନେରୀ ମଲ୍ଲଖୀଆଃ ହନ୍, ମଲ୍ଲଖୀ ଅଦୀଆଃ ହନ୍, ଅଦୀ କୋସାମ୍ଆଃ ହନ୍, କୋସାମ୍ ଏଲ୍ଲମାଦାନ୍ଆଃ ହନ୍, ଏଲ୍ଲମାଦାନ୍ ଏରଥାଃ ହନ୍, ଏର୍ ଯିହୋଶିୟରାଃ ହନ୍, <sup>୨୯</sup> ଯିହୋଶିୟ ଏଲିୟାଜାର୍ଆଃ ହନ୍, ଏଲିୟାଜାର୍ ଯୋରିମ୍ଆଃ ହନ୍, ଯୋରିମ୍ ମାଡ଼ଆଡ଼ତାଃ ହନ୍, ମାଡ଼ଆଡ଼ ଲେବୀୟାଃ ହନ୍, <sup>୩୦</sup> ଲେବୀ ଶିମୋନ୍ଆଃ ହନ୍, ଶିମୋନ୍ ଯିହୁଦାଃ ହନ୍, ଯିହୁଦା ଯୋଷେଫ୍ଆଃ ହନ୍, ଯୋଷେଫ୍ ଯୋନାମ୍ଆଃ ହନ୍, ଯୋନାମ୍ ଏଲିୟାକିମ୍ଆଃ ହନ୍, <sup>୩୧</sup> ଏଲିୟାକିମ୍ ମଲ୍ଲହାଆଃ ହନ୍, ମଲ୍ଲହା ମନ୍ନାୟାଃ ହନ୍, ମନ୍ନା ମତଥାୟାଃ ହନ୍, ମତଥା

☆ ୩:୨୨ ମାଥୂଉ ୩:୧୭; ମାର୍କ ୧:୧୧; ଲୁକ ୯:୩୫.

ନାଥାନୁଆଃ ହନ୍, ନାଥାନୁ ଦାଉଦୁଆଃ ହନ୍, ୩୨ ଦାଉଦୁ ଯିଶିଆଃ ହନ୍, ଯିଶି ଓବେଦୁଆଃ ହନ୍, ଓବେଦୁ ବୋୟାଜୁଆଃ ହନ୍, ବୋୟାଜୁ ଶାଲୁମନ୍‌ଆଃ ହନ୍, ଶାଲୁମନ୍ ନହଗୋନ୍‌ଆଃ ହନ୍, ୩୩ ନହଗୋନ୍ ଅମ୍ମାନାଦୁଆଃ ହନ୍, ଅମ୍ମାନାଦୁ ଅବ୍ଲିନ୍‌ଆଃ ହନ୍, ଅବ୍ଲିନ୍ ଅର୍ଣ୍ଣୁଆଃ ହନ୍, ଅର୍ଣ୍ଣୁ ହେସ୍ତୋନ୍‌ଆଃ ହନ୍, ହେସ୍ତୋନ୍ ପେରସ୍‌ଆଃ ହନ୍, ପେରସ୍ ଯିହୁଦାଃ ହନ୍, ୩୪ ଯିହୁଦା ଯାକୁବ୍‌ଆଃ ହନ୍, ଯାକୁବ୍ ଇସାକ୍‌ଆଃ ହନ୍, ଇସାକ୍ ଆବ୍ରାହାମ୍‌ଆଃ ହନ୍, ଆବ୍ରାହାମ୍ ଥେରହୁଆଃ ହନ୍, ଥେରହ ନାହୋରୁଆଃ ହନ୍, ୩୫ ନାହୋରୁ ସରୁଗୁଆଃ ହନ୍, ସରୁଗୁ ରଗୁଆଃ ହନ୍, ରଗୁ ଫେଲଗୁଆଃ ହନ୍, ଫେଲଗୁ ଏବରୁଆଃ ହନ୍, ଏବରୁ ଶେଲହୁଆଃ ହନ୍, ୩୬ ଶେଲହ କେନାନୁଆଃ ହନ୍, କେନାନୁ ଅର୍ଫକ୍ଷାଦୁଆଃ ହନ୍, ଅର୍ଫକ୍ଷାଦୁ ଶେମ୍‌ଆଃ ହନ୍, ଶେମ୍ ନୁହୁଆଃ ହନ୍, ନୁହୁ ଲାମାକ୍‌ଆଃ ହନ୍, ୩୭ ଲାମାକ୍ ମଥୁଶେଲହୁଆଃ ହନ୍, ମଥୁଶେଲହ ହନୋକ୍‌ଆଃ ହନ୍, ହନୋକ୍ ଯେରଦୁଆଃ ହନ୍, ଯେରଦୁ ମହଲଲେଲୁଆଃ ହନ୍, ମହଲଲେଲ କେନନ୍‌ଆଃ ହନ୍, ୩୮ କେନନ୍ ଏନୋଗୁଆଃ ହନ୍, ଏନୋଗୁ ଶେଥ୍‌ଆଃ ହନ୍, ଶେଥ୍ ଆଦାମ୍‌ଆଃ ହନ୍, ଆଦାମ୍ ପାର୍‌ମେଶ୍‌ଆଃ ହନ୍ ।

### ୪

**ୟୀଶୁକେ ସାଏତାନ୍‌ଆଃ ବିତାଅ  
(ମାଥୁ ୪:୧-୧୧; ମାର୍କ ୧:୧୨-୧୩)**

୧ ୟୀଶୁ ପାବିତାରୁ ଆମ୍‌ତେ ପେରେଃୟାନଲଃ ଯାଦାନୁ ଗାଡାଏତେ ରୁହାଡୁୟାନାଏ ଆଡଃ ଆମ୍‌ ଇନିଃକେ ବିରତେ ଇଦିକିୟା । ୨ ଏଡ୍ରାଃରେ ବାରହିସି ନିଦାସିଜି ଜାକେଦୁ ସାଏତାନ୍ ଇନିଃକେ ବିତାଅକିୟା । ଏନ୍ ହୁଲାଙ୍‌କରେ ଇନିଃ ଜେଡନାଃ କାଏ ଜମ୍‌କେନା, ଆଡଃ ଏନ୍ ନେଡା ଟୁଣ୍ଡୁୟାନରେ ରେକେଦ୍‌କିୟାଃ ।

୩ ସାଏତାନ୍ ୟୀଶୁକେ କାଜିକିୟାଏ, “ଆମ୍ ପାର୍‌ମେଶ୍‌ଆଃ ହନ୍ ତାନ୍‌ମେରେଦ ନେ ଦିରିକକେ ହଲଙ୍ ବାଇୟଃକା ମେନ୍ତେ ଆଡୁତାମ୍ ।”

୪ ୟୀଶୁ କାଜିରୁହାଡୁକିୟାଏ, “ନେଆଁ ଧାରାମ୍‌ପୁଥୁରେ ଅଲାନାନା, ‘ହଡ ହଲଙ୍‌ତେ ଏସକାରୁ କାଏ ଜାହିଦଃଆ ।’ ”

୫ ସାଏତାନ୍ ଇନିଃକେ ମିଆଁଦ୍ ସାଲାଙ୍ଗି ଠାୟାଦ୍‌ତେ ଇଦିକିୟାଏ ଆଡ଼ଃ ଘାଡ଼ିକାଦ୍‌ରେଗି ଅତେଦିଶୁମ୍‌ରେୟାଃ ସବେନ୍ ରାଇଙ୍ଗ୍ ଉଦୁବ୍‌କିୟାଏ ।<sup>୬</sup> ଆଡ଼ଃ ସାଏତାନ୍ ଯୀଶୁକେ କାଜିକିୟାଏ, “ଆଇଙ୍ଗ୍ ନେ ସବେନାଃରେୟାଃ ଆକ୍‌ତେୟାର୍ ଆଡ଼ଃ ସୁଗାଡ଼ାନ୍‌ତେୟାଃ ଆମ୍‌କେ ଏନାମେୟାଁଇଙ୍ଗ୍ ଚିୟାଃଚି ନେୟାଁ ସବେନ୍ ଆଇଁୟାଃ ଡିଃଇରେ ଏନାକାନା, ଆଡ଼ଃ ଆଇଙ୍ଗ୍ ଆଇଁୟାଃ ସାନାଙ୍ଗ୍ ଲେକା ନେ ସବେନାଃଇଙ୍ଗ୍ ଏମ୍ ଦାଡ଼ିୟାଃ ।<sup>୭</sup> ଏନାମେନ୍ତେ ଆଇଙ୍ଗ୍‌କେ ଇକ୍‌ଡ଼ମ୍‌କେଦ୍‌ତେ ଜହାରିଙ୍ଗ୍‌ରେଦମ୍ ନେୟାଁ ସବେନ୍ ଆମାଃଗି ହବାଅଆଃ ।”

୮ ଯୀଶୁ ଇନିଃକେ କାଜିକିୟାଏ, “ଆତମେନ୍‌ମେ ସାଏତାନ୍, ଚିୟାଃଚି ନେଆଁ ଧାରାମ୍‌ପୁଥିରେ ଅଲ୍‌କାନା, ‘ପ୍ରାଭୁ ଆମାଃ ପାର୍‌ମେଶ୍ୱାର୍‌କେ ଜହାରିମେ ଆଡ଼ଃ ଇନିଃକେ ଏସ୍‌କାର୍ ସୁସାରିମେ ।”

୯ ଏନ୍ତେ ସାଏତାନ୍ ଯୀରୁଶାଲେମ୍‌ତେ ଇଦିକିଃତେ ମାନ୍ଦିର୍ ଅଡ଼ାଃରେୟାଃ ଚୁଚିରେ ତିଙ୍ଗୁକିୟା, ଆଡ଼ଃ କାଜିକିୟାଏ, “ଆମ୍ ପାର୍‌ମେଶ୍ୱାର୍‌ଆଃ ହନ୍ ତାନ୍‌ମେରେଦ୍ ନେତାଃଏତେ ଲାଡ଼ାର୍‌ତେ ତେଗାଅତାମେ ।<sup>୧୦</sup> ଚିୟାଃଚି ଧାରାମ୍‌ପୁଥିରେ ନେୟାଁ ଅଲ୍‌କାନା, ‘ଆମ୍‌କେ ତେଲାମେ ନାଗେନ୍ତେ ପାର୍‌ମେଶ୍ୱାର୍ ଆୟାଃ ଦୁଁଡ଼କକେ ଆରୁକଆ ।’<sup>୧୧</sup> ଆଡ଼ଃଗି ଧାରାମ୍‌ପୁଥିରେ ଅଲ୍‌କାନା, ‘ଆମାଃ କାଟା ଦିରିରେ ଆଲ୍‌କା ଠଗଃକା ମେନ୍ତେ ଇନ୍‌କୁ ଆକଆଃ ଡିଃଇତେକ ତେଲାମେୟାଁ ।”

<sup>୧୨</sup> ମେନ୍‌ଦ ଯୀଶୁ କାଜିରୁହାଡ଼କିୟାଏ, “ଧାରାମ୍‌ପୁଥିରେ ନେଆଁହଗି ଅଲ୍‌କାନା, ‘ପ୍ରାଭୁ ଆମାଃ ପାର୍‌ମେଶ୍ୱାର୍‌କେ ଆଲ୍‌ମ୍ ବିଡ଼ାଅଇୟା ।”

<sup>୧୩</sup> ସାଏତାନ୍ ସବେନ୍ ବିନିଡ଼ାଅ ଚାବାକେଦାଏ ଆଡ଼ଃ ଘାଡ଼ାଅ କା ନାମ୍ ଜାକେଦ୍ ଯୀଶୁକେ ବାଗିକେଦ୍‌ତେ ନିର୍‌ୟାନା ।

**ଯୀଶୁ ଗାଲିଲ୍‌ରେ ଇତୁକତାନାଏ**

(ମାଥୁ ୪:୧୨-୧୭; ମାର୍କ ୧:୧୪-୧୫)

<sup>୧୪</sup> ଏନ୍ତେ ଯୀଶୁ ପାବିତାର୍ ଆମ୍‌ତେ ପେଡ଼େଃ ନାମ୍‌ତାନ୍‌ଲଃ ଗାଲିଲ୍ ସାହାର୍‌ତେ ରୁହାଡ଼ୟାନାଏ, ଆଡ଼ଃ ଇନିୟାଃ ନୁଡୁମ୍ ଗାଲିଲ୍‌ରେୟାଃ ହପ୍‌ରଜାପାଃ ସବେନ୍‌ସାଃ ନିଡିର୍‌ୟାନା ।<sup>୧୫</sup> ଇନିଃ

ଇନ୍‌କୁଆଃ ସାମାଜ୍ ଅଡ଼ାଃକରେ ଇଡୁକେଦ୍‌କଆଏ ଆଡ଼ଃ ସବେନ୍‌କ ଇନିଃକେ ମାରାଜ୍‌କିୟାଃକ ।

ୟୀଶୁକେ ନାଜ୍‌ରେଡ଼ରେ କାକ ବିଶ୍ୱାସକିୟା

(ମାଥ୍‌ଉ ୧୩:୫୩-୫୮; ମାର୍କ ୬:୧-୬)

୧୭ ଏନ୍ ତାୟମ୍‌ତେ ଇନିଃ ନାଜ୍‌ରେଡ଼ତେୟାଏ ହିଜୁଃୟାନା, ଏନ୍ତାଃରେ ଇନିଃ ଆସୁଲ୍ ହାରାକାନ୍ ତାଇନାଏ, ଆଡ଼ଃ ଆୟାଃ ରିତି ଲେକାତେ ରୁଡ଼ୁ ହୁଲାଜ୍ ସାମାଜ୍ ଅଡ଼ାଃରେ ବଲୟାନ୍ତେ, ଧାରାମ୍‌ପୁଥ୍ ପାଡ଼ାଅ ନାଗେନ୍ତେ ବିରିଦ୍‌ୟାନାଏ । ୧୭ ଆଡ଼ଃ ଇନ୍‌କୁ ଯିଶାୟ ନାବୀୟାଃ ପୁଥ୍ ଇନିଃକେକ ଏମ୍‌କିୟାଃ, ଇନିଃ ଏନା ରାଡ଼ାକେଦ୍‌ତେ ନେଆଁ ଅଲ୍‌କାନ୍‌ତେୟାଃ ନାମ୍‌କେଦାଏ :

୧୮ “ପାର୍‌ମେଶ୍ୱାର୍‌ଆଃ ଆମ୍‌ା ଆଇଜ୍‌ରେ ମେନାଇୟାଃ,  
ତିୟାଃତି ନାରାଦୁରା ହଡ଼କତାଃରେ ସୁକୁକାଜି ଉଦୁବ୍ ନାଗେନ୍ତେ  
ଇନିଃ ଆଇଜ୍‌କେ ଆଭିଷେକ୍‌କାଦିୟାଁ ।

ତଲ୍‌କାନ୍‌କ ରାଡ଼ାଅଃରେୟାଃ କାଜି ଉଦୁବ୍ ନାଗେନ୍ତେ,  
କାଶାଁକାନ୍‌କ ନେନେଲ୍ ଦାଡ଼ିରେୟାଃ କାଜି ଉଦୁବ୍ ନାଗେନ୍ତେ,  
ଦୁକୁତେ ତେନାକାନ୍‌କଆଃ ଦୁକୁ ସାଜିନେ ନାଗେନ୍ତେ,

୧୯ ପାର୍‌ମେଶ୍ୱାର୍‌ଆଃ ଲିବୁୟାନ୍ ବାରାଷ୍‌ରେୟାଃ କାଜି ଉଦୁବ୍  
ନାଗେନ୍ତେ

ଆଇଜ୍‌କେ କୁଲାକାଦିୟାଃଏ ।”

୨୦ ଏନ୍ତେ ଯୀଶୁ ପୁଥ୍‌କୁଡ଼ାକେଦ୍‌ତେ ଦାସକେ ଏମ୍‌ରୁହାଡ଼କିୟାଏ ଆଡ଼ଃ ଦୁବ୍‌ୟାନାଏ । ସାମାଜ୍ ଅଡ଼ାଃରେନ୍ ସବେନ୍‌କ ଇନିଃକେ ଆରିଦାକାଇକ ତାଇକେନା । ୨୧ ଯୀଶୁ ଇନ୍‌କୁକେ କାଜିକେଦ୍‌କଆଏ, “ଆଇଜ୍‌ ପାଡ଼ାଅକେଦ୍ ଧାରାମ୍‌ପୁଥ୍‌ରେୟାଃ ନେ କାଜି ତିସିଜ୍ ଆପେୟାଃ ସାମ୍‌ନାଜ୍‌ରେ ପୁରାୟାନା ।”

୨୨ ଆଡ଼ଃ ସବେନ୍‌କ ଯୀଶୁଆଃ ବିଷାଏରେ ଗାଞ୍ଜା ଏମ୍ ଏଟେଦ୍‌କେଦାକ, ଆଡ଼ଃ ଇନିୟାଃ ମଚାଏତେ ଅଡ଼ଜ୍‌ଅଃତାନ୍ ସାୟାଦ୍‌ରାଃ କାଜିତେକ ଆକ୍‌ଦାନ୍‌ଆୟାନା । ଆଡ଼ଃ ଇନ୍‌କୁ କାଜିକେଦାଃକ, “ତିୟାଃ ନିଃ ଯୋଷେଫ୍‌ଆଃ ହନ୍ ନାହାଁଲିଃ ?”

୨୩ ଇନିଃ ଇନ୍‌କୁକେ କାଜିକେଦ୍‌କଆଏ, “ଆପେ ଆଇଜ୍‌କେ ସାର୍‌ଡ଼ିଗି ଏନ୍ ମାରି ଜନ୍‌କାପେ କାଜିୟାଇଜ୍‌ୟାଁ, ଏ ବାଇଦ୍ ଆମ୍‌

ଆମ୍ଭେ ବୁଝିନିଆଁ ଆତ୍ମାରେ କାହିଁ, ‘ଆମ୍ଭ କପରନାହୁମ୍ ସାହାରରେ କାମିକେଦ୍ ସବେନାଃଲେ ଆୟୁମାକାଦାଃ, ଏନା ନେ ଆମାଃ ଦିଶୁମ୍ରେୟ କାମିକେଦ୍ ।’” ୨୪ ✨ଆତ୍ମା ଯୀଶୁ ଇନ୍ଦ୍ରକେ ମେତାଦକଆ, “ଆଇଙ୍ଗ୍ ଆପେକେ ସାର୍ତ୍ତିଗିଙ୍ଗ୍ କାହିଁୟାପେତାନା, ‘ଜେତାଏ ନାବୀ ଆୟାଃ ନାଗାରରେ କାଏ ମାନାତିଙ୍ଗ୍ଆଃଆ ।’

୨୫ “ଆଇଙ୍ଗ୍ ଆପେକେ ସାର୍ତ୍ତି କାହିଁୟାପେ ତାନାଇଙ୍ଗ୍, ନାବୀ ଏଲିୟାଃ ଦିପିଲିରେ ଆପି ବାରାଷ୍ଟ୍ ତୁରିୟା ମାହିଁ ନା ଜାକେଦ୍ ସିର୍ମାଏତେ ଦାଆଃ କାଏ ଗାମାକେଦାଃ, ଏନାତେ ଗଟା ଦିଶୁମ୍ରେ ରିଙ୍ଗାକାନ୍ ତାଇକେନ୍ରେ ଇସ୍ରାଏଲ୍ ଦିଶୁମ୍ରେ ପୁରାଃଗି ରାଶ୍ଟ୍ରିକୃତିକ ତାଇକେନା । ୨୬ ମେନ୍ଦ୍ ସିଦୋନ୍ ଦିଶୁମ୍ରେୟାଃ ସାରିଫାଡ୍ ହାତୁରେନ୍ ମିଆଁଦ୍ ରାଶ୍ଟ୍ରିକୃତିତାଃ ଏଲିୟ କୁଲ୍ୟାନାଏ । ୨୭ ଆତ୍ମା ଏଲିଶାୟ ନାବୀୟାଃ ଦିପିଲିରେ ଇସ୍ରାଏଲ୍ରେ ପୁରାଃ ନାଗେୟାଅଞ୍ଜାକାନ୍ଦକ ତାଇକେନା ମେନ୍ଦ୍ ଇନ୍ଦ୍ରଏତେ ସୁରିୟା ଦିଶୁମ୍ରେନ୍ ନାମାନ୍ ଏସକାର୍ ଫାର୍ତିୟାନାଏ ।”

୨୮ ନେ କାହି ଆୟୁମ୍ରେକେଦ୍ ସାମାଜ୍ ଅତ୍ମାରେନ୍ ସବେନ୍ଦକ ଖୁସ୍ତେକ ପେରେୟାନା । ୨୯ ଆତ୍ମା ଇନ୍ଦ୍ର ବିରିଦ୍ୟାନ୍ତେ ଇନିଃକେ ସାହାରଏତେକ ଅତ୍ମାକିୟା ଆକଆଃ ସାହାର ବୁରୁ ଚେତାନ୍ରେ ତାଇକେନା । ଆତ୍ମା ଇନ୍ଦ୍ର ଇନିଃକେ ଇଲିଙ୍ଗ୍ ଉୟୁଗି ନାଗେନ୍ତେ ବୁରୁ ଚେତାନ୍ରେୟାଃ ଖାଈଣ୍ଡେକେ ଇଦିକିୟା । ୩୦ ମେନ୍ଦ୍ ଇନିଃ ଇନ୍ଦ୍ରଆଃ ଆଲା ଆଲାଏତେ ଅତ୍ମାୟାନ୍ଲଃ ସେନୟାନାଏ ।

**ୟୀଶୁ ବଙ୍ଗା ଏସେରାକାଇ ହଡ୍ଡକେ ବୁଝିକିୟାଏ**  
(ମାର୍କ ୧:୨୧-୨୮)

୩୧ ଯୀଶୁ ଗାଲିଲ୍ରେୟାଃ କପରନାହୁମ୍ ସାହାରତେ ହିନ୍ଦ୍ରକେଦ୍ରେ ରୁଡ୍ଡନ୍ ହୁଲାଙ୍ଗ୍ରେ ଇନିଃ ହଡ୍ଡକେ ଇତୁ ଏଟେଦ୍ରେକେଦ୍ଆଏ । ୩୨ ✨ଇନିୟାଃ ଇନିତୁରେ ହଡ୍ଡକ ଆକଦାଦାୟାନାକ, ଚିୟାଃଗି ଇନିଃ ଆକ୍ତେୟାର୍ ନାମାକାଦିନିଃଲେକା ଇତୁକତାନାଏ ତାଇକେନା । ୩୩ ସାମାଜ୍ ଅତ୍ମାରେ ମିଆଁଦ୍ ସଡ୍ଡା ଆମ୍ବାତେ ଏସେରାକାନ୍ ହଡ୍ଡ ତାଇକେନାଏ

✨ ୪:୨୪ ୪:୨୪ ଯୋହାନ୍ ୪:୪୪. ✨ ୪:୩୨ ୪:୩୨ ମାଥୁ ୭:୨୮,୨୯.

। ଇନିଃ ପୁରାଃ କାଉରିତାନ୍ଲଃ କାଜିକେଦାଏ, <sup>୩୪</sup> “ହାଏରେ, ହେ ନାଜ୍ରେତ୍ରେନ୍ ଯୀଶୁ ଆଲେଲଃ ଆମାଃ ଚିକାନ୍ କାମି ? ଆମ୍ ଚିନାଃ ଆଲେକେ ଜିୟନ୍ ନାଗେନ୍ତେମ୍ ହିଜୁଆକାନା ? ଆମ୍ ପାର୍ମେଶ୍ୱାର୍ଆଃ ପାବିତାର୍ନିଃ ତାନ୍ମେ, ଏନା ଆଇଙ୍ଫ୍ ସାରିତାନାଇଙ୍ଫ୍ ।”

<sup>୩୫</sup> ଯୀଶୁ ଇନିଃକେ ମାରାଙ୍ଫତାକେଦ୍ତେ କାଜିକିୟାଏ, “ହାପାଅଃମେ, ଆତଃ ଇନିଃତାଃଏତେ ଅତଙ୍ଫଅଃମେ ।” ଏନ୍ତେ ଏନ୍ ସତ୍ତରା ଆମ୍ ଇନିଃକେ ସବେନ୍କଆଃ ଆଲାରେ ଆଞ୍ଜାକିଦ୍ତି ଇନିୟାଃ ନକ୍ସାନ୍ କା ରିକାତାନ୍ଲଃ ଅତଙ୍ଫୟାନା ।

<sup>୩୬</sup> ହତ୍ତକ ଆକ୍ଦାନ୍ଦାୟାନ୍ଲଃକ କୁପୁଲିୟାନା, “ନେଆଁ ଚିଲ୍ଲକାନ୍ ଇନିତୁ ? ଇନିଃଦ ଆକ୍ତେୟାର୍ତେ ଆତଃ ପେଡେଃଲଃ ସତ୍ତରା ଆମ୍ କାକେ ଅତଙ୍ଫଅଃ ନାଙ୍ ଆଚୁକତାନାଏ ଆତଃ ଇନ୍କୁ ଇନିୟାଃ କାଜିକ ମାନାତିଙ୍ଫତାନା ।” <sup>୩୭</sup> ଏନ୍ତେଦ ଯୀଶୁଆଃ କାଜି କଚାକୁନି ସବେନ୍ସାଃରେ ନିତିର୍ୟାନା ।

### ଯୀଶୁ ପୁରାଃ ହତ୍ତକକେ ବୁଗିକତାନାଏ

(ମାଥ୍ୱ ୮:୧୪-୧୭; ମାର୍କ ୧:୨୯-୩୪)

<sup>୩୮</sup> ଯୀଶୁ ସାମାଜ୍ ଅତଃଏତେ ଶିମୋନ୍ଆଃ ଅତଃତେ ସେନଃୟାନାଏ । ପାତ୍ତରାସ୍ଆଃ ହାନାର୍ତେ ବରଞ୍ଜାନ୍ଗି ଉରିୟୁ ତାଇକେନା, ଆତଃ ଇନିୟାଃ ବୁଗିୟଃ ନାଗେନ୍ତେ ଯୀଶୁକେ ବିକ୍ତିକିୟାଃକ । <sup>୩୯</sup> ଏନ୍ତେ ଯୀଶୁ ଇନିୟାଃ ହେପାଦ୍ରେ ଡିଙ୍ଫ୍ୟାନ୍ଲଃ ଉରିୟୁକେ ମାରାଙ୍ଫତାକେଦାଏ ଆତଃ ଇନିଃ ଉରିୟୁଏତେ ବୁଗିୟାନା । ଆତଃ ଇମ୍ତାଙ୍ଗି ଇନିଃ ବିରିଦ୍କେଦ୍ତେ ଇନ୍କୁକେ ସୁସାର୍ ଏଟେଦ୍କେଦ୍କଆ ।

<sup>୪୦</sup> ସିଙ୍ଫିହାସ୍ତୁରଃ ତାନ୍ରେ ହତ୍ତକତାଃରେ ତାଇକେନ୍ ଦୁକୁହାସ୍ତୁତାନ୍ ସବେନ୍ ହତ୍ତକକେ ଯୀଶୁତାଃତେକ ଆଉକେଦ୍କଆ, ଇନିଃ ମିପିଆଦ୍ ହତ୍ତକଆଃରେ ତିଃଇ ଦହକେଦ୍ତେ ବୁଗିକେଦ୍କଆଏ । <sup>୪୧</sup> ଆତଃଗି, ପୁରାଃ ହତ୍ତକତାଃଏତେ ବଙ୍ଗାକ ଅତଙ୍ଫୟାନ୍ଲଃକ କାଉରିକେଦାଃ, “ଆମ୍ ପାର୍ମେଶ୍ୱାର୍ଆଃ ହନ୍ ତାନ୍ମେ ।” ମେନ୍ଦ୍ ଯୀଶୁ ଇନ୍କୁକେ ହାପାଅଃ ନାଗେନ୍ତେ ମାରାଙ୍ଫତା କେଦ୍କଆ, ଆତଃ ଇନିଃ ବଙ୍ଗାକକେ କାଏ କାଜି

ଇତିକେଦକଥା, ଚିୟାଃତି ଏନ୍ ବଙ୍ଗାକ ଇନିଃ ଖ୍ରୀଷ୍ଟ ତାନିଃ ମେନ୍ତେକ ସାରିତାଇକେନା ।

ସାମାଜ୍ ଅଡ଼ାଃରେ ଯୀଶୁଆଃ ଇନିତୁ

(ମାର୍କ ୧:୩୫-୩୯)

୪୨ ଆଙ୍ଗୟାନ୍ତି, ଯୀଶୁ ସାହାର୍‌ଏତେ ଅଡ଼ଙ୍ଗୟାନା ଆଡ଼ଃ ମିଆଁଦ୍ ସିଃସଏଃ ଠାୟାଦ୍‌ତେ ସେନଃୟାନାଏ । ଗାଦେଲ୍ ହଡ଼କ ଇନିଃକେ ଦାଣ୍ଠାଁ ନାମ୍‌କେଦ୍‌ତେ ଆୟାଃତାଃକ ହିଜୁଃୟାନା, ଆଡ଼ଃ ଇନିଃ ଆକତାଃଏତେ ଆଲକାଏ ସେନଃକା ମେନ୍ତେ କେସେଦିତାନ୍‌କ ତାଇକେନା । ୪୩ ମେନ୍‌ଦ ଇନିଃ କାଜିୟାଦ୍‌କଥାଏ, “ଏଟାଃ ନାଗାର୍‌ରେୟ ପାର୍‌ମେଶ୍‌ବାର୍‌ଆଃ ରାଇଜ୍‌ରେୟାଃ ସୁକୁକାଜି ଆଇଙ୍ଗ୍‌କେ ଉଦୁବ୍ ଲାଗାତିଙ୍ଗ୍‌ୟାଃ, ଚିୟାଃତି ଏନା ନାଗେନ୍ତେ ପାର୍‌ମେଶ୍‌ବାର୍‌ ଆଇଙ୍ଗ୍‌କେ କୁଲାକାଇଙ୍ଗ୍‌ୟା ।”

୪୪ ଆଡ଼ଃ ଇନିଃ ଯିହୁଦା ଦିଶୁମ୍‌ରେୟାଃ ସାମାଜ୍ ଅଡ଼ାଃକରେ ଇତୁକତାନାଏ ତାଇକେନା ।

### ୫

ୟୀଶୁ ପାହିଲା ଚେଲାକକେ କେଡ଼ାକେଦ୍‌କଥାଏ

(ମାଥ୍‌ଉ ୪:୧୮-୨୨; ମାର୍କ ୧:୧୭-୨୦)

୧୨ ମୁସିଙ୍ଗ୍ ଯୀଶୁ ଗିନେସରେଡ୍ ଦରେୟା ନାଡ଼େଃରେ ଡିଙ୍ଗୁଆକାନ୍ ତାଇକେନାଏ, ଆଡ଼ଃ ଗାଦେଲ୍ ହଡ଼କ ପାର୍‌ମେଶ୍‌ବାର୍‌ଆଃ କାଜି ଆୟୁମ୍ ନାଗେନ୍ତେ ଇନିଃକେ ଜୁରୁବିୟୁରାକାଇକ ତାଇକେନା, ୨ ଇନିଃ ବାରିଆ ଲାଉକା ଦରେୟା ଗେନାରେ ଦହଆକାନାଏ ନେଲ୍‌କେଦାଃ, ହାକୁସାବ୍ ହଡ଼କ ଏନ୍ ଲାଉକାଏତେ ଆଡ଼ଗୁକେଦ୍‌ତେ ଜାଲୋମ୍‌କ ଚାପିତାଇକେନା । ୩ ଯୀଶୁ ଏନାଏତେ ମିଆଁଦ୍ ଲାଉକାରେ ରକାବ୍‌ୟାନାଏ, ଏନାଦ ଶିମୋନ୍‌ଆଃ ତାଇକେନା ଆଡ଼ଃ ଯୀଶୁ ଇନିଃକେ ଦରେୟା ଗେନାଏତେ ହୁଡିଙ୍ଗ୍ ସାଙ୍ଗିନ୍‌ତେ ଇଦିମେ ମେନ୍ତେ ବିନ୍ତିକିୟାଏ । ଏନ୍ତେ ଇନିଃ ଲାଉକାରେ ଦୁବ୍‌ୟାନ୍ତି ଗାଦେଲ୍ ହଡ଼କକେ ଇତୁକେଦ୍‌କଥାଏ ।

☆ ୫:୧ ୫:୧ ମାଥ୍‌ଉ ୧୩:୧,୨; ମାର୍କ ୩:୯,୧୦; ୪:୧.



୪ ଇନିଃ କାଜିଚାବାକେଦ୍‌ଚି ଶିମୋନ୍‌କେ କାଜିକିୟାଏ, “ଲାଉକା ତାମାଃକେ ଇକିରତେ ଇଦିମେ ଆତଃ ହାକୁସାଏ ନାଗେନ୍ତେ ଜାଲୋମ୍ ତାମାଃ ହୁଦ୍‌ମାଏମେ ।”

୫ ☆ମେନ୍‌ଦ ଶିମୋନ୍ କାଜିକିୟାଏ, “ହେ ଗୁରୁ, ଆଲେ ମିଦ୍‌ନିଦାଲେ କାମିକେଦା ଆତଃ ମିଆଁଦ୍‌ହ ହାକୁ କାଲେ ସାବ୍‌କେଦ୍‌କଆ । ମେନ୍‌ଦ ଆମାଃ କାଜିତେ ଜାଲୋମ୍ ହୁଦ୍‌ମାୟାଈଙ୍ଗ୍ ।”<sup>୬</sup> ☆ଇନ୍‌କୁ ଜାଲୋମ୍ ହୁଦ୍‌ମାକେଦ୍‌ଚି ପୁରାଃ ହାକୁକ ଜାଲୋମ୍‌କେଦ୍‌କଆ, ଆତଃ ଇନ୍‌କୁଆଃ ଜାଲୋମ୍‌କ ଚାଗାଡ଼ଃତାନ୍ ତାଇକେନା ।<sup>୭</sup> ଇମ୍‌ତାଙ୍ଗ୍ ଇନ୍‌କୁ ଦେଙ୍ଗାମାଙ୍ଗ୍ ମେନ୍ତେ ଆକଆଃ ଗାଡିକକେ ହାକାଅ କେଦ୍‌କଆକ । ଆତଃ ଗାଡିକ ହିଜୁଃକେଦ୍‌ତେ ବାରିଆ ଲାଉକାରେ ନିମିନ୍ ହାକୁ ପେରେଃକେଦ୍‌କଆକ ଯେ ଲାଉକା ତାକଆଃ ତୁବିଜଃତାନ୍‌ଲେକା ହବାଅଃ ତାଇକେନା ।  
 ୮ ଏନା ନେଲ୍‌କେଦ୍‌ତେ ଶିମୋନ୍ ପାଡ଼ରାଏ ଯୀଶୁଆଃ କାଟା ସୁବାରେ ଉୟୁଃୟାନାଏ ଆତଃ କାଜିକେଦାଏ, “ହେ ପ୍ରାଭୁ ଆଇଁୟାଃତାଃଏତେ ସାଜିନଃମେଁ, ଆଇଙ୍ଗ୍‌ଦ ପାପି ହଡ଼ ତାନିଙ୍ଗ୍ ।”

୯ ଶିମୋନ୍ ପାଡ଼ରାଏ ଆତଃ ଆୟାଃ ଗାଡିକ ମିସାତରା ନିମିନ୍ ହାକୁ ନେଲ୍‌କେଦ୍‌ତେ ଆକ୍‌ଦାନ୍‌ଆୟାନାକ ।<sup>୧୦</sup> ଆତଃ ଜେବଦୀୟାଃ ହନ୍ ଯାକୁବ୍ ଆତଃ ଯୋହାନ୍ ଶିମୋନ୍‌ଲଃ ମିସାତେ କାମି ତାଇକେନାକିନ୍ ଆତଃ ଏନ୍ ବାରାନ୍‌କିନ୍‌ହ ଆକ୍‌ଦାନ୍‌ଆୟାନାକିନ୍ । ଆତଃ ଯୀଶୁ ଶିମୋନ୍‌କେ କାଜିକିୟାଏ, “ଆଲମ୍ ବରଏୟା, ନାହାଁଃଏତେ ଆମ୍ ହଡ଼କକେ ପାର୍‌ମେଶ୍‌ବରତାଃତେ ଆଉକଆମ୍ ।”

୧୧ ଏନ୍ତେ ଇନ୍‌କୁ ଲାଉକାକକେ ଦରେୟା ଗେନାତେ ତେବାଃକେଦ୍‌ଚି ସବେନାଃ ବାଗିକେଦ୍‌ତେ ଯୀଶୁକେକ ଅତଙ୍ଗ୍‌କିୟା ।

ୟୀଶୁ ମିଆଁଦ୍ ନାଗେଘାଞ୍ଜାକାନ୍ ହଡ଼କେ ବୁଗିକିୟାଏ  
 (ମାଥୂ ୮:୧-୪; ମାର୍କ ୧:୪୦-୪୫)

୧୨ ଯୀଶୁ ମିଆଁଦ୍ ସାହାରରେ ତାଇକେନ୍ ଇମ୍‌ତା ଏନ୍ତାଃରେ ନାଗେଘାଅତେ ପେରେଜାକାନ୍ ମିଆଁଦ୍ ହଡ଼ ତାଇକେନାଏ । ଇନିଃ ଯୀଶୁକେ ନେଲ୍‌ଲଃଗି ଇକ୍‌ଡ଼୍‌ଲୁକେଦ୍‌ତେ ବିକ୍ରିତାନ୍‌ଲଃ କାଜିକିୟାଏ,

☆ ୫:୫ ୫:୫ ଯୋହାନ୍ ୨୧:୩. ☆ ୫:୭ ୫:୭ ଯୋହାନ୍ ୨୧:୬.

“ହେ ପ୍ରାଭୁ, ଆମ୍ଭ ସାନାଙ୍କରେଦ ଆଇଙ୍କକେ ବୁଗିନିୟାର ଦାଡ଼ିୟାମ୍  
 ।”

<sup>୧୩</sup> ଏନ୍ତେ ଯୀଶୁ ଆୟାଃ ତିଃଇ ଜିଲିଙ୍ଗକେଦ୍ତେ ଜୁଟିଦକିୟାଏ  
 ଆତଃ କାଜିକିୟାଏ, “ଆଇଙ୍ଗ ସାନାଙ୍ଗତାନିଙ୍ଗ୍ ଆମ୍ଭ ବୁଗିନିୟାରଃମେ  
 ।” ଆତଃ କାଜିତାନ୍ ତରସାଗି ଇନିୟାଃ ନାଗେଘାଅ ଫାର୍ତିୟାନା  
 । <sup>୧୪</sup> ଏନ୍ତେ ଯୀଶୁ ହୁକୁମକିୟାଏ, “ଜେତାଏକେ ନେ କାଜି ଆଲମ୍  
 ଉଦୁବକଆଃ, ମେନ୍ଦ, ଜୁ, ଯାଜାକ୍ତାଃରେ ଉଦୁବେନ୍ମେ ଆତଃ  
 ଇନିକୁଆଃ ଗାଞ୍ଜାନାଙ୍ଗ୍ ମୁଶାନାବୀ ଆରୁକାଦ୍ ଲେକାତେ ଆମାଃ  
 ଫାର୍ତିରେୟାଃ ଦାଣ୍ଟେ ରାକାବେମ୍ ।”

<sup>୧୫</sup> ଆତଃ ଯୀଶୁଆଃ ବିଷାଏରେୟାଃ କାଜି ପୁରାଃଗି ନିତିରୟାନା,  
 ଏନ୍ତେ ଇନିୟାଃ ଇତୁଆନ୍ କାଜିକ ଆୟୁମ୍ ନାଗେନ୍ତେ ଆତଃ  
 ଆକଆଃ ଦୁକୁଏତେ ବୁଗିୟାଃ ନାଗେନ୍ତେ ପୁରାଃ ଗାଦେଲ୍ ହଡ଼କ  
 ଇନିଃତାଃରେକ ହୁଣ୍ଡିୟାନା । <sup>୧୬</sup> ମେନ୍ଦ ଯୀଶୁ ସିଃସଏଃ ଠାୟାଦ୍ତେ  
 ସେନଃୟାନ୍ତେ ବିକ୍ତିକେଦାଏ ।

**ଯୀଶୁ ମିଆଁଦ୍ ବାଡ଼କାନିଃକେ ବୁଗି ତାନାଏ**

(ମାଥୂଃ ୯:୧-୮; ମାର୍କ ୨:୧-୧୨)

<sup>୧୭</sup> ମୁସିଙ୍ଗ୍ହୁଲାଙ୍ଗ୍ ଯୀଶୁ ଇତୁତାନାଏ ତାଇକେନା, ଏନ୍ତାଃରେ  
 ଫାରୁଶୀ ଆତଃ ଆଇନ୍ ଇତୁକ ଦୁବାକାନକ ତାଇକେନା, ଇନ୍କୁ  
 ଗାଲିଲ୍ରେୟାଃ ସବେନ୍ ହାତୁ ଆତଃ ଯିହୁଦା ଦିଶୁମ୍ରେୟାଃ ସବେନ୍  
 ହାତୁ ଆତଃ ଯୀରୁଶାଲେମ୍ଏତେ ହିଜୁଃକାନକ ତାଇକେନା । ଆତଃ  
 ଦୁକୁତାନ୍କକେ ବୁଗିନ୍ ନାଗେନ୍ତେ ପ୍ରାଭୁଆଃ ପେଡ଼େଃ ଯୀଶୁଲଃ  
 ତାଇକେନା । <sup>୧୮</sup> ହଡ଼କ ମିଆଁଦ୍ ବାଡ଼କାନିଃକେ ପାରକମ୍ରେ  
 ବାଟିୟାକାନଗି ଗଅଃ ଆଉକିୟାକ ଆତଃ ଇନିଃକେ ଭିତାର୍ତେ  
 ଇଦିକେଦ୍ତେ ଯୀଶୁଆଃ ସାମ୍ନାଙ୍ଗ୍ରେ ଦହନାଙ୍ଗ୍ ସାନାଙ୍ଗ୍ତାନ୍କ  
 ତାଇକେନା । <sup>୧୯</sup> ଗାଦେଲ୍ ହଡ଼କ ତାଇକେନ୍ ହରାତେ ଇନ୍କୁ  
 ଇନିଃକେ ଭିତାର୍ତେ ଆଉ ନାଙ୍ଗ୍ ହରା କାକ ନାମ୍କେଦା । ଏନାତେ  
 ଇନ୍କୁ ସାଡ଼ମି ତେତାନ୍ତେ ପାରକମ୍ଲଃଗି ଇନିଃକେ ତେଙ୍ଗଃ  
 ରାକାବ୍କିୟାଃକ ଆତଃ ସାଡ଼ମି ଖାପୁରା ଆତମ୍କେଦ୍ତେ ଯୀଶୁଆଃ  
 ସାମ୍ନାଙ୍ଗ୍ରେ ତୁଙ୍ଗା ଆଡ଼ଗୁକିୟାଃକ । <sup>୨୦</sup> ଯୀଶୁ ଏନ୍ ହଡ଼କଆଃ  
 ବିଶ୍ୱାସ୍ ନେଲ୍କେଦ୍ତେ କାଜିକିୟାଏ, “ଏ ଗାତି, ଆମାଃ ପାପକ  
 ଛାମାୟାନା ।”

୨୧ ଆଇନ୍ ଇତ୍ତୁକ ଆଡ଼ଃ ଫାରୁଶୀକ ଆକ ଆକରେ ଉଡ଼ୁକେଦାଃକ, “ପାର୍ମେଶ୍ଵାର୍‌କେ ନିନ୍ଦାକତାନ୍ ନେ ହଡ଼ ଅକଏ ତାନିଃ ? ପାର୍ମେଶ୍ଵାର୍‌କେ ବାଗିକେଦ୍‌ତେ ଆଡ଼ଃ ଅକଏ ପାପ୍‌ଛାମା ଦାଡ଼ିୟାଏ ?”

୨୨ ମେନ୍‌ଦ ଯୀଶୁ ଇନ୍‌କୁଆଃ ଉଡ଼ୁ ଆବ୍‌କାର୍‌କେଦ୍‌ତେ ମେତାଦ୍‌କଆଏ, “ଆପେ ଆପେୟାଃ ମନ୍‌ରେ ତିନାଃପେ ଉଡ଼ୁତାନା ? ୨୩ ଅକ୍‌ନାଃ ରାଞ୍ଜାଲାଃ ? ‘ପାପ୍ ତାମାଃକ ଛାମାୟାନା’ ମେନ୍ତେ କାଜିତେୟାଃ ରାଞ୍ଜାଲାଃ ତି ‘ବିରିଦ୍‌ମେ ଆଡ଼ଃ ସେନେମେ’ ମେନ୍ତେ କାଜିତେୟାଃ ? ୨୪ ମେନ୍‌ଦ ମାନଞ୍ଜାହନ୍‌ଆଃ ନେ ଅତେଦିଶ୍ଵମ୍‌ରେ ପାପ୍ ଛାମାରେୟାଃ ଆକ୍‌ତେୟାର୍‌ ମେନାଃ” ଏନା ଆପେ ସାରିକାମେନ୍ତେ, ଇନିଃ ଏନ୍ ବାଡ଼କାନ୍‌ନିଃକେ କାଜିକିୟାଏ, “ମାର ବିରିଦ୍‌ମେ ଆଡ଼ଃ ପାର୍‌କମ୍‌ତାମାଃ ଗଅଃକେଦ୍‌ତେ ଆମାଃ ଅଡ଼ାଃତେ ସେନଃମେ ।”

୨୫ ଇମ୍‌ତାଙ୍ଗି ଇନିଃ ଇନ୍‌କୁଆଃ ସାମ୍‌ନାଙ୍ଗ୍‌ରେ ବିରିଦ୍‌ୟାନାଏ, ଆଡ଼ଃ ଆୟାଃ ଗିତିଜାକାନ୍ ପାର୍‌କମ୍‌କେ ତେଙ୍ଗ୍‌କେଦ୍‌ତେ ପାର୍‌ମେଶ୍ଵାର୍‌ଆଃ ମାନାରାଙ୍ଗ୍ ଦୁରାଙ୍ଗ୍‌ତାନ୍‌ଲଃ ଅଡ଼ାଃତେ ସେନଃୟାନାଏ । ୨୬ ଏନ୍ତାଃରେ ତାକାନ୍ ସବେନ୍‌କ ଆକ୍‌ଦାନ୍‌ଅୟାନକ ଆଡ଼ଃ ପାର୍‌ମେଶ୍ଵାର୍‌କେ ମାରାଙ୍ଗ୍‌କିୟାକ, “ଆବୁ ତିସିଙ୍ଗ୍ ହାଏକାବ୍ କାମିବୁ ନେଲ୍‌କେଦା” ମେନ୍ତେ ବରତାନ୍‌ଲଃକ କାଜିକେଦା ।

**ୟୀଶୁ ଲେବୀକେ କେଡ଼ାଇତାନା**

(ମାଥ୍‌ଉ ୯:୯-୧୩; ମାର୍କ ୨:୧୩-୧୭)

୨୭ ଏନ୍ ତାୟମ୍‌ତେ ଯୀଶୁ ଅତଙ୍ଗ୍‌ୟାନା, ଆଡ଼ଃ ଲେବୀ ନୁତୁମ୍ ମିଆଁଦ୍ ମାଲ୍‌ହାରମ୍‌ନିଃକେ ମାଲ୍‌ହାରମ୍ ଠାୟାଦ୍‌ରେ ଦୁବାକାନାଏ ନେଲ୍‌କିୟା । ଯୀଶୁ ଇନିଃକେ ମେତାଇଜାଏ, “ଦେଲା ଅତଙ୍ଗ୍‌ଇଙ୍ଗ୍‌ମେ ।” ୨୮ ଆଡ଼ଃ ଲେବୀ ସବେନାଃ ବାଗିକେଦ୍‌ତେ ବିରିଦ୍‌ୟାନାଏ ଆଡ଼ଃ ଇନିଃକେ ଅତଙ୍ଗ୍‌କିୟା ।

୨୯ ଏନ୍ତେ ଲେବୀ ଆୟାଃ ଅଡ଼ାଃରେ ଯୀଶୁ ନାଗେନ୍ତେ ମିଆଁଦ୍ ମାରାଙ୍ଗ୍ ଜମେୟାଃ ବାଇକେଦାଏ, ଆଡ଼ଃ ପୁରାଃ ମାଲ୍‌ହାରମ୍‌କ ଆଡ଼ଃ ଏଗାଃ ହଡ଼କ ଇନ୍‌କୁଲଃକ ଜମ୍‌ତାଇକେନା । ୩୦ ✧ ମେନ୍‌ଦ

ଫାରୁଶୀ ଆଡ଼ ଆଇନ୍ ଇଡୁକ କୁର୍ବୁରାଅଃତାନଲଃ ଆୟଃ  
ଚେଲକକେ ମେତାଦକଆକ, “ଆପେ ମାଲହାରମ୍ଲକଃ ଆଡ଼  
ପାପିକଲଃ ଚିକା ନାଗେନ୍ତେ ଜମ୍, ନୁଁ ତାନାପେ ?”

୩୯ ଯୀଶୁ ଇନ୍କୁକେ କାଜିକେଦକଆଏ, “କା ହାସୁତାନକଆଃ  
ନାଗେନ୍ତେ ବାଇଦ୍ କା ଲାଗାତିଙ୍ଗୟ୍ଝାଃ ମେନ୍ଦ୍ ହାସୁତାନକଆଃ  
ନାଗେନ୍ତେ ବାଇଦ୍ ଲାଗାତିଙ୍ଗୟ୍ଝାଃ । ୩୯ ଆଇଙ୍ଗ୍ ଧାର୍ମାନ୍ ହଡକକେ  
କେଡ଼ା ନାଗେନ୍ତେ କାଇଙ୍ଗ୍ ହିଜୁଆକାନା, ମେନ୍ଦ୍ ପାପି ହଡକଆଃ  
ମନ୍ରୁହାଡ଼ଃ ନାଗେନ୍ତେ ହିଜୁଆକାନାଇଙ୍ଗ୍ ।”

**ରେଙ୍ଗେଃ କାଟାବ୍ରେୟାଃ କୁନୁଲି**  
(ମାଥୂଜ ୯:୧୪-୧୭; ମାର୍କ ୨:୧୮-୨୨)

୩୩ ଚିମିନ୍ ହଡକ ଯୀଶୁକେ କାଜିକିୟାଃକ, “ଯୋହାନ୍ଆଃ ଚେଲକ  
ମଣୈସା କାଟାବ୍ ଆଡ଼ ବିକ୍ରିୟାଃକ, ଏନ୍ଲେକା ଫାରୁଶୀକଆଃ  
ଚେଲକହ ରିକାଃକ, ମେନ୍ଦ୍ ଆମାଃ ଚେଲକ ସବେନ୍ ଇମ୍ତାଙ୍ଗ୍  
ଜମ୍ ନୁଁ ତାନାକ ।”

୩୪ ଯୀଶୁ ମେତାଦକଆଏ, “ଚିୟାଃ ଆଣ୍ଡିଅଡ଼ାଃରେ ଦୁଲ୍ଲକଡ଼ା  
ବାଲକଲଃ ତାଇନଃ ଜାକେଦ୍ ଆପେ ଚିୟାଃ ଇନ୍କୁକେ କାଟାବ୍ରିକା  
ଦାଡ଼ିୟାକଆପେ ? କାହାଗି ! ୩୪ ମେନ୍ଦ୍ ନେଡ଼ା ହିଜୁଆ  
ଚିମ୍ତାଙ୍ଗ୍ ଇନ୍କୁତାଃଏତେ ଦୁଲ୍ଲକଡ଼ା ବିନ୍ଗାଅଃଆଏ, ଇମ୍ତାଙ୍ଗ୍  
ଇନ୍କୁ କାଟାବ୍ ରିକାଏୟାକ ।”

୩୬ ଇନିଃ ଇନ୍କୁକେ ନେ ଜନ୍କା କାଜି କାଜିୟାଦକଆଏ,  
“ଜେତାଏ ନାଝା ଲିଜାଃରେୟାଃ କେଟାଃ ମାରି ଲିଜାଃରେ  
ଜଡ଼ାଇକେଦ୍ତେ କାକ ଦୁନାୟା । ଆଡ଼ ଏନ୍କାଲେରେଦ୍  
ନାଝା ଲିଜାଃଏ ଚାଗାଡ଼େୟା ଆଡ଼ ନାଝା ଲିଜାଃରେୟାଃ  
କେଟାଃ ମାରିଲିଜାଃରେ କା ମୋସାଅଃଆ । ୩୬ ଆଡ଼  
ଜେତାଏ ନାଝା ଦାଖ୍ରେସିକେ ମାରି ଉହୁର୍ଡୁମ୍ପାରେ ଜେତାଏ  
କାକ ଦୁଲ୍ଲପେରେଜେୟା । ଚିୟାଃଚି ନାଝା ଦାଖ୍ରେସି ମାରି  
ଉହୁର୍ଡୁମ୍ପାରେୟାଃ ଆଇଲକେ ଚାଗାଡ଼ତାଃଏ ଆଡ଼ ଦାଖ୍ରେସି  
ଲିଙ୍ଗ୍ ଏଣ୍ଟାଗଃଆ ଆଡ଼ ଉହୁର୍ରେୟାଃ ଆଇଲା ଜିୟନଃଆ  
। ୩୮ ମେନ୍ଦ୍ ନାଝା ଦାଖ୍ରେସିକେ ନାଝା ଉହୁର୍ଡୁମ୍ପାରେୟାଃ  
ଆଇଲାରେ ପେରେଃ ଲାଗାତିଙ୍ଗୟ୍ଝାଃ । ୩୯ ଆଡ଼ ଜେତାଏ ହଡ଼ ମାରି

ଦାଖରାସି ନୁଁକେଦ୍ ତାୟମ୍‌ତେ ନାଞ୍ଜା କାଏ ସାନାଙ୍‌ଆଃ, ଚିୟାଠି ଇନିଃଦ୍ ‘ମାରିତେୟାଃକେ ବୁଗିନ୍‌ତେୟାଃ ତାନାଃ’ ମେନେୟାଏ ।”



**ୟୀଶୁ ରୁଡ଼ନୁ ହୁଲାଙ୍‌ରେନ୍ ଗମ୍‌କେତାନିଃ**

(ମାଥୁଉ ୧୨:୧-୮; ମାର୍କ ୨:୨୩-୨୮)

୧ ରୁଡ଼ନୁ ହୁଲାଙ୍‌ରେ ଯୀଶୁ ହେରାକାନ୍ ପିଡ଼ି ଆଲାଆଲାତେ ସେନଃତାନି ତାଇକେନାଏ, ଆଡ଼ଃ ଆୟାଃ ଚେଲାକ ଗେଲେ ଜ'କେ ହଦ୍‌କେଦ୍‌ତେ ତିଃଇଲଃଃ ଇଡ଼କିଦ୍‌କେଦ୍‌ତେ ଜମ୍‌ତାନ୍‌କ ତାଇକେନା । ୨ ମେନ୍‌ଦ୍ ଚିମିନ୍ ଫାରୁଶୀକ କୁଲିକିୟାଃକ, “ରୁଡ଼ନୁ ହୁଲାଙ୍‌ରେ କା ଲାଗାତିଙ୍‌ କାମି ଚିନାଃମେନ୍ତେକ ରିକାତାନା ?”

୩ ଯୀଶୁ ଇନ୍‌କୁକେ କାଜିରୁହାଡ଼ାଦ୍‌କଆଏ, “ଦାଉଦ୍ ଆଡ଼ଃ ଆୟାଃ ଗାତିକ ରେଙ୍‌ଘେୟାନ୍ ଇମ୍‌ତା ଚିନାଃଏ କାମିକେଦାଃ ଏନା କାପେଚି ପାଢ଼ାଞ୍ଜାକାଦାଃ ? ୪ ଇନିଃ ପାର୍‌ମେଶ୍‌ବରାଆଃ ଅଡ଼ାଃତେ ବଲୟାନ୍‌ନା, ଆଡ଼ଃ ପାର୍‌ମେଶ୍‌ବରାଆଃ ନୁଡ଼ୁମ୍‌ରେ ଏମାକାନ୍ ହଲଙ୍‌, ଅକ୍‌ନାଃକେଚି ଆଇନ୍ ଲେକାତେ ଯାଜାକ୍ ଏସ୍‌କାର୍ ଜମ୍ ଦାଡ଼ିୟାଏ ମେନଃତାନା, ଏନାକେ ଆଉକେଦ୍‌ତେ ଜମ୍‌କେଦାଏ ଆଡ଼ଃ ଆୟାଃଲଃଃ ତାଇକାନ୍‌କକେୟ ଏମାଦ୍‌କଆଏ ।”

୫ ଏନ୍ତେ ଯୀଶୁ ମେତାଦ୍‌କଆଏ, “ମାନଞ୍ଜାହନ୍ ରୁଡ଼ନୁ ହୁଲାଙ୍‌ରେନ୍ ଗମ୍‌କେ ତାନିଃ ।”

**ୟୀଶୁ ମିଆଁଦ୍ ରହଡ଼ାକାନ୍ ତିଃଇ ନିଃକେ ବୁଗି ତାନା**

(ମାଥୁଉ ୧୨:୯-୧୪; ମାର୍କ ୩:୧-୬)

୬ ଆଡ଼ଃ ଏଟାଃ ରୁଡ଼ନୁ ହୁଲାଙ୍‌ରେ ଇନିଃ ସାମାଜ୍ ଅଡ଼ାଃରେ ବଲୟାନ୍ତେ ଇଡ଼ୁକେଦ୍‌କଆଏ, ଆଡ଼ଃ ଏନ୍ତାଃରେ ତିଃଇ ରହଡ଼ାକାନ୍ ମିଆଁଦ୍ ହଡ଼ ତାଇକେନାଏ । ୭ ଆଡ଼ଃ ଯୀଶୁ ରୁଡ଼ନୁ ହୁଲାଙ୍‌ରେ ଇନିଃକେ ବୁଗିୟାଏ ଚି କା ଏନା ନେଲ୍ ନାଗେନ୍ତେ ଫାରୁଶୀକ ଆଡ଼ଃ ଆଇନ୍ ଇଡ଼ୁକ ଇନିଃକେ ଘାତାଇତାନ୍‌କ ତାଇକେନା ଚିୟାଠି ଇନ୍‌କୁ ଯୀଶୁକେ ଚିଟାଇ ନାଗେନ୍ତେ ହରାକ ଦାଣ୍ଟା ତାଇକେନା । ୮ ମେନ୍‌ଦ୍ ଯୀଶୁ ଇନ୍‌କୁଆଃ ଉଡ଼ୁ ସାରିକେଦ୍‌ତେ, ଏନ୍ ତିଃଇ ରହଡ଼ାକାନ୍ ହଡ଼କେ କାଜିକିୟାଏ, “ମାର୍ ବିରିଦ୍‌ମେ ଆଡ଼ଃ ସବେନ୍‌କଆଃ

ସାମାଜିକରେ ତିଆରିମାନେ, ଆତ୍ମା ଇନିଃ ବିରଦ୍‌ୟାନତି ଏଣ୍ଡାରେ ତିଆରିମାନାଏ ।” ଏଣ୍ଡେ ଯୀଶୁ ଇନକୁକେ କାଜିୟାଦକଆଏ, “ଆଇଙ୍ଗ ଆପେକେ କୁଲିପେତାନାଇଙ୍ଗ, ଆବୁଆଃ ଆଇନଲେକାତେ ରୁଡୁନୁ ହୁଲାଙ୍ଗରେ ଅକନ୍ କାମି ରିକା ଲାଗାତିଙ୍ଗୟାଃ ? ମିହୁଡୁଆଃ ନାଗେନ୍ତେ ବୁଗିନ୍ କାମିତେୟାଃ ବୁଗିନାଃ ତି ଏଡକାନ୍ କାମିତେୟାଃ ବୁଗିନାଃ ? ଜୀଉ ବାଞ୍ଛାଅତେୟାଃ ତି ଜୀଉ ଜିୟନେତେୟାଃ ?” ୧୦ ଇନିଃ ସବେନକକେ ନେଲ୍‌ବିୟୁର୍ କେଦକତି ଏନ୍ ହଡକେ କାଜିକିୟାଏ, “ତିଃଇତାମାଃ ଜିଲିଙ୍ଗ୍‌ୟେମେ ।” ଏଣ୍ଡେ ଇନିଃ ତିଃଇତାୟାଃ ଜିଲିଙ୍ଗ୍‌କେଦାଏ ଆତ୍ମା ତିଃଇତାୟାଃ ପୁରାଗି ବୁଗିରୁହାଡୁୟାନା ।

୧୧ ମେନ୍‌ଦ ଇନକୁ ଏନେସେଦ\*ତେ ବାଲୁୟାନାକ, ଆତ୍ମା ଯୀଶୁକେ ତିନାଃବୁ ତିକାଇୟା ମେନ୍ତେ ଆକଥାଲାରେ କାପାଜିୟାନାକ ।

**ୟୀଶୁ ଆୟାଃ ଗେଲ୍‌ବାର୍ ଚେଲାକକେ ସାଲାକତାନାଏ**  
 (ମାଥୁଉ ୧୦:୧-୪; ମାର୍କ ୩:୧୩-୧୯)

୧୨ ଏନ୍ ହୁଲାଙ୍ଗକରେ ଯୀଶୁ ବିକ୍ରି ନାଗେନ୍ତେ ମିଆଁଦ୍ ବୁରୁତେ ଅଡଙ୍ଗୟାନା, ଆତ୍ମା ମିଦ୍‌ନିଦା ପାରମେଶ୍ୱାର୍‌ତାଃରେ ବିକ୍ରିକେଦାଏ । ୧୩ ଆଙ୍ଗୟାନତି ଇନିଃ ଆୟାଃ ଚେଲାକକେ ଆୟାଃତାଃତେ କେଡାକେଦକଆଏ ଆତ୍ମା ଇନକୁଏତେ ଗେଲ୍‌ବାର୍ ହଡକକେ ସାଲାକେଦକଆଏ, ଆତ୍ମା ଇନକୁକେ ପ୍ରେରିଡ୍ ମେନ୍ତେ ନୁଡୁମକେଦକଆଏ । ୧୪ ଇନକୁଆଃ ନୁଡୁମ୍ ଶିମୋନ୍, ଇନିଃକେ ପାଡରାସ୍ ମେନ୍ତେ ନୁଡୁମକିୟାଏ, ଶିମୋନ୍‌ଆଃ ହାଗାତେ ଆହିୟାସ୍, ଯାକୁବ୍, ଯୋହାନ୍, ଫିଲିପ୍, ବାର୍ଥୋଲମି, ୧୫ ମାଥୁଉ, ଥୋମା, ଆଲଫିୟନାଃ ହନ୍ତେକଡା ଯାକୁବ୍, ଶିମୋନ୍, ଅକଏତି ଇସ୍ରାଏଲ୍ ହଡକଆଃ ତନଲ୍‌ହେତେ ରାଡା ନାଗେନ୍ତେ ସାନାଙ୍ଗ୍ ତାଇକେନାଏ, ୧୬ ଯାକୁବ୍‌ଆଃ ହନ୍ତେକଡା ଯିହୁଦା, ଆତ୍ମା ଇଷ୍ଟାରିୟଡ୍ ଯିହୁଦା, ତାୟମ୍‌ତେ ନେ ଯିହୁଦା ଯୀଶୁକେ ବାଇରିକତାଃରେ ଜିମାକିୟାଏ ।

**ବୁରୁରେ ଯୀଶୁଆଃ ଇନିଡୁ**  
 (ମାଥୁଉ ୪:୨୩-୨୫)

---

\* ୬:୧୧ 6:11 ଖସ୍

୧୭ ଯୀଶୁ ଆୟାଃ ଚେଲାକଲଃ ବୁରୁଏତେ ଲାଡାରତେ ଆଡ଼ଗୁୟାନାକ । ଆଡଃ ଇନିଃ ତିଙ୍ଗୁକାନ ସାମ୍ ଠାୟାଦ୍‌ତାଃରେ ଆୟାଃ ପୁରାଃ ଗାଦେଲ୍ ଚେଲାକ ତାଇକେନା ଆଡଃ ଏନ୍ତାଃରେ ଗଟା ଯିହୁଦା ଦିଶୁମ୍‌ରେନ୍, ଯୀରୁଶାଲେମ୍‌ରେନ୍, ଦରେୟାଗେନା ସୋରରେନ୍ ଆଡଃ ସିଦୋନ୍‌ରେନ୍ ପୁରାଃ ହଡ଼କ ତାଇକେନା । ୧୮ ଇନ୍‌କୁ ଯୀଶୁଆଃ ଇନିତୁ ଆୟୁମ୍ ଆଡଃ ଆକଆଃ ଦୁକୁଏତେ ବୁଗିୟଃ ନାଗେନ୍ତେ ହିଜୁଃକାନକ ତାଇକେନା । ଆଡଃ ସଡ଼ରା ଆମ୍‌କଏତେ ଦୁକୁଆକାନକ ବୁଗିୟାନା ୧୯ ଆଡଃ ସବେନକ ଇନିଃକେ କୁଟିଦିନାଙ୍ଗ୍‌କ ସାନାଙ୍ଗ୍ ତାଇକେନା, ଚିୟାଃଚି ଇନିଃତାଃଏତେ ପେଡ଼େଃ ଅଡ଼ଙ୍‌ଅଃତାନ୍ ତାଇକେନା ଆଡଃ ଇନ୍‌କୁ ବୁଗିଅଃତାନ୍‌କ ତାଇକେନା ।

**ଆଗିଷ୍ଟ ଆଡଃ ଦୁକୁ**  
(ମାଥ୍‌୪:୧-୧୨)

୨୦ ଯୀଶୁ ଆୟାଃ ଚେଲାକସାଃ ନେଲ୍‌କେଦ୍‌ତେ କାଜିକେଦ୍‌କଆଏ,  
“ରେଙ୍ଗେଃତାନ୍‌କ ସୁକୁତାନ୍‌ଗିୟାଃ;

ଚିୟାଃଚି ସିର୍ମା ରାଇଜ୍ ଇନ୍‌କୁଆଃଗି ତାନାଃ ।

୨୧ ନାହିଁଃ ଆପେ ରେଙ୍ଗେଃତାନ୍‌କ, ସୁକୁତାନ୍ ଗିୟାଃପେ,

ପାର୍‌ମେଶ୍‌ୱାର୍ ଆପେକେ ବିୟାଃଗି ଏମାପେୟା !

ନାଆଃ ଆପେ ରାଆଃଏ ତାନ୍‌କ, ସୁକୁତାନ୍ ଗିୟାଃପେ,

ଚିୟାଃଚି ଆପେଦ ଲାନ୍‌ଏୟାପେ ।

୨୨ ☆“ମାନଃହନ୍‌ଆଃ ନାଗେନ୍ତେ ହଡ଼କ ଆପେକେ ହିଲାଙ୍ଗ୍‌ପେରେ, ଆପେକେ ଆଡ଼ମ୍‌ପେରେ, ଆପେକେ ନିନ୍‌ପେରେ ଆଡଃ ଆପେୟାଃ ନୁଡୁମ୍ ଏଡ଼କାନ୍ ନୁଡୁମ୍‌ଲେକାକ ଇଦିଲେରେ ଆପେ ସୁକୁତାନ୍ ଗିୟାଃପେ । ୨୩ ☆ଏନ୍ ହୁଲାଙ୍ଗ୍ ରାସ୍‌କାଅଃପେ ଆଡଃ ରାସ୍‌କାତେ ସୁସୁନ୍‌ନେପେ, ଚିୟାଃଚି ନେଲେପେ, ଆପେୟାଃ ନାଙ୍ଗ୍ ପୁରାଗି ଜ ସିର୍ମାରେୟା । ଇନ୍‌କୁଆଃ ପୁରୁଶାହାଡ଼ାମ୍‌କ ନାବୀକକେ ସିଗିଦ୍‌କେଦ୍‌କଆକ ।

୨୪ “ମେନ୍‌ଦ ଆପେ କିର୍ସାଣ୍ ହଡ଼କଆଃ ହାୟ ହାୟ ଆପେ ଦୁକୁପେ ନାମେୟା,

☆ ୬:୨୨ ୬:୨୨ ୧ ପାଡ଼ରାସ୍ ୪:୧୪. ☆ ୬:୨୩ ୬:୨୩ ପ୍ରେରିଡ଼ ୭:୫୨.

ଚିୟାଃଚି ଆପେଦ ଆପେୟାଃ ଜୀଦାନରେ ଜୀଉରାଡ଼େଃପେ ନାମ୍‌ଚାବାକାଦାଃ ।

୨୫ ଆପେ ନାହାଁଃ ବିୟାକାନକଆଃ ହାୟ ହାୟ, ଆପେଦପେ ରେଙ୍ଗେଜଆଃ ।

ଆପେ ନାହାଁଃ ଲାନ୍ଦାତାନକଆଃ ହାୟ ହାୟ,

ଚିୟାଃଚି ଆପେଦପେ ଏୟମେୟା† ଆଡ଼ଃପେ ରାଆଃୟା ।

୨୬ “ସବେନ୍ ହଡ଼କ ଆପେକେ ବୁଗିନ୍‌କ ମେତାପେରେ, ଆପେୟାଃ ହାୟ ହାୟ, ଇନ୍‌କୁଆଃ ପୁର୍‌ଖାହାଡ଼ାମ୍‌କ ହସଡ଼‡ ନାବୀକକେ ଏନ୍‌କାକେଦ୍‌କଆକ ।

**ବାଇରିକକେ ଦୁଲାଡ଼କପେ  
(ମାଥୁର ୫:୩୮-୪୮; ୭:୧୨)**

୨୭ “ମେନ୍‌ଦ ଆଇଙ୍ଗ୍ ଆପେ ଆୟୁମ୍‌ତାନକକେ କାଜିୟାପେ ତାନାଇଙ୍ଗ୍, ଆପେୟାଃ ବାଇରିକକେ ଦୁଲାଡ଼କପେ, ଅକନ୍‌କ ଆପେକେ ଖ୍‌ସାଅପେୟାକ ଇନ୍‌କୁଆଃ ବୁଗିନ୍ ରିକାଏପେ । ୨୮ ଜେତାଏ ଆପେକେ ସାର୍‌ପାଅପେକ, ଆଗିଷ୍‌କପେ, ଆପେକେ ହିଲ୍‌ଙ୍ଗ୍‌ପେକ, ବିକ୍ରିପେ । ୨୯ ଜେତାଏ ଆପେକେ ମିଆଁଦ୍ ଜଆରେ ଆପ୍‌ଡ଼ିପେରେଦ, ଏଗାଃ ଜଞ୍ଜାହଗି ବିୟୁରାଇପେ । ଜେତାଏ ଆପେୟାଃ ଚାଦାର୍ ଲିଜାଃ ଇଦିରେଦ, ଇନିଃକେ ଆପେୟାଃ ହଡ଼ମ୍‌ରେ ତୁସିଙ୍ଗ୍ ଲିଜାଃ ହଗି ଇଦିନାଙ୍ଗ୍ ଆଲପେ ମାନାଇୟାଃ । ୩୦ ଜେତାଏ ଆପେକେ ଆସିପେରେଦ ଇନିଃକେ ଏମାଇପେ, ଆଡ଼ଃ ଆପେୟାଃ ମେନାଃଡେୟାଃ ରେଃକ୍‌ଇଦିପେରେଦ, ଇନିଃକେ ଆଲପେ ଆସିରୁହାଡ଼ିୟାଃ । ୩୧ ☆ହଡ଼କ ଆଲେନାଙ୍ଗ୍ ରିକାଏକାକ ମେନ୍‌ଡେପେ ସାନାଙ୍ଗ୍‌ତାନ୍ ଲେକା, ଆପେୟାଗି ଇନ୍‌କୁ ନାଗେନ୍‌ଡେ ଏନ୍‌ଲେକା ରିକାଏପେ ।

୩୨ “ଆପେକେ ଅକନ୍‌କ ଦୁଲାଡ଼ପେତାନାକ ଇନ୍‌କୁକେ ଏସ୍‌କାର୍ ଦୁଲାଡ଼ରେକରେ, ଆପେ ଚିକା ନାଙ୍ଗ୍ ଆଗିଷ୍‌ପେ ନାମେୟା ? ପାପି ହଡ଼କହ ଆକକେ ଦୁଲାଡ଼ତାନ୍ ହଡ଼କକେ ଦୁଲାଡ଼କଆକ । ୩୩ ଆଡ଼ଃ ଅକନ୍‌କ ଆପେୟାଃ ବୁଗିନାଃ କାମିତାନାକ, ଇନ୍‌କୁଆଃ ଏସ୍‌କାର୍ ଆପେ ବୁଗିନ୍ କାମିପେ ରିକାଏ ରେଦ, ଆପେ ଚିକାନ୍

† ୭:୨୫ ୭:୨୫ ଶୋକ୍‌ଏୟା    ‡ ୭:୨୭ ୭:୨୭ ଭଣ୍ଡ    ☆ ୭:୩୧ ୭:୩୧ ମାଥୁର ୭:୧୨.



ଆଶିଷ୍ଟେ ନାମେୟା ? ପାପି ହତକହଗି ଏନଲେକା କାମିୟାଃକ ।  
 ୩୪ ଆତଃ ଅକନ୍ କତାଃଏତେ ଆପେୟାଃ ନାମଃ ରୁହାଡ଼ରେୟାଃ  
 ଆସ୍ତା ତାଇନାଃ, ଇନ୍କୁକେ ଏସକାର୍ ରିଶୀଃ ଏମଲେକରେ  
 ଆପେ ଚିକାନ୍ ଆଶିଷ୍ଟେ ନାମେୟା ? ଏମାକାଦ୍ତେୟାଃ  
 ଇମିୟାଙ୍ଗିରୁ ନାମରୁହାଡ଼େୟାଃ ମେନ୍ତେ ପାପି ହତକହଗି  
 ପାପିକକେ ରିଶୀକ ଏମାକଆଃ । ୩୫ ମେନ୍ଦ ଆପେୟାଃ  
 ବାଇରିକକେ ଦୁଲ୍ଲାଡ଼କପେ, ବୁଗିନ୍ କାମି ରିକାଏପେ ଆତଃ  
 ନାମରୁହାଡ଼ରେୟାଃ ଆସ୍ତାବାଗିକେଦ୍ତେ ରିଶୀ ଏମାକପେ ଏନ୍ତେ  
 ଆପେ ପୁରାଃ ଜ'ପେ ନାମେୟା, ଆପେ ମାରାଙ୍ଗ୍ ଉତାର୍ନିୟାଃ  
 ହନ୍କପେ ବାୟୁଃଆ, ଚିୟାଃଚି ଇନିଃଦ କା ଜହାର୍କ ଆତଃ  
 ଏଡ଼କାନ୍କକେ ଲିବୁଇୟାକତାନାଏ । ୩୬ ଆପେୟାଃ ସିମ୍ବୀରେନ୍  
 ଆପୁ ଲିବୁଇତାନ୍ ଲେକା, ଆପେୟ ଲିବୁଆକପେ ।

ଏଟାଃକକେ ଆଲ୍ପେ ବିଚାର୍କଆ  
 (ମାଥୁର ୭:୧-୫)

୩୭ “ଏଟାଃକକେ ଆଲ୍ପେ ବିଚାର୍କଆ, ଏନାରେ ପାର୍ମେଶ୍ୱାର୍  
 ଆପେକେ କାଏ ବିଚାର୍ପେୟା, ଆଲ୍ପେ ଚିଟାକଆ, ଏନ୍ତେ ଆପେ  
 କାପେ ଚିଟାଃଞ୍ଜା । ଛାମାକପେ, ଏନ୍ତେ ଆପେକେ ଛାମାଞ୍ଜାଃ ।  
 ୩୮ ଏମେପେ, ଏନ୍ତେ ଆପେକେ ଏମଃଆ, ପାର୍ମେଶ୍ୱାର୍ ଆପେକେ,  
 ତାମ୍ବିରେ ଅତାପେରେଃକେଦ୍ତେ, ଆତଃ ଉଛଲ୍ଲାଅଃଗି ପୁରାଃ  
 ସଙ୍ଗକେଦ୍ତେ ଆପେୟାଃ କୟଙ୍ଗ୍ରେକ ଦୁଲ୍ଲାପେୟା ଚିୟାଃଚି  
 ଆପେ ସଙ୍ଗେ ତାମ୍ବିରେଗି ଆପେ ନାଗେନ୍ତେ ସୋଙ୍ଗଃଆ ।”

୩୯ ☆ଆତଃ ଯୀଶୁ ଇନ୍କୁକେ ନେ ଜନ୍କା କାଜି କାଜିୟାଦ୍କଆଏ,  
 “ଚିୟାଃ ମେଦ୍ କା ନେଲ୍ ଦାଡ଼ିନିଃ, ଆତଃ ମିଆଁଦ୍ ମେଦ୍ କା ନେଲ୍  
 ଦାଡ଼ିନିଃକେ ହରା ଉଦୁଦ୍ ଦାଡ଼ିୟାଃଏ ? ଇନିଃ ଏନ୍କା ରିକାଏରେଦ,  
 ଚିୟାଃ ବାରାନ୍କିନ୍ ଗାତାରେକିନ୍ ଉୟୁଗଃଆ ? ୪୦ ☆ଗୁରୁଏତେ  
 ଚେଲା କାଏ ମାରାଙ୍ଗ୍ଆଃ, ମେନ୍ଦ ଜେତାଏ ପୁରା ଇଡୁକେଦ୍ରେ  
 ଆୟାଃ ଗୁରୁ ଲେକାଅଆଏ ।

୪୧ “ଆମ୍ ଆମାଃ ମେଦ୍ରେଆଃ ତୁବାଃ କା ନେଲ୍କେଦ୍ତେ  
 ହାଗାମାଃ ମେଦ୍ରେଆଃ ହୁଡ଼ିଙ୍ଗ୍ ତୁବାଃ ଚିକା ନାଗେନ୍ତେମ୍

§ ୭:୩୪ ୭:୩୪ ଉଧାର୍ ☆ ୭:୩୯ ୭:୩୯ ମାଥୁର ୧୫:୧୪. ☆ ୭:୪୦ ୭:୪୦ ମାଥୁର  
 ୧୦:୨୪,୨୫; ଯୋହାନ୍ ୧୩:୧୭; ୧୫:୨୦.

ନେଲେତାନା ? ୪୨ ଆମାଃ ମେଦରେ ତୁବାଃ ତାଇନକେଦ୍‌ତେ, 'ହାଗାମାଃ ମେଦ୍‌ରେଆଃ ତୁବାଃକେ ଅଡ଼ଙ୍ଗ୍‌ତାମାଲଙ୍ଗ୍' ମେନ୍ତେ ଚିଲ୍‌କାତେ କାଜି ଦାଡ଼ିୟାମ୍ ? ଏ ବେଦାହଡ଼, ସିଦାତେ ଆମାଃ ମେଦ୍‌ରେଆଃ ତୁବାଃ ଅଡ଼ଙ୍ଗ୍‌ୟେମେ, ଏନ୍ତେ ହାଗାମାଃ ମେଦ୍‌ରାଃ ତୁବାଃ ଅଡ଼ଙ୍ଗ୍ ନାଗେନ୍ତେ ବୁଗିଲେକାମ୍ ନେଲ୍‌ଦାଡ଼ିୟା ।

**ମିଆଁଦ୍ ଦାରୁ ଆଡ଼ଃ ଏନାରେୟାଃ ଜ  
(ମାଥୁ ୭:୧୭-୨୦; ୧୨:୩୩-୩୫)**

୪୩ “ବୁଗିନ୍ ଦାରୁରେଦ୍ ଏଡ଼କାନ୍ ଜ କା ଜଅଃଆଃ, ଆଡ଼ଃ ଏଡ଼କାନ୍ ଦାରୁରେଦ୍ ବୁଗିନ୍ ଜ କା ଜଅଃଆଃ । ୪୪ \*ମିମିଆଦ୍ ଦାରୁଦ୍ ଆୟାଃ ଜ'ତେଗି ନେଲ୍‌ଉରୁମଃଆ । ଜାନୁମ୍ ଦାରୁଏତେଦ୍ ହଡ଼କ ଲଆ ଜ କାକ ଗଦେୟା ଆଡ଼ଃ ଜାନୁମ୍ ବୁପାଦ୍‌ଏତେଦ୍ ଦାଖ୍ ଜ କାକ ଗଦେୟା । ୪୫ \*ବୁଗିନ୍ ହଡ଼ ଆୟାଃ ମନ୍‌ସୁରୁଦ୍ ଲେକାନ୍ ବୁଗିନ୍ ଭାଣ୍ଡାର୍‌ଅଡ଼ଃଏତେ ବୁଗିନାଃ ତେୟାଃ ଅଡ଼ଙ୍ଗ୍‌ୟେଆଏ ଆଡ଼ଃ ଏଡ଼କାନ୍ ହଡ଼ ଆୟାଃ ଏଡ଼କାନ୍ ଭାଣ୍ଡାର୍‌ଅଡ଼ଃଏତେ ଏଡ଼କାନ୍‌ତେୟାଃ ଅଡ଼ଙ୍ଗ୍‌ୟେଆଏ । ଚିଆଃଚି ଆୟାଃ ମନ୍‌ସୁରୁଦ୍‌ରେ ପେରେଜାକାନ୍‌ତେୟାଃ ମଟାଏ କାଜିୟା ।

**ବାର ରାକାମ୍ ଅଡ଼ଃରେୟାଃ ବାବାଇନିଃ  
(ମାଥୁ ୭:୨୪-୨୭)**

୪୬ “ଆପେ ଚିନାଃମେନ୍ତେ ଆଇଙ୍ଗ୍‌କେ, 'ହେ ପ୍ରାଭୁ, ହେ ପ୍ରାଭୁପେ,' ମେତାଇଙ୍ଗ୍‌ତାନା ଆଡ଼ଃ ଆଇଁୟାଃ କାଜି ଆପେ କାପେ ମାନାଡ଼ିଙ୍ଗ୍‌ତାନା ? ୪୭ ଜେତାଏ ଆଇଁୟାଃତାଃ ହିଲୁଃନିଃ ଆଡ଼ଃ ଆଇଁୟାଃ କାଜି ଆୟୁମ୍‌କେଦ୍‌ତେ ମାନାଡ଼ିଙ୍ଗ୍‌ନିଃ, ଇନିଃ ଅକଏ ଲେକାଃଏ ଏନା ଆପେକେଇଙ୍ଗ୍ ଉଦୁବାପେୟା । ୪୮ ଇନିଃ ନେ'ଲେକାନ୍ ଅଡ଼ଃ ବାଇତାନ୍ ହଡ଼ ଲେକାଃଏ, ଇନିଃ ଉରକେଦ୍‌ତେ ନିହିଁ ଗାଡ଼ା କେଦାଏ ଆଡ଼ଃ ଦିରି ଚେତାନ୍‌ରେ ବାଇକେଦାଏ, ଆଡ଼ଃ ବୁଡ଼ା ହିଲୁଃଲେନ୍‌ରେ ଏନ୍ ଅଡ଼ଃରେ ଦାଆଃ ଟଗଟାନ୍ ତାଇକେନା ମେନ୍‌ଦ୍ ଏନାକେ କାଏ ହାଦୁଡ଼୍ ଦାଡ଼ିକେଦା, ଚିୟାଃଚି ଏନାଦ୍ ଚାଟେନ୍ ଦିରି ଚେତାନ୍‌ରେ ବାଇୟାକାନ୍ ତାଇକେନା । ୪୯ ମେନ୍‌ଦ୍

☆ ୭:୪୪ ୭:୪୪ ମାଥୁ ୧୨:୩୩. ☆ ୭:୪୫ ୭:୪୫ ମାଥୁ ୧୨:୩୪.

ଆଇଁୟାଃ କାଜି ଆୟୁମ୍‌କେଦ୍‌ତେ କା ମାନାଡିଙ୍ଗ୍‌ନିଃ ଅତେରେ  
ବେଗାର୍ ନିହିଁ ଗାଡାତେ ବାଇୟାକାନ୍ ଅଡ଼ାଃ ଲେକାନ୍‌ନିଃ ତାନିଃ,  
ଏନ୍ ଅଡ଼ାଃରେ ଚୁଡା ଦାଆଃ ପୁରାଃଗି ଧାକ୍‌କାକେଦ୍ ଇମତା ଏନା  
ହାଡୁଡ଼ୟାନା ଆଡ଼ଃ ଏନାରାଃ ଜିୟନଃ ପୁରାଃ ବରଝାନ୍‌ଗି ହବାୟାନା  
।”



ୟୀଶୁ ମିଦ୍‌ଶାଅ ସିପାଇକଆଃ ଗମ୍‌କେୟାଃ ଦାସିକେ ବୁଗିକିୟାଏ  
(ମାଥୁଉ ୮:୫-୧୩)

୧ ଯୀଶୁ ହଡ଼କକେ ଆୟାଃ ସବେନ୍ କାଜି କାଜିତାବାକେଦ୍‌ତି  
କପର୍‌ନାହୁମ୍ ସାହାର୍‌ତେ ବଲୟାନାଏ । ୨ ଏନ୍ତାଃରେ ମିଦ୍‌ଶାଅ  
ସିପାଇକଆଃ ମିଆଁଦ୍ ରୋମି ଗମ୍‌କେୟାଃ ଦାସି ବେମାର୍‌ତେ  
ଗଜଃଲେକାଏ ତାଇକେନା, ଇନିଃକେ ଇନିୟାଃ ଗମ୍‌କେ ପୁରାଃଗି  
ଦୁଲ୍‌ଡିତାନାଏ ତାଇକେନା । ୩ ମିଦ୍‌ଶାଅ ସିପାଇକଆଃ ଗମ୍‌କେ  
ୟୀଶୁଆଃ ବିଷାଏରେ ଆୟୁମ୍‌କେଦ୍‌ତି, ଆମ୍ ହିଜୁଃକେଦ୍‌ତେ ଆଇଁୟାଃ  
ଦାସିକେ ବୁଗିମେ ମେନ୍ତେ ଯିହୁଦୀକଆଃ ପ୍ରାତିନକକେ ଯୀଶୁତାଃ  
ଗୋହାର୍ ନାଗେନ୍ତେ କୁଲ୍‌କେଦ୍‌କଆଏ । ୪ ଇନ୍‌କୁ ଯୀଶୁତାଃ  
ସେଟେର୍‌ୟାନ୍‌ତି ଇନିଃକେ ପୁରାଃଗି ବିକ୍ତିତାନ୍‌ଲଃ କାଜିକିୟାଏ,  
“ଇନିଃ ଆମାଃ ଦେଙ୍ଗା ନାମେ ଲେକାଗିୟାଏ । ୫ ଚିୟାଃଟି ଇନିଃଦ  
ଆବୁ ଜାତିରେନ୍‌କକେ ଦୁଲ୍‌ଡକତାନାଏ ଆଡ଼ଃ ଆଇଃକ୍‌ଗି ଆବୁନାଙ୍ଗ୍  
ସାମାଜ୍ ଅଡ଼ାଃ ବାଇୟାକାଦାଏ ।”

୬ ଏନାତେ ଯୀଶୁ ଇନ୍‌କୁଲଃ ସେନଃୟାନାଏ । ଆଡ଼ଃ ଯୀଶୁ  
ଇନିୟାଃ ଅଡ଼ାଃ ନାଡେଃତେ ହିଜୁଃ ସେଟେର୍‌ତାନ୍ ଇମତା ଇନିଃ  
ଆୟାଃ ଗାଡିକକେ ଯୀଶୁତାଃତେ କାଜି କୁଲ୍‌କେଦ୍‌କଆଏ, “ହେ  
ଗମ୍‌କେ ଆଲମ୍ ଦୁକୁନାଃ, ଚିୟାଃଟି ଆମ୍ ଆଇଁୟାଃ ଅଡ଼ାଃରେମ୍  
ବଲଆ ଏନ୍ ଲେକାନ୍‌ନିଃଦ ନାହାଁଲିଙ୍ଗ୍ । ୭ ଏନା ନାଗେନ୍ତେ ଆଇଙ୍ଗ୍  
ଆମାଃତାଃତେ ସେନଃନାଙ୍ଗ୍ କାଇଙ୍ଗ୍ ସାନାଙ୍ଗ୍‌କେଦାଃ । ମେନ୍‌ଦ  
ଆମ୍ ମିସାଗି କାଜିତାମ୍, ଆଇଁୟାଃ ଦାସି ବୁଗିକଆଃଏ । ୮ ଚିୟାଃଟି  
ଆଇଙ୍ଗ୍‌ହିଁ ଏଟାଃକଆଃ ଆକ୍‌ତେୟାର୍‌ରେ ମେନାଇୟାଁଃ, ସିପାଇକ  
ଆଇଁୟାଃ ଆକ୍‌ତେୟାର୍‌ରେ ମେନାକଆଃ । ଆଇଙ୍ଗ୍ ମିହୁଡକେ  
ସେନଃମେ ମେତାଇରେଦ ଇନିଃ ସେନଃଆଏ ଆଡ଼ଃ ଏଟାଃନିଃକେ

ହିଜୁଃମେ ମେତାଇରେ ଇନିଃ ହିଜୁଃଆଏ । ଆଇଁୟାଃ ଦାସିକେ ନେୟାଁ କାମିମେ ମେତାଇରେ ଇନିଃ କାମିୟାଏ ।”

୯ ଯୀଶୁ ନେୟାଁ ଆୟୁମକେଦତେ ଆକ୍‌ଦାନ୍‌ଆୟାନା, ଆଡଃ ହେତାରୁହାଡ଼କେଦତେ ଆୟାଃ ତାୟମ୍‌ରେ ଅତଙ୍‌କ୍‌ ତାନ୍‌କକେ କାଜିୟାଦକଆଏ, “ଆଇଙ୍‌ ଆପେକେ କାଜିୟାପେ ତାନାଇଙ୍‌, ଇସ୍ରାଏଲ୍‌ରେୟ ନେ ଲେକାନ୍ ମାରାଙ୍‌ ବିଶ୍ୱାସ୍ କାଇଙ୍‌ ନାମାକାଦାଃ ।”

୧୦ ଏନ୍ତେ ଯୀଶୁଆଃ ଜାପାଃତେ କୁଲ୍‌ଲେନ୍‌କ ଅଡଃତେ ରୁହାଡ଼ୟାନ୍ତେ ଏନ୍ ଦାସିକେ ବୁଗିୟାକାନ୍‌କ ନାମକିୟାଃ ।

**ୟୀଶୁ ରାଣ୍ଡିକୁଡ଼ିଆଃ ହନ୍‌କେ ଜୀହିଦ୍ ରୁହାଡ଼ିତାନାଏ**

୧୧ ଏଟାଃ ହୁଲାଙ୍‌ରେ ଯୀଶୁ ନାଇନ୍ ନୁଡୁମ୍ ମିଆଁଦ୍ ସାହାର୍‌ତେ ସେନଃୟାନାଏ, ଆଡଃ ଇନିଃଲଃ ଆୟାଃ ତେଲାଇ ଆଡଃ ଗାଦେଲ୍ ହଡ଼କ ଇନିୟାଃଲଃ ସେନ୍‌ତାନ୍‌କ ତାଇକେନା । ୧୨ ଆଡଃ ସାହାର୍ ଦୁଆରତେ ତେବାଃୟାନ୍‌ରି, ହଡ଼କ ମିଆଁଦ୍ ମାଁଡ଼ା ଗଅଃ ଅତଙ୍‌ଏତାନ୍‌କ ତାଇକେନା । ଇନିଃ ଆୟାଃ ରାଣ୍ଡିକୁଡ଼ି ଏଙ୍‌ମତେୟାଃ ମିଆଁଦ୍‌ଗି ହନ୍‌କଡ଼ା ତାଇକେନାଏ । ଆଡଃ ସାହାର୍‌ରେନ୍ ଗାଦେଲ୍ ହଡ଼କ ଇନିଃଲଃ ତାଇକେନାକ । ୧୩ ଏନ୍ ରାଣ୍ଡିକୁଡ଼ିକେ ନେଲ୍‌କେଦତେ ପ୍ରାଭୁ ଇନିଃକେ ଦାୟାକତାନ୍‌ଲଃ କାଜିକିୟାଏ, “ଆଲ୍‌ମେ ରାଆଃୟା ।” ୧୪ ଏନ୍ତେ ଯୀଶୁ ସେନ୍ ନାଡ଼େଃକେଦତେ ପାରକମାଏ ଜୁଟିଦ୍‌କେଦା ଆଡଃ ଗଅଃକାଦ୍ ହଡ଼କ ତିଙ୍‌ୟାନାକ । ଯୀଶୁ ଗଜାକାନ୍ ହଡ଼କେ କାଜିକିୟାଏ, “ଏ ସେପ୍‌ଡେଦ୍, ମାର୍ ବିରିଦ୍‌ମେ ମେତାମ୍‌ତାନାଇଙ୍‌ !” ୧୫ ଏନ୍ ଗଜାକାନ୍‌ନିଃ ବିରିଦ୍‌ୟାନ୍‌ଲଃ ଦୁବ୍‌ୟାନାଏ, ଆଡଃ ବାଖାଁଶ୍ ଏଟେଦ୍‌କେଦାଏ, ଯୀଶୁ ଇନିଃକେ ଇନିୟାଃ ଏଙ୍‌ମତେତାଃରେ ଜିମାକିୟାଏ ।

୧୬ ନେୟାଁ ନେଲ୍‌କେଦତେ ସବେନ୍‌କ ବରକେଦାଃକ ଆଡଃ ପାର୍‌ମେଶ୍ୱାର୍‌କେ ମାନାରାଙ୍‌ ତାନ୍‌ଲଃ କାଜିକେଦାଃକ, “ଆବୁ ଆଲାରେ ମିଆଁଦ୍ ମାରାଙ୍‌ ନାବୀ ହିଜୁଆକାନାଏ । ପାର୍‌ମେଶ୍ୱାର୍ ଆୟାଃ ହଡ଼କକେ ବାଞ୍ଛାଅ ନାଙ୍‌ ହିଜୁଆକାନାଏ ।”

୧୭ ଆଡଃ ଯୀଶୁଆଃ ନେ ବାନାର୍ ଗଟା ଯିହୁଦାରେ ଆଡଃ ଗଟା ହପରଜାପାଃ ଦିଶୁମ୍‌ରେ ନିତିରୟାନା ।

ବାପ୍ତିସ୍ମା ଏମାନିଃ ଯୋହାନ୍‌ଆଃ କୁଲି ଆଡ଼ଃ ଯୀଶୁଆଃ  
କାଜିରୁହାଡ଼୍  
(ମାଥୂଉ ୧୧:୨-୧୯)

୧୮ ଯୋହାନ୍‌ଆଃ ଚେଲାକ ନେ ସବେନ୍ କାଜିକ ଯୋହାନ୍‌କେ  
ଉଦୁବକିୟାଃକ । ୧୯ ଯୋହାନ୍ ଆୟାଃ ଚେଲାକଏଡେ  
ବାରହଡ଼କିନ୍‌କେ କେଡାକେଦକିନାଏ, ଆଡ଼ଃ ପ୍ରାଭୁତାଃଡେ ନେଆଁ  
କୁଲିନାଙ୍ଘ୍ କୁଲକେଦକିନାଏ “ଏନ୍ ହିଜୁଃନିଃ ଆମ୍‌ଗି ତାନ୍‌ମେ ଚି  
ଏଟାଃନିଃଲେ ନେଲ୍‌ହରାଇୟା ?”

୨୦ ଆଡ଼ଃ ଇନ୍‌କିନ୍ ଯୀଶୁତାଃ ହିଜୁଃୟାଡେ କାଜିକେଦାଃକିନ୍  
ବାପ୍ତିସ୍ମା ଏମାନିଃ ଯୋହାନ୍ ଆଲିଙ୍ଘ୍‌କେ ଆମାଃତାଃଡେ ନେୟାଁ କୁଲି  
ନାଗେଡେ କୁଲାକାଦଲିଙ୍ଘ୍‌ଆଏ, “ଏନ୍ ହିଜୁଃନିଃ ଆମ୍‌ଗି ତାନ୍‌ମେ ଚି  
ଏଟାଃନିଃଲେ ନେଲ୍‌ହରାଇୟା ।”

୨୧ ଏନ୍ ଦିପିଲିରେଗି ଯୀଶୁ ପୁରାଃ ହାସୁତାନ୍ ଦୁକୁତାନ୍ ଆଡ଼ଃ  
ଏଡକାନ୍ ଆମ୍‌ା ଏସେରାକାଦ୍ ହଡ଼କକେ ବୁଗିକେଦକିଆଏ,  
ଆଡ଼ଃ ପୁରାଃ କା ନେଲ୍‌ଦାଡ଼ିତାନ୍‌କକେ ନେଲ୍‌ରିକାକେଦକିଆଏ ।  
୨୨ ଯୀଶୁ ଯୋହାନ୍‌ଆଃ ଚେଲାକିନ୍‌କେ କାଜିକେଦକିନାଏ, “ଆବେନ୍  
ରୁହାଡ଼କେଦଡେ ଅକନାଃବେନ୍ ନେଲାକାଦା ଆଡ଼ଃ ଆୟୁମାକାଦା  
ଏନାକ ଯୋହାନ୍‌କେ ଉଦୁବାଇବେନ୍, କାଣାଁକାନ୍‌କ ନେଲେତାନା,  
କାଟା ଲେଙ୍ଘ୍‌ଡାକାନ୍‌କ ସେସେନ୍‌ତାନା, ନାଗେଘାଅକାନ୍‌କ  
ଫାରିଅଃତାନା, ଭାଏଁରାକାନ୍‌କ ଆୟୁମେତାନା, ଗଜାକାନ୍‌କ  
ଜୀଉବିରିଦ୍ ରୁହାଡ଼ଃତାନା, ଆଡ଼ଃ ରେଙ୍ଘେଃ ହଡ଼କତାଃରେ ସୁକୁକାଜି  
ଉଦୁବଃତାନା । ୨୩ ଆଇୟାଃ ବିଷାଏରେ ଅକନ୍‌କଆଃ ଜେତାନ୍  
ଆଡ଼ଃଉଡ଼ଃ ବାନଃଆ, ଇନ୍‌କୁ ସୁକୁତାନ୍‌ଗିୟା ।”

୨୪ ଯୋହାନ୍‌ଆଃ ଚେଲାକିନ୍ ସେନଃୟାନ୍‌ଗି ଯୀଶୁ ଯୋହାନ୍‌ଆଃ  
ବିଷାଏରେ ହଡ଼କକେ କାଜି ଏଟେଦକେଦିଆଏ, “ଆପେ ଚିକ୍‌ନାଃ  
ନେନେଲ୍‌ଡେ ବିରଡେପେ ସେନ୍‌କେନା ? ଚିନାଃ ହୟଡେ  
ଏକ୍‌ଲାଅଃତାନ୍ ବିରନ୍‌ଗି ତାସାଦକେ ? ୨୫ ଏନା କାରେଦ ଚିକ୍‌ନାଃ  
ନେନେଲ୍‌ଡେପେ ଅଡ଼ଙ୍ଘ୍‌ୟାନା । ଚିନାଃ ଗନଙ୍ଘ୍‌ଆଁନ୍ ଲିଜାଃ  
ତୁସିଙ୍ଘ୍‌ଆଁକାନ୍ ହଡ଼କେ ? ନେଲେପେ, ଗନଙ୍ଘ୍‌ଆଁନ୍ ଲିଜାଃ  
ତୁସିଙ୍ଘ୍‌ଆଁକାନ୍ ଆଡ଼ଃ ସୁକୁଡେ ତାଇନଃତାନ୍ ହଡ଼କ ରାଜାକଆଃ

ଅଡ଼ାଠକରେକ ତାଇନାଃ । ୨୭ କାଜିଙ୍ଗ୍‌ପେ, ଏନା କାହାରେଦ, ଚିକ୍‌ନାଃ ନେନେଲ୍‌ତେପେ ଅଡ଼ଙ୍ଗ୍‌ଲେନା ? ଚିନାଃ ମିଆଁଦ୍ ନାବୀକେ ? ଆଇଙ୍ଗ୍ ଆପେକେ ସାର୍‌ଡିଗି ମେତାପେ ତାନାଇଙ୍ଗ୍, ନାବୀଏତେ ମାରାଙ୍ଗ୍‌ନିଃକେପେ ନେଲିୟା । ୨୭ ଯୋହାନ୍‌ଆଃ ନାଗେନ୍ତେ ଧାରାମ୍‌ପୁଅରେ ନେଆଁ ଅଲ୍‌କାନା, ‘ପାର୍‌ମେଶ୍‌ବାର୍ କାଜିକେଦାଏ, ନେଲେମେ, ଆଲେ ଆମାଃଏତେ ସିଦାରେ ଆଲେୟାଃ ଦୁଁଡ଼କେଲେ କୁଲିତାନା ଇନିଃ ଆମାଃ ନାଗେନ୍ତେ ପାହିଲାରେ ହରା ବାଇୟାଏ ।’ ୨୮ ଆଇଙ୍ଗ୍ ଆପେକେ ସାର୍‌ଡିଗିଙ୍ଗ୍ କାଜିୟାପେତାନା, ‘କୁଡ଼ିକଏତେ ଜାନାମାକାନ୍ ସବେନ୍‌କଆଃ ଭିତାରରେ ଯୋହାନ୍‌ଏତେ ମାରାଙ୍ଗ୍ ଜେତାଏ ବାଙ୍ଗାଇୟା, ହଲେହଁ ପାର୍‌ମେଶ୍‌ବାର୍‌ଆଃ ରାଇଙ୍ଗ୍‌ରେନ୍ ହୁଡ଼ିଙ୍ଗ୍‌ନିଃ ଯୋହାନ୍‌ଏତେ ମାରାଙ୍ଗ୍‌ଆଏ ।’ ”

୨୯ ✧ ଯୀଶୁଆଃ ଇନିତୁ ଆୟୁମ୍‌ତାନ୍ ସବେନ୍ ହଡ଼କ, ନେଲେକାଚି ମାଲ୍‌ହାରମକହ, ସାରିକେଦାଃକ ଯେ, ପାର୍‌ମେଶ୍‌ବାର୍‌ଆଃ ହରା ସାର୍‌ଡିଗିଆଃ, ଚିୟାଃଚି ଇନ୍‌କୁକେ ସିଦାରେ ଯୋହାନ୍ ବାପ୍ତିସ୍ତା ଏମାକାଦ୍‌କ ତାଇକେନାଏ । ୩୦ ମେନ୍‌ଦ ଫାରୁଶୀକ ଆଡ଼ଃ ଆଇନ୍ ଇଡ଼ୁକ ପାର୍‌ମେଶ୍‌ବାର୍‌ଆଃ ସାନାଙ୍ଗ୍ ଆକ ନାଗେନ୍ତେକ ହିଲାଙ୍ଗ୍‌କେଦାଃ ଆଡ଼ଃ ଯୋହାନ୍‌ତାଃଏତେ କାକ ବାପ୍ତିସ୍ତାୟାନା ।

୩୧ ଯୀଶୁ ଆଡ଼ଃଗି କାଜିକେଦାଏ, “ନେ ଦିପିଲିରେନ୍ ହଡ଼କକେ ଅକଏଲଃ ଆଇଙ୍ଗ୍ ଜକାକଆ ? ଆଡ଼ଃ ଇନ୍‌କୁ ଅକଏ ଲେକାଃକ ? ୩୨ ଇନ୍‌କୁଦ ପିର୍‌ରେ ଦୁବାକାନ୍ ଆଡ଼ଃ ଆକ ଆକରେ ହାକାଅଃତାନ୍ ହନ୍‌କ ଲେକାଃକ, ଆଲେ ଆପେ ନାଗେନ୍ତେ ମୁର୍‌ଲିଲେ ସାଡ଼ିକେଦା, ମେନ୍‌ଦ ଆପେ କାପେ ସୁସୁନ୍‌କେଦାଃ, ଆଲେ ଦୁକୁତାନ୍ ଦୁରାଙ୍ଗ୍‌ଲେ ଦୁରାଙ୍ଗ୍‌କେଦାଃ ମେନ୍‌ଦ ଆପେ କାପେ ରାଆଃକେଦାଃ । ଇନ୍‌କୁ ଏନ୍‌ଲେକାନ୍‌କ ତାନ୍‌କ । ୩୩ ବାପ୍ତିସ୍ତା ଏମାଃନିଃ ଯୋହାନ୍ ହଲଙ୍ଗ୍ କାଏ ଜମ୍‌କେଦାଃ ଆଡ଼ଃ ଦାଖ୍‌ରାସି କାଏ ନୁଁ କେଦାଃ, ଆଡ଼ଃ ଆପେ ‘ଇନିଃକେ ବଙ୍ଗା ଏସେର୍‌କିୟାଏ’ ମେନ୍ତେପେ କାଜିକେଦା । ୩୪ ମାନଝାହନ୍ ହିଜୁଃକେଦ୍‌ତେ ଜମ୍ ନୁଁ କେଦାଏ, ଆଡ଼ଃ ଆପେ ‘ଇନିଃକେ ଦାର୍‌ଧା\* ଆଡ଼ଃ ଦାଖ୍‌ରାସି ନୁଁ ହଡ଼ ତାନିଃ, ମାଲ୍‌ହାରମକଆଃ ଆଡ଼ଃ ପାପିକଆଃ ଗାଡି ତାନିଃ ମେତାଇତାନାପେ

✧ ୭:୨୯ ୭:୨୯ ମାଥୁଉ ୨୧:୩୨; ଲୁକ ୩:୧୨. \* ୭:୩୪ ୭:୩୪ ପେଡୁ

୧୧୫ ମେନଦ ପାର୍ମେଶ୍ଵରୀଆଃ ସେଣାଁ, ଆୟାଃ ସବେନ୍ ହନ୍କଆଃ ହରାତେ ସାର୍ତ୍ତି ତାନାଃ ମେନ୍ତେ ଉଦୁବୟାନା ।”

**ଫାରୁଶୀ ଶିମୋନ୍‌ଆଃ ଅଡ଼ାଃରେ ଯୀଶୁ**

୩୬ ଫାରୁଶୀକଏତେ ମିଆଁଦ୍ ହଡ଼ ଆଇଁୟାଃଲଃ ଜମେମେ ମେନ୍ତେ ଯୀଶୁକେ ବିକ୍ରିକିୟାଏ, ଏନାତେ ଯୀଶୁ ଫାରୁଶୀଆଃ ଅଡ଼ାଃତେ ବଲୟାନ୍ତେ ଜଜମାଏ ଦୁବୟାନା । ୩୭ ଆଡ଼ଃ ନେଲେପେ, ଏନ୍ ନାଗାରରେନ୍ ମିଆଁଦ୍ ପାପିକୁଡ଼ି, ଯୀଶୁ ଫାରୁଶୀଆଃ ଅଡ଼ାଃରେ ଜମେ ନାଗେନ୍ତେ ଦୁବାକାନାଏ ମେନ୍ତେ ସାରିକେଦତେ ଇନିଃ ମିଆଁଦ୍ ପୁଣ୍ଡିଦିରିରାଃ ରୁକାଃ ବୁଗିନ୍ ସହାନ୍ ସୁନୁମ୍ ଆଉକେଦାଃଏ । ୩୮ ଆଡ଼ଃ ଯୀଶୁଆଃ କାଟା ସୁବାରେ ଦୁବକେଦତେ ରାଆଃ ତାନଲଃ ଆୟାଃ ମେଦଦାଃତେ ଇନିୟାଃ କାଟାକେ ଲୁମ୍‌କେଦାଏ ଆଡ଼ଃ ଆୟାଃ ବହଃରେୟାଃ ଉବତେ ଜଦକେଦଲଃ ଇନିୟାଃ କାଟା ଚଅଃ କେଦତେ କାଟାରେ ବୁଗିନ୍ ସହାନ୍ ସୁନୁମ୍‌ତେ ଗସଃକିୟା । ୩୯ ନେୟାଁ ନେଲକେଦତେ ଯୀଶୁକେ କେଡ଼ାକାଇ ଫାରୁଶୀ ଆୟାଃ ମନ୍‌ରେ କାଜିକେଦାଏ, “ନିଃ ନାବୀ ତାନିଃରେଦ, ନେ ଜୁଟିଦିତାନ୍ କୁଡ଼ି ଅକଏ ଆଡ଼ଃ ଚିଲ୍‌କାନିଃ ତାନିଃ ଏନା ସାରିଦାଡ଼ିତେୟାଃଏ, ଚିୟାଃଚି ଇନିଃଦ ପାପିନିଃତାନିଃ ।”

୪୦ ଯୀଶୁ ଶିମୋନ୍‌କେ କାଜିକିୟାଏ, “ଏ ଶିମୋନ୍ ଆମ୍‌କେ ହୁଡ଼ିଙ୍ଗଲେକା କାଜିସାନାଙ୍ଗ୍ ତାନାଇଙ୍ଗ୍ ।”

ଇନିଃ କାଜିକିୟାଏ, “ହେ ଗୁରୁ ମାର୍ କାଜିଙ୍ଗ୍‌ମେଁ ।”

୪୧ “ଜେତାଏ ସାହୁକାର୍ ହଡ଼ଆଃ ବାରହଡ଼୍ ରିଶୀ ସାବତାନକିନ୍ ତାଇକେନା । ମିହୁଡ଼୍ ମଶେୟାଁ ହୁଲାଙ୍ଗ୍‌ରାଃ ନାଲା ସିକା ଆଡ଼ଃ ଏଟାଃନିଃ ବାରହିସି ଗେଲେୟା ହୁଲାଙ୍ଗ୍‌ରାଃ ନାଲା ସିକା । ୪୨ ହାଲ୍ ରୁହାଡ଼ଲାଇ ଇନ୍‌କିନ୍‌ତାଃ ଜେଡ଼ନାଃ କା ତାଇକେନ୍‌ରେ ଇନିଃ ବାରାନ୍‌କିନାଃ ରିଶୀ ବାଗିତାଦାଏ । ଇନ୍‌କିନ୍‌ଏତେ ଅକଏ ଇନିଃକେ ପୁରାଃ ଦୁଲାଡ଼ିୟାଏ ?”

୪୩ ଶିମୋନ୍ କାଜିରୁହାଡ଼କିୟାଏ, “ଆଇଁୟାଃ ବିଚାରତେ ପୁରାଃରିଶୀ ବାଗିକିଃ ନିଃ ।”

☆ ୭:୩୭ ୭:୩୭ ମାଥୁର ୨୭:୭; ମାର୍କ ୧୪:୩; ଯୋହାନ୍ ୧୨:୩.

ୟୀଶୁ ଶିମୋନ୍‌ଙ୍କେ କାଜିକିୟାଏ, “ଆମ୍ ରୁଗିନାଃମ୍ କାଜିକାଦାଃ ।”  
 ୪୪ ଆତଃ ଯୀଶୁ ଏନ୍ କୁଡ଼ିସାଃ ହେତାରୁହାଡ଼କେଦ୍‌ତେ ଶିମୋନ୍‌ଙ୍କେ  
 କାଜିକିୟାଏ, “ଚିନାଃ ଆମ୍ ନେ କୁଡ଼ିକେମ୍ ନେଲିତାନା ? ଆଇଙ୍ଗ୍  
 ଆମାଃ ଅଡ଼ାଃତେଇଙ୍ଗ୍ ହିନ୍ଦୁଃୟାନା, ଆମ୍ କାଟା ଆରୁଙ୍ଗ୍‌ନାଙ୍ଗ୍  
 ଦାଆଃ କାଟିଃହ କାମ୍ ଏମାଦିୟା, ମେନ୍‌ଦ ନେ କୁଡ଼ି ମେଦ୍‌ଦାଃତେ  
 ଆଇଁୟାଃ କାଟା ଲୁମ୍‌କେଦାଏ ଆତଃ ଆୟାଃ ବହଃରେୟାଃ ଉଦ୍‌ତେ  
 ଜଦ୍‌କେଦାଏ । ୪୫ ଆମ୍ ଆଇଙ୍ଗ୍‌କେ ମିସାହ କାମ୍ ଚଅଃକିୟାଃ,  
 ମେନ୍‌ଦ ଆଇଙ୍ଗ୍ ବଲୟାନ୍ ଇମତାଏତେ ନିଃ କାଟାତାଇୟାଃକେ  
 ଚଅଃକାତେ ତାନାଏ । ୪୬ ଆମ୍ ଆଇଁୟାଃ ବହଃରେ ସୁନୁମ୍  
 କାମ୍ ଗସଃକେଦାଃ ମେନ୍‌ଦ ନିଃ କାଟାତାଇୟାଃରେ ସହାନ୍ ସୁନୁମ୍  
 ଗସଃକେଦାଏ । ୪୭ ଏନାନାଗେନ୍ତେ କାଜିୟାମେ ତାନାଇଙ୍ଗ୍, ନିଃ  
 ପୁରାଃ ଦୁଲ୍‌ଡ଼କେନାଏ ମେନ୍ତେ ଇନିୟାଃ ପୁରାଃ ପାପ୍ ଛାମାକାନା ।  
 ମେନ୍‌ଦ ହୁଡ଼ିଙ୍ଗ୍‌ଲେକା ଛାମାଅନିଃ ହୁଡ଼ିଙ୍ଗ୍‌ଲେକା ଦୁଲ୍‌ଡ଼ାଃଏ ।”

୪୮ ଏନ୍ତେ ଯୀଶୁ ଏନ୍ କୁଡ଼ିକେ କାଜିକିୟାଏ, “ଆମାଃ ପାପ୍ ସବେନ୍  
 ଛାମାୟାନା ।”

୪୯ ଆତଃ ଇନିଃଲଃ ଜମ୍‌ତେ ଦୁବାକାନ୍ ହଡ଼କ ଆକ ଆକରେଗି  
 କାଜି ଏଟେଦ୍‌କେଦାକ, “ଇଦୁ ନିଃ ଅକଏ ତାନିଃ ଯେ ପାପ୍‌କହଗି  
 ଛାମାଏତାନା ?”

୫୦ ଯୀଶୁ ଏନ୍ କୁଡ଼ିକେ କାଜିକିୟାଏ “ଆମାଃ ବିଶ୍ୱାସ୍ ଆମ୍‌କେ  
 ବାସ୍ତାଅ କାଦ୍‌ମେୟାଏ ଜୀଉ ସୁକୁତେ ସେନଃମେ ।”

୮

ୟୀଶୁ ଗେଲ୍‌ବାର୍ ଚେଲ୍‌କଲଃ ପାର୍‌ମେଶ୍ୱାର୍‌ଆଃ  
 ରାଇଜ୍‌ରେୟାଃ ସୁକୁକାଜି ଉଦ୍‌ବ୍‌ତାନାଏ

୧ ଏନ୍ ତାୟମ୍‌ତେ, ଯୀଶୁ ସାହାର୍ ସାହାର୍ ଆତଃ ହାତୁ ହାତୁ  
 ପାର୍‌ମେଶ୍ୱାର୍‌ଆଃ ରାଇଜ୍‌ରେୟାଃ ସୁକୁକାଜି ଉଦ୍‌ବ୍‌ତାନଲଃ  
 ହନର୍‌ବାଡ଼ା ତାଇକେନାଏ ଆତଃ ଗେଲ୍‌ବାର୍ ଚେଲ୍‌କ ଆୟାଃଲଃ  
 ତାଇକେନାକ, ୨ ଆତଃ ଏଡ଼କାନ୍ ଆମ୍‌କାଏତେ ଆତଃ ହାସୁଇତେ  
 ରୁଗିଆକାନ୍ ଚିମିନ୍ କୁଡ଼ିକ ଯୀଶୁଲଃ ତାଇକେନାକ, ଇନ୍‌କୁଇତେ  
 ମାରିୟାମ୍, ଅକଏକେଚି ମାର୍‌ଦାଲିନି ମେତାଇ ତାଇକେନାକ,

☆ ୮:୨ ୮:୨ ମାଥ୍‌ଉ ୨୭:୫୫,୫୬; ମାର୍କ ୧୫:୪୦,୪୧; ଲୁକ ୨୩:୪୯.



ଇନିଃଏତେଦ ସାତ୍ତଠୁ ବନ୍ଧାକକେ ହାର୍ଅଡ଼ଙ୍ଗକାଦ୍ ତାଇକେନା; ୩ ହେରୋଦ୍‌ଆଃ ଭାଣ୍ଡାରି ଖୁଜାରାଃ କୁଡ଼ିତେ ଯୋହାନ୍ନା, ଶୁସାନା ଆଡ଼ଃ ପୁରାଃ ଏଗାଃ କୁଡ଼ିକ ଆକଆଃ ମେନାଃତେୟାଃତେ ଯୀଶୁକେ ଆଡ଼ଃ ଆୟାଃ ତେଲାଇକକେ ସୁସାରିତାଇକେନାକ ।

**ହିତାହେରନିଆଃ ଜନ୍‌କା କାଜି  
(ମାଥୱ ୧୩:୧-୯; ମାର୍କ ୪:୧-୯)**

୪ ଗାଦେଲ୍ ହଡ଼କ ହୁଣ୍ଡିୟାକାନ୍ ଆଡ଼ଃ ସାହାର୍ ସାହାର୍‌ଏତେ ହଡ଼କ ଯୀଶୁତାଃକ ହିଜୁଃତାନ୍ ତାଇକେନ୍‌ରେ, ଯୀଶୁ ନେ ଜନ୍‌କା କାଜି କାଜିୟାଦକଆଏ । ୫ ମିଆଁଦ୍ ହିତାହେରନିଃ ହିତାହେରନାଙ୍ଗ୍ ଅଡ଼ଙ୍ଗୟାନା । ଇନିଃ ହେର୍‌ହେର୍‌ତାନ୍‌ଲଃ ଚିମିନ୍ ହିତା ହରା ଗେନାରେ ଉୟୁଃୟାନା ଆଡ଼ଃ ତିକାୟାନା, ଆଡ଼ଃ ସିର୍ମାରେନ୍‌ ତେଣ୍‌କି ଏନାକେ ହାଲାଙ୍ଗ୍ ଜମ୍‌କେଦା । ୬ ଆଡ଼ଃ ଚିମିନ୍ ହିତା ଦିରି ଅତେରେ ଉୟୁଃୟାନା, ଏନା ଗାଜା ଅମନ୍‌ୟାନା, ମେନ୍‌ଦ୍ ହାଲି କା ତାଇକେନ୍‌ତେ ରହଡ଼ୟାନା । ୭ ଚିମିନ୍ ହିତା ଜାନୁମ୍ ଆଲାରେ ଉୟୁଃୟାନା ଆଡ଼ଃ ଏନାକେ ଜାନୁମ୍ ହାରାତପାକେଦାଏ । ୮ ଆଡ଼ଃ ଚିମିନ୍ ହିତା ବୁଗିନ୍ ଅତେରେ ଉୟୁଃୟାନା, ଏନା ଅମନ୍‌ ହାରାୟାନ୍ତେ ହେରାକାନ୍‌ଏତେ ସାଅଗୁନା ଆଦିକା ଜ'ୟାନା । ନେ କାଜି କାଜିକେଦ୍‌ତି ଇନିଃ କାଉରିକେଦାଏ, “ଆୟୁମ୍ ନାଗେନ୍ତେ ଲୁଡୁର୍ ମେନାଃନିଃ ଆୟୁମେକାଏ ।”

**ୟୀଶୁ ଚିକାନାଙ୍ଗ୍ ଜନ୍‌କା କାଜି କାଜିକେଦାଏ  
(ମାଥୱ ୧୩:୧୦-୧୭; ମାର୍କ ୪:୧୦-୧୨)**

୯ ଏନ୍ତେ ଇନିୟାଃ ତେଲାଇ ନେ ଜନ୍‌କା କାଜିରେୟାଃ ମୁଣ୍ଡି ଚିନାଃତାନାଃ ମେନ୍ତେକ କୁଲିକିୟାଃ । ୧୦ ଇନିଃ କାଜିୟାଦକଆଏ, “ପାର୍‌ମେଶ୍‌ୱାର୍‌ଆଃ ରାଇଜ୍‌ରେୟାଃ ମୁଣ୍ଡି ସାରିରେୟାଃ ପେଡ଼େଃ ଆପେଦପେ ନାମାକାଦାଃ ମେନ୍‌ଦ୍ ଏଟାଃକକେ ଜନ୍‌କା କାଜିତେ ସବେନାଃ ଉଦୁବଃତାନା । ଇନ୍‌କୁ ନେଲ୍‌ଦକ ନେଲେୟାଃ, ମେନ୍‌ଦ୍ କାକ ନେଲ୍ ଉରୁମେୟାଃ, ଇନ୍‌କୁ ଆୟୁମ୍‌ଦକ ଆୟୁମେୟାଃ, ମେନ୍‌ଦ୍ କାକ ଆର୍‌କାର୍ ଉରୁମେୟାଃ ।

ୟାଶୁ ହିତାହେରନିଆଃ ଜନ୍ମକାକାଜିରେୟାଃ ମୁଣ୍ଡି  
ଉଦୁବେତାନାଏ

(ମାଥୂଉ ୧୩:୧୮-୨୩; ମାର୍କ ୪:୧୩-୨୦)

୧୧ “ନେ ଜନ୍ମକା କାଜିରେୟାଃ ମୁଣ୍ଡି ନେଆଁତାନାଃ, ହିତା ହବାଅଃତାନା ପାର୍ମେଶ୍ୱାରଆଃ କାଜି । ୧୨ ଆତଃ ହରା ଗେନାରେ ଉୟୁଗାକାନ୍ ହିତା ଇନ୍କୁତାନ୍କ, ଅକନ୍କଚି ଆୟୁମାଃକ, ଏନ୍ତେ ସାଏତାନ୍ ହିନ୍ତୁଃଆଏ ଆତଃ ଇନ୍କୁ ବିଶ୍ୱାସକେଦ୍ତେ ଆଲକାକ ବାଞ୍ଛାଅଃକା ମେନ୍ତେ ଇନ୍କୁଆଃ ମନ୍ଏତେ କାଜି ରେଃକ୍ ଇଦିୟାଏ । ୧୩ ଦିରି ଅତେରେ ଉୟୁଗାକାନ୍ ହିତା ଇନ୍କୁତାନ୍କ, ଅକନ୍କଚି କାଜି ଆୟୁମତର୍ସା ରାସକାତେ ତେଲ୍ୟାକ, ମେନ୍ଦ ରେହେଦ୍ କା ତାଇନ୍ ହରାତେ ଇନ୍କୁ ହୁଡିଙ୍ଗ୍ ସାମାଏ ଜାକେଦ୍କ ବିଶ୍ୱାସେୟାଃ, ମେନ୍ଦ ବିଡ଼ାଅ ନେଡାରେକ ବାଗିୟା । ୧୪ ଆତଃ ଜାନୁମ୍ ଆଲ୍ୟାରେ ଉୟୁଗାକାନ୍ ହିତା ଇନ୍କୁତାନ୍କ, ଅକନ୍କଚି ଇନ୍କୁ କାଜି ଆୟୁମାଃକ, ମେନ୍ଦ ଜୀଉରେୟାଃ ଉଡ଼ୁତେ, ପୁରାଃ ମେନାଃତେୟାଃତେ, ଆତଃ ଜୀନିଦ୍ରେୟାଃ ସୁକୁ ରାସକାତେକ ତପା ଇଦିୟାଆ ଆତଃ ଜାଙ୍ଗ୍‌ୟାନ୍ ଜ କାକ ଜ'ଅଃଆ । ୧୫ ମେନ୍ଦ ବୁଗିନ୍ ଅତେରେ ଉୟୁଗାକାନ୍ ହିତା ଇନ୍କୁତାନ୍କ, ଅକନ୍କଚି ବୁଗିନ୍ ଆତଃ ଫାର୍ତି ମନ୍ରେ ବାଚାନ୍କେ ଆୟୁମକେଦ୍ତେକ ତେଲ୍ୟାଦହୟା ଆତଃ ସାହାଡିଙ୍ଗ୍‌ତାନ୍ଲ୍ୟାଃକ ଜ'ଅଃଆ ।

ଦିମିରେୟାଃ ଜନ୍ମକା କାଜି

(ମାର୍କ ୪:୨୧-୨୫)

୧୭ ☆“ଜେତାଏ ହଡ଼ ଦିମି ଜୁଲକେଦ୍ତେ ତାଞ୍ଜାତେ କାଏ ହାରୁବେୟା, ଚାଏ ପାର୍କମ୍ ଲାଡାରିରେ କାଏ ଦହୟାଃ, ମେନ୍ଦ ବଲତାନ୍ ହଡ଼କ ମାର୍ସାଲ୍‌କ ନେଲେକା ମେନ୍ତେ ଦିର୍କାରେ\* ଦହୟାଃ ।

୧୭ ☆“ଚିୟାଃଚି ସବେନ୍ ଉକୁଆକାନ୍ତେୟାଃ ଉଦୁବଃଆ ଆତଃ ସବେନ୍ ଦାନାଙ୍ଗ୍‌ଆକାନ୍ତେୟାଃ ସାରିଅଃଆ ଚାଏ ମାସ୍ତାଲ୍‌ତେ ଆଉଅଃଆ ।

---

☆ ୮:୧୭ ୮:୧୭ ମାଥୂଉ ୫:୧୫; ଲୁକ ୧୧:୩୩.      \* ୮:୧୭ ୮:୧୭ ଦିମି ମାଣ୍ଡାଅ ଠାୟାଦ୍  
 ☆ ୮:୧୭ ୮:୧୭ ମାଥୂଉ ୧୦:୨୬; ଲୁକ ୧୨:୨.

୧୮ ✨ “ଏନାମେନ୍ତେ, ଚିଲ୍‌କାପେ ଆୟୁମେୟାଃ ଏନା ଚିର୍ଗାଲାନାନ୍‌ପେ, ଚିୟାଃଚି ଅକଏତାଃ ମେନାଃ ଇନିଃକେ ଦ ଆଡ଼ଃଗି ଏମଃଆ, ଆଡ଼ଃ ଜେତାଏତାଃରେ ବାନଃଆ, ଇନିଃତାଃଏତେ ଅକ୍‌ନାଃ ମେନାଃ ଏନାହଗି ଇଦିୟଃଆ ।”

ୟୀଶୁଆଃ ଏଙ୍ଗା ଆଡ଼ଃ ହାଗାକ

(ମାଥୂଉ ୧୨:୪୭-୫୦; ମାର୍କ ୩:୩୧-୩୫)

୧୯ ଯୀଶୁଆଃ ଏଙ୍ଗାତେ ଆଡ଼ଃ ହାଗାତେ ତେକ ଇନିଃତାଃ ହିଜୁଃୟାନାକ ମେନ୍‌ଦ ଗାଦେଲ୍ ହଡ଼କ ନାଗେନ୍ତେ ଇନିଃତାଃ କାକ ସେଟେର୍ ଦାଡ଼ିୟାନା । ୨୦ ଜେତାଏ ମିହୁଡ୍ ଯୀଶୁକେ ଉଦୁବ୍‌କିୟାଏ, “ଆମାଃ ଏଙ୍ଗାମ୍ ଆଡ଼ଃ ହାଗାମ୍‌ତେକ ବାହାରିରେ ତିଙ୍ଗୁକେଦତେ ଆମ୍‌ଲଃ ନେପେଲ୍ ନାଙ୍ଗକ ସାନାଙ୍ଗତାନା ।” ୨୧ ଇନିଃ ମେନ୍‌ରୁହାଡ଼ାଦକଆଏ, “ପାରମେଶ୍ୱାର୍‌ଆଃ କାଜି ଆୟୁମ୍ ଆଡ଼ଃ ମାନାତିଙ୍ଗ ତାନ୍‌କଗି ଆଇୟାଃ ଏଙ୍ଗା ଆଡ଼ଃ ହାଗାକ ତାନ୍‌କ ।”

ୟୀଶୁ ଦୁଦୁଗାର୍‌ହୟକେ ହାପା ଉତାରକେଦାଃ

(ମାଥୂଉ ୮:୨୩-୨୭; ମାର୍କ ୪:୩୫-୪୧)

୨୨ ମୁସିଙ୍ଗ୍ ଯୀଶୁ ଆଡ଼ଃ ଆୟାଃ ଚେଲାକ ଲାଉକାରେକ ଦେଏଃୟାନା ଆଡ଼ଃ “ଦଲାବୁ ଦରେୟା ହାନ୍ ପାରମ୍‌ତେବୁଆ” ମେତାଦକଆଏ । ଆଡ଼ଃ ଇନ୍‌କୁ ଲାଉକା ରାଡ଼ାକେଦାଃକ ୨୩ ଇନ୍‌କୁ ସେନଃତାନ୍ ଇମ୍‌ତା ଯୀଶୁଦ ଦୁଡ଼ୁୟାନାଏ । ଇମ୍‌ତାଙ୍ଗ ଦରେୟାରେ ଦୁଦୁଗାର୍‌ହୟ ବିରିଦ୍‌ୟାନା, ଏନ୍ତେ ଲାଉକାରେ ଦାଆଃ ପେରେଜଃତାନ୍ ତାଇକେନା, ଆଡ଼ଃ ଇନ୍‌କୁଦ ଦୁବିଜଃଲେକାକ ତାଇକେନା । ୨୪ ଚେଲାକ ଇନିଃତାଃତେ ହିଜୁଃୟାନ୍‌ତେକ ବିରିଦ୍‌କିୟା, “ହେ ଗୁରୁ, ହେ ଗୁରୁ, ଆଲେ ଦୁବିଃଗ୍ ଗଜଃତାନାଲେ” ମେନ୍ତେକ କାଜିକିୟାଃ । ଏନ୍ତେ ଇନିଃ ବିରିଦ୍‌ୟାନ୍ତେ ହୟ ଆଡ଼ଃ ଆଲ୍‌ପୁଙ୍ଗକେ† ମାରାଙ୍ଗମଚାକେଦାଃ, ଇମ୍‌ତାଙ୍ଗି ସବେନାଃ ହାପାଉତାର୍‌ୟାନା ଆଡ଼ଃ ସିଃସଏଃୟାନା । ୨୫ ଏନ୍ତେ ଯୀଶୁ ଚେଲାକକେ ମେତାଦକଆଏ, “ଅକ୍‌ତାଃରେୟା ଆପେୟାଃ ବିଶ୍ୱାସ୍ ?” ମେନ୍‌ଦ ଇନ୍‌କୁ ବରତାନ୍‌ଲଃ ମେପେନ୍‌ୟାନାକ, “ନିଃ ଅକଏ ତାନିଃ,

✨ ୮:୧୮ ୮:୧୮ ମାଥୂଉ ୨୫:୨୯; ଲୁକ ୧୯:୨୭. † ୮:୨୪ ୮:୨୪ ଆଲ୍‌ପୁଙ୍ଗ

ହୟ ଆଡ଼଼ ଦରେୟାରେୟାଃ ଦାଆଃକହ ନିୟାଃ କାଜି ମାନାଡ଼ିଙ୍ଗ ତାନାକ ।”

ୟୀଶୁ ମିଆଁଦ୍ ବଙ୍ଗା ଏସେରାକାନନିଃକେ ବୁଗିଃତାନା

(ମାଥୂଉ ୮:୨୮-୩୪; ମାର୍କ ୫:୧-୨୦)

୨୭ ୟୀଶୁ ଆଡ଼଼ ଚେଲାତାୟାଃକ ଗେରାସିମିକଆଃ ପାର୍ଗାନତେ ସେଟେରୟାନାକ, ଏନା ଗାଲିଲ୍ ଦରେୟାଃ ହାନ୍ ପାରମ୍ରେୟା । ୨୭ ୟୀଶୁ ତଙ୍ଗାଏତେ ଦରେୟା ଗେନାରେ ଆଡ଼ଗୁଡ଼ରସା, ଏନ୍ ନାଗାରରେନ୍ ମିହୁଡ଼୍ ଏଡ଼କାନ୍ ଆମ୍ବାଏତେ ପେରେଜାକାନ୍ ହଡ଼ ୟୀଶୁଲଃ ନାପାମ୍ୟାନାକିନ୍, ଇନିଃ ପୁରାଃ ମାହାଁଏତେ ଲିଜାଃ କାଏ ତୁସିଙ୍ଗାଁତାନ୍ ତାଇକେନା ଚାଏ ଅଡ଼ାଃରେ କା ତାଇନ୍କେଦ୍ତେ ହଡ଼ ତପା ଠାୟାଦ୍ରେ ତାୟୁଃତାଇକେନାଏ । ୨୮ ଇନିଃ ୟୀଶୁକେ ନେଲ୍ତାନତି ଆୟାଃ କାଟାୟୁବାରେ ଉୟୁଃକେଦ୍ତେ କାଉରିତାନ୍ଲଃ କାଜିକେଦାଏ, “ହେ ୟୀଶୁ ସାଲାଙ୍ଗିତତାର୍ ପାର୍ମେଶ୍ୱାର୍ଆଃ ହନ୍, ଆଇଙ୍ଗଲଃ ଆମାଃ ଚିକାନ୍ କାମି ମେନାଃ ? ଆଇଙ୍ଗ ଆମ୍ବେ ଜହାର୍ ମେଁ ତାନାଇଙ୍ଗ ଆଲମ୍ ଦୁକୁଇୟାଃ !” ୨୯ ଇନିଃ ଏନା କାଜିକେଦାଏ ଚିୟାଃତି ୟୀଶୁ ଏନ୍ ସଡ଼ରା ଆମ୍ବାକେ ନେ ହଡ଼ଏତେ ଅଡ଼ଙ୍ଗଅଃମେ ମେନ୍ତେ ଆବୁକାଈତାଇନାଏ । ଏଡ଼କାନ୍ ଆମ୍ବା ହଡ଼କେ ପୁରାଃ ମାହାଁଏତେ ସାବାକାଇତାଇନାଏ । ଆଡ଼଼ ହଡ଼କ ଇନିଃକେ ସିକ୍ଡ଼ିଲଃ ଆଡ଼଼ ବେଡ଼ିରେ ତଲ୍ଲକିଃତେ ହରଇତାନ୍କ ତାଇକେନା, ମେନ୍ଦ ଇନିଃ ତନଲ୍କେ ଚଟାଃଏତାନ୍ ଆଡ଼଼ ଏଡ଼କାନ୍ ଆମ୍ବା ଇନିଃକେ ବିର୍ତେ ହାରଇଦିତାନାଏ ତାଇକେନା ।

୩୦ ୟୀଶୁ ଇନିଃକେ କୁଲିକିୟାଏ “ଆମାଃ ନୁତୁମ୍ ଚିକନାଃ ?” ଇନିଃ କାଜିରୁହାଡ଼କିୟାଏ, “ଆଇୟାଃ ନୁତୁମ୍ ଫାଉଦ୍,” ‡ ଚିୟାଃତି ଇନିଃରେ ପୁରାଃଗି ବଙ୍ଗାକ ତାଇକେନା । ୩୧ ଆଡ଼଼ ଇନ୍କୁ ୟୀଶୁକେ “ଆଲେକେ ହୁଆଙ୍ଗାଡ଼ାଃତେ ଆଲମ୍ କୁଲ୍ଲେ” ମେନ୍ତେ ପୁରାଃଗିକ ବିକ୍ତିକିୟାଃ ।

୩୨ ବୁରୁଗେନା ଜାପାଃରେ ସୁକୁରିକଆଃ ମାରାଙ୍ଗ୍ ଗୋଟ୍ ଆଡ଼ିଙ୍ଗତାଇକେନାକ । ଏଡ଼କାନ୍ ଆମ୍ବାକ ୟୀଶୁକେ, ଆଲେକେ

---

‡ ୮:୩୦ ୮:୩୦ ବାହିନି § ୮:୩୧ ୫:31 ବଙ୍ଗାକଆଃ ଚୁଣ୍ଡୁ ଯାଜାଜ ଜାକେଦ୍ ନେ ହୁଆଙ୍ଗାଡ଼ାରେ ତଲ୍ଲକେଦ୍ତେ ତାଇନାଃକ

ଏନ୍ ସୁକୁରିକରେ ବଲଃ ନାଗେନ୍ତେ କୁଲ୍ତାଲେମେ ମେନ୍ତେକ ବିକ୍ରିକିୟାଃ, ଆତଃ ଇନିଃ ଇନ୍‌କୁକେ ବଲ୍‌ରିକାକେଦକଆଏ ।  
 ୩୩ ଏଡକାନ୍ ଆମ୍‌କ ଏନ୍ ହଡଏତେ ଅତଙ୍‌ୟାନ୍‌ତେ ସୁକୁରିକରେକ ବଲ୍‌ୟାନା ଆତଃ ସୁକୁରିକଆଃ ଗୋର୍ ଦରେୟାରେକ ନିର୍‌ବଲ୍‌ୟାନା ଆତଃ ତୁବିଃଗ୍ ଗଏଃୟାନାକ । ୩୪ ସୁକୁରି ଗୁପିତାନ୍‌କ ନେଆଁ ନେଲ୍‌କେଦ୍‌ତେ ନିର୍‌ୟାନାକ ଆତଃ ସାହାର୍ ଜାପାଃରାଃ ଟଲ୍‌କରେ ନେ କାଜିକ ଉଦୁବ୍ ବାଡାକେଦାଃ, ୩୫ ଆତଃ ହଡକ ହବାଲେନ୍‌ତେୟାଃ ନେଲ୍‌ନାଗେନ୍ତେ ଅତଙ୍‌ୟାନାକ ଆତଃ ଯୀଶୁତାଃକ ହିଜୁଃୟାନ୍ତେ ଏଡକାନ୍ ଆମ୍‌କଆଃ ଫାଉଦ୍‌ତେ ଏସେରାକାନ୍ ହଡକେ ଯୀଶୁଆଃ କାଟାସୁବାରେ ଦୁବାକାନ୍, ଲିଜାଃ ତୁସିଙ୍‌ଆଁକାନ୍ ନେଲ୍‌କିଃତେ ବରକେଦାଃକ । ୩୬ ନେ ସବେନାଃ ନେଲ୍‌କାଦ୍ ହଡକ ବଙ୍‌ମ୍‌ ଏସେର୍‌କାନ୍ ଏନ୍ ହଡ ଚିଲ୍‌କା ବୁଗିୟାନାଏ, ଏନା ସବେନ୍ ହଡକକେ ଉଦୁବାଦକଆକ । ୩୭ ଏନ୍ତେ ଗେରାସିମି ହପର୍‌ଜାପାଃରେନ୍ ସବେନ୍ ହଡକ ଆଲେୟାଃ ସାମ୍‌ନାଙ୍‌ଏତେ ସେନଃମେ ମେନ୍ତେ ଯୀଶୁକେକ ବିକ୍ରିକିୟା, ଚିୟାଃତି ଇନ୍‌କୁ ବରତାଇକେନାକ । ଆତଃ ଯୀଶୁ ଲାଉକାରେ ଦେଏଃୟାନ୍ତେ ରୁହାଡ୍‌ୟାନାଏ । ୩୮ ଏଡକାନ୍ ଆମ୍‌ଏତେ ବୁଗିୟାକାନ୍ ହଡ ଯୀଶୁକେ କାଜିକିୟାଏ, “ଆମାଃଲଃ ତାଇନ୍ ଚିକାଆଇଙ୍‌ମେଁ” ମେନ୍ତେ ବିକ୍ରିକିୟାଏ,

ମେନ୍‌ଦ ଯୀଶୁ ଆଇଃକ୍‌କେ ବିଦା ଏମ୍‌ତାନ୍‌ଲଃ କାଜିକିୟାଏ, ୩୯ “ଆମ୍ ଆମାଃ ଅତାଃତେ ରୁହାଡ୍‌ମେଁ ଆତଃ ପାର୍‌ମେଶ୍‌ବାର୍ ଆମାଃ ନାଗେନ୍ତେ ଚିକ୍‌ନାଃ ରିକାକାଦାୟ୍, ଚିଲ୍‌କା ଆମ୍‌କେ ଦାୟାକାଦ୍‌ମେୟା ଏନା ସବେନ୍‌କକେ ଉଦୁବାକମେ ।”

ଏନ୍ତେଦ ଏନ୍ ହଡ ରୁହାଡ୍‌ୟାନାଏ, ଆତଃ ଯୀଶୁ ଆୟାଃ ନାଗେନ୍ତେ ନେ'ଲେକାନ୍ ମାରାଙ୍‌ କାମି କାମିୟାଦିୟାଏ ମେନ୍ତେ ସବେନ୍ ନାଗାର୍‌ରେ ଉଦୁବ୍‌କେଦାଏ ।

ଯୀଶୁ ମିଆଁଦ୍ ତିଶ୍ଟାକୁଡିକେ ଜୀହୁଦ୍ ରୁହାଡିତାନା ଆତଃ ମିଆଁଦ୍ କୁଡିକେ ବୁଗିଃତାନାଏ

(ମାଥୁଃ ୯:୧୮-୨୨; ମାର୍କ ୫:୨୧-୪୩)

୪୦ ଯୀଶୁ ଦରେୟା ହାନ୍‌ପାରମ୍‌ତେ ରୁହାଡ୍‌ୟାନ୍ ଇମ୍‌ତା ଗାଦେଲ୍ ହଡକ ଇନିଃକେ ଦାରମ୍‌କିୟାଃକ, ଚିୟାଃତି ସବେନ୍‌କଦ

ଇନିଃକେ ନେଲ୍‌ହରାଇତାନ୍‌କ ତାଇକେନା । ୪୧ ଆତଃ ନେଲେପେ, ଯାଇରସ ନୁତୁମ୍ ସାମାଜ୍ ଅଡ଼ାଃରେନ୍ ଆଗୁଆଇ ହିଜୁଃୟାନାଏ, ଆତଃ ଯୀଶୁଆଃ କାଟା ସୁବାରେ ଉୟୁଃକେଦ୍‌ତେ ଆଇଁୟାଃ ଅଡ଼ାଃତେ ହିଜୁଃମେ ମେନ୍ତେ ବିକ୍ରିକିୟାଏ, ୪୨ ଚିୟାଃଚି ଆୟାଃ ବାରା ବାରାଷ୍‌ରେନ୍ ମିଆଁଦ୍‌ଗି ହନକୁଡ଼ି ତାଇକେନାଏ, ଇନିଃ ଦୁକୁଡେ ଗଜଃଲେକା କାନାଏ ତାଇକେନା । ମେନ୍‌ଦ ଯୀଶୁ ସେସେନ୍‌ତାନ୍ ଦିପିଲିରେ ଗାଦେଲ୍ ହଡକ ଇପ୍‌ଲିଙ୍‌ଅଃ ତାଇକେନାକ । ୪୩ ଇମ୍‌ତା ବାରା ବାରାଷ୍‌ଏତେ ମାୟୋମ୍‌ଲିଙ୍‌ ଦୁକୁରେ ଦୁକୁତାନ୍ ମିଆଁଦ୍ କୁଡ଼ି ତାଇକେନାଏ, ମେନ୍‌ଦ ଇନିଃ ଆୟାଃ ସବେନ୍ ତାଇକେନ୍‌ତେୟାଃ ବାଇଦକତାଃରେ ଚାବାକେଦ୍‌ରେୟ\* ଇନିଃକେ ଜେତାଏ ହ କାକ ବୁଗି ଦାଡ଼ି ତାଇକେନା । ୪୪ ଇନିଃ ଦୟାହରା ଯୀଶୁତାଃ ସେନ୍‌କେଦ୍‌ତେ ଲିଜାଃରାଃ ଆର୍‌ରା ଜୁଟିଦ୍‌କେଦାଏ, ଆତଃ ଇମ୍‌ତାଙ୍‌ଗି ମାୟୋମ୍ ଲିଙ୍‌ ଦୁକୁଏତେ ବୁଗିୟାନାଏ । ୪୫ ଏନ୍ତେ ଯୀଶୁ ମେତାଦକଥାଏ, “ଅକଏ ଆଇଙ୍‌କେ ଜୁଟିଦ୍‌କିଦିୟାଏ?”

ସବେନ୍‌କ କା ମାନାତିଙ୍‌ ତାନ୍‌ତେ, ପାଡ଼ରାସ୍ କାଜିକିୟାଏ “ହେ ଗମ୍‌କେ, ଗାଦେଲ୍ ହଡକ ଇପ୍‌ଲିଙ୍‌କେଦ୍‌ତେ ଆମାଃ ଚେତାନ୍‌ରେ ଉୟୁଗଃତାନାକ ।”

୪୬ ଯୀଶୁ କାଜିକେଦକଥାଏ, “ଅକଏ ମିହୁଡ୍ ଆଇଙ୍‌କେ ଜୁଟିଦ୍ କେଦିଙ୍‌ଆଏ, ଚିୟାଃଚି ଆଇଙ୍‌ତାଃଏତେ ପେଡେଃ ଅଡ଼ଙ୍‌ୟାନା ମେନ୍ତେ ସାରିଉରୁମ୍ କେଦାଆଇଙ୍‌ ।” ୪୭ ଆତଃ ଏନ୍‌କୁଡ଼ି କାଏ ଉକୁଦାଡ଼ିୟାନା ମେନ୍ତେ ଆଟ୍‌କାର୍‌କେଦ୍‌ତେ ଇନିଃ ବରତେ ଏକ୍‌ଲାଅଃତାନ୍‌ଲଃ ହିଜୁଃୟାନାଏ ଆତଃ ଯୀଶୁଆଃ ସାମ୍‌ନାଙ୍‌ରେ ଇକ୍‌ଡ଼ୁକେଦ୍‌ତେ ସବେନ୍‌କଆଃ ଆୟାର୍‌ରେ, ଚିନାଃମେନ୍ତେଇଙ୍‌ ଜୁଟିଦ୍‌କେଦ୍‌ମେୟାଁ ଆତଃ ଇମ୍‌ତାଗି ଚିଲ୍‌କାଇଙ୍‌ ବୁଗିୟାନା ମେନ୍ତେ ଉଦୁବ୍‌କିୟାଏ । ୪୮ ଏନ୍ତେ ଯୀଶୁ କାଜିକିୟାଏ, “ଏ ମାଇ, ବିଶ୍ୱାସ୍ ତାମାଃ ବୁଗିୟାକାଦ୍‌ମେୟାଏ, ଜୁ ସୁକୁ ଜୀଉତେ ସେନଃମେ ।”

୪୯ ଯୀଶୁ ଏନା କାଜିତାନ୍ ଇମ୍‌ତାଗି, ସାମାଜ୍ ଅଡ଼ାଃ ଚାଲାଅନିୟାଃ ଅଡ଼ାଃଏତେ କାଜି ଆଉଝାକାଦ୍ ହଡ଼ ଯାଇରସକେ କାଜିକିୟାଏ, “ହନ୍‌ମେକୁଡ଼ି ଗଏଃୟାନାଏ, ଗୁରୁକେ ଆତଃ ଆଲ୍‌ମେ ଦୁକୁଇୟା ।”

\* ୮:୪୩ ୮:୪୩ ଚିମିନ୍ ମାରିଅନଲ୍‌ରେ ନେ ପଦ ବାନଆଃ

୫୦ ଯୀଶୁ ନେ କାଜି ଆୟୁମ୍ବେଦ୍‌ତେ ଯାଇରସକେ କାଜିକିୟାଏ, “ଆଲମ୍ ବରଏୟା, ବିଶ୍ୱାସ୍‌ରେଗି ତାଇନଃମେ, ଆତଃ ଇନିଃ ବାସ୍ତାଅଃଆଏ ।”

୫୧ ଏନ୍ତେ ଯୀଶୁ ଯାଇରସରାଃ ଅଡ଼ାଃତେ ହିଜୁଃୟାନ୍‌ତି, ପାତ୍ରରାସ୍, ଯାକୁବ୍, ଆତଃ ଆୟାଃ ହାଗାତେ ଯୋହାନ୍ ଆତଃ କୁଡ଼ିହନ୍‌ଆଃ ଏଙ୍ଗା ଆପୁକିନ୍‌କେ ବାଗିକେଦ୍‌ତେ ଜେତାଏକକେ କାଏ ବଲ୍‌ରିକାକେଦ୍‌କଆ । ୫୨ ମେନ୍‌ଦ ଏନ୍ କୁଡ଼ିହନ୍ ନାଗେନ୍ତେ ସବେନ୍‌କ ରାଆଃତାନ୍ ଆତଃ କୁଡ଼ାମ୍‌କରେ ତିଃଇ ଆପଡ଼ିଅଃତାଇକେନାକ । ଏନ୍ତେ ଯୀଶୁ କାଜିକେଦ୍‌କଆଏ, ଆଲ୍‌ପେ ରାଆଃଏୟା ଇନିଃ କାଏ ଗଜାକାନା ମେନ୍‌ଦ ଦୁଡ଼ମୁତାନାଏ ।

୫୩ ଇନ୍‌କୁ ଯୀଶୁକେ ଲାୟାକିୟାଃକ ଚିୟାଃତି ଏନ୍ କୁଡ଼ିହନ୍ ଗଜାକାନାଏ ମେନ୍ତେ ଇନ୍‌କୁ ସାରିତାଇକେନାକ । ୫୪ ଯୀଶୁ ଏନ୍ କୁଡ଼ିହନ୍‌ଆଃ ତିଃଇ ସାବ୍‌କେଦ୍‌ତେ କାଜିକିୟାଏ, “ଏ ମାଈ ବିରିଦ୍‌ମେ ।” ୫୫ ଏନ୍ କୁଡ଼ିହନ୍‌ଆଃ ଜୀଉ ଇମ୍‌ତାଗି ରୁହାଡ଼ୁୟାନା, ଇନିଃ ବିରିଦ୍‌ୟାନାଏ ଆତଃ ଇନିଃକେ ଜାହାନାଃ ଜମେୟାଃ ଏମାଈପେ ମେନ୍ତେ ଯୀଶୁ କାଜିୟାଦ୍‌କଆଏ । ୫୬ କୁଡ଼ିହନ୍‌ଆଃ ଏଙ୍ଗା ଆପୁ ଆକଦାୟାୟାନାକିନ୍ ମେନ୍‌ଦ ନେ କାଜି ଜେତାଏତାଃରେ ଆଲ୍‌ପେ ଉଦୁବେୟା ମେନ୍ତେ ଯୀଶୁ କାଜିକେଦ୍‌କଆଏ ।



ଯୀଶୁ ଆୟାଃ ଗେଲ୍‌ବାର୍ ଚେଲ୍‌କକେ କୁଲ୍‌କତାନାଏ  
(ମାଥ୍‌ଉ ୧୦:୫-୧୫; ମାର୍କ ୬:୭-୧୩)

୧ ଏନ୍ତେ ଯୀଶୁ ଗେଲ୍‌ବାର୍ ଚେଲ୍‌କକେ କେଡ଼ାହୁଣ୍ଡିକେଦ୍‌କଆଏ, ସବେନ୍ ବଙ୍ଗାକକେ ହାଡ଼ଅଡ଼ଙ୍ଗ୍‌ନାଙ୍ଗ୍, ଆତଃ ଦୁକୁ ଗେରାଙ୍ଗ୍ ଏତେ ବୁଗିକନାଙ୍ଗ୍ ମେନ୍ତେ ପେଡ଼େଃ ଆତଃ ଆକ୍‌ତେୟାର୍ ଏମାଦ୍‌କଆଏ, ୨ ଆତଃ ଇନିଃ ଇନ୍‌କୁକେ ପାର୍‌ମେଶ୍ୱାର୍‌ଆଃ ରାଇଜ୍‌ରେୟାଃ କାଜି ଉଦୁବଃ ନାଗେନ୍ତେ, ଦୁକୁହାସୁତାନ୍‌କକେ ବୁଗିକ ନାଗେନ୍ତେ କୁଲ୍‌କେଦ୍‌କଆଏ । ୩ ଇନିଃ ଇନ୍‌କୁକେ କାଜିୟାଦ୍‌କଆଏ, “ଆପେୟାଃ ହରାସେନ୍ ନାଗେନ୍ତେ ସଟା ଚାଏ ଆଇଲା, ହଲ୍‌ଙ୍ଗ୍ ଚାଏ ଟାକାପାଏସା, ଚାଏ ବାରିଆ ତୁସିଙ୍ଗ୍ ଲିଜାଃ ହୁଁ ଆଲ୍‌ପେ ଇଦିୟା । ୪ ଜେତା ଅଡ଼ାଃରେ ଦାରମ୍‌ପେରେ, ଏନ୍ ଜାପାଃଏତେ ଆଉରି

ଅତଃକ୍ଷୟଃ ଜାକେଦ ଏନ ଅତଃରେଗି ତାଇନଃପେ । ୫ ✠ ✠ ଜେତାଏ ଆପେକେ କାକ ଦାରମ୍ପେରେଦ ଏନ ହାତୁଏତେ ଅତଃକ୍ଷୟଃ ଇମ୍ପାକ୍ଷୟଃ ଆପେୟାଃ କାଟା ତାଲ୍ଲକାରେୟାଃ ଧୂଡ଼ି ଗାଞ୍ଜା ନାଗେନ୍ତେ କଟା ବାଗିତାପେ ।”

୬ ଏନାରେ ଇନ୍କୁ ଅତଃକ୍ଷୟାନ୍ତେ ସବେନ୍ସାଃ ସୁକୁକାଜି ଉଦୁବତାନ୍ଲଃ ଆତଃ ହଡ଼କକେ ବୁଗିକ ତାନ୍ଲଃ ହାତୁ ହାତୁକ ହନିରବାଡ଼ାକେଦା ।

ହେରୋଦ୍‌ଆଃ ଆକଟାକାଅ  
(ମାଥୁଉ ୧୪:୧-୧୨; ମାର୍କ ୬:୧୪-୨୯)

୭ ✠ ଆତଃ ଗାଲିଲ୍‌ରେନ୍ ରାଜା ହେରୋଦ୍ ଯୀଶୁଆଃ କାମିକାଦ୍ ସବେନାଃ ଆୟୁମକେଦ୍‌ତେ ଆକଟାକାଅୟାନ୍‌ଏ, ଚିୟାଠି ବାପ୍ତିସ୍ତା ଏମଃନିଃ ଯୋହାନ୍ ଗଜାକାନ୍‌ଏତେ ଜୀଉବିରିଦାକାନ୍‌ଏ ମେନ୍ତେ ଚିମିନ୍ ହଡ଼କ ମେନ୍‌କେଦାଃକ । ୮ ଆତଃ ଚିମିନ୍ ହଡ଼କ ଏଲିୟ ଉଦୁବାକାନ୍‌ଏ, ଆତଃ ଏଟାଃକ ସିଦାରେନ୍ ନାବାକଏତେ ମିଆଁଦ୍‌ନିଃ ଜୀଉବିରିଦାକାନ୍‌ଏ ମେନ୍‌କେଦାଃକ । ୯ ମେନ୍‌ଦ୍ ହେରୋଦ୍ କାଜିକେଦାଏ, ବାନଃଗି ଯୋହାନ୍‌ଆଃ ବହଃ ଆଇକ୍ ମାଆଃ ରିକାକାଦା ମେନ୍‌ଦ୍ ଆଇକ୍ ଇନିୟାଃ ନାଗେନ୍ତେ ନେ ଲେକା କାଜିକ୍ ଆୟୁମତାନା ନେ ହଡ଼ ଅକଏ ତାନିଃ ମେନ୍‌କେଦାଏ, ଆତଃ ଇନିଃ ନେଲ୍‌ସାନାକ୍ ତାଇକେନାଏ ।

ୟୀଶୁ ମଣେୟାଁ ହାଜାର୍ ହଡ଼କକେ ଜମେୟାଁଃ ଏମାକତାନ୍‌ଏ  
(ମାଥୁଉ ୧୪:୧୩-୨୧; ମାର୍କ ୬:୩୦-୪୪; ଯୋହାନ୍ ୬:୧-୧୪)

୧୦ ଏନ୍ତେ ପ୍ରେରିଡ଼କ ହିଜୁଃରୁହାଡ଼ୟାନ୍‌ଏ, ଆତଃ ଆକ କାମିକାଦ୍ ସବେନାଃ ଯୀଶୁକେ ଉଦୁବକିୟା । ଆତଃ ଇନ୍କୁକେ ଏସକାରରେ ଇଦିକେଦକ୍‌ତେ ବେଅସାଇଦା ନୁଡୁମ୍ ମିଆଁଦ୍ ସାହାର୍‌ତେୟାଏ ସେନଃୟାନ୍‌ଏ । ୧୧ ମେନ୍‌ଦ୍ ଗାଦେଲ୍ ହଡ଼କ ନେଆଁ ସାରିକେଦ୍‌ତେ ଅତଃକ୍ଷୟାକ, ଇନିଃ ଇନ୍କୁକେ ଦାରମ୍ପକେଦକଆଏ ଆତଃ ପାର୍‌ମେଶ୍‌ଆଃ ରାଇକ୍‌ରେୟାଃ କାଜି ଉଦୁବାଦକଆଏ ଆତଃ ବୁଗିୟଃଲଗାତିକ୍‌ତାନ୍ ତାଇକେନକକେ ବୁଗିକେଦକଆଏ ।

✠ ୯:୫ ୯:୫ ପ୍ରେରିଡ଼ ୧୩:୫୧. ✠ ୯:୫ ୯:୫ ଲୁକ ୧୦:୪-୧୧. ✠ ୯:୭ ୯:୭ ମାଥୁଉ ୧୭:୧୪; ମାର୍କ ୮:୨୮; ଲୁକ ୯:୧୯.



୧୨ ଆଡ଼ଃ ସିଙ୍ଗି ହାସୁରଃତାନରେ ଗେଲ୍‌ବାର୍ ତେଲାଇ ହିଜୁଃୟାନ୍ତେ କାଜିକିୟାକ, “ଏନ୍ ଗାଦେଲ୍ ହଡ଼କକେ କୁଲ୍‌ରୁହାଡ଼କମ୍, ଜେ'ଲେକାଟି ଇନ୍‌କୁ ଚାରିୟସାଃରେୟାଃ ହାଡୁ ଚଲା ସେନ୍‌କେଦ୍‌ଡେ ଜମେୟାଃ ଆଡ଼ଃ ତାଇନଃ ଠାୟାଦ୍‌କ ନାମ୍ ଦାଡ଼ିୟା । ଚିୟାଃଟି ଆବୁଦ ସିଃସଏଃ ଠାୟାଦ୍‌ରେବୁଆ ।”

୧୩ ମେନ୍‌ଦ ଯୀଶୁ ଇନ୍‌କୁକେ ମେତାଦ୍‌କଆଏ, “ଆପେଗି ଇନ୍‌କୁକେ ଜମେୟାଃ ଏମାକପେ ।”

ଆଡ଼ଃ ଇନ୍‌କୁ କାଜିରୁହାଡ଼କିୟାକ, “ଆଲେ ସେନ୍‌କେଦ୍‌ଡେ ନେ ସବେନ୍ ହଡ଼କ ନାଗେନ୍ତେ ଜମେୟାଃ କାଲେ କିରିଙ୍‌ଫେୟେରେଦ୍, ଆଲେତାଃରେ ମଣେୟା ହଲଙ୍‌ ଆଡ଼ଃ ବାରିଆ ହାକୁ ଏସ୍‌କାର୍ ମେନାକଆ ।” ୧୪ ଇନ୍‌କୁ ପାଞ୍ଚ ହାଜାର୍ ଲେକା କଡ଼ାକ ତାଇକେନା ।

ମେନ୍‌ଦ ଯୀଶୁ ଆୟାଃ ତେଲାଇକେ ମେତାଦ୍‌କଆଏ, “ପାଚାଗ୍ ପାଚାଗ୍ ଝାନ୍‌ଲେକା ପାନ୍ତି ପାନ୍ତି ଦୁବ୍‌କପେ ।”

୧୫ ଏନ୍ତେ ଇନ୍‌କୁ ଏନ୍‌ଲେକାଗି ସବେନ୍‌କକେ ଦୁବ୍‌କେଦ୍‌କଆକ । ୧୬ ଇନିଃ ଏନ୍ ମଣେୟା ହଲଙ୍‌ ଆଡ଼ଃ ବାରିଆ ହାକୁ ସାବ୍‌କେଦ୍‌ଡେ ସିର୍ମାସାଃ ସାଙ୍ଗିଲ୍‌ରାକାବ୍‌ତାନଲଃ ଆଗିଷ୍‌କେଦ୍‌ଡେ କେଚାଃକେଦାଏ, ଆଡ଼ଃ ଗାଦେଲ୍ ହଡ଼କତାଃରେ ହାଟିଙ୍‌ ନାଗେନ୍ତେ ତେଲାଇକେ ଏମାଦ୍‌କଆଏ । ୧୭ ସବେନ୍‌କ ଜମ୍‌କେଦ୍‌ଡେ ବି'ୟାନାକ ଆଡ଼ଃ ସାରେୟାକାନ୍ କେଚାଃ ବାରା ତୁ'ଜିକ ହାଲାଙ୍‌କେଦାଃ ।

**ପାଡ଼ରାସ୍‌ଆଃ ବିଶ୍ୱାସ୍**

(ମାଥୁଉ ୧୭:୧୩-୧୯; ମାର୍କ ୮:୨୭-୨୯)

୧୮ ମିସା ଯୀଶୁ ଏସ୍‌କାର୍‌ରେ ବିନ୍ତିତାନ୍ ତାଇକେନ୍ ଇମ୍‌ତା ତେଲାଇ ଇନିଃଲଃକ ତାଇକେନା ଆଡ଼ଃ ଇନିଃ ତେଲାଇକେ କୁଲିକେଦ୍‌କଆ, “ଆଇଙ୍‌ ଅକଏ ତାନିଙ୍‌ ମେନ୍ତେ ହଡ଼କ କାଜିତାନା ?”

୧୯ ☆ଏନ୍ତେଦ ଇନ୍‌କୁ କାଜିକିୟାଃକ, “ଚିମିନ୍‌କ ବାପ୍ତିସ୍ମା ଏମଃନିଃ ଯୋହାନ୍, ଚିମିନ୍‌କ ଏଲିୟ, ଚିମିନ୍‌କ ସିଦାରେନ୍ ନାବୀକଏଡେ ମିହୁଡ୍‌ ଜୀଉ ବିରିଦାକାନାଏ ମେନ୍ତେକ କାଜିତାନା ।”

☆ ୯:୧୯ ୯:୧୯ ମାଥୁଉ ୧୪:୧,୨; ମାର୍କ ୭:୧୪,୧୫; ଲୁକ ୯:୭,୮.

୨୦ ✨ୟୀଶୁ ଇନକୁକେ କୁଲିକେଦକଆ, “ଆଇଙ୍ଗ ଅକଏ ତାନିଙ୍ଗ୍ ମେନ୍ତେପେ କାଜିତାନା ?”

ପାଡ଼ରାସ୍ କାଜିରୁହାଡ଼କିୟାଏ, “ଆମ୍ ପାରମେଶ୍ୱାର୍ଥାଃ ଖ୍ରୀଷ୍ଟ୍ ତାନମେ ।”

ଆୟାଃ ମନେ ବାଗିରେଆଃ ଆଡଃ ଆୟାଃ କୁଙ୍ ଗଅଃରେୟାଃ ଇନିଡୁ

(ମାଥୁଉ ୧୭:୨୦-୨୮; ମାର୍କ ୮:୩୦-୯:୧)

୨୧ ଏନ୍ତେ ୟୀଶୁ ନେ କାଜି ଜେତାଏକେ ଆଲ୍ପେ ଉଦୁବାକଆ ମେନ୍ତେ ହୁକୁମକେଦକଆ । ୨୨ ଆଡଃ ଇନିଃ ଇନକୁକେ ମେତାଦକଆଏ, “ଆଇଙ୍ଗ୍ ମାନଝାହନ୍ ତାନାଇଙ୍ଗ୍, ଆଇଙ୍ଗ୍କେ ପୁରାଃ ଦୁକୁ ସାହାତିଙ୍ଗ୍ ଲାଗାତିୟାଃ, ଆଡଃ ପ୍ରାତିନ୍କ, ମୁଲ୍ ଯାଜାକକ ଆଡଃ ଆଇନ୍ ଇଡୁକ ଆଇଙ୍ଗ୍କେ ହିଲାଇଙ୍ଗ୍ୟା ଆଡଃ ଗଜିୟା, ଆଡଃ ଆଇଙ୍ଗ୍ ଆପି ମାହାଁ ତାୟମ୍ତେ ଜୀଉ ବିରିଦାଇଙ୍ଗ୍ ।”

୨୩ ✨ୟୀଶୁ ସବେନ୍କକେ କାଜିକେଦକଆଏ, ଜେତାଏ ହଡ଼ ଆଇଙ୍ଗ୍କେ ଅତଙ୍ଗ୍ ସାନାଙ୍ଗ୍ରେଦ ଇନିଃ ଆୟାଃ ମନେ ବାଗିତାକାଏ ଆଡଃ ସବେନ୍ ହୁଲାଇ ଆୟାଃ କୁଙ୍ ଗଅଃକେଦତେ ଅତଙ୍ଗ୍ଇଙ୍ଗ୍କାଏ । ୨୪ ✨ଜେତାଏ ଆୟାଃ ଜୀଉ ବାଞ୍ଚାଅ ସାନାଙ୍ଗ୍ରେଦ, ଏନାଏ ଆଦେୟା, ମେନ୍ଦ ଆୟାଃ ଜୀଉ ଆଇଁୟାଃ ନାଗେନ୍ତେ ଆଦେନିଃ ଏନାଏ ବାଞ୍ଚାଅୟାଃ । ୨୫ ଜେତାଏ ହଡ଼ ଗଟା ଅତେଦିଶୁମ୍ ନାମ୍କେଦରେୟ ଆୟାଃ ଜୀଉକେ ଜିୟନେରେଦ ଇନିୟାଃ ଚିକାନ୍ ଫାଏଦା ହବାଅଆଃ ? ୨୬ ଜେତାଏ ଆଇଙ୍ଗ୍କେ ଆଡଃ ଆଇଁୟାଃ କାଜିକେ ଗିହୁଃରେଦ ଆଇଙ୍ଗ୍ ମାନଝାହନ୍ ତାନିଙ୍ଗ୍, ଆଇଙ୍ଗ୍ ପାବିତାର୍ ଦୁଡ଼କଲଃ ଆପୁଇଁୟାଃ ମାନାରାଙ୍ଗ୍ରେ ହିଜୁଃରୁହାଡ଼ ଦିପିଲିରେ ଆଇଙ୍ଗ୍ହଗି ଏନ୍ ବିଷାଏରେ ଗିହୁଗଃଆଇଙ୍ଗ୍ । ସିମାରେନ୍ ଦାସିକଆଃ ମାନାରାଙ୍ଗ୍ରେ ହିଜୁଃ ଇମ୍ତା ଇନିଃହଗି ଇନିୟାଃ ବିଷାଏରେ ଗିହୁଗଃଆଏ । ୨୭ ଆଇଙ୍ଗ୍ ସାର୍ତିଗିଙ୍ଗ୍ କାଜିୟାପେତାନା, “ନେତାଃରେ ତିଙ୍ଗୁଆକାନ୍କଏତେ ଚିମିନ୍କ

✨ ୯:୨୦ ୯:୨୦ ଯୋହାନ୍ ୬:୬୮,୭୯. ✨ ୯:୨୩ ୯:୨୩ ମାଥୁଉ ୧୦:୩୮; ଲୁକ ୧୪:୨୭.

✨ ୯:୨୪ ୯:୨୪ ମାଥୁଉ ୧୦:୩୯; ଲୁକ ୧୭:୩୩; ଯୋହାନ୍ ୧୨:୨୫.

ପାରମେଶ୍ୱାରୀଆଃ ରାଇଜ୍ ଆଉରିକ ନେଲେଜାକେଦ୍ ଗନଏଃ କାକ ଚାଖାଏୟାଃ ।”

**ୟୀଶୁଆଃ ରୁପ୍‌ବାଦଲିୟଃ**  
(ମାଥୂଉ ୧୭:୧-୮; ମାର୍କ ୯:୨-୮)

୨୮ ଆଡ଼ଃ ନେ କାଜିରେୟାଃ ଇରାଲିୟା ମାହ୍ନାଁ ତାୟମ୍‌ତେ ଯୀଶୁ ପାଡ଼ରାସ୍, ଯୋହାନ୍ ଆଡ଼ଃ ଯାକୁବ୍ ତେକକେ ଆୟାଃଲଃ ଇଦିକେଦ୍‌ତେ ବିକ୍ରିନାଜ୍ ବୁରୁତେ ରାକାବ୍‌ୟାନାଏ । ୨୯ ଇନିଃ ବିକ୍ରିତାନ୍ ଇମ୍‌ତା ଇନିୟାଃ ମେଦ୍‌ମୁହ୍ନାଁଡ୍ ବାଦାଲାଅୟାନା ଆଡ଼ଃ ଇନିୟାଃ ଲିଜାଃ ପୁରାଃଗି ମାସ୍ତାଲ୍‌ଲେକା ପୁଣ୍ଡିୟାନା । ୩୦ ଆଡ଼ଃ ଇମ୍‌ତାଗି ବାରହଡ଼କିନ୍ ତାଇକେନା, ଇନ୍‌କିନ୍ ହବାଅଃତାନାକିନ୍ ମୁଶା ଆଡ଼ଃ ଏଲିୟ, ୩୧ ଇନ୍‌କିନ୍ ସିର୍ମାରେନ୍ ମାନାରାଜ୍‌ରେକିନ୍ ଉଦୁବେନ୍‌ୟାନା, ଆଡ଼ଃ ଯୀଶୁଲଃ ଯୀରୁଶାଲେମ୍‌ରେ ଆୟାଃ ଗନଏଃରେୟାଃ କାଜି ବାଖାଁଣେତାନ୍‌କିନ୍ ତାଇକେନା । ୩୨ ପାଡ଼ରାସ୍ ଆଡ଼ଃ ଇନିୟାଃ ଗାଡ଼ିକିନ୍ ଦୁଡ଼ମୁତେ ପୁରାଃ ପେରେଜାକାନ୍ ତାଇକେନାକିନ୍, ମେନ୍‌ଦ ଇନ୍‌କିନ୍ ପୁରା ଆଦାୟାନ୍ତେ, ଇନିୟାଃ ମାନାରାଜ୍ ଆଡ଼ଃ ଇନିଃଲଃ ତିଜୁଆକାନ୍ ବାରହଡ଼କିନ୍‌କେ ନେଲ୍‌କେଦ୍‌କିନାକ । ୩୩ ଇନ୍‌କିନ୍ ଯୀଶୁତାଃଏତେ ସେନଃତାନ୍‌ରେ ପାଡ଼ରାସ୍, “ହେ ପ୍ରାଭୁ ଆବୁଆଃ ନେତାଃ ତାଇନଃତେୟାଃ ବୁଗିନାଃ, ଆଲେ ଆପିୟା କୁମ୍‌ଗାଲେ ବାଇୟାଃ, ଆମାଃ ନାଗେନ୍ତେ ମିଆଁଦ୍, ମୁଶା ନାଗେନ୍ତେ ମିଆଁଦ୍ ଆଡ଼ଃ ଏଲିୟ ନାଗେନ୍ତେ ମିଆଁଦ୍” ମେନ୍ତେ ଯୀଶୁକେକ କାଜିକିୟାଃ । ଇନିଃ ଦ ଆୟାଃ କାଜିତାନ୍‌ତେୟାଃ କାଏ ସାରିତାନ୍ ତାଇକେନା ।

୩୪ ଇନିଃ ନେୟାଁ କାଜିତାନ୍ ଇମ୍‌ତାଗି ରିମିଲ୍ ହିଜୁଃକେଦ୍‌ତେ ଇନ୍‌କୁକେ ଉମୁଲ୍‌କେଦ୍‌କଆ, ଆଡ଼ଃ ଏନ୍ ରିମିଲ୍‌ରେ ବଲତାନ୍ ଇମ୍‌ତା ଇନ୍‌କୁ ବରକେଦାଃକ । ୩୫ ☆“ନିଃ ଆଇଁୟାଃ ସାଲାକାନ୍ ଦୁଲାଡ୍ ହନ୍ ତାନିଃ, ଇନିୟାଃ କାଜି ଆୟୁମେପେ” ମେନ୍ତେ ମିଆଁଦ୍ କାଜି ରିମିଲ୍‌ଏତେ ଆୟୁମ୍‌ୟାନା ।

☆ ୯:୩୫ ୯:୩୫ ମାଥୂଉ ୩:୧୭; ୧୨:୧୮; ମାର୍କ ୧:୧୧; ଲୁକ ୩:୨୨. ☆ ୯:୩୫ ୯:୩୫ ୨ ପାଡ଼ରାସ୍ ୧:୧୭,୧୮.

୩୬ ନେ କାଜି କାଜିୟାନ୍ରେ, ଇନ୍କୁ ଯୀଶୁକେ ଏସକାରଗି ନାମକିୟାଃକ । ଆତଃ ଚେଲାକ ହାପାୟାନାକ, ନେଲ୍‌କାଦ୍ କାଜି ଏନ୍ ଦିପିଲିରେ ଜେତାଏକେ କାକ ଉଦୁବକେଦକଆ ।

**ୟୀଶୁ ବଜ୍ଞା ଏସେରାକାଇ ହନ୍‌କେ ବୁଗି ତାନାଏ**

(ମାଥୁଉ ୧୭:୧୪-୧୮; ମାର୍କ ୯:୧୪-୨୭)

୩୭ ଏଗାଃ ହୁଲାଙ୍ଗ୍ ଯୀଶୁ ଆତଃ ଆୟାଃ ଆପିୟା ଚେଲାକ ବୁରୁଏତେ ଆଡ଼ଗୁୟାନ୍ ଇମ୍ତା ପୁରାଃ ଗାଦେଲ୍ ହଡ଼କ ଯୀଶୁକେ ସେନ୍‌ଦାରମକିୟାକ । ୩୮ ଆତଃ ନେଲେପେ, ଗାଦେଲ୍ ହଡ଼କଏତେ ମିହୁଡ଼୍ କାଉରିକେଦାଏ, “ହେ ଗୁରୁ ଆଇଙ୍ଗ୍ ବିକ୍ରିମେତାନାଇଙ୍ଗ୍, ହନିଙ୍ଗକଡ଼ାକେ ହେତାଇମେ, ଇନିଃଦ ଆଇୟାଃ ମିଆଁଦ୍‌ଗି ହନ୍‌କଡ଼ା ତାନିଃ” ମେନ୍‌କିୟାଏ । ୩୯ ଆତଃ ନେଲିମେ, ମିଆଁଦ୍ ବଜ୍ଞା ଇନିଃକେ ସାବକିଃରେ ଇନିଃ ଆବକାଗି କାଉରିୟାଏ; ଆତଃ ମରାଏତେ ପୁଡ଼ରିଦକ ଅତଙ୍ଗ୍‌ଅଃଆ, ବଜ୍ଞା ଇନିଃତାଃଏତେ ଚିମିନ୍ ତାର୍‌ସାର୍‌ତେ ଅତଙ୍ଗ୍‌ଅଃଆଏ । ଆତଃ ଇନିଃଦ ଇନିଃକେ ଜିୟନିତାନାଏ । ୪୦ ଆଇଙ୍ଗ୍ ଚେଲାକକେ ବିକ୍ରିକେଦକଆଇଙ୍ଗ୍, “ମାର୍ ବଜ୍ଞାକେ ଅତଙ୍ଗ୍‌ଇଁପେ, ମେନ୍‌ଦ ଇନ୍‌କୁ କାକ ଦାଡ଼ିକେଦାଃ ।”

୪୧ ଆତଃ ଯୀଶୁ ମେନ୍‌କେଦାଏ, “ଏ କା ବିଶ୍ୱାସ୍ ଆତଃ କେଚେଦ୍ ମନ୍‌ରେନ୍ ହଡ଼କ, ଚିମିନ୍ ମାହାଁ ଜାକେଦ୍ ଆପେଲଃ ତାଇନାଇଙ୍ଗ୍ ଆତଃ ସାହାତିଙ୍ଗ୍‌ପେୟା ?” ଆତଃ ଏନ୍ ହଡ଼କେ କାଜିକିୟାଏ, “ମାର୍ ଆମାଃ ହନ୍‌କେ ଆଇଙ୍ଗ୍‌ତାଃତେ ଆଉଝିମେଁ ।”

୪୨ ଆତଃ କଡ଼ାହନ୍ ହିଜୁଃତାନ୍ ଇମ୍ତା ବଜ୍ଞା ଇନିଃକେ ଆଞ୍ଜାକିୟାଏ, ମେନ୍‌ଦ ଯୀଶୁ ଏନ୍ ସଡ଼ରା ଆମ୍ବାକେ ମାରାଙ୍ଗ୍‌ମଚାକେଦ୍‌ତେ ଇନିଃକେ ବୁଗିକିୟାଏ ଆତଃ ଆପୁଡେକେ ଏମରୁହାଡ଼ାଇୟାଏ ।

**ୟୀଶୁ ଆତଃମିସା ଆୟାଃ ଗନଏଃ କାଜି କାଜିକେଦାଏ**

(ମାଥୁଉ ୧୭:୨୨-୨୩; ମାର୍କ ୯:୩୦-୩୨)

୪୩ ଏକ୍ରେଦ୍ ସବେନ୍‌କ ପାର୍‌ମେଶ୍ୱାର୍‌ଆଃ ମାନାରାଙ୍ଗ୍‌ତେ ଆକ୍‌ଦାନ୍‌ଅୟାନାକ । ଆତଃ ଯୀଶୁ କାମିକେଦ୍ ସବେନ୍ କାମିତେୟ୍ ହଡ଼କ ଆକ୍‌ଦାନ୍‌ଅଃତାନ୍ ତାଇକେନ୍‌ରେ, ଇନିଃ ଆୟାଃ ଚେଲାକକେ ମେତାଦକଆଏ, ୪୪ “ନେ ସବେନ୍ କାଜି

ଆପେୟାଃ ଲୁତୁରରେ ଦହଏପେ, ଆଇଙ୍ଗ୍ ମାନଝାହନ୍ ତାନିଙ୍ଗ୍, ଆଇଙ୍ଗ୍ ହଡକଆଃ ତିଃଇରେ ଏମ୍ବଣ୍ଡାଗଃଆଇଙ୍ଗ୍ ।” ୪୫ ମେନ୍ଦ ଦେଲକ ନେ କାଜି କାକ ଆଟ୍‌କାର୍ ଉରୁମ୍ ଦାଡ଼ିକେଦା ଆଡ଼ଃ ଇନ୍‌କୁ ଏନା ଆଲକାକ ଆଟ୍‌କାରେକା ମେନ୍ତେ ଚେଲକନାଙ୍ଗ୍ ଉକୁଆକାନ୍ ତାଇକେନା ଆଡ଼ଃ ଇନ୍‌କୁ ନେ କାଜି ଇନିଃକେ କୁଲି ନାଗେନ୍ତେ ବରତାନ୍‌କ ତାଇକେନା ।

**ଅକଏ ମାରାଙ୍ଗ୍**

(ମାଥୁର ୧୮:୧-୫; ମାର୍କ ୯:୩୩-୩୭)

୪୬ ✨ଆଡ଼ଃ ଆବୁକଏତେ ଅକଏ ମାରାଙ୍ଗ୍ ମେନ୍ତେ ଚେଲକ ଆକ ଆକରେକ ଉଡ଼ୁତାନ୍ ତାଇକେନା । ୪୭ ମେନ୍ଦ ଯାଶୁ ଇନ୍‌କୁଆଃ ମନ୍‌ରେୟାଃ ଉଡ଼ୁ ସାରିକେଦ୍‌ତେ, ମିଆଁଦ୍ ହୁଡ଼ିଙ୍ଗ୍ ହନ୍‌କେ ଆଉକିୟାଏ ଆଡ଼ଃ ଆୟାଃ ହେପାଦ୍‌ରେ ତିଙ୍ଗୁକିୟାଏ । ୪୮ ✨ଏନ୍ତେ ଇନିଃ ମେତାଦ୍‌କଆଏ, “ଜେତାଏ ନେ ହୁଡ଼ିଙ୍ଗ୍ ହନ୍‌କେ ଆଇୟାଃ ନୁତୁମ୍‌ତେ ଦାରମିରେଦ ଆଇଙ୍ଗ୍‌କେ ଦାରମିଆଁ; ଆଡ଼ଃ ଜେତାଏ ଆଇଙ୍ଗ୍‌କେ ଦାରମିରେଦ ଆଇଙ୍ଗ୍‌କେ କୁନୁଲ୍‌ନିଃକେହିଁ ଦାରମିଆଏ । ଚିୟାଃଚି ଆପେ ସବେନ୍‌କଏତେ ଅକଏ ହୁଡ଼ିଙ୍ଗ୍‌ଉତାରଃଆଏ ଇନିଃଚି ମାରାଙ୍ଗ୍ ।”

**ଆବୁଆଃ ବିରୁଧ୍‌ରେ ବାଙ୍ଗାଈନିଃଦ ଆବୁସାଃରିୟା**

(ମାର୍କ ୯:୩୮-୪୦)

୪୯ ଆଡ଼ଃ ଯୋହାନ୍ ଇନିଃକେ କାଜିରୁହାଡ଼କିୟାଏ, “ମିଆଁଦ୍ ହଡ଼ ଆମାଃ ନୁତୁମ୍‌ତେ ବଙ୍ଗାକକେ ଅଡ଼ଙ୍ଗ୍‌କତାନ୍‌ଲେ ନେଲ୍‌କିୟା ଆଡ଼ଃ ଆଲେ ଇନିଃକେ ମାନାକିୟାଃଲେ, ଚିୟାଃଚି ଇନିଃ ଆବୁଏତେ ମିହୁଡ଼୍‌କାଏ ତାଇକେନା ।”

୫୦ ମେନ୍ଦ ଯାଶୁ କାଜିକିୟାଏ, “ଆଲ୍‌ପେ ମାନାଈୟା, ଆବୁଆଃ ବିରୁଧ୍‌ରେ ବାଙ୍ଗାଈନିଃଦ ଆବୁସାଃରିୟା ।”

**ଶମିରୋନିରେନ୍‌କ ଯାଶୁକେ କାକ ଦାରମ୍‌କିୟାଃ**

୫୧ ଯାଶୁଆଃ ସିର୍ମା ରାକାଦ୍‌ରେୟାଃ ଦିପିଲି ନାଡ଼େଃୟାଃତାନ୍‌ରେ ଇନିଃ ଯୀରୁଶାଲେମ୍‌ତେ ସେନଃ ନାଗେନ୍ତେ ଏସ୍‌କାରଗି

✨ ୯:୪୬ ୯:୪୭ ଲୁକ ୨୨:୨୫. ✨ ୯:୪୮ ୯:୪୮ ମାଥୁର ୧୦:୪୦; ଲୁକ ୧୦:୧୭; ଯୋହାନ୍ ୧୩:୨୦.

ମନ୍ତାୟାଃ କେଟେଦକେଦାଏ । ୫୨ ଆତଃ ଇନିଃ ହଡକକେ କୁଲ୍  
 ଆୟାରକେଦକଆଏ, ଇନ୍କୁ ସେନଃୟାନ୍ତେ ଇନିଃନାଙ୍ଵ ବାଇସାତି\*  
 ନାଗେନ୍ତେ ଶମିରୋନିରେନ୍କଆଃ ମିଆଁଦ୍ ହାତୁରେକ ବଲୟାନା  
 । ୫୩ ମେନ୍ଦ ଏନ୍ତାଃରେନ୍ ହଡକ ଇନିଃକେ କାକ ଦାରମ୍‌କିୟା  
 ଚିୟାଃଚି ଇନିଃ ଯୀରୁଶାଲେମସାଃତେ ସେନଃତାନା ମେନ୍ତେ ସାରିୟଃ  
 ତାଇକେନାଏ । ୫୪ ନେଆଁ ନେଲ୍‌କେଦ୍‌ତେ ଇନିୟାଃ ଚେଲା ଯାକୁବ୍  
 ଆତଃ ଯୋହାନ୍ ବାରାନ୍‌କିନ୍ କାଜିକିୟାଃ, “ହେ ପ୍ରାଭୁ, ଆମ୍  
 ସାନାଙ୍ଵରେଦ ଏଲିୟକେ ଆରୁକେଦ୍‌ଲେକା† ସିମ୍‌ଏତେ ସେଙ୍ଘେଲ୍  
 ଉୟୁଗଃକା ଆତଃ ଇନ୍କୁ ଜିୟନଃକାକ ।”

୫୫ ମେନ୍ଦ ଯୀଶୁ ଇନ୍‌କିନ୍‌କେ ହେତାରୁହାଡକେଦ୍‌ତେ  
 ଏଗେରୁକେଦକିନାଏ, ଆବେନ୍ ଚିଲ୍‌କାନ୍ ଆମ୍‌ରେନ୍ ତାନ୍‌ବେନ୍,  
 ନେଆଁ କାବେନ୍ ସାରିତାନା । ହଡକଆଃ ଜୀଉ ଜିୟନ୍ ନାଗେନ୍ତେଦ  
 କାହା ମେନ୍ଦ ଜୀଉ ବାଞ୍ଛାଅ ନାଗେନ୍ତେ ମାନଞ୍ଵାହନ୍ ହିଜୁଃକାନାଏ ।‡  
 ୫୬ ଆତଃ ଇନ୍କୁ ଏଗାଃ ହାତୁତେକ ସେନଃୟାନା ।

**ପ୍ରାଭୁଆଃ ଚେଲାବାଇୟଃରେୟାଃ କାଜି  
 (ମାଥ୍‌ଉ ୮:୧୯-୨୨)**

୫୭ ଇନ୍କୁ ହରାରେ ସେନ୍‌ତାନ୍ ତାଇକେନ୍ ଇମ୍‌ତା ମିଆଁଦ୍  
 ହଡ, ଯୀଶୁକେ କାଜିକିୟାଏ, “ଆମ୍ କତେମ୍ ସେନା ଏନ୍ତେଇଙ୍ଵ  
 ଅତଙ୍ଵମେୟା ।”

୫୮ ଯୀଶୁ ଇନିଃକେ କାଜିକିୟାଏ, “ତୁୟୁକଆଃଦ ଲାତା ମେନାଃ,  
 ଆତଃ ସିମ୍‌ା ଲାତାରରେନ୍ ଚେଣ୍‌କିଆଃ ଥକା ମେନାଃ ମେନ୍ଦ  
 ମାନଞ୍ଵାହନ୍‌ଆଃ ବହଃ ଦହନାଙ୍ଵ ଠାୟାଦ୍ ବାନଆଃ ।”

୫୯ ଆତଃ ଇନିଃ ଏଗାଃନିଃକେ କାଜିକିୟାଏ, “ମାର୍  
 ଅତଙ୍ଵଇଙ୍ଵମେ ।”

ମେନ୍ଦ ଇନିଃ କାଜିକିୟାଏ, “ହେ ପ୍ରାଭୁ, ସିଦାତେ ଆପୁଇଙ୍ଵକେ  
 ତପାଇ ନାଗେନ୍ତେ ସେନ୍‌ଇଚିଙ୍ଵମେ ।”

---

\* ୯:୫୨ ୯:୫୨ ଆୟୋଜାନ୍ † ୯:୫୪ ୯:୫୪ ଏଲିୟକେ ଆରୁକେଦ୍‌ଲେକା, ନେଆଁ  
 ଚିମିନ୍ ମାରିଅନଲ୍‌ରେ ବାନଆଃ ‡ ୯:୫୫ ୯:୫୫ ନେ ପଦ ଚିମିନ୍ ମାରିଅନଲ୍‌ରେ ବାନଆଃ

୨୦ ମେନ୍ଦ ଯୀଶୁ ଇନିଃକେ କାଜିକିୟାଏ, “ଗଏଃକାନକ ଆକଆଃ ଗଏଃକାନକକେ ତପାକକାକ, ମେନ୍ଦ ଆମ୍ ସେନ୍କେଦ୍ତେ ପାର୍ମେଶ୍ଵାର୍ଆଃ ରାଇଜ୍ରେୟାଃ କାଜି ଉଦୁବେମେ ।”

୨୧ ଆତଃ ମିହୁଡ୍ କାଜିକିୟାଏ, “ହେ ପ୍ରାଭୁ, ଆଇଙ୍ ଅତଙ୍ମେୟାଁଇଙ୍ ମେନ୍ଦ ସିଦାତେ ଆଇଁୟାଃ ଅଡ଼ାଃରେନକତାଃ ସେନ୍କେଦ୍ତେ ବିଦା ଇଦିନାଙ୍ କାଜି ଇଚିଙ୍ମେ ।”

୨୨ ଯୀଶୁ କାଜିକିୟାଏ, “ଆୟାଃ ତିଃଇକେ ନାଏଁହାଲ୍ରେ ଦହକେଦ୍ତେ ତାୟମ୍ସାଃ ହେତାଏନିଃ ପାର୍ମେଶ୍ଵାର୍ଆଃ ରାଇଜ୍ରେ କାମିଲେକାନିଃ କାଏ ହବାଅଆଃ ।”

### ୧୦

#### ଯୀଶୁ ଆପିହିସି ଗେଲ୍ବାର୍ ତେଲାଇକେ କୁଲ୍କତାନାଏ

୧ ନେଆଁତାୟମ୍ତେ ପ୍ରାଭୁ ୭୨\*ଏଟାଃ ତେଲାଇକେ ସାଲାକେଦ୍ତେ, ଆଇଃକ୍ ସେନିଃ ସାନାଙ୍ତାନ ସବେନ୍ ହାତୁ, ଚଲାତେ ବାବାରହଡ୍ କୁଲ୍ ଆୟାରକେଦ୍କଆଏ । ୨ ✽ଇନିଃ ଇନ୍କୁକେ କାଜିୟାଦ୍କଆଏ, “ଇରୋଃ ପୁରାଃଗିୟାଃ ମେନ୍ଦ କାମିନାଲାକ ହୁଡିଙ୍ଆଁକ, ଏନା ନାଗେଡ୍ରେ ଆପେ, ଆମ୍ ଆମାଃ ଇରୋଃତେ କାମି ନାଲାକ କୁଲ୍କମ୍ ମେଡ୍ରେ ଇରୋଃ ଗମ୍କେତାଃରେ ବିକ୍ରିପେ । ୩ ✽ମାର୍ ସେନଃପେ, ଆଇଙ୍ ଆପେକେ ମିଣ୍ଡିହନ୍କ ଲେକା ହୁଣ୍ଡାର୍କ ଆଲାରେଇଙ୍ କୁଲ୍ପେତାନା । ୪ ଆପେ ପାଏସାମୁନା, ଆଇଲାଃ, ଖାର୍ପା ଆଲ୍ପେ ଇଦିୟା ଆତଃ ହରାରେ ଜେତାଏକେୟ ଆଲ୍ପେ ଜହାର୍କଆ । ୫ ଆତଃ ଜେତା ଅଡ଼ାଃରେ ଦାରମ୍ପେରେ ‘ନେ ଅଡ଼ାଃରେନକଆଃରେ ସୁକୁ ହବାଅଃକା’ ମେନେପେ । ୬ ସୁକୁ ନାମେଲେକାନ ହଡ୍ ଏଡ଼ାଃରେ ତାଇନ୍ରେଦ ଆପେୟାଃ ସୁକୁ ଇନିଃରେ ତାଇନାଃ, କା'ରେଦ ଏନା ଆପେତାଃତେ ରୁହାଡ଼ାଃ । ୭ ✽ଏନ୍ ଅଡ଼ାଃରେ ତାଇନଃପେ, ଇନ୍କୁ ଏମାପେତେୟାଃ ଜମ୍ ନୁଁଏପେ, କାମିନିଃଦ ଆୟାଃ ନାଲା ନାମେଗିୟାଏ । ଆତଃ ଅଡ଼ାଃ ଅଡ଼ାଃ ଆଲ୍ପେ ହନରାଃ । ୮ ଜେତାଏ ହାତୁରେପେ ବଲ୍ରେଦ ଆତଃ ହଡ୍କ ଦାରମ୍ପେରେଦ, ଇନ୍କୁଆଃ ଏମେତେୟାଃ ଜମେପେ ।

\* ୧୦:୧ 10:1 ଚିମିନ୍ ମାରି ଅନଲ୍ରେ ୭୦ ହଡ୍ ଅଲାକାନା ✽ ୧୦:୨ ୧୦:୨ ମାଥୁଉ ୯:୩୭,୩୮. ✽ ୧୦:୩ ୧୦:୩ ମାଥୁଉ ୧୦:୧୭. ✽ ୧୦:୬ ୧୦:୬ କ ଚିଲ୍ଲିୟ ୯:୧୪; ୧ ତମଥୁ ୫:୧୮.

୯ ଏନ୍ତାଃରେନ୍ ହାସ୍ତତାନ୍‌କକେ ବୁଗିକପେ, ଆତଃ ‘ପାର୍‌ମେଶ୍‌ବାର୍‌ଆଃ ରାଇଜ୍‌ ଆପେତାଃ ନାଡ଼େୟାକାନା’ ମେତାକପେ । ୧୦ ☆ମେନ୍‌ଦ ଆପେ ଜେତାଏ ହାତୁରେପେ ବଲରେଦ ଆତଃ ହତ୍‌କ କାକ ଦାରମ୍‌ପେରେଦ, ଏନାରେୟାଃ ହରାଏତେ ଅତଙ୍‌କେଦତେ କାଜିପେ, ୧୧ ☆ଆଲେୟାଃ କାଟା ତାଲ୍‌କାରେୟାଃ ଧୁଡ଼ି ଆପେୟାଃ ହାତୁରାଃ ଆୟାରରେଲେ କଟା ଏଣ୍ଡାଏଃତାନା, ଏନ୍‌ରେୟ ପାର୍‌ମେଶ୍‌ବାର୍‌ଆଃ ରାଇଜ୍‌ ଆପେତାଃ ନାଡ଼େୟାକାନା ଏନା ସାରିପେ ।’ ୧୨ ☆ଆଇଙ୍‌ କାଜିୟାପେ ତାନାଇଙ୍‌, ଏନ୍‌ ହୁଲାଙ୍‌ରେ ଏନ୍‌ ହାତୁରେୟାଃ ଦୁକୁଏତେ ସୋଦମରାଃ ଦୁକୁ ସାହାତିଙ୍‌କ୍‌ୟେଁ ଲେକାଞ୍‌ଃ ।

**କା ବିଶ୍ୱାସ୍‌ତାନ୍‌ ନାଗାରକକେ ଯୀଶୁଆଃ ଚେଡ଼ନା  
(ମାଥୁଉ ୧୧:୨୦-୨୪)**

୧୩ “ଏ କରାଜିନ୍‌, ଆମାଃ ହାୟ ହାୟ, ଏ ବେଥ୍‌ସାଇଦା, ଆମାଃ ହାୟ ହାୟ, ଆବେନ୍‌ରେ ହବାୟାନ୍‌ ଆକ୍‌ଦାଦାଅ କାମିକ ସୋର୍‌ ଆତଃ ସିଦୋନ୍‌ରେ ହବାକାନ୍‌ରେଦ, ଇଦୁ ଇନ୍‌କୁ ଚିଢ଼ଲାରେ ବସ୍ତା ଦୁସିଙ୍‌କେଦତେ ଆତଃ ତରେକ୍‌ ଚେତାନ୍‌ରେ ଦୁବକେଦତେ ମନ୍‌ରୁହାଡ଼୍‌ କାତେତେୟାଃକ । ୧୪ ମେନ୍‌ଦ ବିଚାର୍‌ ହୁଲାଙ୍‌ରେ ଆବେନାଃଏତେ ସୋର୍‌ ଆତଃ ସିଦୋନ୍‌ରେୟାଃ ଦୁକୁ ସାହାତିଙ୍‌କ୍‌ୟେଁ ଲେକାଞ୍‌ଃ । ୧୫ ଆତଃ ଆମ୍‌, ଏ କପର୍‌ନାହୁମ୍‌, ତିୟାଃ ଆମ୍‌ ସିର୍‌ମା ଜାକେଦେମ୍‌ ରାକାବଆଃ ? ବାନଃଗି ଆମ୍‌ ପାତାଲ୍‌ ଜାକେଦେମ୍‌ ଏଣ୍ଡାଗଆଃ ।”

୧୬ ☆ୟୀଶୁ ଆୟାଃ ଚେଲାକକେ ମେତାଦକଆଏ, “ଆପେୟାଃ କାଜି ଆୟୁମ୍‌ନିଃ ଆଇଁୟାଃ ଆୟୁମେୟାଏ, ଆତଃ ଆପେକେ କା ସୁକୁନିଃ ଆଇଙ୍‌କେହିଁ କାଏ ସୁକୁଞ୍‌ଇଙ୍‌ଆଃ ମେନ୍‌ଦ ଆଇଙ୍‌କେ କାଏ ସୁକୁନିଃ ଆଇଙ୍‌କେ କୁଲ୍‌ନିଃକେ ହିଁ କାଏ ସୁକୁଞ୍‌ଇୟା ।”

**ବାସ୍ତୋର୍‌ଝାନ୍‌ ଚେଲାକଆଃ ହିଜୁଃରୁହାଡ଼୍‌**

---

☆ ୧୦:୧୦ ୧୦:୧୦ ପ୍ରେରିଡ଼ ୧୩:୫୧. ☆ ୧୦:୧୧ ୧୦:୧୧ ମାଥୁଉ ୧୦:୭-୧୪; ମାର୍କ ୬:୮-୧୧; ଲୁକ ୯:୩-୫. ☆ ୧୦:୧୨ ୧୦:୧୨ ମାଥୁଉ ୧୧:୨୪; ମାଥୁଉ ୧୦:୧୫.  
☆ ୧୦:୧୬ ୧୦:୧୬ ମାଥୁଉ ୧୦:୪୦; ମାର୍କ ୯:୩୭; ଲୁକ ୯:୪୮; ଯୋହାନ୍‌ ୧୩:୨୦.



୧୭ ଏନ୍ ୭୨<sup>†</sup>ଝାନ୍ ତେଲକ ରାସ୍‌କାତାନ୍‌ଲଃକ ରୁହାଡ଼୍‌ୟାନା ଆଡ଼ଃ “ହେ ପ୍ରାଭୁ, ଆମାଃ ନୁତୁମ୍‌ତେ ବଙ୍ଗାକହିଁ ଆଲେକେ ମାନାଡ଼ିଙ୍ଗ୍‌ଲେତାନାକ” ମେନ୍‌କିୟାଏ ।

୧୮ ଇନିଃ ମେତାଦ୍‌କଆଏ, “ଆଇଙ୍ଗ୍ ସାଏତାନ୍‌କେ ହିତିର୍‌ଲେକା ସିର୍‌ମାଏତେ ଉୟୁଗଃତାନ୍‌ତେୟାଃ ନେଲ୍‌କିୟାଇଙ୍ଗ୍ ।

୧୯ ନେଲେପେ, ଆଇଙ୍ଗ୍ ବିଙ୍ଗ୍‌କଆଃ ଆଡ଼ଃ ମାର୍‌ମାର୍‌କଆଃ ଚେତାନ୍‌ରେ ସେସେନ୍‌ରେୟାଃ ଆଡ଼ଃ ବାଇରିୟାଃ ଗଟା ପେଡ଼େଃରେ ଆକ୍‌ଡେୟାରାଇଙ୍ଗ୍ ଏମାଦ୍‌ପେୟା । ଆପେୟାଃ ଜେଡ଼ନାଃ କା ହାନିୟଃଆ । ୨୦ ଏନ୍‌ରେୟ ଏଡ଼କାନ୍ ଆମ୍‌କ ଆଲେକେ ମାନାଡ଼ିଙ୍ଗ୍‌ତାନାକ ମେନ୍ତେ ଆଲ୍‌ପେ ରାସ୍‌କାଝାଃ, ମେନ୍‌ଦ ଆପେୟାଃ ନୁତୁମ୍‌ ସିର୍‌ମାରେ ଅଲ୍‌କାନା ନେୟାତେ ରାସ୍‌କାଅଃପେ” ମେନ୍ତେ କାଜିୟାଦ୍‌କଆଏ ।

**ୟୀଶୁ ରାସ୍‌କାୟାନାଏ**  
(ମାଥୁଉ ୧୧:୨୫-୨୭; ୧୩:୧୬-୧୭)

୨୧ ଏନ୍ ଦିପିଲିରେ ଯୀଶୁ ପାବିତାର୍‌ ଆମ୍‌ରେ ପୁରାଃ ରାସ୍‌କାୟାନ୍‌ଲଃ କାଜିକେଦାଏ, “ହେ ଆବା, ସିର୍‌ମା ଆଡ଼ଃ ଅତେରେନ୍ ପ୍ରାଭୁ, ଆମ୍‌ ନେ କାଜିକ ସେଣାନ୍‌କ ଆଡ଼ଃ ଇତୁଆନ୍‌କତାଃଏତେମ୍ ଦାନାଙ୍ଗ୍‌ଆଁକାଦାଃ, ଆଡ଼ଃ ବାଲେଃ ହନକତାଃରେମ୍ ଉଦୁବାକାଦାଃ ମେନ୍ତେଇଙ୍ଗ୍ ଧାନ୍ୟାବାଦ୍‌ମେତାନା । ହେଗି ହେ ଆବା, ନେୟାଗିଦ୍‌ ଆମାଃ ବୁଗିନ୍ ସାନାଙ୍ଗ୍ ।

୨୨ ☆“ଆପୁଇଙ୍ଗ୍ ସବେନାଃ ଏମାକାଦିୟାଏ, ଆପୁକେ ବାଗିକେଦ୍‌ତେ ହନ୍ ଅକଏ ତାନିଃ ନେୟା ଜେତାଏ କାକ ସାରିୟାଃ, ଆଡ଼ଃ ହନକେ ବାଗିକେଦ୍‌ତେ ଆପୁ ଅକଏ ତାନିଃ ନେୟା ଜେତାଏ କାକ ସାରିୟାଃ । ମେନ୍‌ଦ ଅକନ୍‌କକେ ଏନା ସାରି ନାଗେନ୍ତେ ହନ୍ ଆଇଃକ୍‌ଗି ସାଲ୍‌କ୍‌ଆଏ, ଇନ୍‌କୁ ଏସ୍‌କାର୍‌ ପାର୍‌ମେଶ୍‌ବାର୍‌ଆଃ ବିଷାଏରେ ସାରିୟାଃକ ।”

୨୩ ଏନ୍ତେ ଇନିଃ ଆୟାଃ ତେଲକକେ ହେତାରୁହାଡ଼୍‌କେଦ୍‌ତେ ଏସ୍‌କାର୍‌ରେୟାଏ କାଜିୟାଦ୍‌କଆ, “ଆପେ ସବେନ୍‌ ନେ ସବେନାଃ

<sup>†</sup> ୧୦:୧୭ 10:17 ଚିମିନ୍ ମାରି ଅନଲ୍‌ରେ ୭୦ ହଡ଼ ଅଲ୍‌କାନା ☆ ୧୦:୨୨ ୧୦:୨୨ ଯୋହାନ୍ ୩:୩୫; ଯୋହାନ୍ ୧୦:୧୫.

ନେଲତାନ୍‌ତେୟାଃ ଚିମିନ୍ ସୁକୁତାନ୍‌ଗିୟାଃପେ । ୨୪ ଆଇଙ୍ଗଦ ସାର୍‌ତ୍ତିଗିଙ୍ଗ କାଜିୟାପେତାନା, ଆପେ ନେଲତାନ୍‌ତେୟାଃ ପୁରାଃ ନାବୀକ ଆତଃ ରାଜାକ ନେନେଲ ସାନାଙ୍ଗକେଦକଆ ମେନ୍‌ଦ କାକ ନେଲକେଦା ଆତଃ ଆପେ ଆୟୁମ୍‌କେଦତେୟାଃ ଇନ୍‌କୁକେ ଆୟୁମ୍ ସାନାଙ୍ଗକେଦକଆ ମେନ୍‌ଦ କାକ ଆୟୁମ୍‌କେଦା ।”

**ବୁଗିନ୍ ଶମିରୋନ୍‌ରେନ୍‌ନିଃୟାଃ ଜନ୍‌କା କାଜି  
(ମାଥୂ ୨୨:୩୫-୪୦; ମାର୍କ ୧୨:୨୮-୩୪)**

୨୫ ✠ଆତଃ ନେଲେପେ ମିଆଁଦ ଆଇନ୍ ଇତୁନିଃ ବିରିଦୟାନ୍ତେ ଯୀଶୁକେ ବିଡାଅ ନାଗେନ୍ତେ କୁଲିକିୟାଏ, “ଏ ବୁଗିନ୍ ଇତୁନିଃ, ଜାନାଅ ଜୀଦାନ୍ ନାମେ ନାଗେନ୍ତେ ଚିନାଃଇଙ୍ଗ ଚିକାୟା ?”

୨୬ ଯୀଶୁ କାଜିକିୟାଏ, “ଆନ୍‌ଚୁରେ ଚିକ୍‌ନାଃ ଅଲ୍‌କାନା ? ଆମ୍ ଚିଲ୍‌କାମ୍ ପାଢାଅ ତାନା ?”

୨୭ ଆତଃ ଇନିଃ ମେନ୍‌ରୁହାଡାୟାଏ, “ପ୍ରାଭୁ ଆମାଃ ପାର୍‌ମେଶ୍‌ଆର୍‌କେ ଆମାଃ ସବେନ୍ ମନ୍‌ସୁରୁଦ୍‌ତେ ଆତଃ ଆମାଃ ସବେନ୍ ଜୀଉତେ ଆତଃ ଆମାଃ ସବେନ୍ ପେଡେଃତେ ଆତଃ ଆମାଃ ସବେନ୍ ସେଣାଁତେ ଦୁଲ୍‌ାଡ଼ିମେ, ଆତଃ ଆମାଃ ହପର୍ ଜାପାଃରେନ୍‌ନିଃକେ ଆମାଃ ଲେକାଗି ଦୁଲ୍‌ାଡ଼ିମେ ।”

୨୮ ଏନ୍ତେ ଯୀଶୁ କାଜିରୁହାଡ଼କିୟାଏ, “ବୁଗିନାମ୍ କାଜିକାଦା, ଆମ୍ ନେକାଏରେଦମ୍ ଜୀହିଦଃଆ ।”

୨୯ ମେନ୍‌ଦ ଆଇନ୍‌ଇତୁନିଃ ଆଇଃକ୍‌ଗି ଧାର୍‌ମାନ୍ ଉଦୁବେନ୍ ସାନାଙ୍ଗକିଃତେ ଯୀଶୁକେ କୁଲିକିୟାଏ “ଆଇୟାଃ ହପର୍‌ଜାପାଃରେନ୍‌ନିଃ ଅକଏ ତାନିଃ ?”

୩୦ ଯୀଶୁ କାଜିରୁହାଡ଼କିୟାଏ, “ମିଆଁଦ ହଡ଼ ଯୀରୁଶାଲେମ୍‌ଏତେ ଯିରିହୋତେ ସେନଃତାନାଏ ତାଇକେନା ଆତଃ କୁମ୍‌ଡୁକୁଆଃ ତିଃଇରେ ଉୟୁଃୟାନାଏ, ଇନ୍‌କୁ ଇନିୟାଃ ଲିଜାଃ ରେକ୍‌କିୟାଃକ ଆତଃ ଦାଲ୍‌କିଃତେ ଗଏଃଲେକାକ ବାଗିଡୁକାଇଜାଃ । ୩୧ ତାୟମ୍‌ତେ ମିଆଁଦ ଯାଜାକ୍ ଏନ୍ ହରାତେଗି ସେନ୍‌ତାନାଏ ତାଇକେନା ଆତଃ ଇନିଃକେ ନେଲ୍‌କିଃତେ ଏଟାଃ ହରାରେ ପାରମ୍‌ୟାନାଏ । ୩୨ ନେ ଲେକାଗି ମିଆଁଦ ଲେବୀହ, ଏନ୍ ଠାୟାଦ୍‌ରେ ସେଟେରୟାନ୍‌ଚି

✠ ୧୦:୨୫ ୧୦:୨୫ ମାଥୂ ୨୨:୩୫-୪୦; ମାର୍କ ୧୨:୨୮-୩୪.

ଇନିଃକେ ନେଲ୍‌କିଃତେ ପାରମ୍‌ୟାନାଏ । ୩୩ ମେନ୍‌ଦ ମିଆଁଦ୍ ଗିମିରୋନିରେନ୍ ହଡ଼ ସେନ୍‌ତାନ୍‌ଲଃ ଇନିଃ ତାଇକେନ୍ ଠାୟାଦ୍‌ରେ ସେଟେର୍‌ୟାନାଏ ଆଡ଼ଃ ଇନିଃକେ ନେଲ୍‌କିଃତେ ବିଲ୍‌କାଅୟାନାଏ । ୩୪ ସେନ୍ ନାଡ଼େଃକେଦ୍‌ତେ ଇନିୟାଃ ଘାଅକରେ ସୁନୁମ୍ ଆଡ଼ଃ ଦାଖ୍‌ରାସି ଦୁଲ୍‌କେଦାଏ, ଏନାକେ ତଲ୍‌କେଦାଏ ଆଡ଼ଃ ଇନିଃକେ ଆୟାଃ ଗାଧାରେତାନ୍‌ରେ ଲାଦିକିଃତେ ତେରା ଅଡ଼ାଃତେ ଇଦିକିୟାଏ ଆଡ଼ଃ ଇନିଃକେ ଯାତାନ୍‌କିୟାଏ । ୩୫ ଏଟାଃ ହୁଲାଙ୍ଗ୍ ଇନିଃ ବାର୍‌ସିଙ୍ଗ୍‌ରାଃ ନାଲା ସିକା ଅଡ଼ଙ୍ଗ୍‌କେଦ୍‌ତେ ତେରା ଗମ୍‌କେ କେ ଏମ୍‌କିୟାଏ ଆଡ଼ଃ ନିଃକେ ଯାତାନିଃମେଁ ଆଡ଼ଃ ନିମ୍‌ନାଙ୍ଗ୍‌ଏତେ ଆଦ୍‌କାମ୍ ଖାର୍‌ଗାଏରେଦ୍ ଆଇଙ୍ଗ୍ ରୁହାଡ଼୍ ଇମ୍‌ତା ପେରେଜାମେଁୟାଇଙ୍ଗ୍” ମେନ୍‌କିୟାଏ ।

୩୬ “ନେ ଆପିୟା ହଡ଼କଏତେ ଅକଏ କୁମ୍‌ଡୁକୁଆଃ ତିଃଇରେ ଉୟୁଗାକାନ୍ ହଡ଼ରାଃ ହପରଜାପାଃରେନ୍‌ନିଃ ତାନିଃ ମେନ୍‌ତେପେ ଉଡ଼୍‌ଷୁତାନା ?”

୩୭ ଏନ୍ ଆଇନ୍ ଇଡୁନିଃ ଇନିଃକେ କାଜିରୁହାଡ଼୍‌କିୟାଏ “ଅକଏ ଲିବୁଇକେନ୍‌ନିଃ ।” ଏନ୍ତେ ଯୀଶୁ ଆଇନ୍ ଇଡୁନିଃକେ କାଜିକିୟାଏ, “ଦୁ ଆମ୍‌ହ ନେ ଲେକାଗି ରିକାଏମେଁ ।”

**ୟୀଶୁ ମାର୍ଥା ଆଡ଼ଃ ମାରିୟାମ୍‌ଆଃ ଅଡ଼ାଃତେ ସେନ୍‌କେନାଏ**

୩୮ ☆ୟୀଶୁ ଆୟାଃ ତେଲାକଲଃ ସେନଃତାନ୍ ଇମ୍‌ତା ମିଆଁଦ୍ ହାତୁତେ ବଲୟାନାଏ, ଆଡ଼ଃ ମାର୍ଥା ନୁଡୁମ୍ ମିଆଁଦ୍ କୁଡ଼ି ଆୟାଃ ଅଡ଼ାଃରେ ଇନିଃକେ କୁପୁଲ୍‌କିୟାଏ । ୩୯ ଆଡ଼ଃ ମାରିୟାମ୍ ନୁଡୁମ୍ ଇନିୟାଃ ମିଆଁଦ୍ ମିଶି ତାଇକେନାଏ, ଇନିଃ ପ୍ରାଭୁ ଯୀଶୁଆଃ କାଟା ସୁବାରେ ଦୁବ୍‌ୟାନ୍ତେ ଇନିୟାଃ କାଜି ଆୟୁମ୍‌ତାନାଏ ତାଇକେନା । ୪୦ ମେନ୍‌ଦ ମାର୍ଥା ପୁରାଃ ସୁସାର୍‌ରେ ବିଡ଼ଲାଅକାନାଏ ତାଇକେନା ଆଡ଼ଃ ଇନିଃ ହେପାଦ୍‌ତେ ହିଜୁଃକେଦ୍‌ତେ କାଜିକିୟା, “ହେ ପ୍ରାଭୁ, ମିଶିଙ୍ଗ୍‌ତାଇୟାଃ ଆଇଙ୍ଗ୍‌କେ ଏସ୍‌କାର୍ ସୁସାର୍ ଇଡିଙ୍ଗ୍‌ତାନାଏ, ତିୟାଃ ଏନା ଆମ୍‌କାମ୍ ଉଡ଼୍‌ଷୁତାନା ? ମାର୍ ମିଶିମ୍‌କେ ଦେଙ୍ଗାଇମେଁ” ମେନ୍‌ତେ ଇନିଃକେ ଆରୁଇମେଁ ।

☆ ୧୦:୩୮ ୧୦:୩୮ ଯୋହାନ୍ ୧୧:୧.

୪୧ ମେନ୍ଦ ଦ ପ୍ରାଭୁ ଯୀଶୁ କାଜିରୁହାଡ଼କିୟାଏ, ଏ ମାର୍ଥା, ଏ ମାର୍ଥା, ଆମ୍ ପୁରାଃ କାଜି ନାଗେନ୍ତେମ୍ ଉଡ଼ଷୁତାନା ଆତଃ ବିଡ଼ଲାଅକାନା ମେନ୍ଦ ମିଆଁଦ୍ କାଜି ଲାଗାତିଙ୍ଗୟାଃ । ୪୨ ମାରିୟାମ୍ଦ ଏନ୍ ବୁଗିନ୍ ହାନାଟିଙ୍ଗକେ ସାଲାକାଦାଏ, ଏନା ଇନିଃତାଃଏତେ କା ରେଜଃଆ ।

## ୧୧

ବିକ୍ତିରେ ଯୀଶୁଆଃ ଇନିଡୁ  
(ମାଥୁଉ ୬:୯-୧୩; ୭:୭-୧୧)

୧ ଯୀଶୁ ମିଆଁଦ୍ ଠାୟାଦରେ ବିକ୍ତିତାନାଏ ତାଇକେନା, ଆତଃ ତୁଣ୍ଡୁକେଦ୍ ଇମ୍ତା ଇନିୟାଃ ଚେଲାକଏତେ ମିହୁଡ଼୍ କାଜିକିୟାଏ, “ହେ ପ୍ରାଭୁ, ବାପ୍ତିସ୍ତା ଏମଃନିଃ ଯୋହାନ୍ ଆୟାଃ ଚେଲାକକେ ବିକ୍ତି ଇଡୁକେଦ୍କଲେକା ଆମ୍ ହ ଆଲେକେ ବିକ୍ତି ଇଡୁଲେମ୍ ।”

୨ ଯୀଶୁ କାଜିୟାଦ୍କଆଏ, “ଆପେ ବିକ୍ତି ଇମ୍ତା ନେ ଲେକା ବିକ୍ତିପେ,”

“ ହେ ଆଲେୟାଃ ସିର୍ମାରେନ୍ ଆବା,  
ଆମାଃ ନୁଡୁମ୍ ପାବିତାରଃକା,  
ଆମାଃ ରାଇଜ୍ ହିଜୁଃକା, ଆମାଃ ମନେ ଚିଲ୍କା ସିର୍ମାରେ,  
ଏନ୍ଲେକା ଅତେଦିଶୁମ୍ରେୟ ହବାଅଃକା ।

୩ ଆଲେୟାଃ ତିସିଙ୍ଗ୍ରେୟାଃ ଜମେୟାଃ ଏମାଲେମେ ।

୪ ଆଲେୟାଃ ପାପକ ଛାମାଏମେ,  
ତିୟାଃଚି ଜେଲେକା ଆଲେୟା ଆଲେୟାଃ ସବେନ୍  
ପାପକେଦ୍କଲେ ଛାମାକଆ  
ଆତଃ ବିଡ଼ାଅରେ ଆଲମ୍ ଆଉଲେୟା, ମେନ୍ଦ  
ଏଡ଼କାନିଃଏତେ ବାଞ୍ଛାଅଲେମ୍ । ”

୫ ଏନ୍ତେ ଯୀଶୁ ଆୟାଃ ଚେଲାକକେ କାଜିୟାଦ୍କଆ, “ଇଡୁ ଆପେକଏତେ ଜେତାଏୟାଃ ମିଆଁଦ୍ ଗାତି ମେନାଇୟା, ଆତଃ ଇନିଃ ଇନିଃତାଃତେ ଆଲାନିଦା ସେନ୍କେଦ୍ତେ ମେତାଇୟାଏ, ଏ ଗାତି ଆପିୟା ହଲଙ୍ଗ୍ ଉଧାର୍ ଏମାଇଙ୍ଗମେ, ୬ ଆଇଁୟାଃ ମିଆଁଦ୍ ଗାତିଦ୍ ହରାସେନ୍ତାନଲଃ ଆଇଙ୍ଗ୍ତାଃତେ ହିଜୁଃକାନାଏ ଆତଃ ଇନିଃକେ ଜମ୍ ଏମଃ ନାଗେନ୍ତେ ଆଇଙ୍ଗ୍ତାଃତେ ଜେଡ଼ନାଃ ବାନଆଃ । ୭ ଆତଃ

ଇନିଃ କାଜିରୁହାଡ଼େୟାଏ, ‘ଆଲମ୍ ଦୁକୁଇୟାଃ ନାହାଁଃଦ ଦୁଆର୍ ହାଣ୍ଡେଦାକାନା ଆତଃ ହନ୍କତାୟାଃ ଆଇଙ୍ଗଲଃକ ଗିତିଜାକାନା । ଆଇଙ୍ଗ ବିରିଦ୍‌କେଦ୍‌ତେ ଜେଡ୍‌ନାଃ କାଇଙ୍ଗ୍ ଏମଦାଡ଼ିୟା ।’  
 ୮ ‘ଆଇଙ୍ଗ କାଜିୟାପେ ତାନାଇଙ୍ଗ୍, ଇନିଃ ଆୟାଃ ଗାତିତାନିଃ ରେୟ ବିରିଦ୍‌କେଦ୍‌ତେ କାଏ ଏମାଇୟା, ଇମିନ୍‌ରେୟ, ଆୟାଃ ଗାତି ଘାଡ଼ି ଘାଡ଼ି ଆସିତାନ୍ ହରାତେ ଇନିଃ ବିରିଦ୍‌ୟାନ୍‌ଲଃ ଆୟାଃ ଗାତିରାଃ ଲାଗାଡ଼ିଙ୍ଗ୍ ଲେକାଏ ଏମାଇୟା ।

୯ “ଆତଃ ଆଇଙ୍ଗ କାଜିୟାପେତାନା, ଆସିପେ ଏନାରେଦ ଆପେକେ ଏମଃଆ, ଦାଣାଏପେ ଏନ୍‌ରେଦପେ ନାମେୟା, ଦୁଆର୍ ଠକ୍ ଠକାଏପେ ଏନ୍‌ରେଦ ଆପେ ନାଗେନ୍ତେ ନିଜଆଃ ।  
 ୧୦ ଚିୟାଃତି ଜେତାଏ ଆସିତାନ୍‌ନିଃଦ ତେଲାଇମାଃ, ଆତଃ ଦାଣାଏନିଃଦ ନାମେୟାଏ, ଆତଃ ଠକ୍ ଠକାଏନିଃ ନାଗେନ୍ତେ ନିଜଆଃ ।  
 ୧୧ ଆପେକଏତେ ଅକନ୍ ଆପୁ ନେ’ଲେକା ମେନାଇୟା, ଆୟାଃ ହନ୍ ହାକୁ ଆସିରେଦ, ଚିନାଃ ଇନିଃକେ ବିଙ୍ଗ୍ ଏମାଇୟାଏ ?  
 ୧୨ ତାଏ ଇନିଃ ଜାରମ୍ ଆସିରେ ଚିୟାଃ ମାର୍‌ମାର୍ ଏମାଇୟାଏ ?  
 ୧୩ ଏନ୍ତେ ଆପେ ଏଡ୍‌କାନ୍‌କ ତାଇନ୍‌ରେୟ, ଆପେୟାଃ ହନ୍‌କକେ ବୁଗିନାଃ ଏମଃପେ ସାରିୟା, ତାବ୍‌ଦ ଆପେୟାଃ ସିମ୍‌ରେନ୍ ଆପୁ ଅକନ୍‌କତି ଆଇଃକ୍‌କେ ଆସି ତାନାକ, ଇନ୍‌କୁକେ ଏନାଏତେ ଆଦ୍‌କା ପାବିତାର୍ ଆମ୍ବା କାଏତି ଏମାକଆ !”

**ୟାଶୁ ଆତଃ ବାଲ୍‌ଜେବୁଲ୍**

(ମାଥୁର ୧୨:୨୨-୩୦; ମାର୍କ ୩:୨୦-୨୭)

୧୪ ଯାଶୁ ମିଆଁଦ୍ କା ବାଶାଣ୍ ଦାଡ଼ିତାନ୍ ବଙ୍ଗାକେ ଅତଙ୍ଗ୍‌ଇଁତାନାଏ ତାଇକେନା । ବଙ୍ଗା ଅତଙ୍ଗ୍‌ୟାନ୍‌ତି ଏନ୍ କା ବାଶାଣ୍‌ଦାଡ଼ି ହଡ୍ ବାଶାଣ୍‌କେଦାଏ, ଆତଃ ଗାଦେଲ୍ ହଡ୍‌କ ଆକ୍‌ଦାଦାଅୟାନାକ ।  
 ୧୫ ☆ମେନ୍‌ଦ ଇନ୍‌କୁଏତେ ଚିମିନ୍‌କ କାଜିକେଦା, “ୟାଶୁ ବଙ୍ଗାକଆଃ ଗମ୍‌କେ ବାଲ୍‌ଜେବୁଲ୍‌ଆଃ ହରାତେ ବଙ୍ଗାକକେ ହାର୍ ଅତଙ୍ଗ୍‌କତାନା ।”

୧୬ ☆ଏଟାଃକ ଯାଶୁକେ ବିଡ଼ାଅ ନାଗେନ୍ତେ, ପାର୍‌ମେଶ୍‌ବାର୍ ଯେ ଆୟାଃ ସାଃ ରିୟାଃ ନେୟା ଉଦ୍‌ବେନାଙ୍ଗ୍ ସିମ୍‌ରେୟାଃ

☆ ୧୧:୧୫ ୧୧:୧୫ ମାଥୁର ୯:୩୪; ୧୦:୨୫. ☆ ୧୧:୧୭ ୧୧:୧୭ ମାଥୁର ୧୨:୩୮; ୧୭:୧; ମାର୍କ ୮:୧୧.

ମିଆଁଦ୍ ଚିହ୍ନିକ ଆସିକିୟାଃ । ୧୭ ଯାଶୁ ଇନକୁଆଃ ମନ୍ରେୟାଃ ଉଡ଼ୁ ଆଟ୍ଟକାରକେଦ୍ତେ ଇନକୁକେ ମେତାଦକଆ, “ଜେତା ରାଇଜ୍ ଆଇଃକ୍ତେଗି ବିନ୍‌ଗାଅକେଦ୍ତେ ଆକ ଆକଆଲ୍ଲାରେ ଲାପ୍ତାଇରେଦ୍ ଏନ୍ ରାଇଜ୍ କା ତିଲ୍ଲୁନାଃ । ୧୮ ଆଡ଼ଃ ସାଏତାନ୍, ସାଏତାନ୍‌ଗି ହିଗାଡ଼କେଦ୍ତେ ବିନ୍‌ଗାଅରେଦ୍, ଏନ୍ ରାଇଜ୍ ଚିଲ୍‌କାତେ ତିଲ୍ଲୁନାଃ ? ଆଇଜ୍ ନେଆଁ କାଜିୟାପେ ତାନାଇଜ୍ ଚିୟାଃଟି ଆପେଦ୍ ଇନିଃ ବାଲ୍‌ଜେବୁଲ୍‌ରାଃ ହରାତେ ବଜ୍ଞାକକେ ଅଡ଼ଜ୍‌କତାନାଏ ମେନ୍ତେପେ ମେନେତାନା । ୧୯ ଆଡ଼ଃ ଆଇଜ୍ ବାଲ୍‌ଜେବୁଲ୍‌ଆଃ ପେଡ଼େଃତେ ବଜ୍ଞାକଇଜ୍ ହାର୍‌ଅଡ଼ଜ୍‌କ ତାନ୍‌ରେଦ୍, ଆପେୟାଃ ହଡ଼କ ଅକଏୟାଃ ହରାତେକ ହାର୍‌ ଅଡ଼ଜ୍‌କତାନା ? ଏନା ନାଗେନ୍ତେ ଇନକୁଗି ଆପେୟାଃ ବିଚାର୍‌ନିଃକ ହବାଅଆଃ । ୨୦ ମେନ୍‌ଦ୍ ଆଇଜ୍ ପାର୍‌ମେଶ୍‌ବରାଆଃ ପେଡ଼େଃତେ ବଜ୍ଞାକଇଜ୍ ହାର୍‌ଅଡ଼ଜ୍‌କ ତାନ୍‌ରେଦ୍ ଏନାତେ ଆଟ୍ଟକାରଃତାନା ପାର୍‌ମେଶ୍‌ବରାଆଃ ରାଇଜ୍ ଆପେତାଃତେ ତେବାଃକାନା ।

୨୧ “ପେଡ଼େୟାନ୍‌ହଡ଼ ସବେନ୍ ହାଁତେୟାର୍ ସାବକେଦ୍ତେ ଆୟାଃ ଅଡ଼ାଃରାଚାକେ ହରଏରେଦ୍ ଆୟାଃ ମେନାଃତେୟାଃ ବୁଗିଲେକାତେ ତାଇନଃଆ । ୨୨ ମେନ୍‌ଦ୍ ଚିମ୍‌ତା ଆୟାଃଏତେ ଆଦକା ପେଡ଼େୟାନ୍‌ ହଡ଼ ଇନିଃଲଃ ଲାଡ଼ାଇକେଦ୍ତେ ହାରାଅରେ, ଅକ ହାଁତେୟାର୍ ଚେତାନ୍‌ରେ ଆଇଃକ୍ ଭାର୍‌ସାକାଦ୍ ତାଇକେନାଏ, ଏନା ସବେନାଃଏ ରେଜିଆ ଆଡ଼ଃ ରେଜାକାଦ୍‌ତେୟାଃ ହାଟିଜ୍‌ୟେଆଏ ।

୨୩ ✨ “ଜେତାଏ ଆଇୟାଃଲଃ ବାଜ୍ଞାକଇନିଃ, ଆଇୟାଃ ବିରୁଧ୍‌ରେ ମେନାଇୟା ଆଡ଼ଃ ଜେତାଏ ଆଇୟାଃଲଃ କାଏ ହୁଣ୍ଡିନିଃ ଛିତିବିତିୟାଃଆଏ ।

ଏଡ଼କାନ୍ ଆମ୍ବାରାଃ ହିଜୁଃରୁହାଡ଼୍  
(ମାଥ୍‌ଉ ୧୨:୪୩-୪୫)

୨୪ “ସଡ଼ରା ଆମ୍ବା ମିହୁଡ଼ତାଃଏତେ ଅଡ଼ଜ୍‌ୟାନ୍‌ରେ, ରହଡ଼୍ ଠାୟାଦକରେ ହନର୍‌ବାଡ଼ାକେଦ୍ତେ ରୁଡ଼ନ୍ ନାଗେନ୍ତେ ଦାଣ୍ଡାୟାଏ ଆଡ଼ଃ କାଏ ନାମ୍‌ତାରେ, ଇନିଃ କାଜିୟାଏ, ‘ଆଇଜ୍ ଅକନ୍ ଅଡ଼ାଃଏତେ ଅଡ଼ଜ୍‌କାନ୍ ତାଇକେନାଇଜ୍, ଏନ୍ ଅଡ଼ାଃତେଗି ସେନ୍‌ରୁହାଡ଼ାଇଜ୍,’ ଆଡ଼ଃ ଇନିଃ ଏନ୍ ଅଡ଼ାଃକେ ସାମାଅଡ଼ାଃ,

---

✨ ୧୧:୨୩ ୧୧:୨୩ ମାର୍କ ୯:୪୦.

ସାପାକାନ୍ ଆତଃ ସୁଗାଡ଼ାନ୍‌ଗି ନେଲେୟା । ୨୫ ଆତଃ ହିଜୁଃରୁହାଡ଼କେଦ୍‌ତେ ଏନା ଜଅଃସାପାକାନ୍ ଆତଃ ସିଙ୍ଗାରାକାନାଏ ନାମେୟା । ୨୬ ଏନ୍ତେ ଇନିଃ ସେନ୍‌କେଦ୍‌ତେ ଆୟାଃତାଃଏତେ ଆଦ୍‌କା ଏଡ଼କାନ୍ ସାଡ଼ଠୁ ଆମ୍ବାକକେ ମିଦ୍‌ତେ ଆଉକଆ, ଆତଃ ଇନ୍‌କୁ ଏନାରେକ ବଲଥା ଆତଃକ ତାଇନଃଥା । ଆତଃ ଏନ୍ ହଡ଼ରାଃ ଦାସା ପାହିଲ୍ୟାଏତେ ଚୁଣ୍ଟୁ ଦୁସା ପୁରାଃଗି ଏଡ଼କାନ୍ ହବାଅଥାଃ ।”

**ସାର୍ତ୍ତ ରାସକା**

୨୬ ଯୀଶୁ ନେଆଁ କାଜିତାନ୍ ଇମ୍‌ତା ଗାଦେଲ୍‌ହଡ଼କରେନ୍ ମିଆଁଦ୍ କୁଡ଼ି କାଉରିତାନ୍‌ଲଃ କାଜିକେଦାଏ, “ଆମକେ ଜାନାମାକାମ୍ ଆତଃ ତଥା ଆନୁକାମ୍ ଏଙ୍ଗା ଚିମିନ୍ ସୁକୁତାନ୍‌ଗିୟାଃଏ !”

୨୮ ମେନ୍‌ଦ ଯୀଶୁ ମେନ୍‌ରୁହାଡ଼ାଇୟାଏ, “ପାର୍‌ମେଶ୍‌ବରାଆଃ କାଜି ଆୟୁମ୍‌ତାନ୍ ଆତଃ ମାନାତିଙ୍ଗ୍‌ତାନ୍‌କହଗି ଚିମିନ୍ ସୁକୁତାନ୍‌ଗିଆଃକ !”

**ପେଡ଼େୟାନ୍‌କାମି ନାଗେନ୍ତେ ହାଟି ଦାବି  
(ମାଥୁଢ ୧୨:୩୮-୪୨)**

୨୯ ☆ଗାଦେଲ୍ ହଡ଼କ ଯୀଶୁତାଃରେ ହୁଣ୍ଟିନ୍ ତାଇକେନ୍‌ରେ ଇନିଃ କାଜିଏଚେଦ୍‌କେଦାଏ, ନେ ପାରିୟାରେନ୍ ହଡ଼କ ଚିମିନ୍ ଏଡ଼କାନ୍‌ଗିୟାଃକ, ଇନ୍‌କୁ ଚିହ୍ନାକ ନାମ୍‌ତାନା ମେନ୍‌ଦ ଯୁନ୍‌ସ୍ ନାବୀୟାଃ ଚିହ୍ନା ବାଗିକେଦ୍‌ତେ ଇନ୍‌କୁନାଙ୍ଗ୍ ଜେତାନ୍ ଚିହ୍ନା କା ଉଦୁବଃଥା । ୩୦ ନିନିବିରେନ୍‌କ ନାଗେନ୍ତେ ଯୁନ୍‌ସ୍‌ଦ ଚିହ୍ନାଏ ତାଇକେନାଏ, ଏନ୍‌ଲେକାଗି ମାନ'ଖାହନ୍ ନେ ପାରିୟାରେନ୍ ହଡ଼କ ନାଗେନ୍ତେ ଏନ୍‌କାଅଃଥାଏ । ୩୧ ଦାକ୍ଷିଣ୍ ଦିଶ୍‌ମ୍‌ରେନ୍ ରାନୀ ନେ ଦିପିଲିରେନ୍ ହଡ଼କଲଃ ବିଚାର୍‌ହୁଲାଙ୍ଗ୍‌ରେ ବିରିଦାଃଏ ଆତଃ ଇନ୍‌କୁକେ ଚିଟାକଆ, ଚିୟାଃଚି ଇନିଃ ସୁଲିମାନ୍‌ଆଃ ସେଣାନ୍ କାଜି ଆୟୁମ୍‌ ନାଗେନ୍ତେ ଆୟାଃ ଅଡେଦିଶ୍‌ମ୍‌ରେୟାଃ ଚୁଣ୍ଟୁଏତେ ହିଜୁଃକାନ୍ ତାଇକେନା ଆତଃ ନେଲିପେ ରାଜା ସୁଲିମାନ୍‌ଏତେ ମାରାଙ୍ଗ୍‌ନିଃ ନେତାଃରିୟା । ୩୨ ନିନିବିରେ ଯୁନ୍‌ସ୍ ନାବୀ ପ୍ରାଚାର୍‌କେଦ୍ ଇମ୍‌ତା ପାତିୟାର୍‌କେଦ୍ ହଡ଼କ ତିଙ୍ଗ୍‌କେଦ୍‌ତେ ନେ ଦିପିଲିରେନ୍ ହଡ଼କଲଃ ପାର୍‌ମେଶ୍‌ବର ବିଚାର୍‌ ହୁଲାଙ୍ଗ୍‌ରେ ଇନ୍‌କୁକେକ ଚିଟାକଆ, ଚିୟାଃଚି

☆ ୧୧:୨୯ ୧୧:୨୯ ମାଥୁଢ ୧୭:୪; ମାର୍କ ୮:୧୨.

ଇନ୍ଦୁକୁ ଯୁନ୍ଦୁସ୍ ପାର୍ତ୍ତାକେଦ୍ ଇମ୍ତା ମନ୍‌ରୁହାଡ୍‌କେଦାକ, ଆଡ଼଼ ନାହା଼ ଆଇଙ୍ଗ୍ କାଜିପେତାନାଇଙ୍ଗ୍, ଯୁନ୍ଦୁସ୍‌ଏତେ ମାରାଙ୍ଗ୍‌ନି଼ ନେତା଼ରେ ମେନାଇୟା ।

**ହଡ଼ମରେୟା଼ ଦିମି  
(ମାଥୁ଼ ୫:୧୫; ୬:୨୨-୨୩)**

୩୩ ☆“ଜେତାଏ ହଡ଼ ଦିମି ଜୁଲ୍‌କେଦ୍‌ତେ ଦାନାଇଙ୍ଗ୍‌ରେ ଚାଏ ତା଼ଜାଲାତାର୍‌ରେ କାଏ ମାଣ୍ଡାଅୟା ମେନ୍‌ଦ ବଲ୍‌ତାନକ୍ ମାର୍‌ସାଲ୍‌କ ନେଲେକା ମେନ୍ତେ ଦିକ୍‌ରେ ଦହୟା । ୩୪ ଆପେୟା଼ ମେଦ୍‌ଦ ହଡ଼ମରେୟା଼ ଦିମି ତାନା଼, ଆପେୟା଼ ମେଦ୍ ନିରାଲ୍ ମେନା଼ରେଦ୍ ଗଟା ହଡ଼ମତାପେୟା଼ ମାର୍‌ସାଲ୍‌ଅ, ମେନ୍‌ଦ ଏନା ଏଡ଼କାନ଼ରେ ଗଟା ହଡ଼ମ ତାପେୟା଼ ନୁବାଗ଼ଅ । ୩୫ ଏନାମେନ୍ତେ ଆମ୍‌ରେୟା଼ ମାର୍‌ସାଲ୍ ଆଲକା ନୁବାଗ଼କା ମେନ୍ତେ ଚିର୍ଗାଲାକାନ୍‌ମେ । ୩୬ ଆମା଼ ଗଟା ହଡ଼ମ ମାର୍‌ସାଲାକାନ୍‌ରେଦ୍ ଆଡ଼଼ ଏନାରେୟା଼ ଜେତାଏ ହାନାଟିଙ୍ଗ୍ କା ନୁବା଼ରେଦ୍ ଦିମି ଏନାରେୟା଼ ଜୁନ୍‌ଲ୍‌ତେ ମାର୍‌ସାଲ୍‌ମେତାନ୍ ଲେକାଗି ଏନା ଗଟା ମାର୍‌ସାଲ୍‌ଅ ।”

**ୟାଶୁ ଫାରୁଶୀ ଆଡ଼଼ ଆଇନ୍‌ଇଡୁକକେ ଚେତାଅକତାନାଏ  
(ମାଥୁ଼ ୨୩:୧-୩୬; ମାର୍କ ୧୨:୩୮-୪୦)**

୩୭ ଯାଶୁ କାଜିତାବାକେଦ୍‌ଚି, ମିଆଁଦ୍ ଫାରୁଶୀ ଆମ୍ ଆଇଁୟା଼ ଅଡ଼ା଼ରେ ଜମ୍‌ଆଡକେମ୍ ମେନ୍ତେ ବିକ୍ରିକିୟା; ଆଡ଼଼ ଇନି଼ ବଲ୍‌ୟାନ୍‌ଲ଼ ଜମ୍ ନାଇଁ ଦୁବ୍‌ୟାନାଏ । ୩୮ ମେନ୍‌ଦ ଇନି଼ କାଟା ଡି଼଼ କାଏ ଆବୁଙ୍ଗ୍‌କେଦ୍‌ତେ ଜମ୍‌ତାନ୍ ନେଲ୍‌କେଦ୍‌ତେ ଏନ୍ ଫାରୁଶୀ ହାଏକାଟ୍‌ୟାନାଏ । ୩୯ ଏନ୍ତେ ପ୍ରାଭୁ ଇନି଼କେ କାଜିକିୟାଏ, “ହେଗି, ଆପେ ଫାରୁଶୀକ୍ ତୁବ୍‌ନି ଆଡ଼଼ ଆଡ଼ିରା଼ ବାହାରିକପେ ଗାସାର୍ ଆବୁଙ୍ଗ୍ ତାନା, ମେନ୍‌ଦ ଆପେୟା଼ ମନ୍ ଏଡ଼କାନା଼ତେ ପେରେଜାକାନା । ୪୦ ଏ ଡ଼ଣ୍ଡକ, ବାହାରି ବାବାଇନି ଚିୟା଼ ଇନି଼ ଭିଡାରୁହ କାଏ ବାଇୟାକାଦା଼ ? ୪୧ ମେନ୍‌ଦ ଆପେ ଲଡ଼କେଦ୍‌ତେ ଅକ୍‌ନା଼ କାମିକାଦାପେ ଏନା ଗାରିବ୍‌କେ ଏମାକପେ ଏନାରେ ଆପେ ସାର୍‌ତିଗି ସବେନା଼ତେପେ ଫାର୍‌ଚିଅ଼ଅ ।

☆ **୧୧:୩୩** ୧୧:୩୩ ମାଥୁ଼ ୫:୧୫; ମାର୍କ ୪:୨୧; ଲୁକ ୮:୧୭.



୪୨ “ଏ ଫାରୁଶୀକ ଆପେୟାଃ ସାଜାଇ ପୁରାଃ ବରଞ୍ଜାନଗି ହବାଅଆଃ, ଆପେ ପୁଦ୍‌ନା, ଆଡଃ କିଲିମିଲି\* ଆଡଃସାକାମ୍‌ରେୟାଃ ଗେଲ୍ ହାନାଟିଙ୍ଗ୍‌ପେ ଏମ୍‌ତାନା ମେନ୍‌ଦ ନ୍ୟାୟ ବିଚାର ଆଡଃ ପାର୍‌ମେଶ୍ୱାର୍‌ଆଃ ଦୁଲ୍‌ଭଢ଼େ ହେଡ଼ା†ଏତାନା । ଏନ୍‌ଲେକା ରିକା କା ଲାଗାଡ଼ିଙ୍ଗ୍‌ୟାଃ, ମେନ୍‌ଦ ଏନ୍ ସବେନାଃକେ ମାନାଡ଼ିଙ୍ଗ୍ ତାନଲଃ ନ୍ୟାୟ ବିଚାର ଆଡଃ ପାର୍‌ମେଶ୍ୱାର୍‌ଆଃ ଦୁଲ୍‌ଭଢ଼େ ଆଲପେ ହେଡ଼ାଏୟା ।

୪୩ “ଆପେ ଫାରୁଶୀକ ହାୟ ହାୟ, ଚିୟାଃଟି ଆପେ ସାମାଜ୍ ଅଡ଼ାଃରାଃ ଆୟାର୍‌ରେ ଦୁଦ୍‌ନାଙ୍ଗ୍ ଆଡଃ ପିଟ୍ ପିଡ଼ିକରେ ଜହାର୍‌ତେଲା ନାଙ୍ଗ୍‌ପେ ସୁକୁଃଆ । ୪୪ ଆପେୟାଃ ସାଜାଇ ପୁରାଃ ବରଞ୍ଜାନଗି ହବାଅଆଃ, ଚିୟାଃଟି ଆପେ ଉକ୍ତୁଆକାନ୍ ତପାଗାଡ଼ାଲେକାଃପେ, କା ସାରିତାନ୍‌ଲଃ ଏନା ଚେତାନ୍‌ରେ ହଡ଼କ ସେନେୟା ।”

୪୫ ଏନ୍ତେ ଆଇନ୍ ଇଡୁକଏତେ ମିଆଁଦ୍‌ନିଃ କାଜିରୁହାଡ଼କିୟାଏ, “ହେ ଗୁରୁ ନେ କାଜିତେ ଆଲେକେ ଆମ୍ ହିନିସ୍ତାଲେତାନାମ୍ ।”

୪୬ ଯୀଶୁ କାଜିକିୟାଏ, “ଏ ଆଇନ୍ ଇଡୁକ ଆପେୟ ହାୟ ହାୟ, ଚିୟାଃଟି ଆପେ ପୁରାଃହାମ୍‌ଲ୍ ବାହାରମ୍ ହଡ଼କକେ ଲାଡ଼ିକାଦକଆପେ, ମେନ୍‌ଦ ଆପେ ଏନ୍ ବାହାରମ୍ ଆପେୟାଃ ମିଆଁଦ୍ ସାର୍‌ସାର୍‌ତେହ ଜୁଟିଦ୍‌କେଦ୍‌ତେ କାପେ ଦେଙ୍ଗାତାନା ।

୪୭ ଆପେୟାଃ ସାଜାଇ ପୁରାଃ ବରଞ୍ଜାନଗି ହବାଅଆଃ, ଆପେ ନାବୀକଆଃ ନାଙ୍ଗ୍ ବୁଗିନ୍ ତପାଗାଡ଼ାପେ ବାଇୟାକାଦା । ଏନ୍ ନାବୀକକେ ଆପେୟାଃ ହାଡ଼ାମ୍‌ହଡ଼କ ଗଜାକାଦକଆକ ।

୪୮ ନାହାଁଃ ଆପେ ଆପେୟାଃ ହାଡ଼ାମ୍‌ହଡ଼କଆଃ କାମିରେୟାଃ ଗାଞ୍ଜାପେ ପେରେଜେତାନା; ଆଡଃ ଏନାତେପେ ସୁକୁଃତାନା, ଇନ୍‌କୁଦ ନାବୀକକେ ଗଏଃକେଦକଆକ ଆଡଃ ଆପେ ଇନ୍‌କୁଆଃ ତପାଗାଡ଼ାପେ ବାଇକେଦାଃ । ୪୯ ଏନାମେନ୍ତେ ପାର୍‌ମେଶ୍ୱାର୍ ଆୟାଃ ସେଣାଁତେ କାଜିୟାକାଦାଏ, ଆଇଙ୍ଗ୍ ଆପେତାଃତେ ନାବୀକ ଆଡଃ ପ୍ରେରିଡ଼କକେ କୁଲ୍‌କୁଆଇଙ୍ଗ୍, ଇନ୍‌କୁଏତେ ଚିମିନ୍‌କକେ ଗଏଃକଆକ ଆଡଃ ଏଗାଃକକେ ସାତାଅକଆକ । ୫୦ ଏନାମେନ୍ତେ ଅତେଦିଶ୍ୱମରାଃ ମୁନ୍‌ଏତେ ସବେନ୍ ନାବୀକଆଃ ଲିଙ୍ଗିୟାନ୍

\* ୧୧:୪୨ ୧୧:୪୨ ସବେନ୍ କସିମରାଃ ଆଡ଼ାଃ † ୧୧:୪୨ 11:42 ଅବହେଲା

ମାୟୋମ୍‌ରେୟାଃ ଲେକା ନେ ପାରିୟାରେନ୍‌କଏତେ ଇଦିୟଃଆ,  
\*୧ ହେଗି, ହାବିଲ୍‌ଆଃ ମାୟୋମ୍‌ଏତେ ବେଦି ଆତଃ ମାହିର୍‌ରେୟାଃ  
ପାବିତାର୍ ଠାୟାଦ୍ ଆଲାରେ ଗଏଃୟାନ୍ ଜିଖ୍‌ରିୟା ମାୟୋମ୍  
ଜାକେଦ୍, ସାର୍‌ତିଗିଙ୍ଗ୍ କାଜିୟାପେତାନା, ଏନାରେୟାଃ ଲେକା ନେ  
ପାରିୟାରେନ୍‌କଏତେ ଇଦିୟଃଆ ।

୫୨ “ଏ ହସଡ୍ ଆଇନ୍ ଇତୁକ, ଆପେୟାଃ ସାଜାଇ ପୁରାଃ  
ବରଞ୍ଜାନ୍‌ଗି ହବାଅଆଃ, ଚିୟାଃଗି ଆପେ ସେଣ୍‌ରେୟାଃ  
ଚାଢ଼ିଃପେ ଇଦିକେଦାଃ ଆତଃ ଆପେୟାଗି କାପେ ବଲଆକାନା  
ତି ବଲତାନ୍‌କକେ ହ କେସେଦାକାଦ୍‌କଆପେ ।”

୫୩ ଆତଃ ଇନିଃ ଏନ୍ତାଃଏତେ ଅତଙ୍ଗୟାନ୍ ଇମ୍‌ତା, ଆଇନ୍  
ଇତୁକ ଆତଃ ଫାରୁଣୀକ ପୁରାଃଗି ବିରୁଧ୍‌କିୟାଃକ ଆତଃ ପୁରାଃ  
କାଜିକ ଇନିଃକେ କୁଲିଗରଙ୍ଗ୍‌କିୟାଃ । \*୫ ଆତଃ ଇନ୍‌କୁ ଇନିୟାଃ  
ମଚାରେୟାଃ ଜେତାନ୍ ଭୁଲ୍‌କାଜିତେ ସାବିନାଙ୍ଗ୍ ଲତଇତାନ୍‌କ  
ତାଇକେନା ।

## ୧୨

### ହସଡ୍ ହଡ୍ କତାଃଏତେ ଚିର୍ଗାଲାକାନ୍‌ପେ (ମାଥ୍‌ଉ ୧୦:୨୭-୨୭)

୧ \*ଏନ୍ତେ ପୁରାଃ ହାଜାର୍ ଗାଦେଲ୍ ହଡ୍‌କ ହୁଣ୍ଡିୟାନା, ଆତଃ ଆକ  
ଆକଗି ଇପ୍‌ଲିଙ୍ଗ୍‌ଅଃତାନ୍‌କ ତାଇକେନା, ଇମ୍‌ତାଙ୍ଗ୍ ଯାଶୁ ଆୟାଃ  
ଚେଲାକକେ ପାହିଲା କାଜିୟାଦ୍‌କଆଏ, ଫାରୁଣୀକଆଃ ସାବାଃ  
ହଲଙ୍ଗ୍ ଲେକାନ୍ ହସଡ୍ ବିଷାଏହେତେ ଚିର୍ଗାଲାକାନ୍ ତାଇନ୍‌ପେ  
। ୨ \*ସବେନ୍ ଉକୁଆକାନ୍‌ତେୟାଃ ନେଲଆଃ ଆତଃ ସବେନ୍  
ଦାନାଙ୍ଗ୍‌ଆଁକାନ୍ ତେୟାଃଦ ସାରିୟଃଆ । ୩ ଆପେ ନୁବାଃରେ  
କାଜିକାଦ୍‌ତେୟାଃ ମାର୍‌ସାଲ୍‌ରେ ଆୟୁମଃଆ ଆତଃ ଆପେ ଭିତାର୍  
ବାଖିରାରେ ଉକୁକେଦ୍‌ତେ କାଜିକାଦ୍‌ତେୟାଃ, ସାଡ୍‌ମ୍‌ ଚେତାନ୍‌ଏତେ  
ଉଦୁବଃଆ ।

### ଅକଏକେ ବର ଲାଗାଡିଙ୍ଗ୍‌ୟାଃ (ମାଥ୍‌ଉ ୧୦:୨୮-୩୧)

‡ ୧୧:୫୨ ୧୧:୫୨ କୁଟି    \* ୧୨:୧ ୧୨:୧ ମାଥ୍‌ଉ ୧୨:୭; ମାର୍କ ୮:୧୫.    ✧ ୧୨:୨  
୧୨:୨ ମାର୍କ ୪:୨୨; ଲୁକ ୮:୧୭.

୪ “ଏ ଆଇଁୟାଃ ଗାତିକ, ଆଇଙ୍ଗ୍ କାଜିୟାପେ ତାନାଇଙ୍ଗ୍, ହତ୍ତଫ୍ ଗଗଏଃକକେ, ଆତଃ ତାୟମ୍ତେ ଜେତ୍ତନାଃ କା ରିକା ଦାଡ଼ିକକେ ଆଲ୍ଲପେ ବରଆକଆ ।<sup>୫</sup> ମେନ୍ଦ୍ ଆପେ ବରଆଇ ଲାଗାତିଙ୍ଗ୍ନିଃକେ ଆଇଙ୍ଗ୍ ଉଦୁବାପେୟା, ଗଏଃକି ତାୟମ୍ତେ ନାରାକ୍ରେ ହୁରାଙ୍ଗ୍ଏଣ୍ଟାରେୟାଃ ପେଡ଼େଃତାଇନ୍ନିଃ ପାର୍ମେଣ୍ଟାକ୍ରେ ବରଆଇପେ; ହାଁ, ଆଇଙ୍ଗ୍ ଆପେକେ ସାର୍ଡ଼ିଗିଙ୍ଗ୍ କାଜିୟାପେତାନା, ଇନିଃକେଗି ବରଆଇପେ ।

୬ “ତିୟାଃ ମଣେୟାଁ ଗେରଁଝାକ ବାରିଆ ସିକାତେ\* କାକ ଆଖ୍ରିଙ୍ଗ୍ୟାଃଆ ? ଆତଃ ଏନ୍ରେୟ ପାର୍ମେଣ୍ଟାକ୍ରେ ଇନ୍କୁଏତେ ମିଆଁଦନିଃକେହ୍ କାଏ ରିଡ଼ିଙ୍ଗ୍ଇତାନା ।<sup>୭</sup> ହେଗି, ଆପେୟାଃ ବହଃରାଃ ସବେନ୍ ଉବ୍ହ ଲେକାକାନା । ଆଲ୍ଲପେ ବରଏୟା, ଆପେ ପୁରାଃ ଗେରଁଝାକଏତେ ପୁରାଃଗି ଗନଙ୍ଗ୍ଆଃପେ ।

**ଖ୍ରୀଷ୍ଟକେ ସାରିନିଃ ଆତଃ କା ସାରିନିଃ**  
 (ମାଥ୍ଠ ୧୦:୩୨-୩୩; ୧୨:୩୨; ୧୦:୧୯-୨୦)

୮ “ଆଇଙ୍ଗ୍ କାଜିୟାପେ ତାନାଇଙ୍ଗ୍, ହତ୍ତକଆଃ ଆୟାର୍ରେ ଜେତାଏ ଆଇଙ୍ଗ୍କେ ସାରିୟାଃଇଙ୍ଗ୍ ମେନ୍ତେ କାଜିରେଦ ମାନଝାହନ୍ ପାର୍ମେଣ୍ଟାକ୍ରେଆଃ ଦୁଁଡ଼କଆଃ ଆୟାର୍ରେ ଇନିଃକେ ସାରିୟାଃଇଙ୍ଗ୍ ମେନ୍ତେ କାଜିୟା ।<sup>୯</sup> ମେନ୍ଦ୍ ହତ୍ତକଆଃ ଆୟାର୍ରେ ଆଇଙ୍ଗ୍କେ କାଇଙ୍ଗ୍ ସାରିୟାଃ ମେନ୍ତେ କାଜିନିଃକେ ମାନଝାହନ୍ହ ପାର୍ମେଣ୍ଟାକ୍ରେଆଃ ଦୁଁଡ଼କଆଃ ଆୟାର୍ରେ ଇନିଃକେ କାଇଙ୍ଗ୍ ସାରିୟାଃ ମେନ୍ତେ କାଜିୟା ।

୧୦ ☆“ଆତଃ ମାନଝାହନ୍ଆଃ ବିରୁଧ୍ରେ ଜେତାଏ କାଜିରେଦ ଇନିଃକେ ଛାମା ଏମଃଆ, ମେନ୍ଦ୍ ପାବିତାର୍ ଆମ୍ବାରାଃ ବିରୁଧ୍ରେ ନିୟା କାଜିକ କାଜିନିଃକେ ଛାମା କା ଏମଃଆ ।

୧୧ ☆“ଆତଃ ଇନ୍କୁ ଆପେକେ ସାମାଜ୍ ଅଡ଼ାଃତେ, ଲାଟ୍‌ସାହାବ୍‌କତାଃ ଆତଃ ଆକ୍‌ତେୟାର୍ ନାମାକାଦ୍ ହାକିମ୍‌କଆଃ ସାମ୍‌ନାଙ୍ଗ୍‌ତେକ ଆଉପେରେ, ଆପେ ଚିଲ୍‌କା ଆତଃ ଚିକ୍‌ନାଃପେ କାଜିରୁହାଡ଼େୟା ଆତଃ ଚିକ୍‌ନାଃପେ କାଜିୟାଃ ମେନ୍ତେ

---

\* ୧୨:୬ ୧୨:୬ ସବେନାଃଏତେ ସାସ୍ତା ଗନଙ୍ଗ୍ ☆ ୧୨:୧୦ ୧୨:୧୦ ମାଥ୍ଠ ୧୨:୩୨; ମାର୍କ ୩:୨୯. ☆ ୧୨:୧୧ ୧୨:୧୧ ମାଥ୍ଠ ୧୦:୧୯,୨୦; ମାର୍କ ୧୩:୧୧; ଲୁକ ୨୧:୧୪,୧୫.

ଆଲ୍‌ପେ ପାହାମେୟା । ୧୨ ପାବିତାର୍ ଆମ୍ବା ଆପେକେ କାଜି ଲାଗାତିକ୍‌ତେୟାଃ ଏନ୍ ଦିପିଲିରେଗି ଇତୁପେୟା ।”

**ଡଣ୍ଡ କିସାଣ୍ ହଡ଼ଆଃ ଜନ୍‌କା କାଜି**

୧୩ ଗାଦେଲ୍ ହଡ଼କଏତେ ଜେତାଏ ହଡ଼ କାଜିକିୟାଏ, “ହେ ଗୁରୁ, ଆଇଁୟାଃ ହାଗାଲ୍‌କ୍‌କେ ଆପୁଏତେ ନାମାକାଦ୍ ଖୁଜ୍ କେ ଆଇଁୟାଃଲଃ ହାଟିକ୍‌କ୍‌କ୍‌କେ ମେନ୍ତେ କାଜିୟାଲମେ ।”

୧୪ ଯୀଶୁ କାଜିରୁହାଡ଼କିୟାଏ, “ଏ ଗାତି, ଆବେନାଃ ବିଚାରନିଃ ତାଏ ହାଟିକ୍‌କ୍‌କ୍‌କେ ମେନ୍ତେ ଅକଏ ଆଇକ୍‌କେ ସାଲାକାଦିକ୍‌ଆଏ ?” ୧୫ ଆଡ଼ଃ ଇନିଃ କାଜିୟାଦକଆଏ, “ନେଲେପେ, ସବେନ୍ ହାୟାହେତେ ଆତମାକାନ୍‌ପେ; ଜେତାଏୟାଃ ମେନାଃତେୟାଃ ପୁରାଃଗିରେୟ ଏନାରେ ଇନିୟାଃ ଜୀଦାନ୍ ବାନଆଃ ।”

୧୬ ଆଡ଼ଃ ଇନିଃ ଇନ୍‌କୁକେ ମିଆଁଦ୍ ଜନ୍‌କା କାଜି ଉଦୁବାଦକଆଏ, “ଜେତାଏ ମିଆଁଦ୍ କିସାଣ୍ ହଡ଼ଆଃ ଲୟକ୍‌ରେ ପୁରାଃ ଜ ଯାନା । ୧୭ ଇନିଃ ମନ୍‌ରେ ଉଡ଼୍‌କେଦାଏ, ଚିନାଃଲକ୍ ଚିକାୟା ? ଆଇଁୟାଃ ଜ ଦହତେ ଠାୟାଦ୍ ବାନଆଃ । ୧୮ ଏନ୍ତେ ଇନିଃ ମେନ୍‌କେଦାଏ, ଆଇକ୍ ନେକାୟା, ଆଇଁୟାଃ ଭାଣ୍ଡାର୍ ଅଡ଼ାଃ ଉଡୁଡ଼କେଦ୍‌ତେ ଆଦକା ମାପରାକ୍‌କ୍‌କ୍ ବାଇୟାଃ, ଆଡ଼ଃ ଏନ୍ତାଃରେ ଆଇଁୟାଃ ସବେନ୍ ଜ ଆଡ଼ଃ ବୁଗିନ୍‌ତେୟାଃକକ୍‌କ୍ ଦହୟା । ୧୯ ଆଡ଼ଃ ଆଇକ୍ ଜୀଉତାଇୟାଃକେକ୍‌କ୍ କାଜିୟା, ଏ ଜୀଉ, ଆମାଃତାଃରେ ପୁରାଃ ସିର୍ମା ନାଗେନ୍ତେ ପୁରାଃ ବୁଗିନ୍‌ତେୟାଃ ଦହଆକାନା, ରୁଡ଼ନୁମେ, ଜମ୍ ନୁଁଏମେ ଆଡ଼ଃ ସୁକୁତେ ତାଇନଃମେ । ୨୦ ମେନ୍‌ଦ ପାର୍‌ମେଶ୍‌ବାର୍ ଇନିଃକେ କାଜିକିୟାଏ, ଆମ୍ ଡଣ୍ଡ, ନେ ନିଦାରେ ଆମାଃ ଜୀଉ ଆମାଃତାଃଏତେ ଇଦିୟାଆ, ତାବ୍‌ଦ ଆମ୍ ଆମାଃ ନାକ୍ ସବେନ୍ ହୁଣ୍ଡିଆକାଦ୍‌ତେୟାଃ ଅକଏୟାଃ ହବାଅଞ୍ଜା ।”

୨୧ ଅକଏ ଆୟାଃ ନାଗେନ୍ତେ ଖୁଜ୍ ହୁଣ୍ଡିନିଃ ମେନ୍‌ଦ ପାର୍‌ମେଶ୍‌ବାର୍ ନାକ୍ କାଏ କିସାଣାଃ, ଇନିଃନାକ୍ ନେ ଲେକାଗି ହବାଅଞ୍ଜା ।

**ପାର୍‌ମେଶ୍‌ବାର୍‌ତାଃରେ ଆସ୍ରାଏପେ  
(ମାଥୁ ୬:୨୫-୩୪)**

୨୨ ଆତ୍ମ ଆତ୍ମ ଆତ୍ମା ଚେଲାକକେ କାଜିୟାଦକଆଏ,  
 “ଏନାମେନ୍ତେ ଆଇଙ୍ଗ୍ ଆପେକେ କାଜିପେତାନାଇଙ୍ଗ୍, ଜାନିଦ୍  
 ତାଇନଃ ନାଗେନ୍ତେ ଚିକ୍ନାଃରୁ ଜମାଃ ଆତ୍ମ ଚିକ୍ନାଃରୁ ନୁଁଏୟା, ଚାଏ  
 ହତ୍ତାରେ ଚିକ୍ନାଃରୁ ତୁସିଙ୍ଗ୍‌ୟେନା ମେନ୍ତେ ଆପେୟାଃ ଜୀଉରେ  
 ଆଲ୍‌ପେ ଉଡ଼ୁୟା । ୨୩ ଜମେୟାଃଏତେ ଜୀଉ ଆତ୍ମ ଲିଜାଃଏତେ  
 ହତ୍ତା ମାରାଙ୍ଗ୍‌ଆଃ । ୨୪ କାଉଝା ଚେଣ୍ଟେକକେ ନେଲ୍‌କପେ, ଇନ୍‌କୁ  
 କାକ ହେରେୟା ଆତ୍ମ କାକ ଇରେୟା, ଆତ୍ମ ଇନ୍‌କୁଆଃ ଭାଣ୍ଡା  
 ଅଡ଼ାଃ ଚାଏ ଗୋଦାମ୍ ଅଡ଼ାଃ ବାନଃରେୟ, ପାର୍‌ମେଶ୍‌ବାର୍ ଇନ୍‌କୁକେ  
 ଆସୁଲ୍‌କତାନାଏ । ଆପେ ଚେଣ୍ଟେକଏତେ ଚିମିନ୍ ଆଦକାଗିପେ  
 ମାରାଙ୍ଗ୍‌ଆଃ ! ୨୫ ଆପେକଏତେ ଅକଏ ଉଡ଼ୁଃକେଦତେ  
 ଆୟାଃ ଜୀଉକେ ମିଦ୍ ଘାଡ଼ି ପସାଦାଡ଼ିୟାଏ । ୨୬ ଏନ୍ତେ ଆପେ  
 ହୁଡ଼ିଙ୍ଗ୍‌ଉତାର୍‌ତେୟାଃକେହ କାପେ କାମିଦାଡ଼ିରେଦ ଚିକ୍ନାଃ ମେନ୍ତେ  
 ବାକିକାଜି ନାଗେନ୍ତେପେ ପାହାମ୍‌ତାନା । ୨୭ ବାହାକକେ ନେଲେପେ,  
 ଇନ୍‌କୁ କାକ କାମିୟାଃ ଚି କାକ ତୁକୁଇତାନା,† ହଲେହ୍ ଆଇଙ୍ଗ୍  
 ଆପେକେ କାଜିୟାପେ ତାନାଇଙ୍ଗ୍, ସୁଲିମାନହ୍ ଆୟାଃ ସବେନ୍  
 ସୁଗାଡ଼ାନ୍‌ତେୟାଃଏତେ ନେ ମିଆଁଦକ ଲେକା କାଏ ସିଙ୍ଗାରାକାନ୍  
 ତାଇକେନା । ୨୮ ଏନ୍ତେ ପାର୍‌ମେଶ୍‌ବାର୍ ତିସିଙ୍ଗ୍ ମେନାଃ ଆତ୍ମ  
 ଗାପା ତୁଲ୍‌ରେ ହାଁଶବଃତାନ୍ ଅତେରାଃ ତାସାଦକେ ନେ ଲେକାଏ  
 ସିଙ୍ଗାରେରେଦ, ଏ ହୁଡ଼ିଙ୍ଗ୍ ବିଶ୍ୱାସ୍‌ତାନ୍‌କ, ଚିୟାଃ ଇନିଃ ନେଆଁଏତେ  
 ଆଦକା ଆପେକେ କାଏ ତୁସିଙ୍ଗ୍‌ପେୟା ?

୨୯ “ଆତ୍ମ ଚିକ୍ନାଃରୁ ଜମେୟାଁ ଆତ୍ମ ଚିକ୍ନାଃରୁ ନୁଁଏୟା ମେନ୍ତେ  
 ମନ୍‌ରେ ଆଲ୍‌ପେ ନାମ୍‌ବାଡ଼ାୟା ଆତ୍ମ ଆଲ୍‌ପେ ଉଡ଼ୁଗୁୟା । ୩୦ ନେ  
 ଅତେଦିଶ୍ୱମ୍‌ରେନ୍ ସାଅଁସାର୍ ହତ୍ତକ ନେ ସବେନାଃ ଦାଣାଁବାଡ଼ାଃକ,  
 ଆତ୍ମ ନେ ସବେନାଃ ଆପେୟାଃ ଲାଗାଡ଼ିଙ୍ଗ୍‌ୟାଃ, ଏନା ଆପେୟାଃ  
 ସିମ୍‌ରେନ୍ ଆପୁ ସାରିୟାଏ । ୩୧ ମେନ୍‌ଦ ପାର୍‌ମେଶ୍‌ବାର୍‌ଆଃ ରାଇଙ୍ଗ୍  
 ଦାଣାଁଏପେ ଆତ୍ମ ନେ ସବେନାଃହ ଆପେକେ ଏମଃଆ ।

ସିମ୍‌ରେ ଖୁଜ୍  
 (ମାଥ୍‌ଉ ୬:୧୯-୨୧)

† ୧୨:୨୨ ୧୨:୨୭ ତୁକୁଇତାନା ଚିପାଅ / ସିଲେଇ

୩୨ “ଏ ହୁଡ଼ିଙ୍ଗ୍ ଗୋଟକ ଆଲପେ ବରଏୟା ଆପେୟାଃ ଆପୁଦ ଆପେକେ ଆୟାଃ ରାଇଜ୍ ଏମଃନାଙ୍ଗ୍ ସୁକୁଆକାନାଏ । ୩୩ ଆପେୟାଃ ମେନାଃତେୟାଃ ଆଖ୍ରିଙ୍ଗ୍ କେଦ୍ତେ କର୍ଷକକେ ଏମାକପେ, କା ମାଇଲାଅଃ ପାଏସାମ୍ବୁନା ଆପେନାଙ୍ଗ୍ ବାଇୟେପେ, କା ଖାରାପଃ ଖୁଜ୍ ସିର୍ମାରେ ଦହଏପେ, ଏନ୍ତାଃରେ କୁମ୍ବୁତୁ କାଏ ତେବାଃଏୟା ଆତଃ ନିଦିର୍ କାଏ ଜମେୟା । ୩୪ ଚିୟାଃଚି ଆପେୟାଃ ଖୁଜ୍ ତାଇନଃତାଃରେଗି ଆପେୟାଃ ମନ୍ ତାଇନାଃ ।

**ଚିର୍ଗାଲାକାନ୍ ଦାସିକ**

୩୫ ☆“ଆପେୟାଃ ମାୟାଙ୍ଗ୍ ପାଟେକେଦ୍ତେ କାମିନାଙ୍ଗ୍ ସେକାଡ଼ାକାନ୍ପେ ଆତଃ ଆପେୟାଃ ଦିମି ଜୁଲାକାନ୍ ତାଇୟଃକା । ୩୬ ☆ଆତଃ ଏନ୍ ହଡ଼କଲେକାଅଃପେ, ଇନ୍କୁ ଆବୁଆଃ ଗମ୍କେ ଆଣ୍ଡିଏତେ ଚିଉଲାଏ ରୁହାଡ଼ାଃ ଆତଃ ଇନିଃ ହିଜୁଃକେଦ୍ତେ ଠକ୍ ଠକାଏରେଦ ଇନିଃ ନାଗେନ୍ତେ ଇମ୍ତା ଦୁଆର୍ବୁ ନିଜେୟା ମେନ୍ତେକ ନେଲ୍ହରାଇତାନା । ୩୭ ଅକନ୍ ଦାସିକକେ ଆକଆଃ ଗମ୍କେ ଏୟନାକାନ୍ ଆତଃ ସେକାଡ଼ାକାନ୍ ହିଜୁଃନାମ୍କରେ ଏନ୍ ଦାସିକ ଚିମିନ୍ ସୁକୁତାନ୍ରିୟାକ, ଆଇଙ୍ଗ୍ ସାର୍ତିଗି କାଜିୟାପେ ତାନାଇଙ୍ଗ୍, ଇନିଃ ମାୟାଙ୍ଗ୍ ପାଟେକେଦ୍ତେ ଇନ୍କୁଲଃ ଜଜମ୍ ନାଗେନ୍ତେ ଦୁବ୍କଆଏ ଆତଃ ହିଜୁଃକେଦ୍ତେ ଇନ୍କୁକେ ସୁସାର୍କଆଏ । ୩୮ ଆତଃ ଇନିଃ ଆଲାନିଦା ଚାଏ ସିମ୍କରାଃ ହିଜୁଃକେଦ୍ତେ ଇନ୍କୁକେ ନେ ଲେକାଏ ନାମ୍କରେଦ ଏନ୍ ଦାସିକ ଚିମିନ୍ ସୁକୁତାନ୍ରିୟାକ । ୩୯ ☆ମେନ୍ଦ ନେଆଁ ଆବ୍କାରେପେ, ଅଡ଼ାଃରେନ୍ ଗମ୍କେ କୁମ୍ବୁତୁ ହିଜୁଃ ଦିପିଲି ସାରିକାଇରେଦ ଇନିଃକେ ଆୟାଃ ଅଡ଼ାଃରାଃ ସିନ୍ କାଏ ଉଡୁଡ଼ିକା ଇଚିକାଇତେୟାଃ । ୪୦ ଏନା ନାଗେନ୍ତେ ଆପେୟା ସାପ୍ଡାଅକାନ୍ ତାଇନ୍ପେ, ଚିୟାଃଚି ଆପେ କାପେ ଉଡ଼ୁତାନ୍ ଦିପିଲିରେଗି ମାନଃହନ୍ ହିଜୁଃଆଏ ।”

**ପାତିୟାର୍ ଆତଃ କା ପାତିୟାର୍ ଦାସିକ  
(ମାଥୁଃ ୨୪:୪୫-୫୧)**

☆ ୧୨:୩୫ ୧୨:୩୫ ମାଥୁଃ ୨୫:୧-୧୩.      ☆ ୧୨:୩୬ ୧୨:୩୬ ମାର୍କ ୧୩:୩୪-୩୬.  
 ☆ ୧୨:୩୯ ୧୨:୩୯ ମାଥୁଃ ୨୪:୪୩,୪୪.

୪୧ ଏନ୍ତେ ପାତ୍ରରାସ୍ କୁଲିକିୟାଏ, “ହେ ପ୍ରାଭୁ ଚିୟାଃ ଆମ୍ ଆଲେକେ ଚି ସବେନ୍‌କକେ ନେ ଜନ୍‌କା କାଜି କାଜିୟାଲେତାନାମ୍ ?”

୪୨ ଆତଃ ପ୍ରାଭୁ କାଜିରୁହାଡ଼କେଦାଏ, “ଏନ୍ତେ ଗୁସିୟାଁ ଆୟାଃ ଅତାଃରେନ୍‌କକେ ବୁଗିନ୍ ନେଡାରେ ଜମେୟାଁଃ ଏମାକ ନାଗେନ୍ତେ ଅକଏକେ ଇନିଃ ସାଲାକିଆଏ, ଏନ୍‌ଲେକାନ୍ ପାତିୟାରରଃ ଆତଃ ସେଣାନ୍ ଭାଣ୍ଡାରି ଅକଏ ତାନିଃ ? ୪୩ ଆୟାଃ ଗୁସିୟାଁ ନେ'ଲେକା କାମିତାନ୍ ଦାସିକେ ହିଜୁଃ ନାମିରେ ଇନିଃ ସୁକୁତାନ୍‌ଗିୟାଏ । ୪୪ ସାର୍‌ତିଗିଙ୍ଗ୍ କାଜିୟାପେତାନା, ଇନିଃ ଏନ୍ ଦାସିକେ ଆୟାଃ ସବେନ୍ ମେନାଃତେୟାଃରେନ୍ ଗୁସିୟାଁ ଦହଇୟାଏ । ୪୫ ମେନ୍‌ଦ ଏନ୍ ଦାସି, ଆଇୟାଃ ଗୁସିୟାଁରାଃ ହିଜୁଃତେୟାଃ ବିଲାମଃତାନାଃ ମେନ୍ତେ ମନ୍‌ତାୟାଃରେ କାଜିକେଦ୍‌ତେ ଦାସିକ ଆତଃ କାମଡ଼ିକକେ ଦାଦାଲ୍, ଆତଃ ଜଜମ୍ ନୁଁ ଆତଃ ବୁଲଃ ଏଟେଦ୍‌ରେଦ୍, ୪୬ ଏନ୍ ଦାସିଆଃ ଗମ୍‌କେ ଇନିଃ କାଏ ଉଡ଼ୁ ହୁଲାଙ୍ଗ୍‌ରେ ଆତଃ କାଏ ସାରି ଦିପିଲିରେ ହିଜୁଃଆଏ ଆତଃ ଇନିଃକେ ପୁରାଃ ଦୁକୁ ଏମାଇତାନ୍‌ଲଃ ଟୁକ୍‌ଡା ଟୁକ୍‌ଡା ମାଆଃଇୟାଏ, ଏନ୍ତେ କା ବିଶ୍ୱାସ୍‌ତାନ୍‌କଲଃ ହାନାଟିଙ୍ଗ୍‌ଆଏ ଏମାଇୟା ।

୪୭ “ଆୟାଃ ଗମ୍‌କେୟାଃ ମନ୍ ସାରିକେଦ୍‌ତେ କାଏ ସେକାଡ଼ାକାନ୍ ଆତଃ ଇନିୟାଃ ମନେଲେକା କା କାମିକେଦ୍ ଦାସି ପୁରାଃଗିୟାଏ ଦାଲଃଆ । ୪୮ ମେନ୍‌ଦ କା ସାରିକେଦ୍‌ତେ ଦାଲଃଲେକା କାମିକେଦ୍‌ନିଃ ହୁଡ଼ିଙ୍ଗ୍‌ଲେକାଏ ଦାଲଃଆ । ଆତଃ ପୁରାଃ ନାମାକାଦ୍‌କଏତେ ପୁରାଃ ଆସିୟଃଆ; ଆତଃ ହଡ଼କ ପୁରାଃଗିକ ଏମାକାଇନିଃଏତେ ପୁରାଃଗିକ ଆସିୟା ।

**ୟାଶୁଆଃ ନାଗେନ୍ତେ ବିନ୍‌ଗାଅ**  
(ମାଥୁଉ ୧୦:୩୪-୩୬)

୪୯ “ଆଇଙ୍ଗ୍ ଅତେରେ ସେଙ୍ଗେଲ୍ ଜୁଲ୍‌ନାଙ୍ଗ୍ ହିଜୁଆକାନାଇଙ୍ଗ୍, ଆତଃ ଆଇଙ୍ଗ୍ ସାନାଙ୍ଗ୍‌ତାନାଇଙ୍ଗ୍, ଜାଲ୍‌ଦିଗି ସେଙ୍ଗେଲ୍ ଜୁଲଃକା । ୫୦ ✨ମେନ୍‌ଦ ମିଆଁଦ୍ ବାପ୍ତିସ୍ମାଏତେ ଆଇଙ୍ଗ୍‌କେ ବାପ୍ତିସ୍ମାଅଃ ଲାଗାତିଙ୍ଗ୍‌ୟାଁଃ, ଆତଃ ଏନା ଆଉରିଚାବାଃଅ ଜାକେଦ୍ ଦୁକୁତେ

☆ ୧୨:୫୦ ୧୨:୫୦ ମାର୍କ ୧୦:୩୮.

ପୁରାଣଗିରୀଙ୍କୁ ବିତୁଳାଅକାନା । ୫୧ ଚିୟାଃ ଆଇଙ୍କୁ ଅତେଦିଶୁମ୍ରେ ଜୀଉସୁକୁ ଏମ୍ତେ ହିକୁଆକାନାଇଙ୍କୁ ମେନ୍ତେପେ ଆଟ୍ଟକାରିଙ୍କୁତାନା ? ବାନଃଗି, ମେନ୍ଦ ବନ୍ଦାଅ ନାଗେନ୍ତେଇଙ୍କୁ ହିକୁଃକାନା । ୫୨ ନାହାଃଏତେଦ ମିଆଁଦ ପାରିବାରରେନ୍ ପାଞ୍ଚୁଆନ୍ ହତକ ବନ୍ଦାଅଆଃକ, ତିନ୍ଦାନ୍ ବାରହତ୍ତକିନାଃ ବିରୁଧରେ ଆତଃ ବାରହତ୍ତ, ତିନ୍ଦାନ୍କଆଃ ବିରୁଧରେ । ୫୩ ହନକଡ଼ା ବିରୁଧରେ ଆପୁ, ଆତଃ ଆପୁ ବିରୁଧରେ ହନକଡ଼ା, ହନକୁଡ଼ି ବିରୁଧରେ ଏଙ୍ଗା, ଆତଃ ଏଙ୍ଗା ବିରୁଧରେ ହନକୁଡ଼ି, କିମିନ୍ ବିରୁଧରେ ହାନାର୍ତେ ଆତଃ ହାନାର୍ତେୟାଃ ବିରୁଧରେ କିମିନ୍ତେ, ବନ୍ଦାଅଆଃକ ।”

**ଏନ୍ ଦିପିଲିରେୟାଃ ଚିହ୍ନାଁ  
(ମାଥୁଉ ୧୨:୨-୩)**

୫୪ ଇନିଃ ଗାଦେଲ୍ ହତକକେ କାଜିୟାଦକଆଏ, ଆପେ ସିଙ୍ଗିହାସୁରଃସାଃଏତେ ରିମିଲ୍ ରାକାବତାନପେ ନେଲେତାନ ଇମତା ଦାଆଃ ଗାମାୟାଏ ପେ ମେନେତାନା ଆତଃ ନେକାଅଃ ତାନଗିୟାଃ । ୫୫ ଆତଃ ଦାକ୍ଷିଣ୍ ହୟ ହୟତାନ ନେଲକେଦତେ ସିଦୁଙ୍ଗ୍ମେଆଏ ପେ ମେନେତାନା ଆତଃ ନେକାଅଃ ତାନଗିୟାଃ । ୫୬ ଏ ବେଦାହତକ, ଆପେ ଅତେ ଆତଃ ସିମାରେୟାଃ ଚିହ୍ନାଁପେ ଆଟ୍ଟକାରୁରୁମ୍ ଦାଡ଼ିୟାଃ ମେନ୍ଦ ନେ ଦିପିଲିରେୟାଃ ଚିହ୍ନାଁ ଚିଲ୍କା କାପେ ନେଲ୍ତରୁମେତାନା ?

**ବାଇରିଲଃ ମେସାନାଃବୁ  
(ମାଥୁଉ ୫:୨୫-୨୬)**

୫୭ ଚିନାଃମେନ୍ତେ ଠାଉକାନ୍ ଲେକାଗି ନେଲଃତେୟାଃ ଆପେଗି କାପେ ବିଚାରେତାନା ? ୫୮ ଆମାଃ ବାଇରିଲଃଦ ହାକିମ୍ତାମ୍ ସେନଃତାନରେ ଇନିଃଏତେ ଅତଙ୍ଗ୍ଆଃ ନାଙ୍ଗ୍ ହରାରେଗି ଉଡ଼ୁଇମେ, କା'ରେଦ ଇନିଃ ବିଚାର୍ନିଃତାଃତେ ଆଇଙ୍ଗଦିମେୟାଏ, ଆତଃ ବିଚାର୍ନିଃ ସିପାଇକଆଃ ତିଃଇରେ ଜିମାମେୟା ଆତଃ ସିପାଇଦ ଜେହେଲ୍ମେୟାଏ । ୫୯ ଆଇଙ୍କୁ କାଜିୟାମ୍ ତାନାଇଙ୍କୁ, ତାମ୍ ସିକା କାଉଡ଼ି କାଉଡ଼ି ଆଉରି ହାଲ୍ତାବାଏ ଜାକେଦ ଏନ୍ତାଃଏତେ କାମ୍ ଅତଙ୍ଗ୍ ଦାଡ଼ିୟା ।



# ୧୩

## ମନ୍‌ରୁହାଡ଼ ଲାଗାତିଙ୍ଗିୟାଃ

୧ ଏନ୍ ଦିପିଲିରେ ଚିମ୍‌ନାଙ୍ଗ ହଡକ ହିନ୍ଦୁଆକାନ୍ ତାଇକେନାକ, ଇନ୍‌କୁ ଏନ୍ ଗାଲିଲ୍‌ରେନ୍‌କଆଃ କାଜି ଯୀଶୁକେ କାଜିକିୟାକ, ପିଲାତୁସ୍\*ଦ ଚିଲ୍‌କା ପାରମେଶ୍ଵାର୍‌ତାଃରେ ବିଶ୍ଵାସ୍ ତାନ୍‌କଆଃ ମାୟୋମ୍ ଦାଣ୍‌ରାକାବ୍ ଜାଁତୁକଆଃ ମାୟୋମ୍‌ଲଃ ମେସାକେଦାଏ । ୨ ଆଡ଼ଃ ଯୀଶୁ ଇନ୍‌କୁକେ କାଜିକେଦକଆଏ, “ଚିୟାଃ ନେ ଗାଲିଲ୍‌ରେନ୍‌କ ସବେନ୍ ଗାଲିଲ୍‌ରେନ୍ କଆଃଏତେ ଆଦକା ପାପିକ ତାଇକେନ୍ ନାଗେନ୍ତେ ନେ ଦୁକୁକ ସାହାତିଙ୍ଗିକେଦାଃ, ନେଆଁପେ ଆଟ୍‌କାରେ ତାନାଚି ? ୩ ବାନଃଗି ମେତାପେତାନାଇଙ୍ଗ୍, ମେନ୍‌ଦ ଆପେ ପାପହେତେ କାପେ ମନ୍‌ରୁହାଡ଼† ରେଦ ଆପେ ସବେନ୍‌କ ନେ ଲେକାଗି ଜିୟନଃଆପେ । ୪ ଆଡ଼ଃ ଶିଲୋହରେ ଦାର୍‌ଖାନ୍ ଅଡ଼ଃ ଏନ୍ ଆଠ୍‌ରା ଝାନ୍ ହଡକରେ ଉୟୁଃୟାନା ଆଡ଼ଃ ଇନ୍‌କୁକେ ଗଏଃକେଦକଆଏ, ଇନ୍‌କୁଆଃ ବିଷାଏରେ ଚିନାଃପେ ଉଡ଼ଃତାନା ? ଚିୟାଃ ଇନ୍‌କୁ ସବେନ୍ ଯୀରୁଶାଲେମ୍‌ରେନ୍‌କଏତେ ଆଦକା ପାପିକ ତାଇକେନା ମେନ୍ତେଚିପେ ଆଟ୍‌କାରେ ତାନା ? ୫ ବାନଃଗି ମେତାପେ ତାନାଇଙ୍ଗ୍, ମେନ୍‌ଦ ଆପେ ପାପହେତେ କାପେ ମନ୍‌ରୁହାଡ଼ରେଦ ଆପେ ସବେନ୍‌କ ନେ ଲେକାଗି ଜିୟନଃଆପେ ।”

## କା ଜଅଃତାନ୍ ଲଆ ଦାରୁରାଃ ଜନ୍‌କା କାଜି

୬ ଏନ୍ତେ ଯୀଶୁ ନେ ଜନ୍‌କା କାଜି କାଜିକେଦାଏ, “ଜେତାଏ ମିଆଁଦହଡ଼ ଆୟାଃ ଦାଖ୍‌ବାକ୍‌ଡ଼ିରେ ମିଆଁଦ୍ ଲଆଦାରୁ ରୟାକାଦ୍ ତାଇକେନାଏ, ଆଡ଼ଃ ଇନିଃ ଏନାରେ ଜ ନାମେନାଗେନ୍ତେ ହିଜୁଃୟାନାଏ, ମେନ୍‌ଦ ମିଆଁଦ୍ ହ ଜ କାଏ ନାମ୍‌କେଦାଃ । ୭ ଏନାମେନ୍ତେ ଇନିଃ ମାଲିହଡ଼କେ କାଜିକିୟାଏ, ‘ନେଲେମେ ଆପି ସିର୍ମାଏତେ ନେ ଲଆଦାରୁରେ ଜ ନାମେନାଗେନ୍ତେ ହିଜୁଃତାନାଇଙ୍ଗ୍ ମେନ୍‌ଦ କାଇଙ୍ଗ୍ ନାମେତାନା, ଏନା ମାଏଃମେ, ଚିକାନାଙ୍ଗ୍ ଅତେ ଏସେରେତାନାଏ ?’ ୮ ମେନ୍‌ଦ ମାଲିହଡ଼ କାଜିକେଦାଏ, ‘ହେ ଗମ୍‌କେ, ଏନାକେ ନେ ସିର୍ମାହଗି ତାଇରିକାଏମେଁ, ଆଇଙ୍ଗ୍ ଏନାକେ

\* ୧୩:୧ ୧୩:୧ ପିଲାତୁସ୍\_1ଷ୍ଟ ୨୭-୩୭ ସାନ୍‌ତେ ଯୀହୁଦାରେନ୍ ରୋମି ଶାସାକ † ୧୩:୩ ୧୩:୩ ମନ୍‌ରୁହାଡ଼, ହେୟାତିଙ୍ଗ୍

ଉର୍ବିହୁରକେଦ୍‌ତେ ସାରାହାସା ପେରେଜେୟାଲଙ୍ଗ । ୯ ଇଦୁ ହିଜୁଃସିର୍ମା ନେଆଁରେ ଜ ନାମ୍ ସାକାଅଥାଃ, କା'ରେଦ ତାୟମ୍‌ତେ ଏନାକେ ମାଆଃଇଚିମେ ।”

ୟୀଶୁ ରୁଡନ୍‌ନୁ ହୁଲାଙ୍ଗ୍‌ରେ ମିଆଁଦ୍ କୁଡ଼ିକୁଡ଼ିକେ ବୁଗିନ୍‌କିୟାଏ

୧୦ ଯୀଶୁ ରୁଡନ୍‌ନୁ ହୁଲାଙ୍ଗ୍‌ରେ ମିଆଁଦ୍ ଯିହୁଦୀକଥାଃ ସାମାଜ୍ ଅଡ଼ାଃରେ ଇଡୁକତାନ୍ ତାଇକେନାଏ । ୧୧ ଆଡ଼ଃ ନେଲେପେ ଏନ୍ତାଃରେ ଆଠ୍‌ରା ବାରାଷ୍‌ଏତେ ମିଆଁଦ୍ କୁଡ଼ିକେ ଏଡକାନ୍ ଆମ୍‌। ଏସେରାକାଇତେ ନାରାଦୁରାଇତାନ୍ ତାଇକେନାଏ, ଇନିଃ ଉଜୁଦକେଦ୍‌ତେ ତାଇକେନାଏ, ଜେତାଲେକାତେ ସିଧାତିଜୁଃ କାଏ ଦାଡ଼ିତାନ୍ ତାଇକେନା । ୧୨ ଯୀଶୁ ଇନିଃକେ ନେଲ୍‌କିୟାଏ ଆଡ଼ଃ ନାଡେଃତେ ହାକାଅତାନ୍‌ଲଃ କାଜିକିୟାଏ, “ଏ କୁଡ଼ି, ଆମାଃ ନାରାଦୁରା ଦୁକୁଏତେ ବୁଗିକାନାମ୍ ।” ୧୩ ଆଡ଼ଃ ଯୀଶୁ ଇନିଃରେ ତିଃଇ ଦହକେଦାଏ ଆଡ଼ଃ ଇନିଃ ଇମ୍‌ତାଙ୍ଗ୍‌ଗି ବୁଗିନ୍‌ୟାନାଏ, ଆଡ଼ଃ ପାରମେଶ୍‌ବରକେ ମାରାଙ୍ଗ୍‌କିୟାଏ ।

୧୪ ଯୀଶୁ ରୁଡନ୍‌ନୁ ହୁଲାଙ୍ଗ୍‌ରେ ବୁଗିକିୟାଏ ନେଆଁତେ ସାମାଜ୍‌ଅଡ଼ାଃରେନ୍ ଆଗୁଆଇ ଶ୍‌ସ୍‌ୟାନାଏ, ଆଡ଼ଃ ହଡକକେ କାଜିକେଦ୍‌କଥାଏ, “ଛ'ମାହ୍‌ ମେନାଃ ଏନାରେ କାମି ଲାଗାତିଙ୍ଗ୍‌ୟାଃ, ଏନ୍ ହୁଲାଙ୍ଗ୍‌କରେ ବୁଗିନିଃ ନାଗେନ୍ତେ ହିଜୁଃପେ, ରୁଡନ୍‌ନୁ ହୁଲାଙ୍ଗ୍‌ରେଦ କାହା ।”

୧୫ ମେନ୍‌ଦ ପ୍ରାଭୁ ଯୀଶୁ ଇନିଃକେ କାଜିରୁହାଡକିୟା, “ଆପେ ସବେନ୍ ବେଦାହଡକ, ତିୟାଃ ଆପେ ସବେନ୍‌କ ରୁଡନ୍‌ନୁ ହୁଲାଙ୍ଗ୍‌ରେ ଆପେୟାଃ ଉରିଃକ୍ ଗି ଗାଧାକକେ ଗଣାଏତେ ରାଡ଼ାକେଦ୍‌ତେ ଦାଆଃ ନୁଁ ତେ କାପେ ଇଦିକତାନା ? ୧୬ ଆଡ଼ଃ ନେ କୁଡ଼ିହନ୍‌ଦ ଆବ୍ରାହାମ୍‌ଆଃ କୁଡ଼ିହନ୍‌ ତାନିଃ, ନେଲିପେ ଇନିଃ ସାଏତାନ୍‌ରାଃ ତନଲ୍‌ରେ ଆଠ୍‌ରା ବାରାଷ୍‌ ତଲ୍‌କାଇତାଇନାଏ, ତିୟାଃ ଇନିଃକେ ରୁଡନ୍‌ନୁ ହୁଲାଙ୍ଗ୍‌ରେ ଏନାଏତେ ରାଡ଼ାଇତେୟାଃ କା ଲାଗାତିଙ୍ଗ୍‌ ତାଇକେନା ?” ୧୭ ଯୀଶୁ ନେଆଁ କାଜିକେଦ୍‌ ଇମ୍‌ତା, ଇନିୟାଃ ସବେନ୍ ମୁଦାଇକ ଗିହୁଃୟାନାକ ମେନ୍‌ଦ ହଡକ ଯୀଶୁଆଃ ଆକ୍‌ଦାନ୍‌ଦାଅକାମି ନେଲ୍‌କେଦ୍‌ତେ ରାସ୍‌କାୟାନାକ ।

ମାନିଜାଙ୍ଗରାଃ ଜନ୍କା କାଜି  
(ମାଥୂଉ ୧୩:୩୧-୩୨; ମାର୍କ ୪:୩୦-୩୨)

୧୮ ଏନ୍ତେ ଯୀଶୁ କୁଲିକେଦାଏ, “ପାର୍ମେଶ୍ୱାର୍‌ଆଃ ରାଇଜ୍ ଚିନାଃ ଲେକା ? ଆଇଙ୍ଗ୍ ଏନାକେ ଚିନାଃତେଗିଇଙ୍ଗ୍ ଜକାଏୟା ? ୧୯ ଏନା ମିଆଁଦ୍ ମାନିଜାଙ୍ଗ୍‌ଲେକା, ଏନା ମିଆଁଦ୍ ହଡ଼ ଇଦିକେଦ୍‌ତେ ଆୟାଃ ବାଖୁଡ଼ିରେ ହେରକେଦାଏ, ଏନା ହାରାୟାନା ଆତଃ ମାରାଙ୍ଗ୍ ଦାରୁୟାନା, ସିର୍ମାରେନ୍ ଚେଟ୍‌ଟୈକ୍ ଏନାରାଃ କତକରେକ ଥକାକେଦା ।”

ରାନୁରାଃ ଜନ୍କା କାଜି  
(ମାଥୂଉ ୧୩:୩୩)

୨୦ ଆତଃଗି ଯୀଶୁ ମେତାଦକଥାଏ, “ଆଇଙ୍ଗ୍ ପାର୍ମେଶ୍ୱାର୍‌ଆଃ ରାଇଜ୍ ଚିନାଃତେଗିଇଙ୍ଗ୍ ଜକାଏୟା ? ୨୧ ଏନା ରାନୁ ଲେକାଃ, ଏନା ଜେତା କୁଡ଼ି ଏନା ଆତକେଦ୍‌ତେ ତିନ୍ କେଜି ମାଇଦାରେ ଏନା ଆତରି ରାନୁଚାବାଅଃ ଜାକେଦ୍ ସିପୁଦ୍‌କେଦାଏ ।”

ରେସେଦ୍ ଦୁଆରତେ ବଲଃରେୟାଃ ଇନିତୁ  
(ମାଥୂଉ ୭:୧୩-୧୪, ୨୧-୨୩)

୨୨ ଯୀଶୁ ଇତୁକତାନିଲଃ ସାହାର୍ ସାହାର୍ ଆତଃ ହାତୁ ହାତୁ ପାରମ୍‌ୟାନ୍ତେ ଯିରୁଶାଲେମ୍‌ସାଃ ସେନଃତାନାଏ ତାଇକେନା । ୨୩ ଜେତାଏମିହୁଡ଼୍ କୁଲିକିୟାଏ, “ହେ ପ୍ରାଭୁ ଚିୟାଃ ବାଞ୍ଛାଅଃ ହଡ଼କ କାଟିଃଲେକାଃକ ?” ଯୀଶୁ କାଜିୟାଦ୍‌କଥାଏ, ୨୪ “ରେସେଦ୍ ଦୁଆରତେ ବଲଃନାଗେନ୍ତେ ଚିହୁଲାନ୍‌ପେ,‡ ଚିୟାଃଚି ଆଇଙ୍ଗ୍ କାଜିୟାପେତାନା, ଏନାରେ ବଲନାଙ୍ଗ୍ ପୁରାଃ ହଡ଼କ ସାନାଙ୍ଗ୍‌ଆଃ ମେନ୍‌ଦ କାକ ଦାଡ଼ିୟାଃ । ୨୫ ଆତଃ ଗୁସିୟାଁ ବିରିଦ୍‌ୟାନ୍ତେ ଦୁଆର୍ ହାଣ୍ଡେଦ୍‌ତାରେ, ତାୟମ୍‌ତେ ଆପେ ରାଚାରେପେ ତିଜୁନାଃ ଆତଃ ଦୁଆରରେପେ ଠକ୍‌ଠକାଏୟା ଆତଃ ‘ହେ ପ୍ରାଭୁ ନିଜାଲେମ୍’ ମେନେୟା, ମେନ୍‌ଦ ଇନିଃ ମେତାପେୟାଏ, ‘ଆପେ କତାଃରେନ୍‌କ ତାନ୍‌ପେ ଆଇଙ୍ଗ୍ ଆପେକେ କାଇଙ୍ଗ୍ ସାରିୟାଃ ।’ ୨୬ ଏନ୍ତେ ଆପେ ମେନେୟା, ଆଲେ ଆମାଃଲଃ ଜମ୍ ଆତଃ ନୁଁ ତାଇନାଲେ ଆତଃ ଆମ୍ ଆଲେୟାଃ ହରାକରେ ଇତୁକେଦ୍‌ଲେୟାମ୍ । ୨୭ ମେନ୍‌ଦ

‡ ୧୩:୨୪ ୧୩:୨୪ ଚିହୁଲାନ୍‌ପେ ଚେଷ୍ଟାଏପେ

ଇନିଃ ମେନେୟାଏ, ‘ଆପେ ଅକଏ ଆତଃ କତାଃରେନକ ତାନ୍‌ପେ ଏନା କାଇଙ୍ଗ୍ ସାରିୟାଃ, ଏ ଏଡକାନ୍ କାମିକେନକ, ଆପେ ସବେନ୍ ଆଇଙ୍ଗ୍‌ତାଃଏତେ ଆତମଃପେ । ୨୮ ✨ଆପେ ଚିମ୍ତା ଆଗ୍ରାହାମ୍, ଇସାକ୍, ଯାକୁବ୍ ଆତଃ ସବେନ୍ ନାବୀକକେ ପାର୍‌ମେଶ୍ୱାରୁଆଃ ରାଇଙ୍ଗ୍‌ରେ ଦୁବାକାନ୍ ଆତଃ ଆପେକେ ବାହାରିରେ ଅତଙ୍ଗ୍‌ଆକାନ୍ ତେୟାଃପେ ନେଲେୟା । ଇମତା ଏନ୍ତାଃରେ ରାନାଆଃ ଆତଃ ତାଟା ହାବ୍ ରିଡିଦଃଆ, ୨୯ ହଡକ ପୁରାବ୍ ଆତଃ ପାଶ୍ଟିମ୍, ଉତ୍ତାର୍ ଆତଃ ଦାକ୍ଷିଣ୍‌ସାଃଏତେ ହିନ୍ତୁଃକେଦ୍‌ତେ ପାର୍‌ମେଶ୍ୱାରୁଆଃ ରାଇଙ୍ଗ୍‌ରେ ଜଜମ୍ ନାଙ୍ଗକ ଦୁବାଃ । ୩୦ ✨ଆତଃ ନେଲେପେ, ସାର୍‌ତିଗି, ତାୟମ୍‌ରେନକ ଆୟାରଃଆ ଆତଃ ଆୟାର୍‌ରେନକ ତାୟମଃଆ ।”

**ଯୀରୁଶାଲେମ୍ ନାଗେକ୍ତେ ଯୀଶୁଆଃ ଦୁଲୀଡ୍,**  
**(ମାଥୁର ୨୩:୩୭-୩୯)**

୩୧ ଏନ୍ ଦିପିଲିରେଗି ଚିମିନ୍ ଫାରୁଶୀକ ହିନ୍ତୁଃୟାକ୍ତେ ଯୀଶୁକେ କାଜିକିୟାଃକ, “ନେତାଃଏତେ ଅତଙ୍ଗ୍‌କେଦ୍‌ତେ ସେନଃମେ, ହେରୋଦ୍ ଆମ୍‌କେ ଗଗଏଃ ସାନାଙ୍ଗ୍‌ତାନାଏ ।”

୩୨ ଯୀଶୁ କାଜିୟାଦକଆଏ, “ଜୁ ନେଆଁ ଏନ୍ ତୁୟୁକେ କାଜିୟାକପେ, ‘ଆଇଙ୍ଗ୍ ତିସିଙ୍ଗ୍ ଆତଃ ଗାପା ବଙ୍ଗାକଇଙ୍ଗ୍ ଅତଙ୍ଗକଆ ଆତଃ ଦୁକୁଆକାନ୍‌କଇଙ୍ଗ୍ ରୁଗିକଆ ଆତଃ ଆପି ମାହାଁରେଇଙ୍ଗ୍ ସେକାଡ଼ଃଆ’ ।” ୩୩ ଏନ୍‌ରେୟ ତିସିଙ୍ଗ୍ ଆତଃ ଗାପା ଆତଃ ମେୟାଙ୍ଗ୍ ଆଇଙ୍ଗ୍‌କେ ହନର୍ ଲାଗାଡିଙ୍ଗ୍‌ୟାଃ, ସାର୍‌ତିଗି ଜେତାଏ ନାବୀ ଯୀରୁଶାଲେମ୍ ଏତେ ଏଟାଃ ଜାଗାରେ ଗଜଃ କା ଲାଗାଡିଙ୍ଗ୍‌ୟାଃ ।

୩୪ “ହେ ଯୀରୁଶାଲେମ୍, ହେ ଯୀରୁଶାଲେମ୍ ଆମ୍ ନାବୀକକେମ୍ ଗଏଃକେଦକଆ ଆତଃ ଆମ୍‌ତାଃତେ କୁଲୀକାନ୍‌କକେ ଚିଦ୍‌ଗିଗଏଃ କେଦକଆମ୍, ଏଙ୍ଗସିମ୍ ଆୟାଃ ହନକକେ ଆପରବ୍ ଲାତାର୍‌ରେ ଆବ୍ରୁମ୍ ତପାକତାନ୍‌ଲେକା ଚିମିନ୍‌ସା ଆଇଙ୍ଗ୍ ଆମାଃ ହନକକେ ହୁଣ୍ଡିସାନାଙ୍ଗ୍‌କେଦାକଇଙ୍ଗ୍, ମେନ୍‌ଦ ଆପେ କାପେ ସାନାଙ୍ଗ୍‌କେଦାଃ । ୩୫ ନେଲେପେ, ଆପେୟାଃ ମାହିର୍ ଆପେତାଃରେ ହାଦୁଡ୍‌ନାଙ୍ଗ୍

---

✨ **୧୩:୨୮** ୧୩:୨୮ ମାଥୁର ୮:୧୧,୧୨. ✨ **୧୩:୩୦** ୧୩:୩୦ ମାଥୁର ୧୯:୩୦; ୨୦:୧୭; ମାର୍କ ୧୦:୩୧. § **୧୩:୩୨** ୧୩:୩୨ ସେକାଡ଼ଃଆ ଆଇଁୟାଃ କାମି ଚାବାଅଃଆ

ବାରିୟତାନା । ଚିୟାଃତି ଆଇଙ୍ଗ ଆପେକେ କାଜିୟାପେ ତାନାଇଙ୍ଗ, 'ପ୍ରାଭୁଆଃ ନୁତୁମ୍‌ତେ ହିଜୁଃତାନିଃକେ ପାର୍‌ମେଶ୍‌ୱାର୍ ଆଶିଷ୍‌ ଏମାଇକାଏ ମେନ୍ତେ ଆପେ ଆଉରି କାଜି ଜାକେଦ୍ ନାହାଁଃଏତେ ଆତଃ ଆଇଙ୍ଗକେ କାପେ ନେଲିୟାଃ ।' ”

## ୧୪

ୟାଶୁ ମିଆଁଦ୍ କାଟା ତିଃଇ ମାଁଃତାନ୍ ହଡକେ ବୁଗି ତାନାଏ

୧ ମୁସିଙ୍ଗ ରୁଡନ୍‌ ହୁଲାଙ୍ଗ୍‌ରେ ଯାଶୁ ଫାରୁଶୀକଆଃ ମିଆଁଦ୍ ଆଗୁଆଇରାଃ ଅତାଃରେ ହଲଙ୍ଗ୍ ଜଜମନାଙ୍ଗ୍ ସେନଃୟାନାଏ ଆତଃ ଇନିଃକେ ଲଡଇତାନ୍‌କ ତାଇକେନା । ୨ ନେଲେପେ, ମିଆଁଦ୍ କାଟା ତିଃଇ ମାଁଃତାନ୍ ହଡ ଇନିୟାଃ ଆୟାର୍‌ତେ ହିଜୁଃୟାନାଏ । ୩ ଯାଶୁ “ରୁଡନ୍‌ ହୁଲାଙ୍ଗ୍‌ରେ ବୁଗି ଲାଗାତିଙ୍ଗ୍‌ୟାଃ ତି କା” ମେନ୍ତେ ଆଇନ୍ ଇଡୁକ ଆତଃ ଫାରୁଶୀକକେ କୁଲିକେଦ୍‌କଆଏ । ମେନ୍‌ଦ ଇନ୍‌କୁ ହାପାୟାନାକ ।

୪ ଆତଃ ଯାଶୁ ଏନ୍ ହଡକେ ସାବ୍‌ତାନ୍‌ଲଃ ବୁଗିକିୟାଏ ଆତଃ କୁଲିକିୟାଏ । ୫ ଏନ୍ତେ ଯାଶୁ ଇନ୍‌କୁକେ କାଜିରୁହାଡାଦ୍‌କଆ, “ଆପେକଏତେ ଜେତାଏରାଃ ହନ୍‌କଡା\* ତାଏ ଉରିଃକ୍ କୁଆଁରେ ଉୟୁଃକରେ ଚିୟାଃ ଇନିଃ ଇମ୍‌ତାଙ୍ଗ୍‌ଗି ରୁଡନ୍‌ ହୁଲାଙ୍ଗ୍‌ରେ କାଏ ଅଡଙ୍ଗ୍‌ଇୟା ?”

୬ ଆତଃ ଇନ୍‌କୁ ନେ ସବେନ୍ କାଜିନାଙ୍ଗ୍ ଇନିଃକେ କାକ କାଜିରୁହାଡ୍‌ଦାଡିୟାନା ।

କୁପୁଲ୍‌କ ଆତଃ କୁପୁଲ୍‌ନିୟାଃ ଜନ୍‌କା କାଜି

୭ ଯାଶୁ କେଡାକାନ୍ ହଡକକେ ଚେତାନ୍‌ଠାୟାଦ୍ ସାଲାତାନ୍ ନେଲ୍‌କେଦ୍‌ତେ, ନେ ଜନ୍‌କା କାଜି ଇନ୍‌କୁକେ କାଜିକେଦ୍‌କଆ, ୮ “ଜେତାଏ ହଡ ଆଣ୍‌ଦି ଜମେୟାଃରେ କେଡାମେରେଦ୍ ଚେତାନ୍ ଠାୟାଦ୍‌ରେ ଆଲ୍‌ମେ ଦୁବାଃ, ଇଦୁ ଇନିଃ ଆମାଃଏତେ ଆଦ୍‌କା ମାଇନାନ୍ ହଡକେ କେଡାକାଇୟାଏ । ୯ ଆମ୍ ଆତଃ ଇନିଃକେ କେଡାକେଦ୍‌ମେନିଃ ହିଜୁଃଲେନ୍‌ତେ, ‘ମାର୍ ନେ

☆ ୧୪:୫ ୧୪:୫ ମାଥ୍‌ୱ ୧୨:୧୧. \* ୧୪:୫ ୧୪:୫ ହନ୍‌କଡାଡିମିନ୍ ଅନଲ୍‌କରେ ଗାଧା ଅଲ୍‌କାନା

ଠାୟାଦରେ ନେ ହଡକେ ଦୁବ୍‌ଇଚିମ୍‌ନେଁ ମେତାମ୍‌ନେୟାଏ, ଏନ୍ତେ ଆମ୍ ଗିହୁଃୟାନ୍ତେ ସବେନ୍‌ଏତେ ଲାତାର୍ ଠାୟାଦରେମ୍ ଦୁବାଃ । ୧୦ ମେନ୍‌ଦ ଆମ୍ କେଡ଼ାଅଃରେ କେଡ଼ାକାଦ୍‌ମେନିଃ ହିଜୁଃକେଦ୍‌ତେ, ‘ଏ ଗାତି ଚେତାନ୍‌ରେ ଦୁବ୍‌ମ୍‌ନେଁ ମେତାମ୍‌ନେୟାଏ ମେନ୍ତେ ସବେନାଃଏତେ ଲାତାର୍ ଠାୟାଦରେ ସେନ୍‌କେଦ୍‌ତେ ଦୁବ୍‌ମ୍‌ନେଁ, ଏନ୍ତେ ଆମାଃଲଃ ଜଜମ୍ ଦୁବାକାନ୍‌କଆଃ ଆୟାର୍‌ରେମ୍ ମାଇନଃଆ । ୧୧ ☆ଜେତାଏ ମାରାଙ୍‌ୟେନ୍‌ନିଃଦ ହୁଡ଼ିଙ୍‌ୟିଃଆଏ ଆଡ଼ଃ ଜେତାଏ ହୁଡ଼ିଙ୍‌ୟିଃନିଃଦ ମାରାଙ୍‌ଆଃଏ ।’

୧୨ ଏନ୍ତେ ଯୀଶୁ କେଡ଼ାକେନ୍‌ନିଃକେ କାଜିକିୟାଏ, “ଆମ୍ ସିଙ୍‌ମ୍‌ରେୟା ତାଏ ଆୟୁବ୍‌ରେୟାଃ ଜମେୟାଃ ବାଇରେଦ୍, ଆମାଃ ଗାତିକକେ ଚି ହାଗାକକେ ଚି କୁପୁଲ୍‌କକେ ଚି ହପର୍‌ଜାପାଃରେନ୍ କିସାଁଣ୍‌କକେ ଆଲମ୍ କେଡ଼ାକଆ, କା'ରେଦ୍ ଇନ୍‌କୁ କେଡ଼ାରୁହାଡ଼ମ୍‌ନେୟାକ ଆଡ଼ଃ ନେଆଁଗି ଆମାଃ ଜ ନାମଃଆ । ୧୩ ମେନ୍‌ଦ ଆମ୍ ମାରାଙ୍‌ ଜମେୟାଃମ୍ ବାଇରେଦ୍, ରେଙ୍‌ଘେଃକକେ, ତୁଣ୍‌କକେ, କେପାକକେ ଆଡ଼ଃ କାଣାକାନ୍‌କକେ କେଡ଼ାକମେ, ୧୪ ଆଡ଼ଃ ଆମ୍ ଧାଇନଃଆମ୍, ଇନ୍‌କୁଦ୍ କାକ ଏମ୍‌ରୁହାଡ଼୍ ଦାଡ଼ିୟାମ୍‌ନେୟା ମେନ୍‌ଦ ଧାର୍‌ମାନ୍‌କଆଃ ଜାଉବିନିରିଦ୍‌ରେ ଜ ନାମେୟାମ୍ ।”

**ମାରାଙ୍‌ ଜମେୟାଃରେୟାଃ ଜନ୍‌କା କାଜି  
(ମାଥ୍‌ଉ ୨୨:୧-୧୦)**

୧୫ ଯୀଶୁଲଃ ଦୁବାକାନ୍‌କଏତେ ମିଆଁଦ୍ ହଡ଼ ନେ କାଜି ଆୟୁମ୍‌କେଦା, ଇନିଃ ଯୀଶୁକେ କାଜିକିୟାଏ, “ପାର୍‌ମେଶ୍‌ବାର୍‌ଆଃ ରାଇଜ୍‌ରେ ଜମେନିଃ ସୁକୁତାନ୍‌ଗିୟାଏ ।”

୧୬ ଯୀଶୁ ଇନିଃକେ କାଜିକିୟାଏ, “ମିଆଁଦ୍ ହଡ଼ ମାରାଙ୍‌ ଜମେୟାଃ ବାଇକେଦାଏ ଆଡ଼ଃ ପୁରାଃଗି ହଡ଼କକେ କେଡ଼ାକେଦ୍‌କଆଏ । ୧୭ ଜଜମ୍ ନେତାରେ ଇନିଃ, ମାର୍ ହିଜୁଃପେ, ସବେନାଃ ସେକାଡ଼ାକାନା ମେତାକୁମ୍ ମେନ୍ତେ ଆୟାଃ ଦାସିକେ କେଡ଼ାକାନ୍‌କତାଃ କୁଲ୍‌କିୟାଏ । ୧୮ ମେନ୍‌ଦ କେଡ଼ାକାନ୍‌କ ମିଆଁଦ୍ ମନ୍‌ୟାନ୍ତେ ଛାମା ଆସିକ ଏଚେଦ୍‌କେଦା । ସିଦାନିଃ,

☆ ୧୪:୧୧ ୧୪:୧୧ ମାଥ୍‌ଉ ୨୩:୧୨; ଲୁକ ୧୮:୧୪.

‘ଅତେଇଙ୍ଗ କିରିଙ୍ଗଆଃକାଦା ଆଡ଼ଃ ସେନ୍‌କେଦ୍‌ତେ ଏନାକେ ନେନେଲ୍‌ ଲାଗାତିଙ୍ଗୟାଃ, ଆଇଙ୍ଗ ନାଙ୍ଗ ଛାମା ଆସିମେ’ ମେନ୍ତେ ବିକ୍ରିମେତାନାଇଙ୍ଗ ମେନ୍‌କିୟାଏ । ୧୯ ଆଡ଼ଃ ଏଗାଃନିଃ, ପାଞ୍ଚ ଆଡ଼ନା ଉରିଃକକଇଙ୍ଗ କିରିଙ୍ଗକାଦକଆ ଆଡ଼ଃ ଇନ୍‌କୁକେ ଆଟ୍‌କାର୍‌ଉରୁମ୍‌ ନାଗେନ୍ତେ ସେନଃତାନାଇଙ୍ଗ ଆଇଙ୍ଗନାଙ୍ଗ ଛାମା ଆସିମେ ମେନ୍ତେ ବିକ୍ରିମେ ତାନାଇଙ୍ଗ ମେନ୍‌କିୟାଏ । ୨୦ ଏଗାଃନିଃ, ‘ଆଇଙ୍ଗ ଆଣ୍‌ଦିୟାକାନାଇଙ୍ଗ, ଏନାନାଗେନ୍ତେ କାଇଙ୍ଗ ସେନ୍‌ଦାଡ଼ିୟାଃ’ ମେନ୍‌କିୟାଏ ।

୨୧ “ଏନ୍ ଦାସି ହିଜୁଃକେଦ୍‌ତେ ଗମକେ ତାୟାଃକେ ନେ ସବେନ୍ ଉଦୁବକିୟାଏ । ଏନ୍ତେ ଅଡ଼ଃ ଗମକେ ଖୁସକେଦ୍‌ତେ ‘ହାତୁରେୟାଃ ଚାକାର୍ ଆଡ଼ଃ ରେସେଦ୍ ହରାକତେ ସେନଃମେ ଆଡ଼ଃ ରେଙ୍ଗେଃତାନକକେ ଆଡ଼ଃ ରୁଣ୍ଡାକାନକକେ ଆଡ଼ଃ କେପାକକେ ଆଡ଼ଃ କାଣ୍‌କାନକକେ ନେତାଃ ଆଉକୁମ୍’ ମେନ୍ତେ ଏନ୍ ଦାସିକେ କାଜିକିୟାଏ । ୨୨ ଆଡ଼ଃ ଏନ୍ ଦାସି କାଜିକିୟାଏ, ‘ହେ ଗମକେ, ଆମ୍ ଆତୁଆକାଦ୍‌ଲେକା ବାଇୟାନା ମେନ୍‌ଦ ନାହାଃହୁଁ ଠାୟାଦ୍ ମେନାଃ ।’ ୨୩ ଏନ୍ତେ ଅଡ଼ଃ ଗୁସିୟା ଆୟାଃ ଦାସିକେ କାଜିକିୟାଏ, ‘ଜୁ ସେନଃମେ, ଆଡ଼ଃ ନାଗାରୁରେୟାଃ ହରା ଗେନାକଏତେ, କଟାକଏତେ ହଡ଼କକେ କେଡ଼ା ଆଉକମେ, ଆଡ଼ଃ ଆଇଁୟାଃ ଅଡ଼ଃକେ ହଡ଼ତେ ପେରେଜ୍‌କମେ । ୨୪ ଆଇଙ୍ଗଦଇଙ୍ଗ କାଜିୟାପେତାନା, ଏନ୍ କେଡ଼ାକାନକଏତେ ଜେତାଏ ଆଇଁୟାଃ ଜମେୟାଃ କାକ ଚାଖାଅୟାଃ ।’”

**ୟୀଶୁଆଃ ଚେଲା ହବାଅଃରେୟାଃ ଗନଙ୍ଗ  
(ମାଥୂଉ ୧୦:୩୭-୩୮)**

୨୫ ମିସା ପୁରାଃ ଗାଦେଲ୍‌ ହଡ଼କ ଯୀଶୁଲଃ ସେନଃତାନକ ତାଇକେନା, ଆଡ଼ଃ ଇନିଃ ହେତାରୁହାଡ଼କେଦ୍‌ତେ କାଜିୟାଦକଆଏ, ୨୬ ✨ଜେତାଏ ହଡ଼ ଆଇଙ୍ଗତାଃତେ ହିଜୁଃରେଦ୍ ଆୟାଃ ଆପୁ ଆଡ଼ଃ ଏଙ୍ଗା, କୁଡ଼ି ଆଡ଼ଃ ହନ୍‌କ, ହାଗାକ ଆଡ଼ଃ ମିଶିକ, ହେଗି ଆୟାଃ ଜୀଉକେହ ଆଇଙ୍ଗଏତେ ଆଦକା ଦୁଲାଡ଼ରେଦ୍ ଇନିଃ ଆଇଁୟାଃ ଚେଲା କାଏ ହବାଦାଡ଼ିୟାଆଃ । ୨୭ ✨ଆଡ଼ଃ ଜେତାଏ ଆୟାଃ କୁଶି

☆ ୧୪:୨୭ ୧୪:୨୭ ମାଥୂଉ ୧୦:୩୭. ☆ ୧୪:୨୭ ୧୪:୨୭ ମାଥୂଉ ୧୦:୩୮; ୧୭:୨୪; ମାର୍କ ୮:୩୪; ଲୁକ ୯:୨୩.

ଗଅଃକେଦତେ ଆଇଙ୍ଗକେ କାଏ ଅତଙ୍ଗଇଙ୍ଗରେଦ, ଇନିଃ ଆଇଁୟାଃ ଚେଲା କାଏ ହବାଦାଡ଼ିୟାଆଃ ।

୨୮ “ଆପେକଏତେ ଗୁମ୍ମାଟ୍ ବାବାଇ ସାନାଙ୍ଗନିଃ ତି ସିଦାରେ ଦୁବ୍‌କେଦତେ ଏନାକେ ବାଇଟୁଣ୍ଟୁ ନ୍ନାଗେନ୍ତେ ଇଦୁ ଆଇଁୟାଃତାଃରେ ଲାଗାଡ଼ିଙ୍ଗ୍ ପାଏସା ମେନାଃ ତି କା ମେନ୍ତେ କାଏ ଲେକାୟା ?

୨୯ କା'ରେଦ ଇନିଃ ନିହ୍ ଗାଡ଼ାକେ ପାଟାଅକେଦତେ ତୁଣ୍ଟୁକ୍‌ଏ ଦାଡ଼ିରେଦ ସବେନ୍ ନେନେଲ୍ ହଡ଼କ ଇନିଃକେ ଲାୟାୟାକ । ୩୦ ନେ ହଡ଼ ବାବାଇ ଏଟେଦକେଦାଏ ମେନ୍‌ଦ ତୁଣ୍ଟୁ କ୍‌ଏ ଦାଡ଼ିକେନା ମେନ୍ତେକ ମେନେୟା ।

୩୧ “ଆଡ଼ଃ ଜେତା ରାଜା ଗେଲ୍ ହାଜାର୍ ପାଲ୍‌ଟାନକକେ ସାବ୍‌କେଦତେ ଅକଏୟାଃତି କୋଡ଼ିଏ ହାଜାର୍ ପାଲ୍‌ଟାନ ମେନାକଆଃ ଏନ୍ ରାଜାଲଃ ମାପାଃତୁପୁଇଙ୍ଗ୍ ନାଗେନ୍ତେ ଅତଙ୍ଗଅଃ ସିଦାରେ ଏନ୍ ରାଜାଏତେ ପୁରାଃ କେଟେଦ ମେନାୟାଃତି କାହା ମେନ୍ତେ ଇନିଃ ତିନାଃ ଦୁବ୍‌କେଦତେ କାଏତି ଉଡ଼ୁୟା ? ୩୨ କାଏ ଦାଡ଼ିରେଦ, ଏଟାଃ ରାଜା ସାଙ୍ଗିନ୍‌ରେ ତାଇନ୍ ଇମ୍‌ତାଗି ଇନିଃ କାଜିଇଦିନିଃକେ କୁଲ୍‌କେଦତେ ସୁକୁଜାଉରେ ତାଇନଃ ନାଙ୍ଗ୍ ବିନ୍ତିୟାଏ । ୩୩ ନେ ଲେକାତେ ଆପେକଏତେ ଜେତାଏ ଆକଆଃ ସବେନ୍ ମେନାଃତେୟାଃ କାକ ବାଗିରେଦ ଆଇଁୟାଃ ଚେଲା କାକ ହବାଦାଡ଼ିୟାଆଃ ।”

ସାବାଃ ବୁଲୁଙ୍ଗ୍  
(ମାଥୁଃ ୫:୧୩; ମାର୍କ ୯:୫୦)

୩୪ “ବୁଲୁଙ୍ଗ୍ ବୁଗିନାଃ, ମେନ୍‌ଦ ବୁଲୁଙ୍ଗ୍ ସାବାଗଃରେଦ ଏନା ଚିଲ୍‌କାତେ ଆଡ଼ଃମିସା ସିବିଲ୍‌ରୁହାଡ଼ଃଆ । ୩୫ ଏନା ଅତେନାଙ୍ଗ୍ ଚାଏ ସାରାଗାଡ଼ା ନାଗେନ୍ତେୟ କାମିରେ କା ହିଜୁଃଆ; ହଡ଼କ ଏନାକେ ଏଣ୍ଟୁୟାୟାକ । ଆୟୁମ୍ ନାଗେନ୍ତେ ଲୁତୁର୍ ମେନାଃନିଃ ଆୟୁମେକାଏ ।”

## ୧୫

ଆଦାକାନ୍ ମିଣ୍ଟି ଆଡ଼ଃ ଆଦାକାନ୍ ସିକିରେୟାଃ ଜନ୍‌କା କାଜି  
(ମାଥୁଃ ୧୮:୧୨-୧୪)

† ୧୪:୨୮ ୧୪:୨୮ ଗୁମ୍ମାଟ୍ ଗଡ଼ / ଗାଡ଼, ‡ ୧୪:୩୧ ୧୪:୩୧ ମାପାଃତୁପୁଇଙ୍ଗ୍ ଲାତାଲ



୧ <sup>୧</sup> ମୁସିଙ୍ଗ୍ ହୁଲାଙ୍ଗ୍ ସବେନ୍ ମାଲ୍‌ହାରମ୍‌କ ଆଡ଼ଃ ପାପି ହଡ଼କ ଯାଣୁଆଃ କାଜି ଆୟୁମ୍ ନାଗେନ୍ତେ ଇନିଃତାଃତେ ହିନ୍ତୁଃତାନକ ତାଇକେନା । <sup>୨</sup> ମେନ୍‌ଦ ଫାରୁଶୀକ ଆଡ଼ଃ ଆଇନ୍ ଇଡୁକ କୁରୁମ୍‌ଡୁରୁମ୍‌ୟାନ୍‌ଲଃ\* ମେନ୍‌କେଦାଃକ, “ନିଃ ପାପିକକେ ସୁକୁଆକୁତାନାଏ ଆଡ଼ଃ ଆକଆଃଲଃ ଜମେତାନାଏ ।” <sup>୩</sup> ଏନ୍ତେ ଯାଣୁ ଇନ୍‌କୁକେ ନେ ଜନ୍‌କା କାଜି ଉଦୁବାଦକଆଏ ।

୪ “ଆପେକଏତେ ଜେତାଏୟାଃ ମଣ୍ଟେହିସି† ମିଣ୍ଟିକ ତାଇନ୍‌ରେଦ ଆଡ଼ଃ ଇନ୍‌କୁଏତେ ମିଆଁଦ୍ ଆଦଃରେଦ ଚିୟାଃ ଇନିଃ ଏନ୍ ଉପୁନ୍‌ହିସି ଗେଲ୍‌ଅରେୟା‡ ମିଣ୍ଟିକକେ ବିରରେ କାଏ ବାଗିକଆ ଆଡ଼ଃ ଏନ୍ ଆଦାକାନ୍‌ନିଃକେ ଆଉରିନାମି ଜାକେଦ୍ କାଏଚି ଦାଣ୍ଟାବାଡ଼ାଇୟା ? <sup>୫</sup> ଆଡ଼ଃ ଇନିଃକେ ନାମ୍‌ତାଇରେଦ ରାସକାତାନ୍‌ଲଃ ଆୟାଃ ତାରାନ୍‌ରେୟାଏ ଗଅଃଆଉ଼ୟା, <sup>୬</sup> ଆଡ଼ଃ ଅଡ଼ଃତେ ହିନ୍ତୁଃକେଦ୍‌ତେ ଆୟାଃ ଗାଡ଼ିକକେ ଆଡ଼ଃ ହପର୍‌ଜାପାଃରେନ୍‌କକେ କେଡ଼ାହୁଣ୍ଟିକେଦ୍‌ତେ ‘ଆଇଁୟାଃଲଃ ରାସକାନ୍‌ପେ, ଆଇଁୟାଃ ଆଦାକାନ୍ ମିଣ୍ଟିକେଇଙ୍ଗ୍ ନାମ୍‌ରୁହାଡ଼କିୟା’ ମେତାକଆଏ । <sup>୭</sup> ଆଇଙ୍ଗ୍ କାଜିୟାପେ ତାନାଇଙ୍ଗ୍, ନେ ଲେକାଗି ମନ୍‌ରୁହାଡ଼ କା ଲାଗାଡ଼ିଙ୍ଗ୍ ଉପୁନ୍‌ହିସି ଗେଲ୍‌ଅରେୟା ଧାର୍‌ମାନ୍‌କଏତେ ଆଦକା ମିଆଁଦ୍ ମନ୍‌ରୁହାଡ଼ତାନ୍ ପାପି ନାଗେନ୍ତେ ସିର୍ମାରେନ୍‌କ ରାସକାଅଆଃକ ।

**ଆଦାକାନ୍ ସିକା**

୮ “ତାଏ ଜେତାଏ କୁଡ଼ିରାଃ ଗେଲ୍‌ସି ସିକା\* ମେନାଃରେଦ ଆଡ଼ଃ ମିଆଁଦ୍ ଆଦଃରେଦ, ଚିୟାଃ ଇନିଃ କାଏ ଦିମିୟା ଆଡ଼ଃ ଅଡ଼ଃକେ କାଏ ଜଗେୟା ଆଡ଼ଃ ଆଉରି ନାମେଜାକେଦ୍ ଚିହୁଲ୍‌ଡେ† କାଏଚି ଦାଣ୍ଟାବାଡ଼ାୟା ? <sup>୯</sup> ଆଡ଼ଃ ଏନା ନାମ୍‌କେଦ୍‌ରେ ଆୟାଃ ଗାଡ଼ିକକେ ଆଡ଼ଃ ହପର୍‌ଜାପାଃରେନ୍‌କକେ କେଡ଼ାହୁଣ୍ଟିକେଦ୍‌ତେ, ଆଇଁୟାଃଲଃ ରାସକାନ୍‌ପେ, ଆଇଁୟାଃ ଆଦାକାନ୍ ସିକାଇଙ୍ଗ୍ ନାମ୍‌ରୁହାଡ଼କାଦା ମେତାକଆଏ । <sup>୧୦</sup> ଆଇଙ୍ଗ୍ କାଜିୟାପେ ତାନାଇଙ୍ଗ୍, ନେ ଲେକାଗି

☆ ୧୫:୧ ୧୫:୧ ଲୁକ ୫:୨୯,୩୦.      \* ୧୫:୨ ୧୫:୨ କୁରୁମ୍‌ଡୁରୁମ୍‌ୟାନ୍‌ଲଃଅଭିଯୋଗ୍ / କୁର୍‌ବୁରାଅ      † ୧୫:୪ ୧୫:୪ ମିଦ୍‌ଶାଅ      ‡ ୧୫:୪ ୧୫:୪ ଅନାଇସ୍      § ୧୫:୮ ୧୫:୮ ଦାଗ୍      \* ୧୫:୮ ୧୫:୮ ମିହୁଡ଼, ହଡ଼ରାଃ ମୁସିଙ୍ଗ୍‌ରାଃ ମାଜିରି ଗନଙ୍ଗ୍      † ୧୫:୮ ୧୫:୮ ଚିହୁଲ୍‌ଡେ ଯାତାନ୍‌ଡେ

ମିଆଁଦ୍ ମନରୁହାଡ଼ତାନ୍ ପାପି ନାଗେନ୍ତେ ପାର୍ମେଶ୍ୱାର୍ଆଃ ଦୁଁତକ ରାସକାଅଆଃକ ।”

ଆଦଲେନ୍ ହନ୍ଆଃ ଜନ୍କା କାଜି

୧୧ ଏନ୍ତେ ଯାଶୁ ଆଡ଼ଠରି କାଜିକେଦାଏ, “ଜେତାଏ ହଡ଼ଆଃ ବାରହଡ଼ କଡ଼ାହନ୍କିନ୍ ତାଇକେନା । ୧୨ ଇନ୍କିନ୍ଏତେ ଲିଟା‡ ହନ୍ କାଜିକିୟାଏ, ‘ହେ ଆବା, ମେନାଃତେୟାଃଏତେ ଆଇଁୟାଃ ହାଟିଙ୍ଗ୍ ଏମାଇଙ୍ଗ୍ମେ ।’ ଏନ୍ତେ ଏନ୍ ହଡ଼ ଆୟାଃ ମେନାଃତେୟାଃ ହାଟିଙ୍ଗ୍ଆଁଦକିନାଏ । ୧୩ ଚିମିନ୍ ମାଃ ତାୟମ୍ତେ ଲିଟା ହନ୍ ଏନ୍ ସବେନାଃ ହୁଣ୍ଡିକେଦ୍ତେ ସାଜିନ୍ ଦିଶୁମ୍ତେ ସେନଃୟାନାଏ ଆଡ଼ଃ ଏନ୍ତାଃରେ ଏଡ଼କାନ୍ କାମିକରେ ତାଇକେନା ଏନ୍ତେ ଆୟାଃ ସବେନାଃତେୟାଃ ଛିତିବିତିକେଦାଏ । ୧୪ ଇନିଃ ସବେନାଃ ଚାବାକେଦ୍ତି, ଏନ୍ ଦିଶୁମ୍ତେ ପୁରାଃ ରିଙ୍ଗାୟାନା ଆଡ଼ଃ ଇନିଃ ରେଙ୍ଗେଃୟାନାଏ । ୧୫ ଏନ୍ତେ ଇନିଃ ସେନଃୟାନ୍ତେ ଏନ୍ ଦିଶୁମ୍ତେନ୍ ମିଆଁଦ୍ ହଡ଼ତାଃରେ ଦାସିତାଇକେନାଏ, ଏନ୍ ହଡ଼ ଆୟାଃ ପିଡ଼ିରେ ସୁକୁରି ଗୁପିତେ ଇନିଃକେ କୁଲ୍ଲକିୟାଏ । ୧୬ ଆଡ଼ଃ ଇନିଃ ସୁକୁରି ଜମ୍ତେୟାଃ ଆୟାଃ ଲାହିଦ୍ ବିଏ ସାନାଙ୍ଗତାନ୍ ତାଇକେନାଏ ଆଡ଼ଃ ଜେତାଏ ଇନିଃକେ କାକ ଏମାଇତାନ୍ ତାଇକେନା । ୧୭ ଏନ୍ତେ ଇନିଃ ପାହାମ୍ ରୁହାଡ଼କେଦ୍ତେ କାଜିକେଦାଏ, ପୁରାଃଟି ସାରେଜ୍ଡତାରଃ ଲେକା ଜମ୍ତେୟାଃ ଆପୁଇଁୟାଃ ଚିମିନ୍ ନାଲାକତାଃରେ ମେନାଃ ଆଡ଼ଃ ଆଇଙ୍ଗ୍ ନେତାଃରେ ରେଙ୍ଗେଃତେ ଗଜଃତାନାଇଙ୍ଗ୍ । ୧୮ ଆଇଙ୍ଗ୍ ବିରିଦ୍କେଦ୍ତେ ଆପୁଇଙ୍ଗ୍ତାଃ ସେନଃଆଇଙ୍ଗ୍ ଆଡ଼ଃ କାଜିୟାଇଙ୍ଗ୍, ହେ ଆବା, ଆଇଙ୍ଗ୍ ସିର୍ମାରେନ୍ ପାର୍ମେଶ୍ୱାର୍ଆଃ ଆଡ଼ଃ ଆମାଃ ଆୟାରରେ ପାପ୍କାଦାଃଇଙ୍ଗ୍ । ୧୯ ଆଇଙ୍ଗ୍ ଆମାଃ ହନ୍ କାଜିୟଃଲେକାନିଃ ନାହାଁଲାଇଙ୍ଗ୍, ଆମ୍ ଆମାଃ ନାଲା କାମିତାନ୍ ଦାସିକ ଲେକା ଦହିଙ୍ଗ୍ମେ । ୨୦ ଏନ୍ତେ ଇନିଃ ବିରିଦ୍ୟାନ୍ତେ ଆପୁତେତାଃ ସେନଃୟାନାଏ । ମେନ୍ଦ୍ ଇନିଃ ସାଜିନ୍ରେଗି ତାଇକେନ୍ ଇମ୍ତା ଆପୁତେ ଇନିଃକେ ନେଲ୍ଲିଃତେ ଲିବୁଆଇକିୟାଏ, ଆଡ଼ଃ ନିର୍ ଦାରମ୍କିୟାଏ, ଆଡ଼ଃ ହାଁବୁଦ୍କିଃତେ ତଅଃକିୟାଏ । ୨୧ ହନ୍ ଇନିଃକେ କାଜିକିୟାଏ, ‘ହେ ଆବା, ଆଇଙ୍ଗ୍

‡ ୧୫:୧୨ ୧୫:୧୨ ଲିଟା ହୁଡ଼ିଙ୍ଗ୍

ସିର୍ମାରେନ୍ ପାର୍ମେଶ୍ଵାରଆଃ ଆତଃ ଆମାଃ ଆୟାର୍ରେଇଙ୍ଗ ପାପୁକାଦାଃ, ଆଇଙ୍ଗ ଆୟାର୍ରେ ଆମାଃ ହନ୍ କାଜିୟ୍ଠଲେକାନିଃ ନାହାଁଲିଙ୍ଗ ।<sup>୨୨</sup> ମେନ୍ଦ ଆପୁ ଆୟାଃ ଦାସିକକେ କାଜିୟ୍ଠକଆଏ, ‘ବୋଦେଗି ! ସବେନାଃଏତେ ବୁଗିନ୍ ଲିଜାଃ ଅତଙ୍ଗ୍ଠେଁପେ ଆତଃ ଇନିଃକେ ତୁସିଙ୍ଗ୍ଠପେ ଆତଃ ଇନିୟାଃ ତିଃଇରାଃ ସାର୍ସାର୍ରେ ମୁଦାମ୍ ଆତଃ କାଟାରେ ଜୁତା ଚାଏ ଖାର୍ପା ତୁସିଙ୍ଗ୍ଠପେ ।<sup>୨୩</sup> ଆତଃ କିରିକାନ୍ ବାଛାଃ ଆଉକେଦ୍ତେ ଗଜିପେ, ଆବୁ ଜମ୍ଠକେଦ୍ତେବୁ ରାସକାଅଃଆ ।<sup>୨୪</sup> ନେ ହନିଙ୍ଗ୍ଠକଡାଦ ଗଜାକାନ୍ ତାଇକେନାଏ ଆତଃ ଜୀହୁଦ୍ଠହାଡାକାନାଏ, ଇନିଃ ଆଦାକାନ୍ ତାଇକେନାଏ ଆତଃ ନାମ୍ଠରୁହାଡାକାନାଏ, ଆତଃ ଇନ୍କୁ ରାସକାଅଃ ଏଟେଦ୍ଠକେଦାକ ।’

<sup>୨୫</sup> “ଆତଃ ଇନିୟାଃ ମାରାଙ୍ଗ୍ ହନ୍ ପିଡ଼ିରେ ତାଇକେନାଏ, ହିଜୁଃତାନ୍ଠଃ ଅଡ଼ାଃତାଃ ସେଟେରୟାନ୍ତେ ଦୁରାଙ୍ଗ୍ଠାନ୍, ସୁସୁନ୍ତାନ୍କଆଃ ସାଡ଼ି ଆୟୁମ୍ଠକେଦା ।<sup>୨୬</sup> ଏନ୍ତେ ଇନିଃ ଦାସିକଏତେ ମିଆଁଦ୍ଠନିଃକେ ଆୟାଃତାଃତେ କେଡ଼ାକେଦ୍ତେ ‘ନେଆଁ ଚିନାଃ ହବାଅଃତାନାଃ’ ମେନ୍ତେ କୁଲିକିୟାଏ ।<sup>୨୭</sup> ‘ହାଗାମ୍ ତାମାଃ ହିଜୁଆକାନାଏ’ ମେନ୍କିୟାଏ, ‘ଆତଃ ଇନିଃ ବୁଗିନ୍ ବୁଗିନାଏ ନାମ୍ଠରୁହାଡାକାନା ମେନ୍ତେ ଆପୁମ୍ ମିଆଁଦ୍ କିରିୟାକାନ୍ ବାଛା ଗଜାକାଈୟାଏ ।’

<sup>୨୮</sup> “ମେନ୍ଦ ମାରାଙ୍ଗ୍ ହନ୍ତେକଡ଼ା ଖ୍ଠସୟାନାଏ ଆତଃ ଅଡ଼ାଃତେ କାଏ ବଲ୍ ସାନାଙ୍ଗ୍ଠକେଦା, ଏନାତେ ଆପୁତେ ଅତଙ୍ଗ୍ଠକେଦ୍ତେ ଇନିଃକେ ବିକ୍ତିକିୟାଏ ।<sup>୨୯</sup> ମେନ୍ଦ ଇନିଃ ଆପୁତେକେ କାଜିରୁହାଡ଼କିୟାଏ, ‘ନେଲେମେ, ନିମିନ୍ ବାରାଷ୍ଠ ହବାୟାନା ଆଇଙ୍ଗ୍ ଆମାଃ ଦାସି ଲେକାଈଙ୍ଗ୍ କାମିତାନା ଆତଃ ଆମାଃ ଜେତାନ୍ ଆନ୍ତୁ ଚିଉଲ୍ଲାହଗି କାଈଙ୍ଗ୍ ଟଟାଃକେଦା ଆତଃ ଆମ୍ ଆଇଁୟାଃ ଗାତିକଲଃ ରାସକାଃଅ ନାଗେନ୍ତେ ଚିଉଲ୍ଲାହ ମିଆଁଦ୍ ମେରମ୍ ହନ୍ହଁ କାମ୍ ଏମାକାଦିଈୟାଃ ।<sup>୩୦</sup> ମେନ୍ଦ ଆମାଃ ନେ ହନ୍ ବେଶ୍ଠାକଲଃ ଆମାଃ ସବେନ୍ ମେନାଃତେୟାଃ ଜମ୍ଠଚାବାକେଦାଏ, ଆତଃ ନାହାଁଃ ଅଡ଼ାଃତେ ହିଜୁଃକାନ୍ ଇମ୍ଠା ଆମ୍ ଇନିୟାଃ ନାଗେନ୍ତେ ମିଆଁଦ୍ କିରିକାନ୍ ବାଛା ଚାଏକିୟାମ୍ ।’<sup>୩୧</sup> ମେନ୍ଦ ଆପୁତେ କାଜିକିୟାଏ, ‘ହେ ହନ୍, ଆମ୍ ଜାନାଅ ଆଇଙ୍ଗ୍ଠଠ ତାଇନଃତାନାମ୍ ଆତଃ ଆଇଁୟାଃ ସବେନାଃ

---

§ ୧୫:୨୩ ୧୫:୨୩ ବାଛା ଦାମ୍ଠର

ଆମାଃରି ତାନାଃ । ୩୨ ମେନ୍ଦ ରାସ୍‌କାଅଃ ଆତଃ ସୁକୁଅଃଲୀଗାତିଙ୍ଗ୍ ତାଇକେନା ଚିୟାଃଚି ନେ ହାଗାମ୍‌ଦ ଗଜାକାନାଏ ତାଇକେନା ଆତଃ ଜୀହୁଦ୍‌ରୁହାଡ଼ାକାନାଏ; ଇନିଃ ଆଦାକାନାଏ ତାଇକେନା ଆତଃ ନାମ୍‌ରୁହାଡ଼ାକାନାଏ ।”

## ୧୭

### ଲଗତାନ୍ ଭାଣ୍ଡାରି

୧ ଯୀଶୁ ଆୟାଃ ଚେଲକକେ କାଜିୟାଦ୍‌କଆଏ, “ମିଆଁଦ୍ କିସାଁଣ୍ ହଡ଼ଆଃ ଭାଣ୍ଡାରି ତାଇକେନାଏ, ଇନିଃ ମେନାଃତେୟାଃକ ଛିତିବିତି ତାନାଏ ମେନ୍ତେ କିସାଁଣାଃ ଆୟାର୍‌ରେ ଭାଣ୍ଡାରିକ ଚିଟାକିୟାଃକ । ୨ ଏନ୍ତେ କିସାଁଣ୍ ଇନିଃକେ ହାକାଅତାନ୍‌ଲଃ କାଜିକିୟାଏ, ‘ଆମାଃ ବିଷାଏରେ ଚିନାଃଇଙ୍ଗ୍ ଆୟୁମ୍‌ତାନା ? ଆମାଃ ଭାଣ୍ଡାରି କାମିରାଃ ହିସାବ୍ ଏମାଇଙ୍ଗ୍‌ମେ, ଆମ୍ ଆୟାର୍‌ତେ ଭାଣ୍ଡାରି କାମ୍ ତାଇନ୍‌ଦାଡ଼ିୟାଃ । ୩ ଏନ୍ ଭାଣ୍ଡାରି ଚିନାଃଇଙ୍ଗ୍ ଚିକାୟା ମେନ୍ତେ ଆୟାଃ ମନ୍‌ରେୟାଏ ଉଡୁଃକେଦାଃ, ଗମ୍‌କେତାଇଙ୍ଗ୍‌ଦ ଭାଣ୍ଡାରି କାମି ରେଜିଙ୍ଗ୍‌ତାନାଏ । ଉର୍‌କେଦ୍‌ତେ କାମିଲେକା ଆଇୟାଃ ପେଡ଼େଃ ବାନଃଆ, ଆତଃ କର୍‌ତେଇଙ୍ଗ୍ ଗିହୁଃତାନା । ୪ ଭାଣ୍ଡାରିକାମିଏତେଇଙ୍ଗ୍ ଅତଙ୍ଗ୍‌ଏନ୍‌ରେଦ୍ ହଡ଼କ ଆକଆଃ ଅଡ଼ାଃରେକ ଦହିଙ୍ଗା ମେନ୍ତେ ଚିନାଃଇଙ୍ଗ୍ ଚିକାୟା ଏନାଇଙ୍ଗ୍ ସାରିୟାଃ ।’

୫ “ଏନ୍ତେ ଇନିଃ ଆୟାଃ ଗମ୍‌କେୟାଃ ରିଶୀସାବାକାଦ୍‌କଏତେ ମିମିଆଦ୍‌କକେ କେଡ଼ାକେଦ୍‌କଆଏ । ସିଦାନିଃକେ କୁଲିକିୟାଏ, ‘ଆମ୍ ଆଇୟାଃ ଗମ୍‌କେୟାଃ ଚିମିନାଙ୍ଗ୍ ରିଶୀମ୍ ଇଦିକାଦା ?’ ୬ ଇନିଃ କାଜିକିୟାଏ ‘ମଣ୍‌ହେସି ଚିନ୍ ସୁନ୍‌ମ୍ ।’ ଏନ୍ତେ ଇନିଃ, ‘ମାର୍ ଆମାଃ ବହି ଆଉଝେମେ ଆତଃ ଦୁର୍‌ଧାବ୍‌କେଦ୍‌ତେ ବାର୍‌ହିସି ଗେଲେୟା ଅଲେମେ’ ମେନ୍‌କିୟାଏ । ୭ ଏନ୍ତେ ଏଟାଃନିଃକେ କାଜିକିୟାଏ, ‘ଆମ୍ ଚିମିନାଙ୍ଗ୍ ରିଶୀମ୍ ଇଦିକାଦା ?’ ‘ମିଦ୍ ହାଜାର୍ ବାସ୍ତା ଗହମ୍’ ମେନ୍‌ରୁହାଡ଼କିୟାଏ । ଇନିଃ କାଜିକିୟାଏ, ‘ଆମାଃ ବହି ଆଉଝେମେ ଆତଃ ଇରାଲିୟା\* ଗାଅ ବାସ୍ତା ଅଲ୍‌ତାମେ ।’

\* ୧୭:୭ ୧୭:୭ ଆଠ

୮ “ଏନ୍ତେ ଇନିଃ ସେଣ୍ଠାତେୟାଏ କାମିୟାକାଦା ମେନ୍ତେ ଇନିୟାଃ ଗମକେ ଏନ୍ କା ଧାର୍ମାନ୍ ଭାଣ୍ଡାରିକେ ସାହାରାଅକିୟାଏ । ନେ ପାରିୟାରେନ୍ ହଡକଦ ଆକଆଃ ଦିପିଲିରେନ୍ ହଡକଆଃ ନାଗେନ୍ତେ ମାର୍ସାଲ୍ରେନ୍ ହନ୍କଆଃଏତେ ଆଦକାକ ସେଣ୍ଠାନାଃ ।”

୯ ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ଆପେ ସାଂସାର୍ରେୟାଃ କା ଧାର୍ମାନ୍ ଖୁଜ୍ ଡେଠ ଗାତିକ ବାଇକପେ, ଏନ୍ତେ ଏନା ତୁଣ୍ଡୁଆଃ ଇମତାଙ୍ଗ୍ ଇନ୍କୁ ଜାନାଅ ଜାନାଅ ତାଇନଃ ଠାୟାଦ୍ରେକ ଦହପେୟା । ୧୦ ସବେନାଃଏତେ ହୁଡିଙ୍ଗ୍ଆଁରେ ପାତିୟାର୍ରେଃ ଲେକାନିଃ ପୁରାଃ ବିଷାଏରେହଗି ପାତିୟାର୍ରେଃ ଲେକାନିଃ ତାନିଃ ଆଡଃ ସବେନାଃଏତେ ହୁଡିଙ୍ଗ୍ଆଁରେ କା ପାତିୟାର୍ରେଃ ଲେକାନିଃ ପୁରାଃ ବିଷାଏରେହଗି କା ପାତିୟାର୍ରେଃ ଲେକାନିଃ ତାନିଃ । ୧୧ ଏନାମେନ୍ତେ ଆପେ ସାଂସାର୍ରେୟାଃ ଖୁଜ୍ ରେ କା ପାତିୟାର୍ରେଃ ଲେକାପେ ତାଇନଃରେଦ, ସାର୍ଡିତେୟାଃ ଅକଏ ଏମାପେୟାଏ ? ୧୨ ଆଡଃ ଆପେ ଏଗାଃନିୟାଃ ବିଷାଏରେ ପାତିୟାର୍ରେଃ ଲେକା କାପେ ତାଇନ୍ରେଦ ଆପେକେ ଅକଏ ଆପେୟାଃତେୟାଃକେ ଏମାପେୟାଏ ।

୧୩ ☆ “ଜେତାଏ ବାରିଆ ଗମକେକିନାଃ ଦାସି କାଏ ହବାଦାଡ୍ଡିୟାଆ, ଚିୟାଃଚି ଇନିଃ ମିହୁଡକେ ହିଲାଙ୍ଗ୍‌ଇୟାଏ ଆଡଃ ଏଗାଃ ମିହୁଡକେ ଦୁଲାଡ୍ଡିୟାଏ, ଚାଏ ମିଆଁଦ୍‌ନିଃଲଃ ମେସାନାଏ ଆଡଃ ଏଗାଃନିଃଲଃ କାଏ ମେସାନା । ଆପେ ପାର୍ମେଶ୍ଵାର୍ ଆଡଃ ଖୁଜ୍ ବାରାନାଃରେ କାପେ ଦାସିଦାଡ୍ଡିନା ।”

**ଆନ୍ତରୁରେୟାଃ ପେଡ଼େଃ**

(ମାଥୱ ୧୧:୧୨-୧୩; ୫:୩୧-୩୨; ମାର୍କ ୧୦:୧୧-୧୨)

୧୪ ଟାକା ପାଏସାରାଃ ହାୟାତାନ୍ ଫାରୁଶୀକ ନେ ସବେନ୍ କାଜି ଆୟୁମକେଦ୍ରେ, ଇନିଃକେକ ହିଲାଙ୍ଗ୍‌କିୟା । ୧୫ ଇନିଃ ଇନ୍କୁକେ କାଜିୟାଦକଆଏ, “ଆପେଦ ହଡକଆଃ ଆୟାର୍ରେ ଧାର୍ମାନ୍‌ପେ ଭଦୁବଃତାନା, ମେନ୍ଦ ପାର୍ମେଶ୍ଵାର୍ ଆପେୟାଃ ମନ୍ ସାରିୟାଏ । ହଡକଆଃ ଆଲାରେ ମାରାଙ୍ଗ୍‌ଅଃଦ ପାର୍ମେଶ୍ଵାର୍‌ଆଃ ସାନ୍‌ମାଙ୍ଗ୍‌ରେ ହିଲାଙ୍ଗ୍‌ଅଃଲେକା ।

† ୧୭:୯ ୧୭:୯ ଖୁଜ୍ ଡେ ଧାନ୍ / ଖୁଜ୍ ☆ ୧୭:୧୩ ୧୭:୧୩ ମାଥୱ ୬:୨୪.

୧୭ ☆“ମୁଣାରାଃ ଆନତୁ ଆତଃ ନାବାକ ବାପ୍ତିସ୍ତା ଏମଃନିଃ ଯୋହାନ ଜାକେଦକ ତାଇକେନା, ଇମତାଙ୍ଗତେ ପାର୍ମେଶ୍ଵାର୍ଆଃ ସିର୍ମା ରାଇଜରେୟାଃ ସୁକୁକାଜି ଉଦୁବଃତାନା ଆତଃ ସବେନକ ପେଡ଼େଃଲଃ ଏନାରେ ବଲଃତାନାକ । ୧୭ ☆ସିର୍ମା ଆତଃ ଅତେ ଜିୟନଃଆ ମେନଦ ମୁଣା ନାବାଆଃ ଆନତୁରେୟାଃ ମିଆଁଦ ଅନଲ୍ ହରି କା ଜିୟନଃଆ ।

୧୮ ☆“ଜେତାଏ ହଡ଼ ଆୟାଃ କୁଡ଼ିକେ ବାଗିକେଦତେ ଏଗଃନିଃଲଃ ଆଣ୍ଡିନରେଦ ଇନିଃ ଆପାଙ୍ଗିରନିଃ ତାନିଃ ଆତଃ କଡାତେ ବାଗିୟାକାନ୍ କୁଡ଼ିକେ ଜେତାଏ ଆଣ୍ଡିୟଃରେଦ ଇନିଃ ଆପାଙ୍ଗିରନିଃ ତାନିଃ ।

**କିର୍ସାଣ୍ ହଡ଼ ଆତଃ ଲାଜାର୍**

୧୯ “ମିଆଁଦ କିର୍ସାଣ୍ ହଡ଼ ତାଇକେନାଏ, ଇନିଃ ବାଇଗିନିଆ ଲିଜାଃ ଆତଃ ବୁଗିନ୍ ସୁଗାଡ଼ ଲିଜାଃ ତୁସିଙ୍ଗଅଃତାନ୍ ଆତଃ ସବେନ୍ ହୁଲାଙ୍ଗ ପୁରାଃ ରାସ୍ବାସ୍ରେୟାଏ ତାଇକେନା । ୨୦ ମେନଦ ଲାଜାର୍ ନୁତୁମ୍ ମିଆଁଦ କର୍ସୁହଡ଼ ଘାଅତେ ପେରେଜାକାନ୍ ତାଇକେନାଏ, ଇନିଃକେ କିର୍ସାଣ୍ ହଡ଼ରାଃ ଅଡ଼ାଃ ବଲଦୁଆରତାଃରେ ବାଗିତୁକାକାନାଏ ତାଇକେନା । ୨୧ ନେ କିର୍ସାଣ୍ ହଡ଼ଆଃ ମେଜ୍ଏତେ ଉୟୁଗଃତାନ୍ କେଚାଃତେୟାଃଲଃ ଆୟାଃ ଲାହିଦ୍ ବିଏ ସାନାଙ୍ଗତାନାଏ ତାଇକେନା, ସେତାକହ ହିଜୁଃଲେନ୍ତେ ଇନିୟାଃ ଘାଅ ଜାଲ୍‌ଇତାନକ ତାଇକେନା ।

୨୨ “ଏନ୍ତେ ନେକା ହବାୟାନା, ନେ ରେଙ୍ଗେଃ ହଡ଼ ଗଏଃୟାନାଏ ଆତଃ ଦୁଁଡକ ଆବ୍ରାହାମ୍ଆଃ କୟଙ୍ଗ୍ରେକେ ତେବଃକିୟା, ଆତଃ ଏନ୍ କିର୍ସାଣ୍ ହଡ଼ହରି ଗଏଃୟାନାଏ ଆତଃ ତପାକିୟାଃକ । ୨୩ ଇନିଃ ପାତାଲ୍‌ରେ ଦୁକୁସାହାତିଙ୍ଗତାନ୍ ଇମତା ଆରିଦ୍‌ରାକାବ୍‌କେଦାଏ ଆତଃ ସାଙ୍ଗିନରେ ଆବ୍ରାହାମ୍ ଆତଃ ଆୟାଃ କୟଙ୍ଗ୍ରେ ଲାଜାର୍‌କେ ନେଲ୍‌କିୟାଏ । ୨୪ ଏନ୍ତେ ଇନିଃ ହାକାଅକିଃତେ କାଜିକିୟାଏ, ‘ହେ ଆବା, ଆବ୍ରାହାମ୍ ଲିରୁଆଇଙ୍ଗ୍‌ମେଁ ଆତଃ ଲାଜାର୍‌କେ କୁଲ୍‌ତାଇମ୍ ଇନିଃ ଆୟାଃ ସାର୍‌ସାର୍‌ରାଃ ତୁଟି ଦାଆଃରେ

☆ ୧୭:୧୭ ୧୭:୧୭ ମାଥ୍‌ଉ ୧୧:୧୨,୧୩. ☆ ୧୭:୧୭ ୧୭:୧୭ ମାଥ୍‌ଉ ୫:୧୮.  
☆ ୧୭:୧୮ ୧୭:୧୮ ମାଥ୍‌ଉ ୫:୩୨; ୧ କରିନ୍ଥ୍‌ୟ ୭:୧୦,୧୧. ‡ ୧୭:୨୩ 16:23  
ଗନଏଃରାଃ ଦିଶ୍ଟମ୍

ତୁପୁକେଦ୍‌ତେ ଆଲାଙ୍ଗ୍‌ତାଇୟାଃକେ ତୁଡକେନେକାଏଠି, ଆଇଙ୍ଗ୍‌ଦ ନେ ସେଙ୍ଗେଲ୍‌ରେ କାଲ୍‌ପାଅଃତାନାଇଙ୍ଗ୍ ।<sup>୨୫</sup> ମେନ୍‌ଦ ଆଗ୍ରାହାମ୍ କାଜିକିୟାଏ, ‘ଏ ହନ୍, ନେଆଁ ଉଡ଼ୁଇମେ, ଆମ୍‌ଦ ଜାନିଦ୍ ତାଇକେନ୍ ଇମ୍‌ତା ଆମାଃ ବୁଗିନାଃମ୍ ନାମ୍‌ତାବାକେଦାଃ ଆଡ଼ଃ ଏନ୍ ଲେକାଗି ଲାଜାର୍ ପୁରାଃ ଦୁକୁ ନାମ୍‌କେଦାଏ, ମେନ୍‌ଦ ନାହାଁଃ ଇନିଃ ନେତାଃରେ ଜୀଉରାଡ଼େଃ ନାମେତାନାଏ ଆଡ଼ଃ ଆମ୍ କାଲ୍‌ପାଅଃତାନାମେ ।<sup>୨୬</sup> ଆଡ଼ଃ ନେଆଁଏତେ ଆଦ୍‌କା ମାରାଙ୍ଗ୍ ହୁଞ୍ଜାଙ୍ଗ୍ ଆଲେ ଆଡ଼ଃ ଆପେ ଆଲାରେ ମେନାଃ, ନେତାଃଏତେ ହାନ୍‌ପାରମ୍ ଆପେତାଃ ଜେତାଏ କାକ ସେନ୍‌ଦାଡ଼ିୟା ଆଡ଼ଃ ହାନ୍‌ପାରମ୍‌ରେନକ ନେ ପାରମ୍ ଆଲେତାଃ କାକ ହିଜୁଃଦାଡ଼ିୟାଃ ।’<sup>୨୭</sup> ଇନିଃ କାଜିକିୟାଏ, ‘ତାବ୍‌ଦ ହେ ଆବା, ଲାଜାର୍‌କେ ଆପୁଇୟାଃ ଅଡ଼ାଃତେ କୁଲ୍‌ତାଇମ୍, ମେନ୍ତେଇଙ୍ଗ୍ ବିନ୍ତିମେ ତାନା ।<sup>୨୮</sup> ଚିୟାଃଚି ଆଇୟାଃଦ୍ ମଣେୟାଁ ହାଗାଇଙ୍ଗ୍ ମେନାକଆ, ଇନିଃ ଇନ୍‌କୁତାଃ ପାର୍‌ଚାରେକାଏ, ଆଡ଼ଃ ଚେତାଅକକାଏ, କା’ରେଦ୍ ଇନ୍‌କୁହଗି ନେ ଦୁକୁ ଠାୟାଦ୍‌ତେକ ସେଚେରାଃ ।’

<sup>୨୯</sup> “ଆଗ୍ରାହାମ୍ କାଜିକିୟାଏ, ‘ମୁଣା ଆଡ଼ଃ ନାବୀକଆଃ ପୁଥ୍ ଇନ୍‌କୁତାଃରେୟାଃ; ଆମାଃ ହାଗାକ ଇନ୍‌କୁଆଃ କାଜିକ ଆୟୁମେକା ।’<sup>୩୦</sup> ଇନିଃ କାଜିକିୟାଏ, ‘ହେ ଆବା ଆଗ୍ରାହାମ୍, ବାନଃଗି ! ମେନ୍‌ଦ ଗଜାକାନକଏତେ ଜେତାଏ ଇନ୍‌କୁତାଃତେ ସେନଃରେଦ୍ ଇନ୍‌କୁ ହେୟାଡ଼ିଙ୍ଗେଆକ ଆଡ଼ଃ ପାପ୍‌ହେତେ ମନ୍‌ରୁହାଡ଼େୟାକ ।’<sup>୩୧</sup> ମେନ୍‌ଦ ଇନିଃ କାଜିକିୟାଏ, ‘ଇନ୍‌କୁ ମୁଣା ଆଡ଼ଃ ନାବୀକଆଃ କାଜି କାକ ମାନାଡ଼ିଙ୍ଗ୍‌ରେଦ୍, ଗଜାକାନକଏତେ ଜେତାଏ ଜୀଉବିରିଦଃରେୟ କାକ ମାନାଡ଼ିୟାଃ ।’ ”

## ୧୭

### ପାପ୍

(ମାଥ୍‌ଉ ୧୮:୭-୭, ୨୧-୨୨; ମାର୍କ ୯:୪୨)

<sup>୧</sup> ଯୀଶୁ ଆୟାଃ ଚେଲାକକେ କାଜିୟାଦ୍‌କଆଏ, “ଅକ ବିନିଡ଼ାଅ ହରାଡ଼େ ହଡ଼ ପାପ୍‌ରେ ଉୟୁଗଃଆ, ଏନ୍ ସବେନାଃ ଜାରୁଡ଼୍‌ଗି

---

§ ୧୭:୨୪ ୧୭:୨୫ ତୁଡକେନେକାଏ ଆଣ୍ଡାଏକାଏ

ହିଜୁଃଆ, ମେନ୍ଦ ଅକଏୟାଃ ହାରାତେ ନେୟାଁ ହବାଅଃଆ, ଇନିୟାଃ ଚୁଣ୍ଡୁ ଦାସା ଚିମିନ୍ ବରଞ୍ଜାନ୍‌ଗି ହବାଅଃଆ । <sup>୨</sup> ଜେତାଏ ନେ ହୁଡ଼ିଙ୍ଗକଏତେ ମିଆଁଦ୍‌ନିଃକେ ପାପ୍‌ରେ ଉୟୁଃ ରିକାଈଏତେଦ, ଇନିଃ ଆଇଃଗି ହଟଃରେ ଜାନ୍ତାଦିରି ହାକାକେଦ୍‌ତେ ଦରେୟାରେ ହୁଦ୍‌ମାଅଃତେୟାଃ ଆୟାଃ ନାଗେନ୍ତେ ରୁଗିନ୍ ହବାଅଃତେୟାଃ । <sup>୩</sup> ☆ଏନାତେ ଆପେ ଚିର୍ଗାଲ୍‌କାନ୍‌ପେ, ହାଗାମ୍ ତାମାଃ ପାପ୍‌ଏରେଦ ଇନିଃକେ ଏଗେରୁକେଦ୍‌ତେ ଚେତାଇମେଁ, ଆଡଃ ଇନିଃ ହେୟାତିଙ୍ଗ୍‌ରେଦଃ ଛାମାଇମେଁ । <sup>୪</sup> ଇନିଃ ସିଙ୍ଗିସାଟୁବ୍‌ରେ ସାଦ୍‌ଧାଆଁ ଆମାଃ ବିରୁଧ୍‌ରେ ପାପ୍‌ପେରେଦ, ଆଡଃ ସିଙ୍ଗିସାଟୁବ୍‌ରେ ସାଦ୍‌ଧାଆଁ ଆମାଃତାଃତେ ରୁହାଡ଼ୟାନ୍ତେ ଆଇଙ୍ଗ୍ ହେୟାତିଙ୍ଗ୍‌ତାନାଇଙ୍ଗ୍ ମେନ୍‌ରେଦ ଇନିଃକେ ଛାମାଇ ଲାଗାତିଙ୍ଗ୍‌ୟାଃ ।”

**ବିଶ୍ୱାସ୍**

<sup>୫</sup> ଆଡଃ ପ୍ରେରିଡ଼କ କାଜିକିୟା, “ହେ ପ୍ରାଭୁ ଆଲେୟାଃ ବିଶ୍ୱାସ୍ ଆଦକାଏମେ ।” <sup>୬</sup> ପ୍ରାଭୁ ଯୀଶୁ କାଜିରୁହାଡ଼କେଦା, “ଆପେୟାଃ ବିଶ୍ୱାସ୍ ମିଆଁଦ୍ ମାନିଜାଙ୍ଗ୍‌ଲେକା ମେନାଃରେଦ, ଆମ୍ ଦୁଦଃମେଁ ଆଡଃ ଦରେୟାରେ ରୟଃମେ ମେନ୍ତେ ନେ ତୁଁଦ୍‌ଦାରୁକେ କାଜିରେ, ଏନା ଆପେୟାଃ ଆନ୍‌ରୁକେ ମାନାତିୟାଃଏ ।

**ମିଆଁଦ୍ ଦାସିଆଃ କାମି**

<sup>୭</sup> “ଆପେକଏତେ ଜେତାଏୟାଃ ମିଆଁଦ୍ ସିହୁଃ ଚାଏ ଗୁପି ଦାସି ମେନାଇରେଦ, ଇନିଃ ପିଡ଼ିଏତେ ହିଜୁଃଲଃଗି, ଅକଏ ମାର୍ ଜଜମ୍ ଦୁବ୍‌ମେଁ ମେତାଇୟାଏ ? । <sup>୮</sup> ମେନ୍ଦ ଇନିଃ ‘ଆଇଁୟାଃ ଜମେୟାଃ ବାଇୟେମେଁ, ଆଡଃ ପାଚେକେଦ୍‌ତେ ଆଇଙ୍ଗ୍ ଆଉରିଙ୍ଗ୍ ଜମେ ନୁଁଏ ଜାକେଦ୍ ସୁସାରିଙ୍ଗ୍‌ମେ ଆଡଃ ଏନ୍ ତାୟମ୍‌ତେ ଆମ୍ ଜମ୍‌ନୁଁଏମେ’ ମେତାଇୟାଏ । <sup>୯</sup> ଚିୟାଃ ଇନିଃ ଏନ୍ ଦାସିକେ ଆରୁକାନ୍ କାମିକ କାମିକେଦାଏ ମେନ୍ତେ ଧାନ୍ୟାବାଦ୍ ଏମାଃଏ ? <sup>୧୦</sup> ନେ’ଲେକାତେ ଆପେୟ ସବେନ୍ ଆରୁଆକାନ୍ କାମିକ ଚାବାକେଦ୍‌ତେ, ଆରୁ ପାତିୟାରୁରଃ ଲେକାନ୍ ଦାସିକ ନାହାଁଲାରୁ, ଆରୁଆଃ ଲାଗାତିଙ୍ଗ୍ କାମିକରୁ କାମିକେଦାଃ ମେନ୍ତେ କାଜିପେ ।”

☆ ୧୭:୩ ୧୭:୩ ମାଥ୍‌ଉ ୧୮:୧୫.



ୟୀଶୁ ଗେଲ୍ ନାଗେଘାଅତାନ୍‌କକେ ବୁଗିକତାନାଏ

୧୧ ଯୀଶୁ ଯାରୁଶାଲେମ୍‌ରେ ସେନଃତାନ୍ ଇମତା, ଶମିରୋନ୍ ଆଡ଼ଃ ଗାଲିଲ୍ ଦିଶୁମ୍ ଆଲା ଆଲାତେ ସେନଃତାନାଏ ତାଇକେନା । ୧୨ ଇନିଃ ମିଆଁଦ୍ ହାତୁତେ ବଲତାନ୍ ଇମତା ଗେଲ୍ ନାଗେଘାଅତାନ୍ ହଡ଼କ ସାଙ୍ଗିନ୍‌ରେକ ତିଜୁୟାନ୍ତେ ଇନିଃକେ ଦାରମ୍‌କିୟାଃକ । ୧୩ ଆଡ଼ଃ ଇନ୍‌କୁ “ହେ ଯୀଶୁ ଦାୟାଲେମ୍‌” ମେନ୍ତେକ କାଉରିକେଦାଃ ।

୧୪ ଇନିଃ ଇନ୍‌କୁକେ ନେଲ୍‌କେଦ୍‌ତେ ମେତାଦ୍‌କଆଏ, “ସେନଃପେ ଆଡ଼ଃ ଯାଜାକକତାଃ ଉଦୁବେନ୍‌ପେ ।” ଆଡ଼ଃ ଇନ୍‌କୁ ସେନଃତାନ୍‌ଲଃକ ଫାର୍‌ତିୟାନା । ୧୫ ଇନ୍‌କୁଏତେ ମିଆଁଦ୍‌ନିଃ ଆଇଙ୍ଗ୍ ବୁଗିକାନାଇଙ୍ଗ୍ ମେନ୍ତେ ନେଲ୍‌ୟାନ୍‌ତି କାଉରିକେଦ୍‌ତେ ପାର୍‌ମେଶ୍ୱାର୍‌ଆଃ ମାନାରାଙ୍ଗ୍‌ତାନ୍‌ଲଃ ହିଜୁଃରୁହାଡ଼ୟାନା । ୧୬ ଆଡ଼ଃ ଯୀଶୁଆଃ କାଟାସୁବାରେ ଅମ୍‌ଃକେଦ୍‌ତେ ଇନିଃକେ ଧାନ୍ୟାବାଦ୍ ଏମ୍‌କିୟାଏ, ଆଡ଼ଃ ଇନିଃଦ୍ ଶମିରୋନିରେନ୍ ତାଇକେନାଏ । ୧୭ ଯୀଶୁ କୁଲିକେଦ୍‌କଆଏ, “ତିୟାଃ ସବେନ୍ ଗେଲ୍ ହଡ଼କ କାକତି ଫାର୍‌ତିୟାନା ? ଏଟାଃ ନାଅଝାନ୍‌କ କତାଃରେକଆଃ ? ୧୮ ତିୟାଃ ନେ ଏଟାଃ ଦିଶୁମ୍‌ରେନ୍ ନିଃକେ ବାଗିକିଃତେ ପାର୍‌ମେଶ୍ୱାର୍‌କେ ଧାନ୍ୟାବାଦ୍ ଏମ୍ ନାଗେନ୍ତେ ଆଡ଼ଃ ଜେତାଏ କାକ ରୁହାଡ଼ୟାନା ?” ୧୯ ଏନ୍ତେ ଯୀଶୁ ଇନିଃକେ କାଜିକିୟାଏ, “ମାର୍ ବିରିଦ୍‌ମେ ଆଡ଼ଃ ସେନଃମେ ବିଶ୍ୱାସତାମାଃ ବୁଗିକାଦ୍‌ମେୟାଏ ।”

ପାର୍‌ମେଶ୍ୱାର୍‌ଆଃ ରାଇଜ୍ ହିଜୁଃତାନା

(ମାଥ୍‌୪ ୨୪:୨୩-୨୮, ୩୭-୪୧)

୨୦ ମିସା, ଚିମନାଙ୍ଗ୍ ଫାରୁଶୀକ ପାର୍‌ମେଶ୍ୱାର୍‌ଆଃ ରାଇଜ୍ ଚିତ୍‌ଲା ହିଜୁଃଆ ମେନ୍ତେ କୁଲିକିୟାଃକ, ଯୀଶୁ ମେନ୍‌ରୁହାଡ଼ାଦ୍‌କଆଏ, “ପାର୍‌ମେଶ୍ୱାର୍‌ଆଃ ରାଇଜ୍ ଆପେୟାଃ ନେନେଲ୍‌ରେ କା ହିଜୁଃଆ, ୨୧ ଆଡ଼ଃ ହଡ଼କ ନେଲେପେ ନେତାଃରେୟା, ଚାଏ ନେଲେପେ ଏନ୍ତାଃରେୟା, ମେନ୍ତେ କାକ କାଜିୟା, ତିୟାଃତି ପାର୍‌ମେଶ୍ୱାର୍‌ଆଃ ରାଇଜ୍ ଆପେ ଆଲାରେଗିୟା ।”

୨୨ ଏନ୍ତେ ଯୀଶୁ ଆୟାଃ ଚେଲାକକେ କାଜିୟାଦ୍‌କଆଏ, “ଏନ୍ ନେତା ହିଜୁଃତାନା, ଆପେକେ ମାନଝାହନ୍‌ଆଃ ମିପିୟାଦ୍

ହୁଲାଙ୍ଗଙ୍କଏତେ ମିଆଁଦ୍ ହୁଲାଙ୍ଗ୍ ନେନେଲ୍ ସାନାଙ୍ଗ୍ପେୟା, ମେନ୍ଦ କାପେ ନେଲେୟା । ୨୩ ହତ୍ତକ କାଜିୟାପେୟାକ, ‘ଇନିଃ ନେତାଃରିୟା, ଚାଏ ହେତ୍ତାଃରିୟା,’ ମେନ୍ଦଦ ଆଲ୍ପେ ସେନାଃ । ୨୪ ଜୁଲ୍ତାନହିଚିରଦ ସିର୍ମାଲାତାର ନେ’ସାଃଏତେ ଏଟାଃସାଃ ଜାକେଦ୍ ସିର୍ମାକେ ମାସ୍ମାଲେୟାଏ, ଏନ୍ ଲେକାଗି ମାନ’ଖାହନ୍‌ଆଃ ହିନିଜୁଃ ହବାଅଆଃ । ୨୫ ମେନ୍ଦ ସିଦାତେ ଇନିଃକେ ପୁରାଃଗି ଦୁକୁ ସାହାତିଙ୍ଗ୍ ଲାଗାତିଙ୍ଗ୍‌ୟାଃ ଆତଃ ନେ ଦିପିଲିରେନ୍ ହତ୍ତକ ଇନିଃକେକ ହିଲାଙ୍ଗ୍‌ଆ । ୨୬ ଆତଃ ନୁହୁଁରାଃ ପାରିୟାରେ ଜେ’ଲେକା ହବାୟାନା, ମାନ’ଖାହନ୍‌ଆଃ ହୁଲାଙ୍ଗ୍‌ରେହଗି ଏନ୍‌ଲେକା ହବାଅଆଃ । ୨୭ ନୁହୁଁ ଲାଉକାରେ ଦେଏଃୟାନ୍ ହୁଲାଙ୍ଗ୍ ଜାକେଦ୍ ଇନ୍‌କୁ ଜମ୍ ନୁଁତାନ୍ ଆଣ୍ଡି ଆତଃ ଆଣ୍ଡିଏମଃତାନ୍‌କ ତାଇକେନା, ଇମ୍‌ତାଗି ଚୁଡା ହିଜୁଃୟାନ୍ତେ ସବେନ୍‌କକେ ଜିୟନ୍‌କେଦ୍‌କଆଏ । ୨୮ ଲୁଟ୍‌ଆଃ ହୁଲାଙ୍ଗ୍‌ରେହ ଏନ୍‌କାୟାନା, ଇନ୍‌କୁ ଜମ୍ ନୁଁତାନ୍, କିରିଙ୍ଗ୍ ଆଖିରିଙ୍ଗ୍‌ତାନ୍, ରଏତାନ୍ ଆତଃ ଅଡ଼ାଃ ବାଇତାନ୍‌କ ତାଇକେନା । ୨୯ ମେନ୍ଦ ଲୁଟ୍‌ ସୋଦମ୍ ଏତେ ଅଡ଼ଙ୍ଗ୍‌ୟାନ୍ ଇମ୍‌ତା ସିର୍ମାଏତେ ସେଙ୍ଗେଲ୍ ଆତଃ ଗାନ୍ଧାକ୍ ଗାମାକେଦାଏ ଆତଃ ଏନ୍ ସବେନ୍‌କକେ ଜିୟନ୍ କେଦ୍‌କଆଏ । ୩୦ ଏନ୍ ଲେକାଗି ମାନ’ଖାହନ୍‌ଆଃ ଉଦୁବଃ ହୁଲାଙ୍ଗ୍‌ରେ ହବାଅଆଃ ।

୩୧ ☆“ଏନ୍ ହୁଲାଙ୍ଗ୍‌ରେ ଜେତାଏ ସାଡ଼୍‌ମିରେ ତାଇନଃରେଦ ଆତଃ ଇନିୟାଃ ମେନାଃତେୟାଃକ ଅଡ଼ାଃରେ ତାଇନ୍‌ରେଦ, ଏନା ଇଦିନାଗେନ୍ତେ ଆଲକାଏ ଆଡ଼ଗୁନ୍‌କା, ଆତଃ ଏନ୍‌ଲେକାଗି ପିଡ଼ିଲୟଙ୍ଗ୍‌ରେ ତାଇନ୍‌ନିଃ ଦୟାତେ ଆଲକାଏ ରୁହାଡ଼୍‌କା । ୩୨ ଲୁଟ୍ କୁଡ଼ିତେକେ ପାହାମିପେ । ୩୩ ☆ଜେତାଏ ଆୟାଃ ଜୀଉ ବାଞ୍ଚାଅ ନାଙ୍ଗ୍ ସାନାଙ୍ଗ୍‌ରେଦ ଏନା ଆଦେୟାଏ, ଆତଃ ଜେତାଏ ଏନା ଆଦେରେଦ ଏନାଏ ବାଞ୍ଚାଅୟା । ୩୪ ଆଇଙ୍ଗ୍ ଆପେକେ କାଜିୟାପେ ତାନାଇଙ୍ଗ୍, ଏନ୍ ନିଦାରେ ବାରହଡ୍ ମିଆଁଦ୍ ପାର୍‌କମ୍‌ରେକିନ୍ ଗିଡ଼ିଃକାନ୍‌ରେଦ ମିହୁଡ଼କେ ଇଦିୟଃଆ ଆତଃ ମିହୁଡ଼କେ ବାଗିଅଃଆ । ୩୫ ବାରିଆ କୁଡ଼ିକିନ୍ ମିଦ୍‌ତେ ଜନ୍ତାଦିରିରେକିନ୍ ରିଦ୍‌କାତେରେଦ

☆ ୧୭:୩୧ ୧୭:୩୧ ମାଥୁଃ ୨୪:୧୭,୧୮; ମାର୍କ ୧୩:୧୫,୧୬. ☆ ୧୭:୩୩ ୧୭:୩୩ ମାଥୁଃ ୧୦:୩୯; ୧୭:୨୫; ମାର୍କ ୮:୩୫; ଲୁକ ୯:୨୫; ଯୋହାନ୍ ୧୨:୨୫.

ମିଆଁଦ୍‌ନିଃକେ ଇଦିୟଃଆ ଆଡ଼ଃ ଏଗାଃନିଃକେ ବାଗିଅଃଆ ।  
୩୭ ବାର୍‌ହଡ୍ ଅତେରେକିନ୍ ତାଇନ୍‌ରେଦ ମିଆଁଦ୍‌ନିଃକେ ଇଦିୟଃଆ  
ଆଡ଼ଃ ଏଗାଃନିଃକେ ବାଗିଅଃଆ ।”\*

୩୭ ଇନ୍‌କୁ କୁଲିକିୟାଃକ, “ହେ ପ୍ରାଭୁ କତାଃରେ ନେ ସବେନାଃ  
ହବାଅଆଃ ?” ଆଡ଼ଃ ଇନିଃ “ଅକ୍‌ତାଃରେ ମାଁଡ଼ା ମେନାଃ, ଏନ୍ତାଃରେ  
ଗିଦିକ ହୁଣ୍ଡିୟଃଆଃ” ମେନ୍‌ରୁହାଡ଼ାଦକଆଏ ।

# ୧୮

## ରାଣ୍ଡିକୁଡ଼ି ଆଡ଼ଃ ବିଚାର୍‌ନିୟାଃ ଜନ୍‌କା କାଜି

୧ ଜାନାଅ ବିକ୍ତି ଆଡ଼ଃ ଭାର୍‌ସା କା ହୁଡ଼ିକ୍ ଲାଗାଡ଼ିକ୍‌ୟାଃ ମେନ୍ତେ  
ୟାଣ୍ଡୁ ଆୟାଃ ଚେଲାକକେ ମିଆଁଦ୍ ଜନ୍‌କା କାଜି ଉଦ୍‌ବାଦକଆଏ ।

୨ “ଜେତାଏ ସାହାର୍‌ରେ ମିଆଁଦ୍ ବିଚାର୍‌ନିଃ ତାଇକେନାଏ, ଇନିଃ  
ପାର୍‌ମେଶ୍ୱାର୍‌କେ କାଏ ବରଆଇ ତାଇକେନା ରି ହଡ଼କକେ  
କାଏ ମାନାଡ଼ିକ୍‌କ ତାଇକେନା । ୩ ଆଡ଼ଃ ଏନ୍ ସାହାର୍‌ରେ  
ମିଆଁଦ୍ ରାଣ୍ଡିକୁଡ଼ି ତାଇକେନାଏ, ଇନିଃ ଏନ୍ ବିଚାର୍‌ନିଃତାଃ  
ମଣେଁସା ହିନ୍ତୁଃୟାନ୍ତେ, ‘ଆଇଁୟାଃ ବାଇରିକତାଃ ଏତେ ଆଇକ୍‌କେ  
ନ୍ୟାୟ ଏମାଇକ୍‌ମେ’ ମେନ୍ତେ ବିକ୍ତିକିୟାଏ । ୪ ଇନିଃ ଚିମିନ୍‌ଦିନ୍  
କାଏ ମାନାଡ଼ିକ୍‌କେଦାଃ, ମେନ୍‌ଦ ତାୟମ୍‌ତେ, ଆଇକ୍‌ ଦ  
‘ପାର୍‌ମେଶ୍ୱାର୍‌କେ କାଇକ୍‌ ବରଆଇତାନା ରି ହଡ଼କକେ କାଇକ୍‌  
ମାନାଡ଼ିକ୍‌କତାନା’ ୫ ଏନ୍‌ରେୟ ନେ ରାଣ୍ଡିକୁଡ଼ି ବିଡ଼ଲାଇକ୍‌ ତାନାଏ,  
ଏନାତେ ଆଇକ୍‌ ଇନିୟାଃ ଚେତାନ୍‌ରେ ହବାକାନ୍ କା ଲାଗାଡ଼ିକ୍‌  
କାମି ନାକ୍ ନ୍ୟାୟ ରିକାଏୟାଇକ୍‌ ଆଡ଼ଃ ଆଇକ୍‌ ଇନିୟାଃ ଗହରାଅ  
ଆୟୁମେଆଇକ୍‌, କା'ରେଦ ଇନିଃ ଜାନାଅ ଜାନାଅ ହିନ୍ତୁଃକେଦ୍‌ତେ  
ହାଏରାନିଆଁ ମେନ୍ତେ ଆୟାଃ ମନ୍‌ରେ କାଜିକେଦାଏ ।”

୬ ଆଡ଼ଃ ପ୍ରାଭୁ କାଜିକେଦାଏ, “ଏନ୍ ଏଡ଼କାନ୍ ବିଚାର୍‌ନିଃ  
ଚିକ୍‌ନାଃ କାଜିକେଦାଏ ଏନା ଆୟୁମେପେ । ୭ ଆଡ଼ଃ ପାର୍‌ମେଶ୍ୱାର୍‌  
ନିଦାସିକ୍‌ ହାକାଅଇତାନ୍ ଆୟାଃ ସାଲାକାନ୍‌କଆଃ ନାକ୍ ଥିନ୍ୟାସାମାଏ  
ସାହାଡ଼ିକ୍‌ରେହ ଚିୟାଃ ନ୍ୟାୟ କାଏ ରୁହାଡ଼ାକଆ ? ୮ ଆଇକ୍‌  
ଆପେକେ କାଜିପେତାନାଇକ୍‌, ଇନିଃ ଇନ୍‌କୁରେ ହବାକାନ୍ ଏଡ଼କାନ୍

\* ୧୭:୩୭ 17:36 ଚିମିନ୍ ମାରି ଅନଲ୍‌ରେ ନେ ପଦ ବାନଃଆ

କାଜିକ ସାଙ୍ଗିନେ ନାଙ୍ଗ ଜାଲଦିଗି ନ୍ୟାୟ ଏମରୁହାଡ଼ାକଥାଏ । ଏନରେୟ, ମାନଝାହନ୍ ହିଜୁଝଇମ୍ତା, ଚିୟାଃ ଅତେରେ ବିଶ୍ୱାସ ନାମେୟାଏ ?”

**ଫାରୁଶୀ ଆଡ଼ଃ ମାଲହାରମ୍ନିୟାଃ ଜନ୍ନକା କାଜି**

୯ ଆବୁ ଧାର୍ମାନଗିୟାଃବୁ ମେନ୍ତେ ଆକରେ ଭାରସାଏତାନ୍ ଆଡ଼ଃ ଏଟାଃକକେ ହିଲାଙ୍ଗକତାନ୍, ଚିମିନ୍ ହଡ଼କ ନାଗେନ୍ତେ ଯୀଶୁ ନେ ଜନ୍ନକା କାଜି କାଜିୟାଦକଥାଏ । ୧୦ “ବାରହଡ଼ ମାଦିର ଅଡ଼ାଃତେ ବିକ୍ରିତେକିନ୍ ସେନଃୟାନା, ମିଆଁଦ୍ନିଃ ଫାରୁଶୀ ଆଡ଼ଃ ଏଟାଃନିଃ ମାଲହାରମ୍ନିଃ ।

୧୧ “ଫାରୁଶୀ ଆଡ଼ମ୍ରେ ତିଙ୍ଗୁୟାନ୍ତେ ବିକ୍ରିକେଦାଏ, ‘ହେ ପାରମେଶ୍ୱାର୍, ଆଇଙ୍ଗ ଏଟାଃ ହଡ଼କଲେକା ନାହାଁଲାଇଙ୍ଗ, ଇନ୍କୁଦ ରେଝକ୍ନିଃକ, ଏଡ଼କାନକାମିକ, ଆପାଙ୍ଗିରକ ତାନ୍କୁ ଆଡ଼ଃ ନେ ମାଲହାରମ୍ନିଃ ଲେକାହ ନାହାଁଲାଇଙ୍ଗ । ୧୨ ଆଇଙ୍ଗ ହାପ୍ତାରେ ବାରସାଇଙ୍ଗ କାଟାବତାନା ଆଡ଼ଃ ଗଟା କାମିୟାକାଦରେୟାଃ ଗେଲ୍‌ହିସା\* ହାନାଟିଙ୍ଗ ଏମ୍ତାନାଇଙ୍ଗ ।’

୧୩ “ଆଡ଼ଃ ମାଲହାରମ୍ନିଃ ସାଙ୍ଗିନ୍ରେ ତିଙ୍ଗୁୟାନ୍ତେ ସିର୍ମାସାଃତେ ସାଙ୍ଗିଲ୍ ନାଙ୍ଗ କାଏ ସାହାଁସକେଦା ମେନ୍ଦ ଆୟାଃ କୁଡ଼ାମ୍ ଆପ୍ଡିତାନ୍‌ଲଃ କାଜିକେଦାଏ, ‘ହେ ପାରମେଶ୍ୱାର୍ ଆଇଙ୍ଗ ପାପି ତାନିଙ୍ଗ ଲିବୁଆଇଙ୍ଗମ୍ନେ ।’ ” ୧୪ ☆ଏନ୍ତେ ଯୀଶୁ କାଜିକେଦାଏ, “ଆଇଙ୍ଗ କାଜିୟାପେ ତାନାଇଙ୍ଗ, ମାଲହାରମ୍ନିଃ ଫାରୁଶୀଏତେ ଆଦକା ଧାର୍ମାନ ମେନ୍ତେ ଲେକାୟାନା ଆଡ଼ଃ ଅଡ଼ାଃତେ ସେନଃୟାନା । ଜେତାଏ ମାରାଙ୍ଗ୍‌ୟେନ୍‌ନିଃଦ ହୁଡ଼ିଙ୍ଗ୍‌ୟାଃଆଏ ଆଡ଼ଃ ଜେତାଏ ହୁଡ଼ିଙ୍ଗ୍‌ୟାଃନିଃଦ ମାରାଙ୍ଗ୍‌ଆଃଏ ।”

**ୟୀଶୁ ସିଟିଆ ହନ୍‌କକେ ଆଶିଷକତାନାଏ**

(ମାଥ୍‌ଉ ୧୯:୧୩-୧୫; ମାର୍କ ୧୦:୧୩-୧୬)

୧୫ ଆଡ଼ଃ ଯୀଶୁ ସିଟିଆ ହନ୍‌କକେ ଜୁଟିଦକକାଏ ମେନ୍ତେ ହଡ଼କ ଇନ୍‌କୁକେ ଇନିଃତାଃ ଆଉକେଦକଆକ, ମେନ୍ଦ ଚେଲାକ

\* ୧୮:୧୨ ୧୮:୧୨ ଗେଲ୍‌ରେୟାଃ ମିଦଭାଗ † ୧୮:୧୩ ୧୮:୧୩ ଛାଡ଼ି ☆ ୧୮:୧୪ ୧୮:୧୪ ମାଥ୍‌ଉ ୨୩:୧୨; ଲୁକ ୧୪:୧୧.

ନେଆଁ ନେଲ୍‌କେଦ୍‌ତେକ ମାରାଙ୍ଗ୍‌ମତାକେଦ୍‌କଆ । ୧୭ ମେନ୍‌ଦ ଯାଶୁ ଇନ୍‌କୁକେ ଆୟାଃତାଃ ହାକାଅକେଦ୍‌ତେ କାଜିୟାଦ୍‌କଆଏ, “ହୁଡ଼ିଙ୍ଗ୍ ହନ୍‌କକେ ଆଇଙ୍ଗ୍‌ତାଃ ହିଜୁଃରିକାକପେ ଆତଃ ଇନ୍‌କୁକେ ଆଲ୍‌ପେ ରୁହାଡ଼କଆ, ପାର୍‌ମେଶ୍‌ବାର୍‌ଆଃ ରାଇଜ୍‌ଦ ନେ'ଲେକାନ୍‌କଆଃଗିଆଃ । ୧୭ ଆଇଙ୍ଗ୍ ସାର୍‌ତିଗିଙ୍ଗ୍ କାଜିୟାପେତାନା, ଜେତାଏ ପାର୍‌ମେଶ୍‌ବାର୍‌ଆଃ ରାଇଜ୍‌କେ, ହୁଡ଼ିଙ୍ଗ୍‌ହନ୍ ଲେକା କାଏ ତେଲ୍‌ଏରେଦ ଇନିଃ ଜେତାଲେକାତେ ଏନାରେ କାଏ ବଲ୍‌ଆ ।”

**ମିଆଁଦ୍ କିସାଁଣ୍ ହାକିମ୍**

(ମାଥୂଃ ୧୯:୧୭-୩୦; ମାର୍କ ୧୦:୧୭-୩୧)

୧୮ ଆତଃ ମିଆଁଦ୍ ହାକିମ୍ ଯାଶୁକେ କୁଲିକିୟାଏ, “ଏ ବୁଗିନ୍ ଇଡୁନିଃ, ଜାନାଅ ଜୀଦାନ୍ ନାମେ ନାଗେନ୍ତେ ତିନାଃଇଙ୍ଗ୍ ତିକାୟା ?”

୧୯ ଯାଶୁ କୁଲିକିୟାଏ, “ଆମ୍ ତିନାଃମେନ୍ତେ ଆଇଙ୍ଗ୍‌କେ ବୁଗିନ୍ ମେନ୍ତେମ୍ କାଜିଇଙ୍ଗ୍‌ତାନା ? ମିଆଁଦ୍‌ନିଃ ଏସ୍‌କାର୍ ବୁଗିନାଏଃ ଇନିଃ ପାର୍‌ମେଶ୍‌ବାର୍ ତାନିଃ ଆତଃ ଜେତାଏକାହା । ୨୦ ଆମ୍ ଆନ୍‌ରୁମ୍ ସାରିତାନା, ‘ଆଲ୍‌ମ୍ ଆପାଙ୍ଗ୍‌ରରାଃ, ଆଲ୍‌ମ୍ ଗଗଏୟାଃ, ଆଲ୍‌ମ୍ କୁମ୍‌ଡୁଇୟା, ହସଡ଼ଗାଞ୍ଜା ଆଲ୍‌ମାଃ, ଏଙ୍ଗା ଆପୁ କିନ୍‌କେ ମାନାତିଙ୍ଗ୍‌କିନ୍‌ମେ ।’”

୨୧ ଇନିଃ କାଜିରୁହାଡ଼କିୟାଏ, “ନେ ସବେନ୍ ଆନ୍‌ରୁ ମିଦ୍‌ସିଟିଆଏତେଇଙ୍ଗ୍ ମାନାତିଙ୍ଗ୍ ଆଉକାଦା ।”

୨୨ ଯାଶୁ ନେଆଁ ଆୟୁମ୍‌କେଦ୍‌ତେ ଇନିଃକେ କାଜିକିୟାଏ, “ନାହାଁଃହଁ ମିଆଁଦ୍ କାଜିତେମ୍ ଜାଞ୍ଜିଆକାନାଃ‡, ଜୁ ଆମ୍ ଆମାଃ ସବେନାଃ ଆଖିରିଙ୍ଗ୍‌କେଦ୍‌ତେ ଏନା ରେଙ୍ଗେଃତାନ୍‌କକେ ଏମାକମେ, ଏନ୍ତେ ସିର୍ମାରେ ଖୁଜ୍‌ମ୍ ନାମେୟା ଆତଃ ହିଜୁଃକେଦ୍‌ତେ ଅତଙ୍ଗ୍‌ଇଙ୍ଗ୍‌ମେ ।” ୨୩ ମେନ୍‌ଦ ନେ କାଜି ଆୟୁମ୍‌କେଦ୍‌ତେ ଇନିଃଦ ପୁରାଃଗି ହୁଡ଼ିଙ୍ଗ୍‌ଜୀଉୟାନ୍‌ଏ, ତିୟାଃତି ଇନିଃଦ ପୁରାଃଗି କିସାଁଣ୍ ତାଇକେନାଏ ।

୨୪ ଯାଶୁ ଇନିଃକେ ପୁରାଃ ହୁଡ଼ିଙ୍ଗ୍‌ଜୀଉକାନ୍ ନେଲ୍‌କିଃତେ କାଜିକେଦାଏ, “ଅକନ୍ ହଡ଼କଆଃ ଟାକା ପାଏସା ମେନାଃ, ଏନ୍ କିସାଁଣ୍

‡ ୧୮:୨୨ ୧୮:୨୨ ଆମାଃରେ ଘାତି ମେନାଃ

ହତକନାଙ୍କୁ ପାରମେଶ୍ଵାରୀଆଃ ରାଇଜ୍ରେ ବଲଃ ପୁରାଃଗି ହାମ୍ପାଲାଃ । ୨୫ କିସାଁଣ୍ ହତ ପାରମେଶ୍ଵାରୀଆଃ ରାଇଜ୍ରେ ବଲଃଏତେ ସୁଇ ଉଣ୍ଡୁତେ ଉର୍ ପାରମଃତେୟାଃ ରାଝାଲାଃ ମେତାଦକଆଏ ।”

୨୬ ଆତଃ ନେଆଁ ଆୟୁମତାନକ ମେନକେଦାଃ, “ତାଦ୍ଦ ଅକଏ ଜୀଉବାସ୍ଥାଅ ନାମ୍ ଦାଡ଼ିୟାଏ ।”

୨୭ ମେନ୍ଦ୍ ଯୀଶୁ କାଜିକିୟାଏ, “ହତକତେ କା ହବାଦାଡ଼ିୟଃ କାଜି ପାରମେଶ୍ଵାର୍ତେ ହବାଦାଡ଼ିୟଆଃ ।”

୨୮ ପାଡ଼ରାସ୍ କାଜିକିୟାଏ, “ନେଲେମେ, ଆଲେଦ୍ ସବେନାଃ ବାଗିକେଦ୍ତେ ଆମକେଲେ ଅତଙ୍ଗକେଦ୍ମେୟାଁ ।”

୨୯ ଆତଃ ଯୀଶୁ ଇନ୍କୁକେ କାଜିୟାଦକଆଏ, “ସାର୍ତିଗିଙ୍ଗ୍ କାଜିୟାପେତାନା ପାରମେଶ୍ଵାରୀଆଃ ରାଇଜ୍ ନାଗେନ୍ତେ ଆପନାଃ ଅଡ଼ାଃ ଚାଏ କୁଡ଼ି ଚାଏ ହାଗା ଚାଏ ଏଙ୍ଗା ଆପୁକ ଚାଏ ହନ୍କକେ ବାଗିକାଦ୍ ସବେନ୍ ହତକ, ୩୦ ନେ ସାମାଏରେଗି ଏନାଏତେ ଆଦକାକ ନାମେୟା ଆତଃ ହିଜୁଃ ଦିପିଲିରେ ଜାନାଅ ଜାନାଅରେୟାଃ ଜୀଦାନକ ନାମେୟା ।”

**ୟୀଶୁ ଆୟାଃ ଗନଏଃରେୟାଃ କାଜି ଉଦୁବେତାନାଏ  
(ମାଥୁଉ ୨୦:୧୭-୧୯; ମାର୍କ ୧୦:୩୨-୩୪)**

୩୧ ଯୀଶୁ ଗେଲ୍ବାର୍ ଚେଲକକେ ଗେନାତେ ଇଦିକେଦ୍ତେ କାଜିୟାଦକଆଏ, “ନେଲେପେ ଆବୁ ଯୀରୁଶାଲେମତେବୁ ସେନଃତାନା ଆତଃ ମାନଝାହନ୍ଆଃ ବିଷାଏରେ ନାବୀକ ଅଲକାଦ୍ ସବେନାଃ ପୁରାଅଆଃ । ୩୨ ଇନିଃ ସାଅଁସାର୍ ହତକଆଃ ତିଃଇରେ ଏମଃଆଏ । ଇନ୍କୁ ଇନିଃକେକ ଲାନ୍ଦାୟା, ହିଲାଇଝାୟା, ଆତଃକ ବେଜିୟା । ୩୩ ହାଁଣ୍ସାୟାୟା ଆତଃକ ଗଜିୟା, ଇନିଃ ଆପି ମାହାଁରେ ଜୀଉବିରିଦାଏ ।”

୩୪ ମେନ୍ଦ୍ ଇନ୍କୁ ନେ କାଜିକ ଜେଦ୍ନାଃ କାକ ମୁଣ୍ଡିକେଦାଃ, ନେ କାଜି ଇନ୍କୁଆଃ ଆୟାର୍ରେ ଉକୁଆକାନ୍ ତାଇକେନା, ଆତଃ ଇନ୍କୁ କାଜିୟାକାନ୍ତେୟାଃ କାକ ଆଟ୍କାର୍କେଦାଃ ।

**ୟୀଶୁ ମିଆଁଦ୍ କାଣାଁକାନ୍ନିଃକେ ବୁଗିକିୟାଏ  
(ମାଥୁଉ ୨୦:୨୦-୩୪; ମାର୍କ ୧୦:୪୭-୫୨)**

୩୫ ଯୀଶୁ ଯିରିହୋ ସାହାରତେ ସେଗେରତାନ୍ ତାଇକେନ୍ରେ ମିଆଁଦ୍ କାଣ୍ଟାକାନ୍ ହଡ଼ ହରାଗେନାରେ ଦୁବ୍‌କେଦ୍‌ତେ କର୍‌ଏ ତାନାଏ ତାଇକେନା । ୩୬ ଆଡ଼ଃ ପୁରାଃ ହଡ଼କ ସେନ୍‌ପାରମଃତାନ୍ ଆୟୁମ୍‌କେଦ୍‌କଟି, “ନେଆଁ ଚିକ୍‌ନାଃ ହବାଅଃତାନାଃ” ମେନ୍ତେ କୁଲିକେଦ୍‌କଆଏ ।

୩୭ “ନାଜରେଡ଼୍‌ରେନ୍ ଯୀଶୁ ପାରମଃତାନାଏ” ମେନ୍ତେକ ଉଦୁବ୍‌କିୟା ।

୩୮ ଏନ୍ତେ ଇନିଃ “ହେ ଯୀଶୁ, ହେ ଦାଉଦ୍‌ଆଃ ହନ୍ ଲିରୁଆଇଙ୍‌ମେଁ” ମେନ୍ତେ କାଉରିକେଦାଏ ।

୩୯ ଆୟାରାକାନ୍‌କ ହାପାନ୍‌ମେ ମେନ୍ତେକ ମାରାଙ୍‌ମଚାକିୟାଃ, ମେନ୍‌ଦ ଇନିଃ, “ହେ ଦାଉଦ୍‌ଆଃ ହନ୍ ଦାୟାଇଙ୍‌ମେଁ” ମେନ୍ତେ ଆଡ଼ଃଗି ହାକାଅକିୟାଏ ।

୪୦ ଯୀଶୁ ଡିକ୍‌ୟାନ୍ତେ ଇନିଃକେ ଆଇଙ୍‌ଡ଼ାଃ ଆଉଝିପେ ମେନ୍ତେ ଆରୁକେଦ୍‌କଆ ଆଡ଼ଃ ନାଡ଼େଃୟାନ୍‌ଚି କୁଲିକିୟାଏ, ୪୧ “ଆମ୍ ଚିନାଃମ୍ ଆସିତାନା, ଆଇଙ୍‌ ଆମାଃ ନାଙ୍ ଚିନାଃଇଙ୍ ଚିକାୟା ମେନ୍ତେମ୍ ସାନାଙ୍‌ତାନା” ମେନ୍ତେ କୁଲିକିୟାଏ । ଇନିଃ କାଜିକିୟାଏ, “ହେ ପ୍ରାଭୁ, ମେଦ୍‌ତାଇଙ୍‌ ଆଡ଼ଃମିସା ନେଲ୍ ଦାଡ଼ିକା ।”

୪୨ ଯୀଶୁ କାଜିକିୟାଏ, “ଡାବ୍‌ଦ ମେଦ୍‌ତାମ୍ ନାମ୍‌ଜମେମେଁ; ଆମାଃ ବିଶ୍ୱାସ୍ ଆମ୍‌କେ ବୁଗିକେଦ୍‌ମେୟାଏ ।”

୪୩ ଆଡ଼ଃ ଇମ୍‌ଡ଼ାଙ୍‌ଗି ଇନିଃ ନେଲ୍ ଦାଡ଼ିକେଦାଏ, ଆଡ଼ଃ ଯୀଶୁକେ ଅତଙ୍‌ଇଁତାନ୍‌ଲଃ ପାର୍‌ମେଶ୍ୱାର୍‌କେ ମାରାଙ୍‌କିୟାଏ ଆଡ଼ଃ ସବେନ୍ ହଡ଼କ ନେଆଁ ନେଲ୍‌କେଦ୍‌ତେ ପାର୍‌ମେଶ୍ୱାର୍‌କେ ମାନାରାଙ୍‌କିୟାଃକ ।

## ୧୯

### ୟୀଶୁ ଆଡ଼ଃ ମାଲ୍‌ହାରମ୍‌ନିଃ ଜଖ୍‌ୟ

୧ ଆଡ଼ଃ ଯୀଶୁ ଯିରିହୋ ନୁଡୁମ୍ ହାଡୁରେ ବଲୟାନ୍‌ଲଃ ଆଲା ଆଲାତେ ସେନଃତାନାଏ ତାଇକେନା । ୨ ଆଡ଼ଃ ନେଲେପେ ଜଖ୍‌ୟ ନୁଡୁମ୍ ମିଆଁଦ୍ ହଡ଼ ତାଇକେନାଏ, ଇନିଃ ମାଲ୍‌ହାରମ୍‌କଆଃ ଗମ୍‌କେ ଆଡ଼ଃ କିସାଁଣ୍ ହଡ଼ ତାଇକେନାଏ । ୩ ଇନିଃ ଯୀଶୁକେ ଚିଲ୍‌କାନ୍ ହଡ଼ ତାନିଃ ମେନ୍ତେ ନେଲ୍‌ସାନାଙ୍ ତାଇକେନାଏ, ଚିୟାଃଚି ଇନିଃ

ବୁଟିୟା ହଡ଼ ତାଇକେନାଏ ଆଡ଼ଃ ଗାଦେଲ୍ ହଡ଼କରାଃତେ କାଏ ନେଲ୍ ଦାଡ଼ିକିୟା । ୪ ଏନାତେ ଇନିଃ ଯୀଶୁ ପାରମ୍ ହରାରେ ନିର୍ ଆୟାରକେଦ୍‌ତେ ଯୀଶୁକେ ନେଲ୍ ନାଗେନ୍ତେ ମିଆଁଦ୍ ଲଆଦାରୁରେ ଦେଏଃୟାନାଏ । ୫ ଏନ୍ ଠାୟାଦ୍ ସେଟେରୟାନ୍‌ତେ ଯୀଶୁ ସାଙ୍ଗିଲ୍ ରାକାବକେଦ୍‌ତେ ଇନିଃକେ ନେଲ୍‌କିୟାଏ ଆଡ଼ଃ କାଜିକିୟାଏ, “ଜଖ୍‌ୟ ମାର୍ ଆଡ଼ଗୁଃମେ, ତିସିଙ୍ଗ୍‌ଦ ଆମାଃ ଅଡ଼ାଃରେ ଆଇଙ୍ଗକେ ତାଇନ୍ ଲାଗାତିଙ୍ଗ୍‌ୟାଃ ।”

୬ ଆଡ଼ଃ ଜଖ୍‌ୟ ଆଡ଼ଗୁ ଧାବ୍‌ୟାନ୍ତେ ରାସକାତେ ଯୀଶୁକେ ଦାରମ୍‌କିୟାଏ । ୭ ମେନ୍‌ଦ ନେଆଁ ନେଲ୍‌କେଦ୍‌ତେ ସବେନ୍‌କ କୁରୁମ୍‌ତୁରୁମ୍‌ୟାନାକ ଆଡ଼ଃ ମେନ୍‌କେଦାଃକ, “ଇନିଃ ପାପିହଡ଼ଆଃ ଅଡ଼ାଃରେ ପେଡ଼ାଅଃତାନାଏ ।”

୮ ମେନ୍‌ଦ ଜଖ୍‌ୟ ତିଙ୍ଗ୍‌ୟାନ୍ତେ ପ୍ରାଭୁକେ କାଜିକିୟାଏ, “ନେଲେମେ ହେ ପ୍ରାଭୁ, ଆଇଙ୍ଗ୍‌ଡାଃରେ ମେନାଃତେୟାଃହେତେ ଆଧା, ରେଙ୍ଗେଃତାନକକେଇଙ୍ଗ୍ ଏମାକଆ, ଆଡ଼ଃ ବେଦାତେ ଜେତାଏତାଃଏତେ ଜେଡ଼ନାଃ ଆଉକାଇରେଦ ଚାର୍‌ଗୁନା ଏମ୍‌ରୁହାଡ଼େୟାଇଙ୍ଗ୍ ।”

୯ ଯୀଶୁ ଇନିଃକେ କାଜିକିୟାଏ, “ତିସିଙ୍ଗ୍ ନେ ଅଡ଼ାଃରେ ଜୀଉବାଞ୍ଚାଅ ତେବାଃକାନା, ଚିୟାଃତି ନେ ହଡ଼, ହୁଁଦ୍ ଆବ୍ରାହାମ୍‌ଆଃ ହନ୍ ତାନିଃ । ୧୦ ଚିୟାଃତି ମାନଞ୍ଜାହନ୍‌ଦ ଆଦାକାନ୍‌କକେ ନାନାମ୍ ଆଡ଼ଃ ବାଞ୍ଚାଅ ନାଗେନ୍ତେ ହିଜୁଆକାନାଏ ।”

**ଗେଲ୍‌ଠୁ ସୋନା ସିକାରେୟାଃ ଜନ୍‌କା କାଜି  
(ମାଥୁଉ ୨୫:୧୪-୩୦)**

୧୧ ହଡ଼କ ନେଆଁ ଆୟୁମତାନ୍ ତାଇକେନ୍‌ଇମ୍‌ତା, ଇନିଃ ମିଆଁଦ୍ ଜନ୍‌କା କାଜି କାଜିଏଟେଦ୍‌କେଦାଃଏ, ଚିୟାଃତି ଇନିଃଦ୍ ଯୀରୁଶାଲେମ୍ ନାଡ଼େଃରେ ତାଇକେନାଏ ଆଡ଼ଃ ଇନ୍‌କୁ ପାର୍‌ମେଶ୍‌ବାର୍‌ଆଃ ରାଇଜ୍ ବଦେଗି ଉଦୁବଃଆ ମେନ୍ତେ ଆର୍‌କାରେତାନ୍ ତାଇକେନାକ । ୧୨ ଇନିଃ କାଜିକେଦାଏ, “ମାରାଙ୍ଗ୍ ଜାତିରେନ୍ ମିଆଁଦ୍ ହଡ଼ ରାଇଜ୍ ଚାଲାଅରେୟାଃ ଇନିତୁ ନାମ୍ ନାଙ୍ଗ୍ ସାଙ୍ଗିନ୍ ଦିଶୁମ୍‌ତେ ସେନଃୟନା ଆଡ଼ଃ ଇନିଃ ଏନ୍ତାଏତେ ଠାଉକା ନେତାରେ ହିଜୁଃରୁହାଡ଼୍ ନାଙ୍ଗ୍ ଉହାଟ୍‌କାଦ୍ ତାଇକେନାଏ

☆ ୧୯:୧୦ ୧୯:୧୦ ମାଥୁଉ ୧୮:୧୧.



। ୧୩ ଏନାମେନ୍ତେ ଇନିଃ ଆୟାଃ ଦାସିକଏତେ ଗେଲ୍‌ଝାନ୍‌କକେ ହାକାଅକେଦ୍‌ତେ ମିମିଆଦ୍ ହଡ଼କକେ ଗେଲ୍‌ଠୁ ସୋନା ସିକା ଏମାଦ୍‌କଆଏ । ‘ଆଉରିଙ୍ଗ୍ ହିଜୁଃରୁହାଡ୍, ଜାକେଦ୍ କିରିଙ୍ଗ୍ ଆଖ୍‌ରିଙ୍ଗ୍‌ଏପେ’ ମେତାଦ୍‌କଆଏ । ୧୪ ମେନ୍‌ଦ୍ ଆୟାଃ ଦିଗୁମ୍‌ରେନ୍‌କ ଇନିଃକେ ଖ୍‌ସ୍‌ଆଇତାନ୍‌କ ତାଇକେନା, ଆତଃ ‘ଏନ୍‌ହଡ଼ ଆଲେୟାଃ ରାଇଜ୍‌ରେ ରାଜା ହବାଅଃକାଏ ନେଆଁ ଆଲେ କାଲେ ସାନାଙ୍ଗ୍‌ତାନା’ ମେନ୍ତେ କାଜିସେଟେର୍‌ନିଃକେ କାଜିସେଟେର୍‌ତେ ଇନିୟାଃତାଃକ କୁଲ୍‌କିୟାଃ ।

୧୫ “ଏନ୍‌ରେହ ଇନିଃ ରାଇଜ୍‌ନାମ୍‌କେଦାଏ, ଆତଃ ହିଜୁଃରୁହାଡ୍‌ୟାନାଏ । ଏନ୍ତେ ସୋନା ସିକା ନାମାକାଦ୍ ଦାସିକଏତେ ମିଆଁଦ୍‌ନିଃ ଚିମିନାଙ୍ଗ୍ କିରିଙ୍ଗ୍ ଆଖ୍‌ରିଙ୍ଗ୍ କେଦ୍‌ତେ ପସାକାଦାଃକ ଏନା ସାରିନାଗେନ୍ତେ ଆଇଙ୍ଗ୍‌ତାଃ ହାକାଅକପେ ମେନ୍ତେ ଆରୁକେଦ୍‌କଆ । ୧୬ ସିଦାନିଃ ହିଜୁଃୟାନ୍ତେ କାଜିକିୟାଏ, ‘ହେ ଗମ୍‌କେ, ଆମ୍ ଏମାକାଦ୍ ସୋନା ସିକାଏତେ ଆଇଙ୍ଗ୍ ଗେଲ୍‌ଠୁ ସୋନା ସିକା ଆଦ୍‌କା ପସାକାଦାଇଙ୍ଗ୍ ।’ ୧୭ ଇନିୟାଃ ଗମ୍‌କେ କାଜିକିୟାଏ, ‘ସାବାସ୍, ଆଇଁୟାଃ ବୁଗିନ୍ ଦାସି ! ଆମ୍ ବୁଗିନ୍ ଆତଃ ପାତିୟାର୍‌ରଃ ଲେକାନ୍ ଦାସି ତାନ୍‌ମେ । ଆମ୍ ହୁଡିଙ୍ଗ୍‌ତେୟାଃରେ ପାତିୟାର୍‌ରଃ ଲେକାମ୍ କାମିକାଦ୍ ହରାତେ, ଆମ୍ ଗେଲ୍ ନାଗାର୍‌ରେନ୍ ଆକ୍‌ତେୟାର୍‌ନିଃ ହବାଅଃଆମେ ।’ ୧୮ ଏଟାଃ ଦାସି ହିଜୁଃୟାନ୍ତେ କାଜିକିୟାଏ, ‘ହେ ପ୍ରାଭୁ, ଆମ୍ ଏମାକାଦ୍ ସୋନା ସିକାଏତେ ମଣେୟାଁ ସୋନା ସିକା ଆଦ୍‌କା ପସାୟାନା ।’ ୧୯ ଇନିୟାଃ ଗୁସିୟାଁ ଇନିଃକେ କାଜିକିୟାଏ, ‘ଆମ୍‌ଦ୍ ମଣେୟାଁ ନାଗାର୍‌ରେନ୍ ଗମ୍‌କେୟାଃମେଁ ।’

୨୦ “ଏନ୍ତେ ଆତଃଗି ଏଟାଃ ଦାସି ହିଜୁଃୟାନ୍ତେ କାଜିକିୟାଏ, ‘ହେ ପ୍ରାଭୁ ନେଲେମେ ଆମ୍ ଏମାକାଦ୍ ସୋନା ସିକାକେ ତାରାଲିଜାଃରେଇଙ୍ଗ୍ ଦହପଟମାକାଦାଃ । ୨୧ ଆମ୍ କେଟେଦ୍ ମନ୍‌ରେନ୍ ହଡ଼ ତାନ୍‌ମେ ମେନ୍ତେ ଆଇଙ୍ଗ୍ ବରଆମେ ତାଇକେନାଇଙ୍ଗ୍, ଆମ୍ କାମ୍ ଦହତେୟାଃ ଇଦିୟାଃମେ ଆତଃ କାମ୍ ହେର୍‌ତେୟାଃ ଇର୍‌ଇଦିୟାଃମେ ।’ ୨୨ ଇନିୟାଃ ପ୍ରାଭୁ କାଜିରୁହାଡ୍‌କିୟାଏ, ‘ଏ ଏଡ୍‌କାନ୍ ଦାସି, ଆମାଃ କାଜିତେଗିଙ୍ଗ୍

ବିଚାରମେୟାଃ । ଆଇଙ୍ଗ୍ କେଟେଦ୍ ମନ୍ରେନ୍ ହଡ଼ ତାନିଙ୍ଗ୍, ଆଇଙ୍ଗ୍ କାଇଙ୍ଗ୍ ଦହ ଏନାଇଙ୍ଗ୍ ଇଦିୟା ଆଡ଼ଃ କାଇଙ୍ଗ୍ ହେର୍ ଏନାଇଙ୍ଗ୍ ଇର୍ଇଦିୟାଃ, ଏନା ସାରିତାନାମ୍ ତାଇକେନା ।  
 ୨୩ ଚିନାଃମେନ୍ତେ ଆମ୍ ଆଇଁୟାଃ ଟାକାକେ ବେଙ୍କରେ କାମ୍ ଦହକେଦା ? ଆଇଙ୍ଗ୍ ହିନ୍ଦୁଃରୁହାଡ଼କେଦ୍ତେ ସବେନ୍ ମୁଲ୍'କାନ୍ତାରଲଃ ଟାକା ନାମ୍ନୁହାଡ଼ କେଦ୍ତେୟାଃଇଙ୍ଗ୍ ।’

୨୪ “ଏନ୍ତେ ଇନିଃ ତିଙ୍ଗୁଜାପାଃକାନ୍ ହଡ଼କକେ କାଜିୟାଦକଆଏ, ଏନ୍ ସୋନା ସିକା ଇନିଃତାଃଏତେ ରେଃଜିପେ ଆଡ଼ଃ ଗେଲ୍ ସୋନା ସିକା ନାମାକାଦ୍ ହଡ଼କେ ଏମାଇପେ । ୨୫ ମେନ୍ଦ୍ ଇନ୍କୁ କାଜିକିୟା ‘ହେ ପ୍ରାଭୁ, ଗେଲ୍ ସୋନା ସିକା ଇନିଃତାଃରେୟା । ୨୬ ☆ଇନିଃ ମେନ୍ଦ୍‌ରୁହାଡ଼ାଦକଆଏ, ଆଇଙ୍ଗ୍ କାଜିୟାପେ ତାନାଇଙ୍ଗ୍, ସବେନ୍ ମେନାଃନିଃକକେ ଏମଃଆ, ମେନ୍ଦ୍ ଜେତାଏତାଃରେ ବାନଃଆ, ଇନିଃତାଃଏତେ ଅକ୍ନାଃ ମେନାଃ ଏନାହଗି ଇଦିୟାଆ । ୨୭ ☆ମେନ୍ଦ୍ ଆଲେରେ ଇନିଃ ରାଇଜେକାଏ ଏନା କା ସାନାଙ୍ଗ୍ତାନ୍ ତାଇକେନ୍ ଆଇଁୟାଃ ବାଇରିକକେ ନେତାଃ ଆଉକୁପେ ଆଡ଼ଃ ଆଇଁୟାଃ ସାମ୍ନାଙ୍ଗ୍ରେ ମାଃଆକପେ ।’”

**ୟାଶୁ ଯୀରୁଶାଲେମ୍ତେ ବଲତାନାଏ**

(ମାଥୁ ୨୧:୧-୧୧; ମାର୍କ ୧୧:୧-୧୧; ଯୋହାନ୍ ୧୨:୧୨-୧୯)

୨୮ ଯାଶୁ ନେଆଁ କାଜିକେଦ୍ତି, ଯୀରୁଶାଲେମ୍ତେ ସେନଃ ନାଗେନ୍ତେ ଆୟାଃ ତେଲ୍ଲାଇତାଃଏତେ ଆୟାଃରୁୟାନାଏ । ୨୯ ଆଡ଼ଃ ଜାଇତୁନ୍\* ନୁତୁମ୍ ବୁରୁ ହେପାଦ୍ରେ ତାଇନ୍ତାନ୍ ବେଡ଼ଫାଗି ଆଡ଼ଃ ବେଥ୍ନିଆ ହାତୁତାଃ ସେଟେରୁୟାନ୍ତି ଇନିଃ ଆୟାଃ ବାରହଡ଼ ତେଲ୍ଲାଇକିନ୍କେ ନେଆଁଏ କାଜିକେଦ୍କିନା, ୩୦ “ଆବେନାଃ ଆୟାଃରେୟାଃ ହାତୁତେ ସେନଃବେନ୍, ଆଡ଼ଃ ଏନାରେ ବଲଇମ୍ତାଗି ଆବେନ୍ ତଲ୍ଲାଇକାନ୍ ଗାଧାହନ୍କେବେନ୍ ନାମିଆଁ, ଇନିଃରେ ଜେତାଏ ହଡ଼ ତିଉଲ୍ଲାହ୍ କାଏ ଦୁବାକାନା, ଇନିଃକେ ରାଡ଼ା ଆଉଝିବେନ୍ । ୩୧ ଜେତାଏ ଚିନାଃମେନ୍ତେ ଇନିଃକେବେନ୍

---

☆ ୧୯:୨୭ ୧୯:୨୭ ମାଥୁ ୧୩:୧୨; ମାର୍କ ୪:୨୫; ଲୁକ ୮:୧୮. ☆ ୧୯:୨୭ ୧୯:୨୭ ମାଥୁ ୨୫:୧୪-୩୦. \* ୧୯:୨୯ ୧୯:୨୯ ଜାଇତୁନ୍

ରାଡ଼ାଈତାନା ମେନ୍ତେ କୁଲିବେନ୍‌ରେଦ, ଇନିଃକେ ମେଡ଼ାଈବେନ୍, ନିଃତାଃରେ ପ୍ରାଭୁଆଃ କାମିମେନାଃ ।”

୩୭ ଏନ୍ କୁଲାକାନକିନ୍ ସେନଃୟାନ୍ତେ ଯୀଶୁ କାଜିୟାଦକିନ୍ ଲେକା ନାମକିୟାଃକିନ୍ । ୩୩ ମେନ୍‌ଦ ଇନ୍‌କିନ୍ ଗାଧାହନ୍‌କେ ରାଡ଼ାଈତାନକମ୍‌ତା ଇନିୟାଃ ଗମକେକ “ଚିକାନାଗେନ୍ତେ ରାଡ଼ାଈତାନାବେନ୍ ମେନ୍ତେ କୁଲିକେଦକିନାକ ?”

୩୪ ଇନ୍‌କିନ୍, “ନିଃତାଃରେ ପ୍ରାଭୁଆଃ କାମିମେନାଃ” ମେନ୍ତେ କାଜିୟାଦକଆକିନ୍ ।

୩୫ ଇନ୍‌କିନ୍ ଗାଧାହନ୍‌କେ ଯୀଶୁତାଃତେ ଆଉକିୟାକିନ୍, ଆଡ଼ଃ ଗାଧା ଚେତାନରେ ଆକିନାଃ ଲିଜାଃକିନ୍ ଆଚେଦକେଦା ଆଡ଼ଃ ଯୀଶୁକେ ଦୁଦକିୟାକିନ୍ । ୩୬ ଆଡ଼ଃ ଇନିଃ ସେନଃତାନରେ ହଡ଼କ ଆକଆଃ ଲିଜାଃ ହରାରେକ ଆଚେଦକେଦା ।

୩୭ ଆଡ଼ଃ ଯୀଶୁ ଯୀରୁଶାଲେମ୍ ନାଡ଼େଃତେ ସେଚେରତାନ ଇମ୍‌ତା ଏନ୍ତାଃରେୟାଃ ଜାଇତୁନ୍ ବୁରୁତେ ସେନଃ ହରାତାଃତେ ସେଚେରୟାନ୍‌ଚି ଆୟାଃ ଚେଲାକଆଃ ଗଟାଗହଣାଁ ରାସ୍‌କାୟାନାକ ଆଡ଼ଃ ନେଲାକାଦ୍ ତାଇକେନ୍ ସବେନ୍ ଆକ୍‌ଦାୟାଅ କାମି ନାଗେନ୍ତେ କାଉରିତାନଲଃ ପାରମେଶ୍ଵାରକେ ମାନାରାଜ୍‌କିୟାଃକ । ୩୮ ଆଡ଼ଃ କାଜିକେଦାକ, “ପ୍ରାଭୁଆଃ ନୁତୁମ୍‌ତେ ହିଜୁଃତାନ ରାଜାକେ ପାରମେଶ୍ଵାର୍ ଆଶିଷ୍ ଏମାଇକାଏ, ସିର୍ମା ଦିଶୁମ୍‌ରେ ଜୀଉସୁକୁ ଆଡ଼ଃ ସାଲାଜିତତାର୍ ପାରମେଶ୍ଵାର୍‌ଆଃ ମାନାରାଜ୍ ହବାଅଃକା ।” ୩୯ ଗାଦେଲ୍‌ହଡ଼କଏତେ ଚିମିନ୍ ଫୀରୁଶୀକ କାଜିକେଦାଃକ, ହେ ଗୁରୁ ଆମାଃ ଚେଲାକେ ହାପାଅଃନାଜ୍ ମାରାଜ୍‌ମଚାକମ୍ ।

୪୦ ଇନିଃ କାଜିରୁହାଡ଼ାଦକଆଏ, ଆଇଜ୍ କାଜିୟାପେ ତାନାଇଜ୍, “ନିକୁ ହାପାନ୍‌ରେଦ ଦିରିକ ହାକାଅବିରିଦାଃ ।”

**ୟୀଶୁ ଯୀରୁଶାଲେମ୍ ନାଗେନ୍ତେ ରାଆଃକେଦାଏ**

୪୧ ଯୀଶୁ ଯୀରୁଶାଲେମ୍ ସାହାରତେ ନାଡ଼େଃୟାନ୍‌ଚି ସାହାରକେ ନେଲକେଦାଏ ଆଡ଼ଃ ଏନାନାଗେନ୍ତେ ରାଆଃକେଦାଏ, ୪୨ ଆଡ଼ଃ କାଜିକେଦାଏ, “ଆମ୍‌ଗି ତିସିଜ୍ ସୁକୁରାଃ ବିଷାଏକ ସାରିକାଦ୍‌ତେୟାଃମ୍, ମେନ୍‌ଦ ନାହାଁଃ ଏନା ମେଦ୍‌ତାମ୍‌ଏତେ ଉକୁଆକାନା । ୪୩ ଏନ୍ ହୁଲାଜ୍ ଆମ୍‌ତାଃ ହିଜୁଃଆ, ଏନ୍‌ରେ

ଆମାଃ ବାଇରିକ ଉପାୟାକ ଆଡ଼ଃ ଆମ୍ଭେ ବିହୁରମେୟାକ ଆଡ଼ଃ ସବେନ୍‌ସାଃଏତେ କେସେଦ୍‌ବିହୁରମେୟାକ । ୪୪ ଆମ୍ ଆଡ଼ଃ ଆମାଃ ହନ୍‌କକେ ହାସାରେକ ମିଦ୍‌ପେୟା । ଆମାଃ ଚେତାନ୍‌ରେ ଦିରି ଚେତାନ୍‌ ଦିରି ଡିରିୟାକାନ୍ କା ତାଇନା, ଚିୟାଃତି ଆମ୍‌ଦ ପାରମେଶ୍ଵାର୍ ହିଜୁଆକାନ୍ ଦିପିଲିକେ କାମ୍ ନେଲ୍‌ଉରୁମ୍‌କେଦାଃ ।”

ୟାଶୁ ମାନ୍ଦିର୍ ଅଡ଼ାଃତେ ବଲତାନାଏ

(ମାଥୂଉ ୨୧:୧୨-୧୭; ମାର୍କ ୧୧:୧୫-୧୯; ଯୋହାନ୍ ୨:୧୩-୨୨)

୪୫ ଏନ୍ତେ ମାନ୍ଦିର୍ ଅଡ଼ାଃରେ ବଲୟାନ୍‌ତେ ଇନିଃ ସବେନ୍ କିରିଙ୍ଗ୍ ଆଖ୍‌ରିଙ୍ଗ୍‌ତାନ୍‌କକେ ହାରଅଡ଼ଙ୍ଗ୍ ଏଟେଦ୍‌କେଦ୍‌ଆଏ । ୪୬ ଇନିଃ ଇନ୍‌କୁକେ କାଜିୟାଦ୍‌କଆଏ, “ପାରମେଶ୍ଵାର୍ କାଜିକେଦାଏ ଯେ ଧାରାମ୍‌ପୁଅରେ ନେଆଁ ଅଲ୍‌କାନା, ‘ଆଇୟାଃ ଅଡ଼ାଃ ବିକ୍ତିଅଡ଼ାଃ ତାନାଃ’ ମେନ୍‌ଦ୍‌ ଆପେ ନେଆଁକେ କୁମ୍‌ଡୁକୁଆଃ ତାଇନଃ ଠାୟାଦ୍‌ପେ ବାଇୟାକାଦା ।”

୪୭ ✧ୟାଶୁ ସବେନ୍ ହୁଲାଙ୍ଗ୍ ମାନ୍ଦିର୍ ଅଡ଼ାଃରେ ଇଡୁକତାନାଏ ତାଇକେନାଏ, ମେନ୍‌ଦ୍ ମୁଲ୍ ଯାଜାକ୍‌କ, ଆଇନ୍ ଇଡୁକ ଆଡ଼ଃ ହଡ଼କଆଃ ମୁଖ୍‌ଆକ ଇନିଃକେ ଗଗଏଃ ସାନାଙ୍ଗ୍‌ତାନ୍‌କ ତାଇକେନା । ୪୮ ମେନ୍‌ଦ୍ ଚିକ୍‌ନାଃରୁ ଚିକାୟା ନେଆଁ କାକ ନାମ୍‌ଦାଡ଼ିକେଦାଃ, ଚିୟାଃତି ସବେନ୍ ହଡ଼କଦ ଇନିୟାଃ କାଜି ଆୟୁମ୍ ନାଗେନ୍ତେ ଜୁରୁଆକାନ୍‌କ ତାଇକେନା ।

## ୨୦

ୟାଶୁଆଃ ଆକ୍‌ତେୟାର୍ ବିଷାଏରେ କୁନ୍‌ଲି

(ମାଥୂଉ ୨୧:୨୩-୨୭; ମାର୍କ ୧୧:୨୭-୩୩)

୧ ଏନ୍ ହୁଲାଙ୍ଗ୍‌କଏତେ ମୁସିଙ୍ଗ୍ ଯାଶୁ ମାନ୍ଦିର୍ ଅଡ଼ାଃରେ ହଡ଼କକେ ଇଡୁକତାନ୍ ଆଡ଼ଃ ସୁକୁକାଜି ଉଦୁବାକତାନ୍ ତାଇକେନ୍‌ରେ ମାରାଙ୍ଗ୍ ଯାଜାକ୍‌କ ଆଡ଼ଃ ଆଇନ୍ ଇଡୁକ ପ୍ରାତିନ୍‌କଲଃ ଇନିଃତାଃତେ ହିଜୁଃଲେନ୍ତେ, ୨ ଇନିଃକେକ କୁଲିକିୟାଃ, “ଆମ୍ ଅକ୍ ଆକ୍‌ତେୟାର୍‌ତେ ନେଆଁକମ୍ ରିକାତାନା ? ନେ କାମିକ ରିକାନାଗେନ୍ତେ ଅକଏ ନେ ଆକ୍‌ତେୟାର୍ ଏମାକାଦ୍‌ମେଆ ?”

✧ ୧୯:୪୭ ୧୯:୪୭ ଲୁକ ୨୧:୩୭.

୩ ଇନିଃ ଇନ୍‌କୁକେ କାଜିରୁହାଡ଼ାଦକଥାଏ, “ଆଇଙ୍ଗ୍‌ହ୍ ମିଆଁଦ୍ କାଜିଙ୍ କୁଲିପେୟା, ଆତଃ ଆପେ କାଜିରୁହାଡ଼ିଙ୍‌ପେ, ୪ ବାପ୍ତିସ୍ତା ଏମଃନିଃ ଯୋହାନ୍‌ଆଃ ବାପ୍ତିସ୍ତା ସିର୍ମାରେନ୍ ପାର୍‌ମେଶ୍ୱାର୍‌ତାଃଏତେ ଚି ମାନଃଜାତାଃଏତେ ତାଇକେନା ?”

୫ ଏନ୍ତେ ଇନ୍‌କୁ ଆକ ଆକରେକ ଉଡ଼ୁକେଦା, “ଆରୁ, ‘ସିର୍ମାରେନ୍ ପାର୍‌ମେଶ୍ୱାର୍‌ତାଃଏତେ’ ମେନେରେଦ ଇନିଃ ‘ଚିକାନାଙ୍ ଯୋହାନ୍‌ରେ କାପେ ବିଶ୍ୱାସ୍‌କେଦା’ ମେତାରୁଆଏ ? ୬ ମେନ୍‌ଦ ହଡ଼କ ସାଃଏତେ ମେନେରେଦ ସବେନ୍ ହଡ଼କ ଆରୁକେ ଚିଦ୍‌ଗିରୁଆକ, ଚିୟାଃଚି ବାପ୍ତିସ୍ତା ଏମଃନିଃ ଯୋହାନ୍ ନାବୀ ତାନିଃ ମେନ୍ତେ ଇନ୍‌କୁ ପୁରାଃଗି ଭାର୍‌ସାକାଦାକ ।” ୭ ଏନ୍ତେ ଇନ୍‌କୁ କାଜିରୁହାଡ଼କିୟାକ, “ଏନା କତାଃଏତେ ତାଇକେନା ଏନା କାଲେ ସାରିତାନା ।”

୮ ଏନ୍ତେ ଯୀଶୁ ଇନ୍‌କୁକେ ମେତାଦକଥାଏ, “ଆଇଙ୍ଗ୍‌ହ୍ ଅକ ପେଡେଃତେ ଏନାକଇଙ୍ଗ୍ ରିକାତାନା, କାଇଙ୍ଗ୍ ଉଦୁବାପେୟା ।”

**ଦାଖ୍‌ବାକ୍‌ଡ଼ିରାଃ କାର୍‌କାମିହଡ଼କଆଃ ଜନ୍‌କା କାଜି**

(ମାଥୂଜ ୨୧:୩୩-୪୬; ମାର୍କ ୧୨:୧-୧୨)

୯ ଯୀଶୁ ହଡ଼କକେ ନେ ଜନ୍‌କା କାଜି ଏଟେଦ୍‌କେଦ୍‌ଥାଏ, “ମିଆଁଦ୍ ହଡ଼ ଦାଖ୍‌ବାକ୍‌ଡ଼ି ବାଇକେଦାଏ, କାର୍‌କାମିହଡ଼କକେ କାର୍ ଏମକେଦ୍‌ତେ ପୁରାଃ ସାମାଏ ଜାକେଦ୍ ଏଟାଃ ଦିଶ୍ମୁମ୍‌ତେ ସେନଃୟାନାଏ । ୧୦ ଇରୋଃଅ ଦିପିଲିରେ ଇନିଃ ଦାଖ୍‌ବାକ୍‌ଡ଼ିରେୟାଃ ଜ ଏମାଇଙ୍‌ପେ ମେନ୍ତେ ମିଆଁଦ୍ ଦାସିକେ କାର୍ କାମିହଡ଼କତାଃତେ କୁଲ୍‌କିୟାଏ, ମେନ୍‌ଦ କାର୍‌କାମିହଡ଼କ ଇନିଃକେ ଦାଲ୍‌କିୟାଃକ ଆତଃ ସାମାତିଃଇଗି କୁଲ୍‌ରୁହାଡ଼କିୟାଃକ । ୧୧ ଇନିଃ ଏଟାଃ ଦାସିକେ କୁଲ୍‌କିୟାଏ, ଇନ୍‌କୁ ଇନିଃକେହ ଦାଲ୍‌କିୟାଃକ ଆତଃ ହିଲାଙ୍‌କିଦ୍‌ତେ ସାମାତିଃଇଗି କୁଲ୍‌ରୁହାଡ଼କିୟାଃକ । ୧୨ ଇନିଃ ଆତଃଗି ଆପିୟାନିଃକେହ କୁଲ୍‌କିୟାଏ, ଆତଃ ଇନ୍‌କୁ ଇନିଃକେ ଘାଅକିଃତେକ ଅତଙ୍‌ଏଶ୍ୱାଃକିୟାଃ । ୧୩ ଏନ୍ତେ ଦାଖ୍‌ବାକ୍‌ଡ଼ିରାଃ ଗମ୍‌କେ ମେନ୍‌କେଦାଏ, ‘ଚିନାଃଇଙ୍ଗ୍ ଚିକାୟା ? ଆଇୟାଃ ଦୁଲାଡ଼୍ ହନିଙ୍‌କଡ଼ାକେ କୁଲିୟାଇଙ୍ଗ୍, ଇଦୁ ଇନ୍‌କୁ ଇନିଃକେ ମାଇନିୟାକ ।’ ୧୪ ମେନ୍‌ଦ କାର୍‌କାମିହଡ଼କ ଇନିଃକେ ନେଲ୍‌କିଦ୍‌ଚି ମେପେନ୍‌ୟାନାକ, ‘ନିଃଗି ଗୁସିୟାଃରାଃ ହନ୍ ତାନିଃ ଦଲାବୁ ଗଜିୟା,

ତାବଦ ନିୟାଃ ହାନାଟିଙ୍ଗ୍ ଆରୁଆଃଗି ହବାଅଆଃ ।<sup>୧୫</sup> ଆତଃ ଜନ୍‌କୁ ଜନିଃକେ ଦାଖ୍‌ବାକ୍‌ତିଏତେ ଅତଙ୍‌ଏଣ୍ଡାଃକିୟାଃକ ଆତଃ ଗଏଃକିୟାଃକ ।

“ୟାଶୁ କୁଲିକେଦକଆ, ‘ନାହାଁଃଦ ଦାଖ୍‌ବାକ୍‌ତି ଗମ୍‌କେ ଜନ୍‌କୁକେ ଚିକ୍‌ନାଃଏ ଚିକାକଆ ?<sup>୧୬</sup> ଜନିଃ ହିଜୁଃକେଦତେ ଏନ୍ କାରକାମିହଡକକେ ଗଏଃକଆଏ ଆତଃ ଦାଖ୍‌ବାକ୍‌ତି ଏଟାଃକକେ ଏମାକଆଏ ।’” ହଡକ ନେଆଁ ଆୟୁମ୍‌କେଦତେ ମେନ୍‌କେଦାଃକ, “ଆଲକାଏ ଏନ୍‌କାଅଃକା ।”

<sup>୧୭</sup> ଯାଶୁ ଜନ୍‌କୁସାଃ ନେଲ୍‌କେଦତେ କୁଲିକେଦକଆଏ, “ତାବଦ ଧାରାମ୍‌ପୁଅ୍‌ରେୟାଃ ନେ କାଜିରାଃ ମୁଣ୍ଡି ଚିକ୍‌ନାଃ ତାନାଃ ?”

“ଅଡ଼ାଃ ବାବାଇକ ଅକ ଦିରିକେକ ଆତମ୍‌ ଏଣ୍ଡାଃକେଦା,

ଏନ୍ ଦିରି ଅଡ଼ାଃରାଃ କଚାଦିରି ବାଇୟାକାନା ।’

<sup>୧୮</sup> ଏନ୍ ଦିରିରେ ଉୟୁଗଃନିଃ ଗୁଣ୍ଡାଅଃଆଏ ଆତଃ ଏନା ଜେତାଏରେ ଉୟୁଗଃରେଦ ଜନିଃକେ ରିଦିୟାଏ ।”

### ମାଲ୍‌ଏମ୍‌ ବିଷାଏରେୟାଃ କୁନୁଲି

(ମାଥୁଢ ୨୨:୧୫-୨୨; ମାର୍କ ୧୨:୧୩-୧୭)

<sup>୧୯</sup> ମାରାଙ୍ଗ୍ ଯାଜାକ୍‌କ ଆତଃ ଆଇନ୍‌ ଇଡୁକ ଜନିଃ ନେ ଜନ୍‌କା କାଜି ଆରୁକେ କାଜିୟାଦ୍‌ରୁଆଏ ନେଆଁ ସାରିକେଦତେ ଏନ୍ ଦିପିଲିରେଗି ଜନିଃକେ ସାସାବ୍ ସାନାଙ୍ଗ୍ ତାଇକେନାକ, ମେନ୍‌ଦ ଜନ୍‌କୁ ଗାଦେଲ୍‌ ହଡକକେ ବରକେଦକଆକ ।<sup>୨୦</sup> ଏନାତେ ଜନ୍‌କୁ ଯାଶୁଆଃ କାଜିରେ ଭୁଲ୍‌ ସାବିନାଙ୍ଗ୍ ଚିମିନ୍‌ ହଡକ ଆପାନକେ ଧାର୍‌ମାନ୍‌ ମେନ୍ତେ ଉଦୁବେନ୍‌ତାନକକେ କୁଲିକେଦକଆକ, ଜେ'ଲେକାଟି ଜନ୍‌କୁ ଜନିଃକେ ସାବ୍‌କେଦତେ ରୋମ୍‌ରେୟାଃ ପେଡ଼େଃ ଆତଃ ଆକ୍‌ଡେୟାର୍‌ ନାମାକାଦ୍‌ ଲାଟ୍‌ସାହେବ୍‌ତାଃରେକ ଜିମାଦାଡ଼ିୟା ।<sup>୨୧</sup> ଏନାତେ ଜନ୍‌କୁ କୁଲିକିୟାଃକ, “ହେ ଗୁରୁ, ଆମ୍‌ ବୁଗିଲେକାଡେମ୍‌ କାଜିତାନା ଆତଃ ଇଡୁତାନା ଆତଃ ହଡକଆଃ ମେଦ୍‌ମୁହାଁଡ୍‌ କାମ୍‌ ନେନେଲାଃ, ମେନ୍‌ଦ ପାର୍‌ମେଶ୍ଵାର୍‌ରାଃ ହରା ସାର୍‌ଡିଡେମ୍‌ ଇଡୁତାନା, ଏନାଲେ ସାରିତାନା ।<sup>୨୨</sup> କାଜିୟାଲେମ୍‌, ଚିୟାଃ ଆଲେ କାଇସାର୍‌କେ କାର୍‌ ଏମାଲ ଲାଗାଡିଙ୍ଗ୍‌ୟାଃ ଟି କା ?”

୨୩ ମେନ୍ଦ ଦ ଯୀଶୁ ଇନକୁଆଃ ବେଦା ଆବ୍‌କାରକେଦ୍‌ତେ ମେତାଦକଆଏ, ୨୪ “ମୁସିଙ୍ଗିରାଃ ନାଲ୍ଲା ସିକା ଆଉଝାଈଙ୍ଗ୍‌ପେ, ନେଆଁ ଅକଏୟାଃ ମୁରୁଡ୍ ଆତଃ ଅନଲ୍ ତାନାଃ ?” ଇନକୁ କାଜିରୁହାଡ୍‌କିୟାକ, “କାଇସାରଆଃ ।”

୨୫ ଯୀଶୁ ଇନକୁକେ ମେତାଦକଆଏ, “ତାଦ୍‌ଦ କାଇସାରଆଃ କାଇସାରକେ ଏମାଇପେ, ଆତଃ ପାରମେଶ୍ଵାରଆଃ ପାରମେଶ୍ଵାରକେ ଏମାଇପେ ।”

୨୬ ଇନକୁ ହଡକଆଃ ଆୟାରରେ ଯୀଶୁଆଃ କାଜିରେ କାକ ସାଦ୍‌ଦାଡ୍‌କିୟାଃ, ଆତଃ ଇନିୟାଃ କାଜିରୁହାଡ୍‌ତେ ଆକ୍‌ଦାନ୍‌ଦାୟାନ୍‌ଲଃ ହାପାୟାନାକ ।

ଜୀଉବିନିରିଦ୍‌ରେୟାଃ କୁନୁଲି

(ମାଥୁଉ ୨୨:୨୩-୩୩; ମାର୍କ ୧୨:୧୮-୨୭)

୨୭ ✽ସାଦୁକିକଏତେ ଚିମିନ୍‌ହଡକ ଯୀଶୁତାଃତେକ ହିଜୁଃୟାନା, ଇନକୁଦ ଜୀଉବିନିରିଦ୍‌ ବାନଃଆମେନ୍ତେକ କାଜିୟା, ଆତଃ ଇନକୁ ଇନିଃକେ କୁଲିକିୟାଃକ, ୨୮ “ହେ ଗୁରୁ, ଜେତଏ ହଡ୍‌ଆଃ ହନ୍‌ଗାଁଣା ବାନ୍‌କୁୟାନ୍ତେ ଆୟାଃ କୁଡ୍‌ତେକେ ଗଏଃବାଗିରେ ହାଗାତେ ଇନିୟାଃ କୁଡ୍‌ତେକେ ଆଣ୍‌ଦିୟାକା ଆତଃ ହାଗାତେୟାଃ ନୁଡ୍‌ମ୍‌ତେ ହନ୍‌ପସାକକାଏ, ନେଆଁଦ୍ ମୁଣା ଆଲେ ନାଗେନ୍ତେ ଅଲ୍ଲାକାଦାଏ ମେନ୍‌କେଦାକ । ୨୯ ନେଲେମେ ସାଡ୍ ହାଗିୟା ତାଇକେନାକ, ଆତଃ ମାରାଙ୍ଗିନିଃ ଆଣ୍‌ଦିକେଦ୍‌ତେ ବେଗାର୍ ହନ୍‌ଗାଁଣାତେ ଗଏଃୟାନାଏ । ୩୦ ଆତଃ ବାରିୟାନିଃ ଇନିଃକେ ଆଣ୍‌ଦିୟାନାଏ ଆତଃ ଇନିଃହ ବେଗାର୍ ହନ୍‌ଗାଁଣାତେ ଗଏଃୟାନାଏ । ୩୧ ଏନ୍ତେ ଆପିୟାନିଃ ଇନିଃକେ ଆଣ୍‌ଦିୟାନାଏ ଆତଃ ନେ ଲେକାଗି ସାଡ୍ ହାଗିୟାକହଁ ବେଗାର୍ ହନ୍‌ଗାଁଣାତେ ଗଏଃୟାନାକ । ୩୨ ତାୟମ୍‌ତେ, କୁଡ୍‌ୟାଗି ଗଏଃୟାନାଏ । ୩୩ ନାହାଁଃଦ୍ ଜୀଉବିନିରିଦ୍ ଇମ୍‌ତା ଇନିଃ ଅକଏୟାଃ କୁଡ୍ ହବାଅଆଃଏ ? ଏନ୍ ସାତିୟ ହାଗିୟାକଦ ଇନିଃକେ ଆଣ୍‌ଦିୟାକାନ୍ ତାଇକେନାକ ।”

୩୪ ଯୀଶୁ ମେନ୍‌ରୁହାଡ୍‌କଆଏ, “ନେ ଦିପିଲିରେନ୍ ହନ୍‌କ ଆଣ୍‌ଦିୟାତାନା ଆତଃକ ଆଣ୍‌ଦିକତାନା । ୩୫ ମେନ୍‌ଦ

✽ ୨୦:୨୭ ୨୦:୨୭ ପ୍ରେରିଡ୍ ୨୩:୮.

ହିଜୁଡ଼ାନ୍ ପାରିୟାରେ ଜୀହୁଦଃ ହତକ ଆଡ଼ଃ ଗଜାକାନ୍‌କଏତେ ଜୀଉବିନିରିଦ୍‌ଲେକାନ୍ ହତକ କାକ ଆଣ୍ଡିୟଃଆ ଆଡ଼ଃ କାକ ଆଣ୍ଡିନାଃ । ୩୬ ଆଡ଼ଃ ଇନ୍‌କୁ ଆଡ଼ଃମିସା କାକ ଗଏଃଦାଡ଼ିୟଃଆ, ଚିୟାଃଟି ଇନ୍‌କୁଦ ସିର୍ମାରେନ୍ ଦାସିକଲେକା, ଆଡ଼ଃ ଜୀଉବିନିରିଦ୍‌ରେନ୍ ହନ୍‌କ ହବାୟାନ୍ତେ ଇନ୍‌କୁ ପାର୍‌ମେଶ୍ୱାର୍‌ଆଃ ହନ୍ ତାନ୍‌କୁ । ୩୭ ମେନ୍‌ଦ ଗଜାକାନ୍‌କ ଜୀଉବିନିରିଦ୍ କାଜି ମୁଣାହିଁ ରୁପାଦ୍‌ରେୟାଃ କାଜିତେ ଉଦୁବାକାଦାଏ, ଏନ୍‌ରେ ଇନିଃ ପ୍ରାଭୁକେ କାଜିକିୟାଏ, ‘ଆମ୍ ଆବ୍ରାହାମ୍‌ଆଃ ପାର୍‌ମେଶ୍ୱାର୍, ଆଡ଼ଃ ଇସାକ୍‌ଆଃ ପାର୍‌ମେଶ୍ୱାର୍, ଆଡ଼ଃ ଯାକୁବ୍‌ଆଃ ପାର୍‌ମେଶ୍ୱାର୍ ତାନ୍‌ମେ ।’ ୩୮ ନେଲେମେ ପାର୍‌ମେଶ୍ୱାର୍ ଗଜାକାନ୍‌କଆଃଦ ନାହିଁଲିଃ, ମେନ୍‌ଦ ଜୀହୁଦ୍‌ତାନ୍‌କଆଃ ପାର୍‌ମେଶ୍ୱାର୍ ତାନିଃ, ଇନିଃ ନାଗେନ୍ତେଦ ସବେନ୍‌କ ଜୀହୁଦଃତାନାକ ।”

୩୯ ଆଇନ୍ ଇତୁକଏତେ ଚିମିନ୍‌କ କାଜିରୁହାଡ଼କିୟାକ, “ହେ ଗୁରୁ ଆମ୍ ବୁଗିନାମ୍ କାଜିୟାକାଦାଃ ।” ୪୦ ଆଡ଼ଃ ଜେତାଏ ଇନିଃକେ ଜେଡ଼ନାଃ କୁଲିନାଙ୍ଗ୍ କାକ ସାହିଁସକେଦା ।

**ଖ୍ରୀଷ୍ଟ ଅକଏୟାଃ ହନ୍ ତାନିଃ**

(ମାଥୂଉ ୨୨:୪୧-୪୬; ମାର୍କ ୧୨:୩୫-୩୭)

୪୧ ଏନ୍ତେ ଯୀଶୁ ଇନ୍‌କୁକେ କାଜିୟାଦ୍‌କଆଏ, “ହତକ ଖ୍ରୀଷ୍ଟ ଦାଉଦ୍‌ଆଃ ହନ୍ ତାନିଃ ମେନ୍ତେ ଚିନାଃମେନ୍ତେକ କାଜିତାନା ?”

୪୨ ନେଆଁ ଦାଉଦ୍ ଆଇଃକ୍‌ଗି ଦୁରାଙ୍ଗ୍ ପୁଥ୍‌ରେ କାଜିତାନାଏ,

“ପ୍ରାଭୁ ଆଇଁୟାଃ ପ୍ରାଭୁକେ କାଜିୟାକତାନାଏ,  
ଆଇଁୟାଃ ଜମ୍‌ଡ଼ିଃ ସାଃରେ ଦୁବାକାନ୍‌ମେଁ,

୪୩ ଆଇଙ୍ଗ୍ ଆମାଃ ବାଇରିକକେ ପୁରା ଆଉରିଙ୍ଗ୍ ହାରାଅକ ଜାକେଦ୍ ।”

୪୪ “ଦାଉଦ୍‌ଦଃ ଇନିଃକେ ‘ପ୍ରାଭୁ’ ମେତାକତାନାଏ, ଏନ୍ତେ ଖ୍ରୀଷ୍ଟ ଚିଲ୍‌କାତେ ଇନିୟାଃ ହନ୍ ତାନିଃ ?”

**ୟୀଶୁ ଆଇନ୍‌ଇତୁକକେ ଚିଟାକତାନାଏ**

(ମାଥୂଉ ୨୩:୧-୩୬; ମାର୍କ ୧୨:୩୮-୪୦)



୪୫ ସବେନ୍ ହତ୍ତକ ଆୟୁମ୍ଭାନ ତାଇକେନ୍ରେ, ଯୀଶୁ ଆୟାଃ ଚେଲାକକେ କାଜିୟାଦକଆଏ, ୪୬ “ଆଇନ୍ ଇତ୍ତୁକତାଃଏତେ ଚିର୍ଗାଲାକାନ୍ଦେ, ଇନ୍କୁ ଜିଲିଙ୍ଗ୍ ଲିଜାଃ ତୁସିଙ୍ଗ୍କେଦତେ ସେନ୍ବାଡ଼ା, ଆତଃ ପିଟ୍ ପିଡ଼ିକରେ ଜହାର୍ତେଲା ଆତଃ ସାମାଜ୍ ଅଡ଼ାଃକରେ ଆୟାର୍ରେ ଦୁବ୍ନାଙ୍ଗ୍ ଆତଃ ମାରାଙ୍ଗ୍ ଜମ୍ନୁକରେ ସିଦା ଠାୟାଦ୍ରେ ଦୁବ୍ନାଙ୍ଗ୍ ସୁକୁକଆ । ୪୭ ଇନ୍କୁ ରାଣ୍ଡିକୁଡ଼ିକଆଃ ଅଡ଼ାଃକ ଉଦେତାନା ଆତଃ ବେଦାତେ ଜିଲିଙ୍ଗ୍ ଜିଲିଙ୍ଗ୍ରିକ ବିନ୍ତିୟା । ଏନ୍ଲେକାନ୍ ହତ୍ତକଦ ଆଦକା ସାଜାଇକ ନାମେୟା ।”

## ୨୧

### ମିଆଁଦ୍ ରାଣ୍ଡିକୁଡ଼ିଆଃ ଏମଃ (ମାର୍କ ୧୨:୪୧-୪୪)

୧ ଯୀଶୁ ଆରିଦ୍ ରାକାବ୍କେଦତେ କିସାଁଣ୍ ହତ୍ତକ ଆକଆଃ ଦାନ୍ ଏମଃ ଖାଜ୍ନା ବାକାସ୍ରେ ସାଜୁତାନ୍ ନେଲ୍କେଦକଆଏ । ୨ ଇନିଃ ମିଆଁଦ୍ ରେଙ୍ଗେଃ ରାବାଙ୍ଗ୍ ରାଣ୍ଡିକୁଡ଼ି ବାରିଆ ହୁପ୍ଡିଙ୍ଗ୍ ତାମ୍ବା ସିକା ସାଜୁତେୟାଃ ନେଲ୍କିୟାଏ । ୩ ଯୀଶୁ ମେତାଦକଆଏ, “ସାର୍ଡିଗିଙ୍ଗ୍ କାଜିୟାପେତାନା, ନେ ରେଙ୍ଗେଃ ରାଣ୍ଡିକୁଡ଼ି ସବେନ୍କଏତେ ଥ୍ମ୍ବା ଏମାକାଦାଃଏ । ୪ ଏନ୍ ସବେନ୍କଦ ପାର୍ମେଶ୍ୱାର୍ ନାଙ୍ଗ୍ ଦାନ୍ ବାକାସ୍ରେ ଆକଆଃ ଆଦକା ମେନାଃତେୟାଃଏତେ କାଟିଃଲେକା ସାଜୁଆକାଦାଃକ ମେନ୍ଦ ନିଃ ଆୟାଃ ଜୀଉ ବାଞ୍ଚାଅ ନାଗେନ୍ତେ ଅକ୍ନାଃ ତାଇକେନା, ଏନା ସବେନାଃଏ ସାଜୁଆକାଦାଏ ।”

### ମାନ୍ଦିର୍ ହାଦୁଡ଼ଃରେୟାଃ ବିଷାଏରେ ଯୀଶୁ କାଜିକେଦାଏ (ମାଥୁର ୨୪:୧-୨; ମାର୍କ ୧୩:୧-୨)

୫ ଯୀଶୁଆଃ ଚିମିନ୍ ଚେଲାକ ମାନ୍ଦିର୍ ଅଡ଼ାଃ ସୁଗାଡ୍ ଦିରିତେ ଆତଃ ପାର୍ମେଶ୍ୱାର୍ତାଃ ଦାନ୍ ରାକାବାକାନ୍ ତେୟାଃତେ ସିଙ୍ଗାରାକାନା ମେନ୍ତେ କାଜିକେଦାଃକ, ମେନ୍ଦ ଯୀଶୁ ମେତାଦକଆଏ, ୬ “ଏନ୍ ଦିପିଲି ହିଜୁଃଆ, ଏନାରେ ଆପେ ନେଲେତାନ୍ ସବେନାଃ ହାଦୁଡ଼ଃଆ, ଦିରି ତେତାନ୍ ଦିରି ତିରିୟାକାନ୍ କା ତାଇନା ।”

ଦୁକୁ ଆତଃ ସିଗିଦ୍

(ମାଥୂଉ ୨୪:୩-୧୪; ମାର୍କ ୧୩:୩-୧୩)

୭ ଯୀଶୁଆଃ ଚେଲକ କୁଲିକିୟାଃକ, “ହେ ଗୁରୁ, ନେଆଁଦ ଚିଉଲ୍ଲା ହବାଅଃଆ ? ଆତଃ ନେ ସବେନାଃ ହବାଅଃରେୟା ଚିକାନ୍ ଚିହ୍ନାଁ ଉଦୁବଃଆ ?” ୮ ଇନିଃ କାଜିକେଦାଏ, “ଚିର୍ଗାଲାକାନ୍ଦେ, ଆଲ୍ଦେଦେ ବେଦାଅଆଃ, ପୁରାଃ ହଡକଦ ଆଇଙ୍ଗ୍ ଇନିଃଗି ତାନିଙ୍ଗ୍ ଆତଃ ସାମାଏ ନାଡ଼େଃକାନା ମେନ୍ତେ ଆଇଁୟାଃ ନୁଡୁମ୍ତେକ ହିନ୍ତୁଃଆ, ଇନ୍କୁକେ ଆଲ୍ଦେଦେ ଅତଙ୍ଗକଆ । ୯ ଆପେ ମାପାଃତୁପୁଇଙ୍ଗ୍ ଆତଃ ହାଲାଗୁଲାରେୟାଃ କାଜି ଆୟୁମେରେ ଆଲ୍ଦେଦେ ଆକ୍ବାକାଅଆଃ, ନେ କାଜିକଦ ସିଦାରେ ହବାଅଃଗି ଲାଗାଡିୟାଃ, ମେନ୍ଦ ଦୁଣ୍ଡୁକା ହିନ୍ତୁଃଆବାଃ ।”

୧୦ ଏନ୍ତେ ଯୀଶୁ ଆତଃଗି ଇନ୍କୁକେ କାଜିୟାଦକଆଏ, “ହଡକଦ ହଡକଆଃ ବିରୁଧ୍ରେ ଆତଃ ରାଇଜ୍ ରାଇଜ୍ରେୟାଃ ବିରୁଧ୍ରେକ ବିରିଦାଃ । ୧୧ ମିଦ୍ତାଃରେ ଅତେ ପୁରାଃ ଏକଲାଅଃଆ, ରିଙ୍ଗା ଆତଃ ଦୁକୁ, ଆତଃ ବରଆନ୍ତେୟାଃକ ଆତଃ ସିମାଏତେ ମାପ୍‌ରାଙ୍ଗ୍ ଚିହ୍ନାଁକ ଉଦୁବଃଆ । ୧୨ ମେନ୍ଦ ଏନ୍ ସବେନାଃ ସିଦାରେ, ହଡକ ଆଇଁୟାଃ ନୁଡୁମ୍ ନାଗେନ୍ତେକ ସାବ୍‌ପେୟା ଆତଃକ ସିଗିଦ୍‌ପେୟା । ଇନ୍କୁ ସାମାଜ୍ ଅତଃକରେକ ଜିମାପେୟା ଆତଃକ ଜେହେଲ୍‌ପେୟା, ଆତଃ ରାଜାକଆଃ ଆତଃ ହାକିମ୍‌କଆଃ ଆୟାର୍‌ରେକ ଇଦିପେୟା । ୧୩ ମେନ୍ଦ ନେଆଁ ଆପେୟାଃ ନାଗେନ୍ତେ ଗାଞ୍ଜାଇ ହବାଅଆଃ । ୧୪ ☆ମେନ୍ଦ ଚିନାଃ କାଜିରୁହାଡ଼େୟାଲେ ମେନ୍ତେ ସିଦାରେ କା ଉଡ଼ୁକେଦ୍‌ତେ ଆପେୟାଃ ମନ୍‌ରେ ଉହାଗେପେ । ୧୫ ଚିୟାଃଚି ଆଇଙ୍ଗ୍ ଆପେକେ ନେ'ଲେକାନ୍ ବାଚାନ୍‌ରେୟାଃ ପେଡ଼େଃ ଆତଃ ସେଣାଁ ଏମାପେୟାଇଙ୍ଗ୍ ଯେ, ଆପେୟାଃ କାଜିକେ ଆପେୟାଃ ବାଇରିକ ହସଡ଼ କାଜିତାନାଃ ମେନ୍ତେ କାକ କାଜିରୁହାଡ଼ ଦାଡିୟା । ୧୬ ଆପେୟାଃ ଏଙ୍ଗା ଆପୁକ ଆତଃ ହାଗାକ ଆତଃ କୁଡୁମ୍‌କୁପୁଲ୍‌କ ଆତଃ ଗାଡିକ ସାବ୍‌ଇଚିପେୟା ଆତଃ ଆପେକଏତେ ଚିମିନ୍‌କକେ ଗଏଃଇଚିକଆକ । ୧୭ ଆଇଁୟାଃ ନୁଡୁମ୍ ନାଙ୍ଗ୍ ସବେନ୍ ହଡକ ଆପେକେ ଖ୍‌ସ୍‌ଆପେୟାକ । ୧୮ ମେନ୍ଦ ଆପେୟାଃ ବହଃଏତେ

☆ ୨୧:୧୪ ୨୧:୧୪ ଲୁକ ୧୨:୧୧,୧୨.

ମିଆଁଦ ଉବହ କା ଜିୟନଃଆ । ୧୯ ଆପେ ସାହାତିଙ୍ଗ ତାନଲଃ ଆପେୟାଃ ଜୀଉପେ ନାମେୟା ।

**ଯୀରୁଶାଲେମ୍‌ରାଃ ଜିୟନଃ ବିଷାଏରେ ଯୀଶୁ କାଜିତାନାଏ  
(ମାଥୂଉ ୨୪:୧୫-୨୧; ମାର୍କ ୧୩:୧୪-୧୯)**

୨୦ “ଯୀରୁଶାଲେମ୍ ଫୀଉଦ୍‌ତେ କେସେଦ୍‌ବିୟୁରାକାନ୍ ନେଲେ ଇମ୍‌ତା, ଏନାଦ ଉତୁଡ୍‌ଧାବଆଃ ମେନ୍ତେ ସାରିପେ । ୨୧ ଇମ୍‌ତା ଯିହୁଦା ପାର୍‌ଗାନ୍‌ରେ ତାଇନଃତାନ୍‌କ ବୁରୁତେକ ନିର୍ତ୍ତେବାଃକା, ଯୀରୁଶାଲେମ୍ ଆଲାରେ ତାଇନ୍‌ତାନ୍‌କ ଅତଙ୍ଗ୍‌ଅଃକାକ ଆତଃ ହାତୁକରେ ତାଇନ୍‌ତାନ୍‌କ ସାହାର୍‌ତେ ଆଲକାକ ବଲଃକା । ୨୨ ଚିୟାଃତି ସବେନ୍ ଅଲକାନ୍‌ତେୟାଃ ପୁରାଅଃ ନାଗେନ୍ତେ ନେ ହୁଲାଙ୍ଗ୍‌କଦ ସାଜାଇଅଃରେୟାଃ ହୁଲାଙ୍ଗ୍ ତାନାଃ । ୨୩ ମେନ୍‌ଦ ଏନ୍ ଦିପିଲିରେନ୍ ବାଜି ଆକାନ୍ କୁଡିକଆଃ ଆତଃ ତଥା ନୁନୁଆକତାନ୍ ଏଙ୍ଗାକଆଃ ନାଗେନ୍ତେ ଚିମିନ୍ ବରଝାନ୍‌ଗି ଦୁକୁ ହବାଅଆଃ । ଚିୟାଃତି ଅତେଦିଶୁମ୍‌ରେଦ ମାରାଙ୍ଗ୍ ଦୁକୁ ଆତଃ ନେ ହଡକରେ ଏନେସେଦ୍\* ଠଗଃଆ । ୨୪ ଇନ୍‌କୁ ତାରାଉଡିତେ ମାଗଆଃକ ଆତଃ ସବେନ୍ ଦିଶୁମ୍‌ରେନକତାଃତେକ ତଲ୍‌ଇଦିୟାଃ ଆତଃ ଏଟାଃ ଜାତିରେନକଆଃ ଦିପିଲି ଆଉରି ପୁରାଅଃଜାକେଦ୍ ଯୀରୁଶାଲେମ୍‌କେ ଏଟାଃ ଜାତିରେନକ ଏନେୟା ।

**ମାନଝାହନ୍‌ଆଃ ହିଜୁଃରୁହାଡ୍‌ରେୟାଃ ଆୟାରକାଜି  
(ମାଥୂଉ ୨୪:୨୯-୩୧; ମାର୍କ ୧୩:୨୪-୨୭)**

୨୫ ☆“ସିଙ୍ଗି, ଚାଣ୍ଡୁ ଆତଃ ଇପିଲ୍‌କରେ ଚିହ୍ନାକ ଉଦୁବଃଆ । ଦରେୟା ଆତଃ ଆଲ୍‌ପୁଙ୍ଗ୍‌ରେୟାଃ ସାଡିରେ, ଅତେରେ ଜାତିରେନକ ଦୁକୁତେକ ଆକ୍‌ବାକାଅଆଃ । ୨୬ ଅତେଦିଶୁମ୍‌ତେ ହିଜୁଃତାନ୍ ସାଙ୍ଗାଟ୍‌କେ ନେଲ୍‌ହରାତାନ୍‌ଲଃ ହଡକ ବରତେ ଗଜଃ ଲେକାକ ହବାଅଆ, ଚିୟାଃତି ସିର୍ମାରେୟାଃ ପେଡ଼େୟାନ୍‌ତେୟାଃକ ଏକ୍‌ଲାଅଆ । ୨୭ ☆ଏନ୍ ସାମାଏରେ ହଡକ ମାନଝାହନ୍‌କେ ପେଡ଼େ ଆତଃ ପୁରାଃ ମାନାରାଙ୍ଗ୍‌ଲଃ ରିମିଲ୍‌ରେ ହିଜୁଃତାନ୍‌କ ନେଲିୟା ।

\* ୨୧:୨୩ ୨୧:୨୩ ଖୁସ୍ ☆ ୨୧:୨୫ ୨୧:୨୫ ଉନୁଦୁବ୍ କାଜି ୬:୧୨,୧୩. ☆ ୨୧:୨୭ ୨୧:୨୭ ଉନୁଦୁବ୍ କାଜି ୧:୭.

୨୮ ଚିମ୍ତାଭାଙ୍ଗ ନେଆଁକ ଏଟେଜଃରେ ତିଜ୍ଜୁନ୍ଦେ ଆତଃ ସାଙ୍ଗିଲେଦେ, ଚିୟାଃଚି ଆପେୟାଃ ମୁକ୍ତିଦ ନାଡ଼େୟାଃତାନା ।”

### ଲଆଦାରୁଏତେ ଇନିତୁ

(ମାଥୂଉ ୨୪:୩୨-୩୫; ମାର୍କ ୧୩:୨୮-୩୧)

୨୯ ଆତଃ ଯୀଶୁ ଇନକୁକେ ନେ ଜନକା କାଜି କାଜିୟାଦକଆଏ, “ଲଆଦାରୁ ଆତଃ ସବେନ୍ ଦାରୁ ଆତଃ ଏଟାଃ ଦାରୁକଏତେ ଇତ୍ତୁନ୍ଦେ । ୩୦ ଏନା ସୁଡ଼ାଅଃତାନ୍ ନେଲ୍‌କେଦ୍‌ତେ ଜେଟ୍‌ସିଙ୍ଗି ନାହାଃଦ ନାଡ଼େୟାକାନା ମେନ୍ତେପେ ସାରିୟାଃ । ୩୧ ଏନ୍‌ଲେକାଗି, ନେଆଁ ସବେନାଃ ହବାଅଃତାନ୍‌ଦେ ନେଲେ ଇମ୍‌ତା ପାର୍‌ମେଶ୍ୱାର୍‌ରାଃ ରାଇଜ୍ ନାଡ଼େୟାକାନା ମେନ୍ତେ ସାରିପେ ।”

୩୨ ସାର୍‌ତିଗିଙ୍ଗି କାଜିୟାପେତାନା, “ନେ ସବେନାଃ ଆଉରି ହବାଅଃ ଜାକେଦ୍ ନେ ଦିପିଲିରେନ୍ ହଡ଼କ କାକ ଚୁଣ୍ଡୁଆ । ୩୩ ସିର୍ନା ଆତଃ ଅତେ ଚୁଣ୍ଡୁତାରଃଆ, ମେନ୍‌ଦ ଆଇୟାଃ କାଜିକ କା ଚୁଣ୍ଡୁଆ ।

### ଚିର୍ଗାଲାକାନ୍‌ଦେ

୩୪ “ଚିର୍ଗାଲାକାନ୍‌ଦେ, କା'ରେଦ୍ ନୁଁରେୟାଃ ବୁନୁଲ୍‌ତେ ଆତଃ ନେ ଜୀଦାନ୍‌ରେୟାଃ ଉଡ଼ଃକେଦ୍‌ତେ ଆପେୟାଃ ମିନ୍ ହାମ୍‌ଲାଆଃ ଆତଃ ଏନ୍ ହୁଲାଙ୍ଗ ଆପେରେ ଆର୍‌କାତେ ଫାସ୍‌ରିଲେକା ହିଜୁଃଆ । ୩୫ ଏନାଦ୍ ଏନ୍ ଫାସ୍‌ରି ଲେକାଗି ସବେନ୍ ଅତେରେନକଆଃରେ ହିଜୁଃଆ । ୩୬ ଆପେ ନେ ସବେନ୍ ହିଜୁଃତେୟାଃକଏତେ ବାସ୍ତାଅ ଆତଃ ମାନଝାହନ୍‌ଆଃ ଆୟାର୍‌ରେ ତିଜ୍ଜୁଃଦାଡ଼ିକାଲେ ମେନ୍ତେ ସବେନ୍ ଦିପିଲିରେ ଏୟନାକାନ୍‌ଦେ ଆତଃ ବିକ୍ତିପେ ।”

୩୭ ☆ସବେନ୍ ହୁଲାଙ୍ଗ ଯୀଶୁ ମାନ୍‌ଦିର୍ ଅଡ଼ାଃରେ ଇତୁକତାନ୍ ଆତଃ ସିଙ୍ଗିହାସ୍‌ରୟାନ୍ତେ ଜାଇତୁନ୍ ବୁରୁରେ ତାଇନ୍‌ତାନାଏ ତାଇକେନା । ୩୮ ଆତଃ ସେତାଃୟାନ୍‌ରେଦ୍ ସବେନ୍ ହଡ଼କ ଇନିୟାଃ କାଜି ଆୟୁମ୍ ନାଗେନ୍ତେ ମାନ୍‌ଦିର୍ ଅଡ଼ାଃତେ ଇନିଃତାଃକ ହିଜୁଃତାନ୍ ତାଇକେନା ।

† ୨୧:୩୦ ୨୧:୩୦ ପାଅଁଲାଃଆ ☆ ୨୧:୩୭ ୨୧:୩୭ ଲୁକ ୧୯:୪୭.

# ୨୨

ୟୀଶୁଆଃ ବିରୁଧରେ ରଜୋଟ

(ମାଥୂଉ ୨୨:୧-୫; ମାର୍କ ୧୪:୧-୨; ଯୋହାନ୍ ୧୧:୪୫-୫୩)

୧ ପାସ୍କା ପାରାବ୍ ନୁତୁମଃତାନ୍ ସାବାଃ ହଲଙ୍ଗ୍ରେୟାଃ ପାରାବ୍ ନାଡ଼େଃୟାନା, ୨ ଆଡ଼ଃ ମାରାଙ୍ଗ୍ ଯାଜାକ୍ ଆଡ଼ଃ ଆଇନ୍ ଇଡୁକ ଆବୁ ଯୀଶୁକେ ଚିଲ୍ଲକାରୁ ଗଜିୟା ମେନ୍ତେ ହରାକ ଦାଣ୍ଟାବାଡ଼ା ତାଇକେନା, ଇନ୍କୁଦ ହଡ଼କକେ ବରଆକତାନ୍ ତାଇକେନାକ ।

ଇଷ୍ଟାରିୟଡ଼ ଯିହୁଦା ଯୀଶୁକେ ସାବ୍ରିକାଇ ନାଗେନ୍ତେ ରାଜିୟାନା

(ମାଥୂଉ ୨୨:୧୪-୧୬; ମାର୍କ ୧୪:୧୦-୧୧)

୩ ଏନ୍ତେ ଗେଲ୍‌ବାର୍ ଚେଲ୍‌କଏତେ, ଇଷ୍ଟାରିୟଡ଼ ଯିହୁଦା ନୁତୁମଃତାନ୍ ମିଆଁଦ୍‌ନିୟାଃରେ ସାଏତାନ୍ ବଲୟାନାଏ । ୪ ଆଡ଼ଃ ଇନିଃ ସେନଃୟାନ୍ତେ ଆଇଙ୍ଗ୍ ଯୀଶୁକେ ଚିଲ୍ଲକା ଆପେୟାଃ ତିଃଇରେ ଜିମାଇୟା ମେନ୍ତେ ମାରାଙ୍ଗ୍ ଯାଜାକ୍ ଆଡ଼ଃ ସିପାଇକଆଃ ଗମ୍‌କେକଲଃ ବାଣ୍ଟାଣ୍‌କେଦାଏ । ୫ ଇନ୍କୁ ଟାକାଲେ ଏମାମେୟା ମେନ୍ତେ ରାସ୍କାତାନ୍‌ଲଃକ ହୁଣ୍ଡିୟାନା । ୬ ଆଡ଼ଃ ଇନିଃ ରାଜିୟାନାଏ ଆଡ଼ଃ କା ହାଲାଗୁଲାଏତାନ୍‌ଲଃ ଇନ୍କୁଆଃ ତିଃଇରେ ଯୀଶୁକେ ସାବ୍ରିକାଇ ନାଗେନ୍ତେ ସୁୟୋଗ୍ ଦାଣ୍ଟାତାନାଏ ତାଇକେନା ।

ୟୀଶୁ ପାସ୍କା ପାରାବ୍‌ରେୟାଃ ଜମେୟାଃ ନାଗେନ୍ତେ ସେକାଡ଼ିୟାନାଏ

(ମାଥୂଉ ୨୨:୧୭-୨୫; ମାର୍କ ୧୪:୧୨-୨୧; ଯୋହାନ୍ ୧୩:୨୧-୩୦)

୭ ସାବାଃ ହଲଙ୍ଗ୍‌ରେୟାଃ ପାରାବ୍ ଦିପିଲିରେ, ପାସ୍କା ପାରାବ୍ ନାଗେନ୍ତେ ମିଣ୍ଡିହନ୍‌ଆଃ ଦାଣ୍ଟା ମାୟୋମ୍ ଲାଗାଡ଼ିଙ୍ଗ୍ ତାଇକେନା । ୮ ଯୀଶୁ, ପାଡ଼ରାସ୍ ଆଡ଼ଃ ଯୋହାନ୍‌କେ “ପାସ୍କା ପାରାବ୍ ନାଙ୍ଗ୍ ଜମେୟାଃ ବାବାଇ ନାଗେନ୍ତେ” କୁଲ୍‌କେଦ୍‌କିନା ।

୯ ଏନ୍ତେ ଇନ୍‌କିନ୍ ଇନିଃକେ କୁଲିକିୟାକିନ୍, “ଆଲିଙ୍ଗ୍ ଅକ ଠାୟାଦ୍‌ରେ ବାଇୟାଲିଙ୍ଗ୍ ମେନ୍ତେମ୍ ସାନାଙ୍ଗ୍‌ତାନା ?”

୧୦ ଯୀଶୁ ମେତାଦ୍‌କିନାଏ, “ନାଗାରରେ ବଲଃ ଇମ୍‌ତା ଦାଆଃତାରୁ ତେଙ୍ଗଃକାଦ୍ ମିଆଁଦ୍ ହଡ଼କେ ନାମ୍‌ୟାବେନ୍, ଇନିଃ ବଲଃ

ଅଡ଼ାଃତେ ଅତଙ୍କୁଁବେନ୍, <sup>୧୧</sup> ଆଡ଼ଃ ଅଡ଼ାଃରେନ୍ ଗମ୍ବେ କେ କାଜିୟାକ୍ବେନ୍, ‘ଗୁରୁ କୁଲିତାନାଏ, ବାଖିରା ଅକ୍ତାଃରେୟା ? ଏନ୍ତାଃଦ ଆଇଁୟାଃ ଚେଲାକଲଃ ପାସକା ପାରାବ୍ରେୟାଃ ଜମେୟାଃ ଜମେୟାଈକ୍ଟ ।’ <sup>୧୨</sup> ଇନିଃ ବାଇସେକାଡ଼ାକାନ୍ ମାରାକ୍ଟ ବାଖିରା ଉଦୁବାବେନାଏ, ଏନ୍ତାଃରେ ବାଇୟେବେନ୍ ।”

<sup>୧୩</sup> ଇନ୍ଦକିନ୍ ସେନଃୟାନ୍ତେ ଯାଶୁ ଉଦୁବାଦକିନ୍ଲେକା ନାମକେଦାଃକିନ୍, ଆଡ଼ଃ ପାସକା ପାରାବ୍ ନାକ୍ଟ ଜମେୟାଈକିନ୍ ବାଇକେଦାଃ ।

**ପ୍ରାଭୁ ଭୋଜ**

(ମାଥୂଜ ୨୭:୨୭-୩୦; ମାର୍କ ୧୪:୨୨-୨୬; ୧ କରିନ୍ଥ୍ରିୟ ୧୧:୨୩-୨୪)

<sup>୧୪</sup> ଆଡ଼ଃ ଏନ୍ ଦିପିଲି ସେଟେରୟାନ୍ତି ଯାଶୁ ଆୟାଃ ପ୍ରେରିଡକଲଃ ଜଜମ୍ ନାଗେନ୍ତେ ଦୁବ୍ଯାନାଏ । <sup>୧୫</sup> ଆଡ଼ଃ ଇନିଃ ଇନ୍ଦକ୍ତକେ କାଜିୟାଦକଆଏ, “ଆଇକ୍ଟ ଦୁକ୍ତୁ ସାହାତିକ୍ଟୟେଁ ସିଦାରେ ନେ ପାସକା ପାରାବ୍ରେୟାଃ ଜମେୟାଈ ଆପେଲଃ ଜଜମାକ୍ଟ ସାନାକ୍ତାନା । <sup>୧୬</sup> ଆଇକ୍ଟଦ ପାରମେଶ୍ଵାରଆଃ ରାଇକ୍ରେ ଏନାରାଃ ସବେନ୍ ମୁଣ୍ଡି ଆଉରି ଉଦୁବଃ ଜାକେଦ୍ ଆଡ଼ଃ ଚିଉଲାହ କାକ୍ଟ ଜମାଃ ମେତାପେତାନାକ୍ଟ ।”

<sup>୧୭</sup> ଆଡ଼ଃ କାଟୋରା ଆଉକେଦ୍ତେ, ଇନିଃ ଧାନ୍ୟାବାଦ୍ ଏମ୍ତାନଲଃ ମେତାଦକଆଏ, “ଆପେୟାଃ ଆଲାରେ ନେଆଁ ହାଟିକ୍ଟୟେଁପେ ।” <sup>୧୮</sup> ଆଇକ୍ଟଦ କାଜିୟାପେ ତାନାକ୍ଟ, “ପାରମେଶ୍ଵାରଆଃ ରାଇକ୍ ଆଉରି ହିଜୁଃଜାକେଦ୍ ଆଇକ୍ଟ ଦାଖିରାସି ଆଡ଼ଃ ଚିଉଲାଅ କାକ୍ଟ ନୁଁକଆ ।”

<sup>୧୯</sup> ଆଡ଼ଃ ଇନିଃ ହଲକ୍ଟ ସାବ୍କେଦ୍ତେ, ପାରମେଶ୍ଵାରକେ ଧାନ୍ୟାବାଦ୍ ଏମ୍କିୟାଏ ଆଡ଼ଃ ଏନାକେ କେତାଃକେଦ୍ତେ ଇନ୍ଦକ୍ତକେ ଏମ୍ତାନଲଃ କାଜିୟାଦକଆଏ, “ନେଆଁ ଆଇଁୟାଃ ହଡ଼ମତାନାଃ, ଆପେ ନାଗେନ୍ତେ ଏମଃତାନା, ଆଇକ୍ଟକେ ପାହାମିକ୍ଟ ନାଗେନ୍ତେ ନେଆଁ ରିକାଏପେ ।” <sup>୨୦</sup> ଏନ୍ଲେକାଗି, ଇନିଃ ଆୟୁବ୍ଜମେୟାଈ ତାୟମ୍ତେ କାଟୋରା ସାବ୍କେଦ୍ତେ ମେତାଦକଆଏ, “ନେ କାଟୋରା ଆଇଁୟାଃ ମାୟୋମ୍ତେ ଆପେୟାଃ ନାକ୍ଟ ଲିକ୍ଟିୟଃତାନ୍ ପାରମେଶ୍ଵାରଆଃ ରାଜିନାମାରାଃ ନାଖାନିୟାମ୍ ତାନାଃ ।

୨୧ “ମେନ୍ଦ ଦ ନେଲେପେ ଆଇଙ୍ଗକେ ସାବ୍‌ଇଚିନିୟାଃ ତିଃଇ ଆଇଁୟାଃଲଃ ମେଜ୍‌ରେୟା । ୨୨ ମାନଝାହନ୍ ଆୟାଃ ନାଗେନ୍ତେ ଦହାକାନ୍ ଲେକାଏ ସେନଃତାନା, ମେନ୍ଦ ବାଇରିକଆଃ ତିଃଇରେ ଇନିଃକେ ସାବ୍‌ରିକାନିଃ ହାୟ୍ ହାୟ୍ ଚିମିନ୍ ଦୁକୁନାମେୟାଏ ।”

୨୩ ଆତଃ ଇନ୍‌କୁ ଆବୁଏତେ ନେ କାମି କାମିନିଃ ଅକଏ ତାନିଃ ମେନ୍ତେ ଆକ ଆକରେକ କୁଲିବାଡ଼ାକେଦାଃ ।

ଆବୁଏତେ ଅକଏ ମାରାଙ୍ଗ୍ ମେନ୍ତେ ତେଲାକ ଏପ୍‌ରାଙ୍ଗ୍‌ତାନା  
(ମାଥୁଉ ୨୦:୨୫-୨୮; ମାର୍କ ୧୦:୪୨-୪୪)

୨୪ ✨ଚେଲାକ ଆବୁଏତେ ଅକଏ ମାରାଙ୍ଗ୍‌ନିଃ ଆବ୍‌କାରଃଆଏ ମେନ୍ତେକ ଏପ୍‌ରାଙ୍ଗ୍‌ୟାନା । ୨୫ ଯୀଶୁ ଇନ୍‌କୁକେ କାଜିୟାଦ୍‌କଆଏ, “ଏଟାଃ ଜାତିରେନ୍‌କଆଃ ରାଜାକ ଇନ୍‌କୁରେକ ରାଇଜେତାନା, ଆତଃ ଇନ୍‌କୁଆଃରେ ଆକ୍‌ତେୟାର୍ ତାନ୍‌କକେ ଗାତିକ କାଜିୟାଃତାନା । ୨୬ ✨ମେନ୍ଦ ଆପେ ଆଲ୍‌ପେ ନେକାଅଆଃ, ଆପେୟାଃ ଆଲାରେ ମାରାଙ୍ଗ୍‌ନିଃ ହୁଡ଼ିଙ୍ଗ୍‌ନିଃଲେକା, ଆତଃ ଆଗୁଆଇନିଃ ସୁସାର୍‌ନିଃ ଲେକା ତାଇନିଃକାଏ । ୨୭ ✨ଅକଏ ମାରାଙ୍ଗ୍‌ଆଏ, ଜଜମ୍‌ରେ ଦୁବାକାନ୍‌ନିଃ ଚି ଦାସି ? ଚିୟାଃ ଜଜମ୍‌ରେ ଦୁବାକାନ୍‌ନିଃ କାଏ ମାରାଙ୍ଗ୍‌ଆଁ ? ମେନ୍ଦ ଆଇଙ୍ଗ୍ ଆପେୟାଃ ଆଲାରେ ମିଆଁଦ୍ ଦାସିଲେକାଃଇଙ୍ଗ୍ ।

୨୮ “ଆଇଁୟାଃ ବିନିଡ଼ାଅକରେ ଆଇଙ୍ଗ୍‌ଲଃ ତାଇକାନ୍‌କ ଆପେଗି ତାନ୍‌ପେ । ୨୯ ଆତଃ ଆପୁଇଙ୍ଗ୍ ଆଇଙ୍ଗ୍‌କେ ରାଇଜ୍ ଚିକାଏରେୟାଃ ଆକ୍‌ତେୟାର୍ ଏମାକାଦିଙ୍ଗ୍ ଲେକା ଆଇଙ୍ଗ୍‌ହ୍ ଆପେକେ ଆକ୍‌ତେୟାର୍ ଏମାପେତାନାଇଙ୍ଗ୍, ୩୦ ✨ଜେ'ଲେକାଚି, ଆପେ ଆଇଁୟାଃ ରାଇଜ୍‌ରେ ଆଇଁୟାଃ ମେଜ୍‌ରେପେ ଜମ୍‌ନୁଁଏୟା ଆତଃ ରାଜଗାଦିରେ ଦୁବ୍‌କେଦ୍‌ତେ ଇସ୍ରାଏଲ୍‌ରେନ୍ ବାରା କିଲିକଆଃପେ ବିଚାରେୟା ।

---

✨ ୨୨:୨୪ ୨୨:୨୪ ମାଥୁଉ ୧୮:୧; ମାର୍କ ୯:୩୪; ଲୁକ ୯:୪୭. ✨ ୨୨:୨୬ ୨୨:୨୬ ମାଥୁଉ ୨୩:୧୧; ମାର୍କ ୯:୩୫. ✨ ୨୨:୨୭ ୨୨:୨୭ ମାଥୁଉ ୨୦:୨୫-୨୭; ମାର୍କ ୧୦:୪୨-୪୪. ✨ ୨୨:୨୭ ୨୨:୨୭ ଯୋହାନ୍ ୧୩:୧୨-୧୫. ✨ ୨୨:୩୦ ୨୨:୩୦ ମାଥୁଉ ୧୯:୨୮.

ପାତ୍ରରାସ୍ ଯୀଶୁକେ କାଇଙ୍ଗ୍ ସାରିଆ ମେନ୍ତେ କାଜିତେୟାଃକେ ଯୀଶୁ ଆୟାତ୍‌କାଜି\* କାଜିତାନା

(ମାଥୂ ୨୭:୩୧-୩୫; ମାର୍କ ୧୪:୨୭-୩୧; ଯୋହାନ୍ ୧୩:୩୭-୩୮)

୩୧ “ଏ ଶିମୋନ୍, ଏ ଶିମୋନ୍, ନେଲେମ୍ ଚାଷି ଗହମ୍‌କେ ହାଟାଃରେ କେଲାଅକେଦ୍‌ତେ ପେଟେଃକେ ଆତମେଲେକା, ଆପେକେ ବିଡ଼ାଅ ମେନ୍ତେ ସାଏତାନ୍‌ହଗି ବୁଗିନ୍ ହଡ଼କତାଃଏତେ ଏଡ଼କାନ୍ ହଡ଼କକେ ଆଲ୍‌ଗାଅରେୟାଃ ଆନ୍‌ବୁଇ ନାମାକାଦା ।

୩୨ ମେନ୍‌ଦ ଆମାଃ ବିଶ୍ୱାସ୍ ଆଲକା ଚାବାଃଅ ମେନ୍ତେ ଆଇଙ୍ଗ୍ ଆମାଃ ନାଗେନ୍ତେଇଙ୍ଗ୍ ବିକ୍ରିୟାକାଦାଃ, ଆତଃ ଆମ୍ ରୁହାଡ଼ରେଦ ଆମାଃ ହାଗାକକେ ପକ୍‌ତାକମେ ।”

୩୩ ମେନ୍‌ଦ ପାତ୍ରରାସ୍ କାଜିକିୟାଏ, “ହେ ପ୍ରାଭୁ ଆମ୍‌ଲଃ ଜେହେଲ୍‌ତେ ସେନ୍ ଆତଃ ଗଜଃ ନାଗେନ୍ତେ ସାପଡ଼ାଅକାନାଇଙ୍ଗ୍ ।”

୩୪ ଯୀଶୁ ମେତାଇଜାଏ, “ଏ ପାତ୍ରରାସ୍, ତିସିଙ୍ଗି ସାଣ୍ଡିସିମ୍ ରାଆଃ ସିଦାରେ ଆପିସା ଇନିଃକେ କାଇଙ୍ଗ୍ ସାରିୟାଃ ମେନ୍ତେମ୍ ମେନେୟା, ନେଆଁଇଙ୍ଗ୍ ମେତାମ୍‌ତାନା ।”

ପାଏସାମୁନା, ଆଇଲା, ଆତଃ ତାରାଉଡ଼ି

୩୫ ☆ମେନ୍ତେ ଯୀଶୁ ଆୟାଃ ତେଲାକକେ କୁଲିକେଦକଆଏ, “ଆଇଙ୍ଗ୍ ଆପେକେ ବେଗାଟ୍ ପାଏସାମୁନା, ଆଇଲା, ଆତଃ ଖାଟ୍‌ପାତେଇଙ୍ଗ୍ କୁଲିକେଦ୍‌ପେରେ, ଚିୟାଃ ଜେଡ଼ନାଃତେପେ ଜାଞ୍ଜିୟାନା† ?” “ଜେଡ଼ନାଃତେ କାହା” ମେନ୍ତେକ କାଜିରୁହାଡ଼କିୟା ।

୩୬ ଯୀଶୁ ଇନ୍‌କୁକେ ମେତାଦକଆଏ, “ମେନ୍‌ଦ ନାହାଁଃ ପାଏସାମୁନା ତାଇନିଃଏନା ଇଦିକାଏ, ଆତଃ ଆଇଲାହ୍, ଆତଃ ଅକଏତାଃରେ ତାରାଉଡ଼ି ବାନଆଃ ଇନିଃ ଆୟାଃ ଲିଜାଃ ଆଖିରିଙ୍ଗ୍‌କେଦ୍‌ତେ ମିଆଁଦ୍ କିରିଙ୍ଗ୍‌ୟେକାଏ । ୩୭ ନେଆଁ ଧାରାମ୍‌ପୁଅରେ ଅଲାକାନା, ‘ଇନିଃ କା ଧାର୍‌ମାନ୍ ହଡ଼କଲଃ ଲେକାୟାନାଏ,’ ଆତଃ ଆଇଙ୍ଗ୍ ମେତାପେ ତାନାଇଙ୍ଗ୍, ନେଆଁ ଆଇଁୟାଃରେ ହବାଅଃଗିୟା । ହେଗି, ଧାରାମ୍‌ପୁଅରେ ଆଇଁୟାଃ ବିଷାଏରେ ଅଲାକାନ୍‌ତେୟାଃଦ ସାର୍‌ଡିଗି ହବାଅଃଗିୟା ।”

\* ୨୨:୩୦ ୨୨:୩୧ ହବାଃଅ ସିଦାରେ କାଜିତେୟାଃ ☆ ୨୨:୩୫ ୨୨:୩୫ ମାଥୂ ୧୦:୯,୧୦; ମାର୍କ ୭:୮,୯; ଲୁକ ୯:୩; ୧୦:୪. † ୨୨:୩୫ ୨୨:୩୫ ଘାଟିୟାନା



୩୮ ଚେଲାକ କାଜିକିୟାଃକ, “ହେ ପ୍ରାଭୁ, ନେଲେମେ ବାରିଆ ତାରାଉଡ଼ି ନେତାଃରେୟା ।” ଇନିଃ ମେତାଦକଆଏ, “ଇମ୍ନାଙ୍ଗରେ ହବାକଆଃ ।”

ଜାଲ୍‌ପାଇ ବୁରୁରେ ଯୀଶୁଆଃ ବିକ୍ରି

(ମାଥୂଉ ୨୭:୩୭-୪୭; ମାର୍କ ୧୪:୩୨-୪୨)

୩୯ ଯୀଶୁ ସାହାରହେତେ ଅତଙ୍ଗୟାନ୍‌ଲଃ ସବେନ୍ ହୁଲାଇଁ ସେନଃତାନ୍‌ଲେକା ଜାଇତୁନ୍ ବୁରୁତେ ସେନଃୟାନା, ଆଡ଼ଃ ଇନିୟାଃ ଚେଲାକହ ଅତଙ୍ଗକିୟାକ । ୪୦ ଏନ୍ ଠାୟାଦ୍‌ରେ ସେଟେରୟାନ୍‌ଡ଼ି ମେତାଦକଆଏ, “ବିଡ଼ାଅରେ ଆଲ୍‌ପେ ଉୟୁଗଃକା ମେନ୍ତେ ବିକ୍ରିପେ ।”

୪୧ ଯୀଶୁ ମିଆଁଦ୍ ଦିରିହୁଦମାଃ ଇମ୍ନାଙ୍ଗ୍ ସାଜିନ୍ ଇନ୍‌କୁଏତେ ଆତମ୍‌ୟାନାଏ, ଆଡ଼ଃ ଇକ୍‌ଡ଼ମୁକେଦ୍‌ତେ ବିକ୍ରିକେଦାଏ । ୪୨ “ହେ ଆବା, ଆମ୍ ସାନାଙ୍ଗ୍‌ରେଦ ନେ କାଟୋରା ଆଇଙ୍ଗ୍‌ଏତେ ଆତମ୍‌ମେ, ଏନ୍‌ରେୟ ଆଇଁୟାଃ ସାନାଙ୍ଗ୍‌ଲେକାଦ କାହା ମେନ୍‌ଦ୍ ଆମାଃ ସାନାଙ୍ଗ୍‌ଲେକା ହବାଅଃକା ।” ୪୩ ସିର୍ମାସାଃଏତେ ମିଆଁଦ୍ ସିର୍ମାରେନ୍ ଦାସି ଇନିଃକେ ପେଡେଜି ନାଗେନ୍ତେ ଇନିଃତାଃତେ ହିଜୁଃୟାନା । ୪୪ ଆଡ଼ଃ ଯୀଶୁ ପୁରାଃ ଦୁକୁୟାନ୍ତେ ପୁରାଃଗି ବିକ୍ରିଗରୋଙ୍ଗ୍‌କେଦାଃଏ ଆଡ଼ଃ ଇନିୟାଃ ବାଲ୍‌ବାଲ୍‌ଦାଆଃ ଅତେରେ ଜରତାନ୍ ସାକିଦ୍ ମାୟୋମ୍‌ଲେକାୟାନା ।‡

୪୫ ଇନିଃ ବିକ୍ରିକେଦ୍‌ତେ ବିରିଦ୍‌ୟାନାଏ ଆଡ଼ଃ ଆୟାଃ ଚେଲାକତାଃ ରୁହାଡ଼ୟାନ୍‌ଡ଼ି, ଇନ୍‌କୁକେ ଦୁଡ଼ମୁକାନ୍ ନାମ୍‌କେଦକଆଏ, ଆଡ଼ଃ ହୁଡ଼ିଙ୍ଗ୍‌ଜାଉୟାନାଏ । ୪୬ ଇନିଃ କୁଲିକେଦକଆଏ, “ଚିନାଃମେନ୍ତେପେ ଦୁଡ଼ମୁତାନା ? ମାର୍ ବିରିଦ୍‌ପେ ଆଡ଼ଃ ବିଡ଼ାଅରେ ଆଲ୍‌ପେ ଉୟୁଗଃକା ମେନ୍ତେ ବିକ୍ରିପେ ।”

ୟୀଶୁଆଃ ସାବ୍‌ଇଦିୟଃ

(ମାଥୂଉ ୨୭:୪୭-୫୭; ମାର୍କ ୧୪:୪୩-୪୯; ଯୋହାନ୍ ୧୮:୨-୧୧)

୪୭ ଯୀଶୁ ନେଆଁ କାଜିତାନ୍ ତାଇକେନ୍ ଇମ୍‌ତାଗି ନେଲେପେ ଗାଦେଲହଡ଼କ ହିଜୁଃୟାନା, ଆଡ଼ଃ ଗେଲ୍‌ବାର୍ ଚେଲାକଏତେ ଯିହୁଦା ନୁତୁମ୍ ମିଆଁଦ୍ ଚେଲା ଇନ୍‌କୁକେ ଆୟାର୍‌ତେ ଆଉକେଦକଆ

‡ ୨୨:୪୪ 22:44 ଚିନିନ୍ ମାରି ଅନଲ୍‌କରେ ୪୩-୪୪ ପଦ ବାନ୍‌ଃଆ

ଆତ୍ମ ସ୍ୱାସ୍ଥ୍ୟକୁ ଚିନ୍ତା ନାକରି ଇନିଷତାରେ ନାଡ଼େଇଯାନ୍ତା,  
୪୮ ମେନ୍ଦ ଦୟାଶୀଳ ମେତାଜାଏ, “ଏ ଯିହୁଦା, ଚିନ୍ତା ଆମ୍ଭ  
ମାନସ୍ତ୍ରାହନକେ ଚିନ୍ତାକରାନ୍ତମ୍ଭ ସାବଧାନତା?”

୪୯ ଯୀଶୁଲକ୍ଷ୍ମୀ ତାଙ୍କେନ୍ଦ୍ର ହବାଅଃତେୟା ନେଲକେଦତେ  
କାଳିକିୟାକ, “ହେ ପ୍ରାଭୁ ଚିନ୍ତା ଆଲେ ତାରାଉଡ଼ିତେଲେ  
ମାଆକଥା ? ୫୦ ଆତ୍ମ ଲକ୍ଷ୍ମୀତେ ମିଆଁଦନିଃ ମାରାକ୍ ଯାଜାକଥା  
ଦାସିରା ଜମ୍ ଲୁହୁରକେ ମାଆଖାଣ୍ଡାଅକେଦାଏ ।” ୫୧ ମେନ୍ଦ  
ୟୀଶୁ କାଳିରୁହାଡ଼କେଦାଏ, “ନେଆଁଦ କାହା” ଆତ୍ମ ଏନ୍ ଦାସିଆ  
ଲୁହୁର ଜୁଟିଦକେଦତେ ଇନିଷକେ ବୁଗିକିୟାଏ । ୫୨ ଏନ୍ତେ ଯୀଶୁ  
ଆୟାତ୍ତାତ୍ତ ହିନ୍ଦୁଆକାନ୍ ମାରାକ୍ ଯାଜାକକ, ମାନ୍ଦିର ହରକଥା  
ଗୁସିୟାକ, ଆତ୍ମ ପ୍ରାଚିନକକେ କାଳିୟାଦକଥାଏ, “ଚିନ୍ତା ଆପେ  
କୁମ୍ଭୁସ୍ତୁସ୍ତାବଲେକା ତାରାଉଡ଼ି ଆତ୍ମ ଉଚ୍ଚାଚ୍ଚ ସାବଧାନତେପେ  
ହିନ୍ଦୁଆକାନ୍ ? ୫୩ \*ସବେନ୍ ହୁଲକ୍ ଆଇକ୍ ମାନ୍ଦିରରେ ଆପେଲକ୍ଷ୍ମୀ  
ତାଙ୍କେନ୍ଦ୍ରମତା ଆପେ ଆଇକ୍ରେ ଡିକ୍ଷକ କାପେ ଜିଲିକ୍କେଦା  
। ମେନ୍ଦ ନେଆଁ ଆପେୟା ସାମାଏ ତାନା ଆତ୍ମ ନୁବାଃରେୟା  
ରାଜକତାନା ।”

ପାଦରାସ୍ ଆଇକ୍ ଯୀଶୁକେ କାଲକ୍ ସାରିୟା ମେନ୍ତେ  
କାଳିତାନାଏ

(ମାଥୱ ୨୨:୫୭-୫୮, ୨୯-୨୫; ମାର୍କ ୧୪:୫୩-୫୪, ୨୭-୨୨;  
ଯୋହାନ୍ ୧୮:୧୨-୧୮, ୨୫-୨୭)

୫୪ ଇନ୍ଦ୍ରୁ ଯୀଶୁକେ ସାବଧାନତାରେ ମାରାକ୍ ଯାଜାକକଥା  
ଅତ୍ତାତେକ ଇଦିକିୟା, ଆତ୍ମ ପାଦରାସ୍ ସାଜିନ୍ରେ  
ତାଙ୍କେଦତେ ଦୟା ଦୟା ଇନିଷକେ ଅତକ୍ଷିୟା । ୫୫ ମେନ୍ଦ  
ଇନ୍ଦ୍ରୁ ଅତ୍ତାତାରେ ସେକ୍ଷେଲ୍ଡିକ୍କେଦତେ ସବେନ୍ଦ୍ର  
ଦୁବୟାନ୍ତା, ଆତ୍ମ ପାଦରାସ୍ ଇନ୍ଦ୍ରୁଲକ୍ଷ୍ମୀ ଦୁବୟାନ୍ତାଏ । ୫୬ ମିଆଁଦ  
କାମ୍ବୁଟି ଇନିଷକେ ସେକ୍ଷେଲ୍ଡାପାରେ ଦୁବାକାନ୍ ନେଲ୍ଡିକ୍ଷତେ  
ନେଲ୍ଡାକିୟାଏ ଆତ୍ମ ମେନ୍ଦକେଦାଏ, “ନିଃ ହଗି ଯୀଶୁଲକ୍ଷ୍ମୀ  
ତାଙ୍କେନାଏ ।” ୫୭ ମେନ୍ଦ ଇନିଷ ଦଦାଦତାନ୍ତା କାଳିକିୟାଏ,  
“ଏ କୁଡ଼ି ଆଇକ୍ଦ ଇନିଷକେ କାଲକ୍ ସାରିୟା ।”

☆ ୨୨:୫୩ ୨୨:୫୩ ଲୁକ ୧୯:୪୭; ୨୧:୩୭. § ୨୨:୫୨ ୨୨:୫୨ ଦାସିକୁଡ଼ି

୫୮ ଆତ୍ମତ୍ୟାଗ୍ରାଣୀତାଦ୍ ତାୟମ୍ତେ ଏଟାଃ ହତ୍ତ୍ଵ ଇନିଃକେ ନେଲ୍ଲକିଦ୍ତେ ମେତାଭଜାଏ, “ଆମ୍ ହ ଇନ୍କୁଏତେ ମିଆଁଦ୍ନିଃ ତାନ୍ମେ ।” ମେନ୍ଦ ପାତ୍ତରାସ୍ କାଜିକିୟାଏ, “ଏ ହତ୍ତ୍ଵ ଆଇଙ୍ଗ୍ଦ ନାହାଲିଙ୍ଗ୍ ।”

୫୯ ମିଦ୍ଘାଶ୍ଵାଲେକା ତାୟମ୍ତେ ଆତ୍ମ ଏଟାଃନିଃ କାଜିକେଦାଏ, “ସାର୍ତ୍ତ୍ଵିନି ନିଃହ ଇନିଃଲଃ ତାଇକେନାଏ, ନିଃଦ ଗାଲିଲ୍ରେନ୍ ନିଃ ତାନିଃ ।” ୬୦ ମେନ୍ଦ ପାତ୍ତରାସ୍ କାଜିରୁହାଡ୍କିୟାଏ, “ଏ ହତ୍ତ୍ଵ, ଆମ୍ କାଜିତାନ୍ତେୟାଃ କାଇଙ୍ଗ୍ ସାରିୟାଃ ।” ପାତ୍ତରାସ୍ ନେଆଁ କାଜିତାନ୍ ଇମ୍ତାଗି ସାଣ୍ଡିସିମ୍ ରାଆଃକେଦାଏ । ୬୧ ଏନ୍ତେ ପ୍ରାଭୁ ହେତାରୁହାଡ୍କେଦ୍ତେ ପାତ୍ତରାସ୍କେ ଆରିଦ୍କିୟାଏ, ଏନ୍ତେ ପାତ୍ତରାସ୍ ସାଣ୍ଡିସିମ୍ ରାଆଃ ସିଦାରେ ଆପିସା ଆଇଙ୍ଗ୍ ଇନିଃକେ କାଇଙ୍ଗ୍ ସାରିୟାଃ ମେନେୟାମ୍ ମେନ୍ତେ ପ୍ରାଭୁ କାଜିକାନ୍ କାଜିକେ ପାହାମ୍କେଦାଏ । ୬୨ ଆତ୍ମ ପାତ୍ତରାସ୍ ଅତ୍ତଙ୍ଗ୍ୟାନ୍ତେ କୁସୁଦ୍ କୁସୁଦ୍ ରାଆଃକେଦାଏ ।

**ୟୀଶୁକେ ଲାନ୍ଦାକିୟାଃକ ଆତ୍ମ ଦାଲ୍କିୟାଃକ**

(ମାଥ୍ ୨୨:୨୭-୨୮; ମାର୍କ ୧୪:୨୫)

୨୭ ୟୀଶୁକେ ସାବାକାଇ ହତ୍ତ୍ଵକ ଲାନ୍ଦାକିୟାଃକ ଦାଲ୍କିୟାଃକ । ୨୮ ଇନିୟାଃ ମେଦ୍ ତଲ୍ଲଜାପିଦ୍କିଃକେ କୁଲିକିୟାଃକ, “ଆମ୍ ପରେ ନାବୀ ତାନ୍ମେ, ମାର୍ ଉଦୁବାଲେମ୍, ଅକଏ ଆପ୍ଡିକେଦ୍ମେୟାଏ ।” ୨୯ ଆତ୍ମ ଏଟାଃ ଏଟାଃ ପୁରାଃ ହିଲାଇଙ୍ଗ୍କାଜି ଇନିୟାଃ ବିରୁଧ୍ରେକେ କାଜିକେଦା ।

**ୟୀଶୁକେ ମାରାଙ୍ଗ୍ ଯାଜାକ୍ଆଃ ପାଞ୍ଚେଟ୍ତେକ ଆଉକିୟା**

(ମାଥ୍ ୨୨:୫୯-୬୨; ମାର୍କ ୧୪:୫୫-୬୪; ଯୋହାନ୍ ୧୮:୧୯-୨୪)

୬୨ ଆଙ୍ଗ୍ୟାନ୍ଲଃଗି ହତ୍ତ୍ଵକଆଃ ପ୍ରାତିନକ ଆତ୍ମ ମାରାଙ୍ଗ୍ ଯାଜାକ୍, ଆଇନ୍ ଇତ୍ତକ ହୁଣ୍ଡିୟାନ୍ ଆତ୍ମ ୟୀଶୁକେ ଆକଆଃ ପାଞ୍ଚେଟ୍ତେ ଇଦିକିୟାଃକ । ୬୩ “ଆମ୍ ଖ୍ରୀଷ୍ଟ୍ ତାନ୍ମେରେଦ୍ ମାର୍ କାଜିୟାଲେମ୍” ମେନ୍ତେ କାଜିକିୟାକ, ୟୀଶୁ ମେନ୍ରୁହାଡ୍ଦାଦ୍କଆଏ, “ଆଇଙ୍ଗ୍ ଆପେକେ କାଜିୟାପେରେହ୍ ଆପେ କାପେ ବିଶ୍ଵାସେୟା, ୬୪ ଆତ୍ମ ଆଇଙ୍ଗ୍ ଜେଡ୍ନାଃଇଙ୍ଗ୍ କୁଲିପେରେୟ ଆପେ କାପେ କାଜିରୁହାଡ୍ଦାଇୟାଃ । ୬୫ ମେନ୍ଦ ନାହାଃଏତେ ମାନଞ୍ଜାହନ୍ ସବେନ୍

ପେଡ଼େୟାନ୍ ପାର୍ମେଶ୍ଵାରୀଆଃ ଜମ୍ଭିସାଃରେ ଦୁବାକାନ୍ ନେଲଃଆଏ ।”

<sup>୭୦</sup> ଆଡ଼ଃ ସବେନ୍ କୁଲିକିୟାଃକ, “ତାବ୍ଦ, ଚିୟାଃ ଆମ୍ ପାର୍ମେଶ୍ଵାରୀଆଃ ହନ୍ ତାନ୍ମେ ?” ଇନିଃ ମେତାଦ୍‌କଆଏ, “ଆମ୍ ଇନିଃଗି ତାନ୍ମେ ମେନ୍ତେ ଆପେଗିପେ କାଜିତାନା ।”

<sup>୭୧</sup> ଏନ୍ତେ ଇନ୍‌କୁ ମେନ୍‌କେଦାଃ, “ନାହାଁଃଦ ଆବୁଆଃ ଆଡ଼ଃ ଚିକାନ୍ ଗାଞ୍ଜା ଲାଗାତିଙ୍ଗୟାଁଃ ? ଆବୁଦ ଇନିୟାଃ ମଟାଏତେଗି ଆୟୁମ୍‌କେଦାଃରୁ ।”

## ୨୩

ୟୀଶୁକେ ପିଲାତୁସ୍‌ତାଃତେକ ଆଉକିୟା

(ମାଥୂଃ ୨୭:୧,୨,୧୧-୧୪; ମାର୍କ ୧୫:୧-୫; ଯୋହାନ୍ ୧୮:୨୮-୩୮)

<sup>୧</sup> ସବେନ୍ ପାଞ୍ଚେଟ୍‌ରେନ୍‌କ ବିରିଦ୍‌ୟାନ୍ତେ ଯୀଶୁକେ ପିଲାତୁସ୍‌ତାଃତେକ ଇଦିକିୟାଃ । <sup>୨</sup> ଆଡ଼ଃ ଇନ୍‌କୁ ଇନିଃକେ ଚିଟାଈତାନ୍‌ଲଃ କାଜିକେଦାକ, “ନେ ହଡ଼, କାଈସାରକେ କାର୍ ଆଲପେ ଏମାଈ ମେନ୍ତେ ହଡ଼କକେ ଉସ୍‌କୁରକ ତାନ୍ ଆଡ଼ଃ ଆପାନ୍‌କେ ଖ୍ରୀଷ୍ଟ, ରାଜା ମେନ୍ତେ କାଜିନ୍‌ତାନ୍‌ଲେ ଆୟୁମ୍‌କାଈଜା ।”

<sup>୩</sup> ଏନ୍ତେ ପିଲାତୁସ୍ ଯୀଶୁକେ କୁଲିକିୟାଏ, “ଆମ୍ ଚିନାଃ ଯିହୁଦୀକଆଃ ରାଜାତାନ୍‌ମେଁ ?” ଯୀଶୁ କାଜିରୁହାଡ଼କିୟାଏ “ଆମ୍‌ଗିମ୍ କାଜିତାନା ।”

<sup>୪</sup> ଏନ୍ତେ ପିଲାତୁସ୍ ମୁଲ୍ ଯାଜାକ୍‌କକେ ଆଡ଼ଃ ଗାଦେଲ୍ ହଡ଼କକେ କାଜିୟାଦ୍‌କଆଏ, “ନେ ହଡ଼ରେ ଜେତାନ୍ ଗୁହ୍ନାଁ କାଈଙ୍ଗ୍ ନାମେତାନା ।”

<sup>୫</sup> ମେନ୍‌ଦ ଇନ୍‌କୁ ଆଡ଼ଃପୁରାଃଗି କାଜିକେଦାଃକ, “ଇନିଃ ଗାଲିଲ୍‌ଏତେ ନେତାଃ ଜାକେଦ୍ ଗଟା ଯିହୁଦାରେନ୍‌କକେ ଇଡ଼କତାନ୍‌ଲଃ ଉସ୍‌କୁରକତାନା ।”

ପିଲାତୁସ୍ ଯୀଶୁକେ ହେରୋଦ୍‌ତାଃତେ କୁଲିକିୟାଏ

<sup>୬</sup> ପିଲାତୁସ୍ ଗାଲିଲ୍ ନୁତୁମ୍ ଆୟୁମ୍‌କେଦ୍‌ଚି କୁଲିକେଦ୍‌କଆଏ, “ଚିୟାଃ ନେ ହଡ଼ ଗାଲିଲ୍‌ରେନ୍ ତାନିଃଚି ?” <sup>୭</sup> ଯୀଶୁ ହେରୋଦ୍‌ଆଃ ରାଈଜ୍‌ରେନ୍ ତାନିଃ ନେଆଁ ଆଟ୍‌କାର୍‌କେଦ୍‌ଚି ପିଲାତୁସ୍ ଇନିଃକେ ହେରୋଦ୍‌ତାଃତେ କୁଲିକିୟାଏ । ଇନିଃଦ ଏନ୍‌ହୁଲାଙ୍ଗ୍‌ରେ

ଯୀରୁଶାଲେମ୍‌ରେ ତାଙ୍କେନାଏ । ୮ ଆଡ଼ଃ ହେରୋଦ୍ ଯୀଶୁକେ ନେଲ୍‌କିଃତେ ପୁରାଃଗି ରାସ୍‌କାୟାନାଏ, ଇନିଃଦ୍ ଯୀଶୁଆଃ କାଜିକାମି ବିଷାଏରେ ଆୟୁମାକାଦ୍ ତାଙ୍କେନାଏ, ଏନାନାଗେନ୍ତେ ଇନିଃ ଯୀଶୁକେ ନେନେଲ୍ ସାନାଙ୍ଗତାନାଏ ତାଙ୍କେନା, ଆଡ଼ଃ ଆଇଙ୍ଗ୍ ଇନିୟାଃ ଜେତାନ୍ ମାରାଙ୍ଗ୍ ପେଡ଼େୟାନ୍ କାମି ନେଲେଆଇଙ୍ଗ୍ ମେନ୍ତେ ଆସ୍ରାଏତାନା ତାଙ୍କେନା । ୯ ଏନାନାଗେନ୍ତେ ହେରୋଦ୍ ଇନିଃକେ ପୁରାଃ କାଜିକ କୁଲିକିୟାଏ, ମେନ୍‌ଦ୍ ଯୀଶୁ ଜେଡ୍‌ନାଃ କାଏ କାଜିରୁହାଡ଼କିୟା । ୧୦ ମାରାଙ୍ଗ୍ ଯାଜାକକ ଆଡ଼ଃ ଆଇନ୍ ଇତୁକ ତିଙ୍ଗୁୟାନ୍ତେ ପୁରାଃଗି ଇନିଃକେ ଚିଟାକିୟାଃକ । ୧୧ ଏନ୍ତେ ହେରୋଦ୍ ଆଡ଼ଃ ଆୟାଃ ସିପାଇକଲଃ ଇନିଃକେ ହିନିସ୍ରାକିଃତେ ଲାୟାକିୟାଃକ ଆଡ଼ଃ ରାଙ୍ଗ୍ ଲିଜାଃ ତୁସିଙ୍ଗିକିଃତେ ପିଲାତୁସ୍‌ତାଃତେକ କୁଲ୍‌ରୁହାଡ଼କିୟାଃ । ୧୨ ଏନ୍ ହୁଲାଙ୍ଗି ପିଲାତୁସ୍ ଆଡ଼ଃ ହେରୋଦ୍ ବାରାନ୍‌କିନ୍ ଗାତିୟାନାକିନ୍, ସିଦାଦ୍ ଇନ୍‌କିନ୍ ବାଇରିକିନ୍ ତାଙ୍କେନା ।

**ୟୀଶୁଆଃ ଗନଏଃ ସାର୍‌ତିଗି ତାନାଃ**

(ମାଥୂ ୨୭:୧୫-୨୬; ମାର୍କ ୧୫:୬-୧୫; ଯୋହାନ୍ ୧୮:୩୯-୧୯:୧୬)

୧୩ ପିଲାତୁସ୍, ମାରାଙ୍ଗ୍ ଯାଜାକକକେ, ହାକିମ୍‌କେ ଆଡ଼ଃ ହଡ଼କକେ କେଡ଼ାହୁଣ୍ଡିକେଦକଆଏ, ୧୪ ଆଡ଼ଃ କାଜିୟାଦକଆଏ, “ନିଃ ହଡ଼କକେ ବାଗ୍‌ଡ଼ାଅନିଃ ତାନିଃ ମେନ୍ତେ ଆପେ ଆଇୟାଃତାଃପେ ଆଉକିୟା । ଆଡ଼ଃ ନେଲେପେ ଆପେୟାଃ ଆୟାର୍‌ରେଗି କୁଲିକିୟାଇଙ୍ଗ୍, ମେନ୍‌ଦ୍ ଆପେ ଚିଟାଇତାନ୍ ଜେତାନ୍ ଗୁଣ୍ଟା ନିଃରେ କାଇଙ୍ଗ୍ ନାମ୍‌କେଦାଃ । ୧୫ ଆଡ଼ଃ ହେରୋଦ୍‌ହ କାଏ ନାମାକାଦାଃ, ଏନାତେ ଇନିଃ ନିଃକେ ଆବୁତାଃତେ କୁଲ୍‌ରୁହାଡ଼କିୟାଃ, ନେଲେପେ ଗଜିଲେକାନ୍ ଜେତାନ୍‌କାମି ନିଃ କାଏ କାମିୟାକାଦାଃ । ୧୬ ଏନାମେନ୍ତେ ଆଇଙ୍ଗ୍ ହାଣ୍‌ସାକିଃତେ ଆଡ଼ଃଈୟା ।” ୧୭ ଏନ୍ ପାରାବ୍‌ରେ ହଡ଼କ ନାଗେନ୍ତେ ମିଆଁଦ୍ ହଡ଼କେ ଆଡ଼ଃଈ ଲାଗାତିଙ୍ଗ୍ ତାଙ୍କେନା ।\*

\* ୨୩:୧୭ ୨୩:୧୭ ନେ ପଦ ଚିନିନ୍ ମାରି ଅନଲ୍‌କରେ ବାନଆଃ

୧୮ ଆଡ଼ଃ ସବେନକ ମିଦୟାନ୍ତେ କାଉରିକେଦାଃକ, “ନେ ହଡ଼କେ ଗଜିମେଁ ଆଡ଼ଃ ବାରବବାକେ ଆଲେ ନାଗେନ୍ତେ ଆଡ଼ଃଇମେ ।”  
 ୧୯ ହାତୁରେ ହବାଲେନ୍ ହାଲାଗୁଲା ଆଡ଼ଃ ହଡ଼ ଗଏଃକେନ୍ ନାଗେନ୍ତେ ବାରବବା ଜେହେଲାକାନାଏ ତାଇକେନା ।

୨୦ ପିଲାତୁସ୍ ଯୀଶୁକେ ଆଡ଼ଃଇ ନାଗେନ୍ତେ ସାନାଙ୍ଗକିୟା ଏନାମେନ୍ତେ ଆଡ଼ଃଗି ହଡ଼କକେ କାଜିୟାଦକଆଏ । ୨୧ ମେନ୍ଦ ଇନ୍କୁ କାଉରିକେଦାଃକ, “କୁଶ୍ରେ କିଲାଇମେ, କୁଶ୍ରେ କିଲାଇମେ ।”

୨୨ ଏନ୍ତେ ପିଲାଡ଼ ଆପିସାତେ କାଜିୟାଦକଆଏ, “ଟିକା ନାଗେନ୍ତେ, ନେ ହଡ଼ ଟିକାନ୍ ଏଡ଼କାନ୍ କାମିୟାକାଦାଏ ? ଆଇଙ୍ଗ ଗଜିଲେକାନ୍ ଜେତାନ୍ ଗୁହ୍ନାଁ ଇନିଃରେ କାଇଙ୍ଗ୍ ନାମାକାଦା, ଏନାମେନ୍ତେ ଇନିଃକେ ହାଁଣସାକିଃତେଇଙ୍ଗ୍ ବାଗିୟା ।”

୨୩ ମେନ୍ଦ ଇନ୍କୁ ପୁରାଃଗି କାଉରିତାନ୍ଲଃ ଯୀଶୁକେ କୁଶ୍ରେ ରାକାବିମେଁ ମେନ୍ତେ ଆସିତାନ୍କ ତାଇକେନା, ଆଡ଼ଃ ଇନ୍କୁଆଃ କାଉରିରେୟାଃ ଜିନିତାଏ ହବାୟାନା । ୨୪ ଏନ୍ତେ ପିଲାତୁସ୍, ଇନ୍କୁ ଆସିତାନ୍ ଲେକା ରିକାଏପେ ମେନ୍ତେ ଆରୁକେଦାଏ ।

**ୟୀଶୁକେ ଗଲ୍ଗାଆତେକ ଇଦିତାନ୍**

୨୫ ଇନିଃ ଇନ୍କୁ ଆସିତାନ୍ ହଡ଼କେ, ଅକଏଟି ହାଲାଗୁଲା ଆଡ଼ଃ ହଡ଼ ଗଏଃକେନ୍ନାଙ୍ଗ୍ ଜେହେଲାକାନ୍ ତାଇକେନାଏ ଇନିଃକେ ଇନ୍କୁ ନାଗେନ୍ତେ ଆଡ଼ଃକିୟା, ମେନ୍ଦ ଯୀଶୁକେ ଇନ୍କୁଆଃ ସାନାଙ୍ଗ୍ ଲେକା ଜିମାକିୟାଏ ।

**ୟୀଶୁକେ କୁଶ୍ରେ କିଲାକିୟାଃକ**

(ମାଥୂର୍ ୨୭:୩୨-୪୪; ମାର୍କ ୧୫:୨୧-୩୨; ଯୋହାନ୍ ୧୯:୧୭-୨୭)

୨୬ ଆଡ଼ଃ ଇନ୍କୁ ଇନିଃକେ ଇଦିତାନ୍ ତାଇକେନ୍ରେ ହାତୁଏତେ ହିଜୁଃତାନ୍ ଶିମୋନ୍ ନୁତୁମ୍ କୁରିନିରେନ୍ ହଡ଼କେ ସାବକିୟାଃକ ଆଡ଼ଃ ଯୀଶୁଆଃ ତାୟମ୍ ତାୟମ୍ତେ କୁଶ୍ ଇଦି ନାଗେନ୍ତେ ଇନିଃକେ ଗଅଃଟିକାକିୟାଃକ ।

୨୭ ପୁରାଃ ହଡ଼କ ଇନିଃକେ ଅତଙ୍ଗକିୟାକ ଇନ୍କୁ ଆଲାରେ ଇନିଃ ନାଙ୍ଗ୍ କୁଡ଼ାମ୍ ଆପ୍ଡି ଆଡ଼ଃ ରାଆଃତାନ୍ କୁଡ଼ିକହ୍ ତାଇକେନାକ । ୨୮ ମେନ୍ଦ ଯୀଶୁ ଇନ୍କୁସାଃ ହେତାରୁହାଡ଼କେଦତେ ଇନ୍କୁକେ

କାଜିୟାଦକଆଏ, “ହେ ଯୀରୁଶାଲେମରେନ୍ କୁଡ଼ିହନ୍କ, ଆଇଁୟାଃ ନାଙ୍ଗ ଆଲ୍‌ପେ ରାଆଃୟା, ମେନ୍‌ଦ ଆପେୟାଃ ଆତଃ ଆପେୟାଃ ହନ୍କ ନାଙ୍ଗ ରାଆଃଏପେ । ୨୯ ନେଲେପେ ଏନ୍ ହୁଲାଙ୍ଗ୍ ହିଜୁଃଆ ଏନାରେ ହଡ଼କ ମେନେଆଁ, ‘କା ହାମ୍‌ଲାଲଃ ଦାଡ଼ିତାନ୍ କୁଡ଼ି ଆତଃ ଚିତ୍‌ଲାହ କା ହାମ୍‌ଲାକାନ୍ ଲାହିଦ୍ ଆତଃ ଚିତ୍‌ଲାହ ତଆ କା ନୁନୁଆକ ସୁକୁତାନ୍‌ଗିଆଃ ।’ ୩୦ ଏନ୍ତେ ଇନ୍‌କୁ କାଜିୟା, ‘ଏ ବୁରୁକ ଆଲେରେ ଉୟୁଗଃପେ ଆତଃ ଏ ଚୁଙ୍ଗୁରିକ ଆଲେକେ ଦାନାଙ୍ଗ୍‌ଲେପେ ।’ ୩୧ ଇନ୍‌କୁ ହାରିୟାର୍ ଦାରୁକେ ନେ’ଲେକାକରେଦ ରହଡ଼ାକାନ୍ ଦାରୁରାଃ ଚିନାଃ ହବାଅଆଃ ?”

୩୨ ଇନ୍‌କୁ ଇନିଃଲଃ ଗଏଃନାଗେନ୍ତେ ଏଡ଼କାନାଃ କାମିକେନ୍ ଆତଃଗି ବାରହଡ଼କିନ୍‌କେ ହ ଇଦିକେଦକିନାକ । ୩୩ ଇନ୍‌କୁ “ବହଃଜାଙ୍ଗ୍” ନୁତୁଫଃତାନ୍ ଠାୟାଦ୍‌ତେ ସେଚେରୁୟାନ୍‌ଚି ଏନ୍ତାଃରେ ଇନିଃକେ ଆତଃ ଏନ୍ ଏଡ଼କାନ୍ କାମିକେନ୍‌କିନ୍‌ଏତେ ମିଆଁଦ୍‌କେ ଇନିୟାଃ ଜମ୍‌ସାଃ ଆତଃ ଏଟାଃନିଃକେ ଲେଙ୍ଗାସାଃରେ କୁଶରେକ କିଲାକେଦକିନା । ୩୪ ଏନ୍ତେ ଯୀଶୁ ମେନ୍‌କେଦାଏ, “ହେ ଆବା ଇନ୍‌କୁକେ ଛାମାକମେଁ, ଚିୟାଃଚି ଇନ୍‌କୁ ଚିନାଃ କାମିତାନାକ ଏନା କାକ ସାରିତାନା ।”† ଆତଃ ଚିଠା ଉୟୁଃକେଦ୍‌ତେ ଇନିୟାଃ ଲିଜାଃକେ ହାଚିଙ୍ଗ୍‌କେଦାଃକ । ୩୫ ହଡ଼କ ତିଙ୍ଗୁୟାନ୍ତେ ନେଲ୍‌ତାନ୍‌କ ତାଇକେନା, ଆତଃ ହାକିମ୍‌କହ ଇନିଃକେ ଲାନ୍‌କିଃତେ ମେନ୍‌କେଦାଃକ, “ଇନିଃଦ୍ ଏଟାଃକକେ ବାଞ୍ଚାଅକେଦକଆଏ, ଇନିଃ ପାର୍‌ମେଶ୍‌ବାର୍‌ଆଃ ସାଲାକାନ୍ ଖ୍ରୀଷ୍ଟ୍ ତାଇନିଃରେଦ ଆପାନ୍‌କେ ବାଞ୍ଚାଅନ୍‌କା ।”

୩୬ ସିପାଇକହ ହିଜୁଃଲେନ୍ତେ ଇନିଃକେ ଲାନ୍‌କିୟାଃକ ଆତଃ ମେହେର୍ ରାସିକ ଆନୁକିୟାଃ, ୩୭ ଆତଃ କାଜିକିୟାକ, “ଆମ୍ ଯିହୁଦୀକଆଃ ରାଜା ତାନ୍‌ମେରେଦ ଆପାନ୍‌କେ ବାଞ୍ଚାଅଏନ୍‌ମେ ।”

୩୮ ଆତଃ “ନିଃ ଯିହୁଦୀକଆଃ ରାଜାତାନିଃ” ମେନ୍ତେ ମିଆଁଦ୍ ଅନଲ୍ ଇନିୟାଃ ଚେତାନ୍‌ରେ ଅଲାକାନ୍ ତାଇକେନା ।

୩୯ ଏନ୍ତେ ହାକାକାନ୍ ଏଡ଼କାନ୍ କାମିକିନ୍‌ଏତେ ମିଆଁଦ୍‌ନିଃ ଯୀଶୁକେ ହିଲାଙ୍ଗ୍‌କିଃତେ କାଜିକିୟାଏ, “ଆମ୍ ଖ୍ରୀଷ୍ଟ୍ ତାନ୍‌ମେରେଦ,

☆ ୨୩:୩୦ ୨୩:୩୦ ଉନୁଦ୍‌ବ୍ କାଜି ୬:୧୭. † ୨୩:୩୪ 23:34 ନେ ପଦ ଚିମିନ୍ ମାରି ଅନଲ୍‌କରେ ବାନଆଃ

ଆପାନ୍‌କେ ଆଡ଼ଃ ଆଲିଙ୍ଗ୍‌କେ ବାସ୍ତାଅଲିଙ୍ଗ୍‌ମେଁ ।”

୪୦ ମେନ୍‌ଦ ଏଟାଃନିଃ ଇନିଃକେ ମାରାଙ୍ଗ୍‌ମଟାକିଦ୍‌ତେ କାଜିରୁହାଡ଼କିୟାଏ, “ଆମ୍‌ହଦ୍‌ ନେ ଲେକା ସାଜାଇ ନାମେତାନାମ୍, ପାର୍‌ମେଶ୍ଵାର୍‌କେ କାଚିମ୍‌ ବରଇତାନା ? ୪୧ ଆଲାଙ୍ଗ୍‌ଦ୍ ଲାଗାତିଙ୍ଗ୍‌ଲେକା ସାଜାଇଅଃତାନାଲାଙ୍ଗ୍, ଆଲାଙ୍ଗ୍‌ କାମିକାଦ୍‌ରେୟାଃ ନାଲାଲାଙ୍ଗ୍‌ ନାମେତାନା, ମେନ୍‌ଦ୍‌ ନିଃ ଜେତାନ୍‌ ଏଡ଼କାନାଃ କାଏ କାମିୟାକାଦା ।” ୪୨ ଏନ୍ତେ ଇନିଃ କାଜିକିୟାଏ, “ହେ ଯୀଶୁ ଆମାଃ ରାଇଜ୍‌ରେମ୍‌ ତେବାଃଇମ୍‌ତା ଆଇଙ୍ଗ୍‌କେ ପାହାମିଙ୍ଗ୍‌ମେଁ ।”

୪୩ ଯୀଶୁ କାଜିରୁହାଡ଼କିୟାଏ, “ସାର୍‌ତିଗି କାଜିୟାମ୍‌ ତାନାଇଙ୍ଗ୍‌, ତିସିଙ୍ଗ୍‌ ଆମ୍‌ ଆଇୟାଃଲଃ ପାରାଦେସ୍‌ରେମ୍‌ ତାଇନାଃ ।”

### ୟୀଶୁଆଃ ଗନଏଃ

(ମାଥୂଉ ୨୭:୪୫-୫୬; ମାର୍କ ୧୫:୩୩-୪୧; ଯୋହାନ୍ ୧୯:୨୮-୩୦)

୪୪ ଇମ୍‌ତା ତିକିନ୍‌ସିଙ୍ଗି ହବାକାନ୍‌ ତାଇକେନା, ଆଡ଼ଃ ତାର୍‌ସିଙ୍ଗ୍‌ ତିନ୍‌ଘାଣ୍ଟା ଜାକେଦ୍‌ ଗଟା ଦିଶୁମ୍‌ ନୁବାଃୟାନା । ୪୫ ସିଙ୍ଗି ହ ନୁବାଃୟାନାଏ, ଆଡ଼ଃ ମାନ୍‌ିର୍‌ ଅଡ଼ାଃରାଃ ହାନାଟିଙ୍ଗ୍‌ ଦାନାଙ୍ଗ୍‌ଲିଜାଃ ଆଲା ଆଲାତେ ଚେଟାଃୟାନା । ୪୬ ଯୀଶୁ ପୁରାଃ କାଉରିକେଦ୍‌ତେ ମେନ୍‌କେଦାଏ, “ହେ ଆବା, ଆଇୟାଃ ଆମ୍‌ ଆମାଃତିଃଇରେଇଙ୍ଗ୍‌ ଜିମାଏତାନା ।” ନେଆଁ କାଜିକେଦ୍‌ତେ ଜୀଉତାୟାଃ ଅଡ଼ଙ୍ଗ୍‌ୟାନା ।

୪୭ ଏନ୍ତେ ମିଦ୍‌ଶାଅ ସିପାଇକଆଃ ଗମ୍‌କେ ନେଆଁ ନେଲ୍‌କେଦ୍‌ତେ ପାର୍‌ମେଶ୍ଵାର୍‌କେ ମାନାରାଙ୍ଗ୍‌କେଦ୍‌ତେ କାଜିକେଦାଏ, “ସାର୍‌ତିଗି ନିଃ ଧାର୍‌ମାନ୍‌ ହଡ଼ ତାଇକେନାଏ ।”

୪୮ ଆଡ଼ଃ ନେଆଁ ନେନେଲ୍‌ନାଗେନ୍ତେ ହୁଣ୍ଟିୟାକାନ୍‌ ସବେନ୍‌ ହଡ଼କ ହବାୟାନ୍‌ତେୟାଃ ନେଲ୍‌କେଦ୍‌ତେ, ଦୁକୁତେ ଆକଆଃ କୁଡ଼ାମ୍‌ ଆପ୍‌ଡ଼ିତାନ୍‌ଲଃ ରୁହାଡ଼ୟାନାକ । ୪୯ ମେନ୍‌ଦ୍‌ ଯୀଶୁଆଃ ସବେନ୍‌ ନେପେଲ୍‌ଉପରୁଙ୍ଗ୍‌କ ଆଡ଼ଃ ଗାଲିଲ୍‌ଏତେ ଅଡ଼ଙ୍ଗ୍‌ଆଡ଼କାଇ କୁଡ଼ିକ ସାଙ୍ଗିନ୍‌ରେ ତିଙ୍ଗ୍‌କେଦ୍‌ତେ ନେଆଁ ନେଲ୍‌ତାନ୍‌କ ତାଇକେନା ।

### ୟୀଶୁକେ ତପାଇତାନାକ

(ମାଥୂଉ ୨୭:୫୭-୬୧; ମାର୍କ ୧୫:୪୨-୪୬; ଯୋହାନ୍ ୧୯:୩୮-୪୨)

☆ ୨୩:୪୯ ୨୩:୪୯ ଲୁକ ୮:୨,୩.



୫୦ ନେଲେପେ ଯିହୁଦୀକଆଃ ହାରାମାଥିୟା ସାହାରରେ ଯୋଷେଫ୍ ନୁତୁମ୍ ମିଆଁଦ୍ ହଡ଼, ଇନିଃ ପାଞ୍ଚେଟ୍ରେନ୍ ମିହୁଡ଼୍, ବୁଗିନ୍ ଆଡ଼ଃ ଧାରମାନ୍ ହଡ଼ ତାଇକେନାଏ । ୫୧ ଯିହୁଦୀକଆଃ ନାଗାରରେନ୍ ହାରାମାଥିୟା ଇନ୍କୁଆଃ ଉଡ଼୍ଠୁ ଆଡ଼ଃ କାମିରେ କାଏ ମେସାକାନ୍ ତାଇକେନା । ଆଡ଼ଃ ଇନିଃ ପାରମେଶ୍ଵାର୍ଆଃ ରାଇଜ୍ ନେଲ୍ହରାତାନାଏ ତାଇକେନା । ୫୨ ଇନିଃ ପିଲାତୁସ୍ତାଃ ସେନଃୟାନ୍ତେ ଯାଶୁଆଃ ଗଏଃ ହଡ଼ମ୍‌କେ ଆସିକିୟାଏ । ୫୩ ଏନ୍ତେ ଇନିଃ ଏନାକେ ଆଡ଼ଗୁକେଦ୍‌ତେ, ଫାର୍ତି ନିରାଲ୍ ଲିଜାଃଲଃ ପଟମ୍‌କେଦାଏ ଆଡ଼ଃ ଦିରିଏତେ ଉରଲେଦ୍ ତପାଗାଡ଼ାରେ ଦହକେଦାଏ, ଏନାରେଦ୍ ଚିତ୍ତଲାହ ଜେତାଏକେ କାକ ତପାକାକ ତାଇକେନା । ୫୪ ଏନ୍ ହୁଲାଙ୍ଗ୍‌ଦ ସାପଡ଼ାଅନ୍ ହୁଲାଙ୍ଗ୍ ତାଇକେନା, ଆଡ଼ଃ ରୁଡ଼ନ୍ ହୁଲାଙ୍ଗ୍ ନୀଡ଼େୟାକାନ୍ ତାଇକେନା ।

୫୫ ଗାଲିଲ୍‌ଏତେ ଯାଶୁଲଃ ହିଜୁଆକାନ୍ କୁଡ଼ିକହ ଅତଙ୍ଗକିୟାକ, ତପାଠାୟାଦ୍ ଆଡ଼ଃ ଇନିୟାଃ ହଡ଼ମ୍ ଚିଲ୍‌କାତେ ଦହାକାନା ଏନାକ ନେଲ୍‌କେଦାଃ । ୫୬ ଏନ୍ତେ ଇନ୍କୁ ରୁହାଡ଼ୟାନ୍ତେ ବୁଗିନ୍ ସହାନ୍ ସୁନୁମ୍‌କ ବାଇକେଦା । ଆଡ଼ଃ ଆନ୍‌ତୁଲେକା ରୁଡ଼ନ୍ ହୁଲାଙ୍ଗ୍‌ରେକ ରୁଡ଼ୟାନା ।

## ୨୪

### ୟାଶୁଆଃ ଜୀଉବିନିରିଦ୍

(ମାଥୁ ୨୮:୧-୧୦; ମାର୍କ ୧୬:୧-୮; ଯୋହାନ୍ ୨୦:୧-୧୦)

୧ ହାପ୍ତାରେୟାଃ ପାହିଲା ହୁଲାଙ୍ଗ୍ ସେତାଃ ଇଦାନ୍ ନୁବାଃ ତାଇକେନ୍ ଇମ୍‌ତା, ଏନ୍ କୁଡ଼ିକ ଆକଆଃ ବାଇୟାକାଦ୍ ବୁଗିନ୍ ସହାନ୍‌ତେୟାଃ ଆଉକେଦ୍‌ତେ ତପାଗାଡ଼ା ଠାୟାଦ୍‌ତାଃକ ସେନଃୟାନା । ୨ ଆଡ଼ଃ ଇନ୍କୁ ତପାଠାୟାଦ୍‌ରାଃ ଦୁଆର୍‌ଏତେ ପୁରାଃ ମାରାଙ୍ଗ୍ ଦିରିକେ ବାଟି ଆତମାକାନ୍‌କ ନେଲ୍‌କେଦାଃ । ୩ ମେନ୍‌ଦ୍ ଇନ୍କୁ ବଲୟାନ୍ତେ ପ୍ରାଭୁ ଯାଶୁଆଃ ହଡ଼ମ୍ କାକ ନାମ୍‌କେଦାଃ । ୪ ଆଡ଼ଃ ଇନ୍କୁ ନେଆଁତେ ଆକ୍‌ଦାନ୍‌ଆୟାନାକ, ନେଲେପେ ଝାକ୍‌ମାକ ଲିଜାଃ ତୁସିଙ୍ଗ୍‌ଆଁକାନ୍ ବାରହଡ଼ ଇନ୍କୁଆଃ ଜାପାଃରେକିନ୍ ତିଙ୍ଗ୍‌ୟାନା । ୫ ଇନ୍କୁ ବରତେ ଅତେସାଃ ତିରୁବାକାଦ୍ ତାଇକେନ୍ ଇମ୍‌ତା ଇନ୍‌କିନ୍ କାଜିୟାଦ୍‌କଆକିନ୍, “ଆପେ ଜୀଉଦ୍‌ତାନ୍‌କକେ

ଗଜାକାନ୍ଦକଆଃ ଆଲାରେ ଚିନାଃମେନ୍ତେପେ ଦାଣ୍ଟାଁଇତାନା ?  
 ୬ ✨ଇନିଃ ନେତାଃରେ ବାଙ୍ଗାଈୟା, ଇନିଃଦ ଜୀଉବିରିଦାକାନାଏ  
 ! ଗାଲିଲ୍ରେ ତାଇକାନ୍ ଇମ୍ତା ଇନିଃ ଚିକ୍ନାଃ ମେତାକାପେ  
 ତାଇନାଏ, ଏନା ପାହାମେପେ । ୭ ମାନଝାହନ୍ ପାପିକଆଃ ତିଃଇରେ  
 ସାବ୍‌ଇଚିୟଃଆଏ, ଆତଃ କୁଶ୍ରେ ଗଜଃଆଏ ଆତଃ ଆପି ମାହ୍‌ରେ  
 ଜୀଉବିରିଦ୍ ଲାଗାତିଙ୍ଗ୍‌ୟାଃ । ”

୮ ଏନ୍ତେ ଇନ୍‌କୁ ଇନିୟାଃ କାଜିକ ପାହାମ୍‌କେଦାଃ ।  
 ୯ ତପାଗାଡ଼ାଏତେ ରୁହାଡ଼କେଦ୍‌ତେ, ଇନ୍‌କୁ ନେ ସବେନ୍‌କାଜି  
 ଏଗାରାଝାନ୍ ଚେଲକକେ ଆତଃ ସବେନ୍ ଏଟାଃ ହଡ଼କକେ  
 ଉଦ୍‌ବାଦକଆକ । ୧୦ ମାଗଦାଲିନି ମାରିୟାମ୍, ଯୋହାନ୍ନା, ଯାକୁବ୍  
 ଏଙ୍ଗାତେ ମାରିୟାମ୍, ଆତଃ ଏଟାଃକ ନେ କାଜି ପ୍ରେରିଡ଼କକେ  
 ଉଦ୍‌ବାଦକଆକ । ୧୧ ମେନ୍‌ଦ ଇନ୍‌କୁ ଇନ୍‌କୁଆଃ କାଜିକେ  
 କାକ ବିଶ୍ୱାସ୍‌କେଦାଃ, ଚିୟାଃତି ଇନ୍‌କୁଆଃ କାଜି ଆକକେ  
 ସାମାକାଜିଲେକା ଆଟ୍‌କାର୍‌କେଦକଆ । ୧୨ ପାଡ଼ରାସ୍, ବିରିଦ୍‌ୟାନ୍ତେ  
 ତପାଗାଡ଼ାତେ ନିରକେଦାଏ, ଆତଃ ଇନିଃ ଉଙ୍ଗୁଦ୍‌କେଦ୍‌ତେ  
 ପାତଲା ଲିଜାଃ ଏସ୍‌କାର୍ ଦହାକାନ୍‌ତେୟାଃ ନେଲକେଦାଏ, ଆତଃ  
 ହବାକାନ୍‌ତେୟାଃ ନେଲକେଦ୍‌ତେ ଆୟାଃ ମନ୍‌ରେ ଆକ୍‌ଦାନ୍‌ଆ  
 ତାନ୍‌ଲଃ ଅଡ଼ାଃତେ ସେନଃୟାନାଏ ।\*

ୟୀଶୁ ଇମ୍ମାୟୁସ୍‌ତେ ସେନଃତାନ୍ ବାରିଆ ଚେଲକିନ୍‌ତାଃ  
 ନେଲ୍‌ଇଚିୟଃତାନାଏ

(ମାର୍କ ୧୬:୧୨-୧୩)

୧୩ ନେଲେପେ ଏନ୍‌ହୁଲାଙ୍ଗ୍‌ଗି ଇନ୍‌କୁଏତେ ବାର୍‌ହଡ଼ ଇମ୍ମାୟୁସ୍  
 ନୁତୁମ୍ ହାଡୁତେ ସେନଃତାନ୍‌କିନ୍ ତାଇକେନା, ଏନ୍ ହାଡୁ  
 ଯୀରୁଶାଲେମ୍‌ଏତେ ସାଡ଼ମାଈଲ୍ ଲେକା ସାଜିନ୍ ତାଇକେନା ।  
 ୧୪ ଇନ୍‌କିନ୍ ନେ ହବାକାନ୍ ସବେନ୍ କାଜିକ ବାଘାଁଣେତାନ୍‌କିନ୍  
 ତାଇକେନା । ୧୫ ଚିମ୍‌ତାଙ୍ଗ୍ ଇନ୍‌କିନ୍ ବାଘାଁଣ୍‌ତାନ୍ ଆତଃ  
 କୁପୁଲିତାନ୍‌ଲଃ ସେନଃତାଇକେନାକିନ୍ ଯୀଶୁ ଆଇଃକ୍‌ହଗି  
 ନାଡ଼େୟାନ୍ତେ ଇନ୍‌କିନ୍‌ଲଃ ଗାତିୟାନାଏ । ୧୬ ମେନ୍‌ଦ

✨ ୨୪:୬ ୨୪:୬ ମାଥୁ ୧୬:୨୧; ୧୭:୨୨, ୨୩; ୨୦:୧୮, ୧୯; ମାର୍କ ୮:୩୧; ୯:୩୧; ୧୦:୩୩, ୩୪;  
 ଲୁକ ୯:୨୨; ୧୮:୩୧-୩୩. \* ୨୪:୧୭ 24:12 ନେ ପଦ ଚିମ୍‌ନି ମାରି ଅନଲ୍‌କରେ ବାନଃଆ

ଇନ୍ଦ୍ରିୟମାନଙ୍କୁ ଯେତେ ଦୂରକୁ ନେଇଯାଇଥିଲା, ଏହାମାନଙ୍କୁ  
 ଇନ୍ଦ୍ରିୟ ଇନ୍ଦ୍ରିୟକେ କାଳିନ୍ ନେଇଯାଇଥିଲା । ୧୭ ଇନ୍ଦ୍ରିୟ  
 ଇନ୍ଦ୍ରିୟକେ କୁଲିକେଦ୍ରିୟମାନଙ୍କୁ, “ଆବେନ୍ ସେନଃତାନ୍ତଃ ଚିକାନ୍  
 କାଜିବେନ୍ କୁପୁଲିତାନ୍ ଆତଃ ହୁଡ଼ିଙ୍ଗାତ୍ତାନ୍ତା ? ୧୮ ଏନ୍ତେ  
 ଇନ୍ଦ୍ରିୟମାନଙ୍କୁ ଲୋକମାନେ ନୁହେଁନି, କାଜିରୁହାଡ଼କିୟାଏ, ଆମ୍ ତିନାଃ  
 ଯୀରୁଶାଲେମ୍ରେ ତେରାଏତାନ୍ରେହ ତିସିଙ୍ଗ୍ ନେ ହବାକାନ୍ କାଜିକ  
 ଆମ୍ ଏସକାରଗି କାମ୍ ସାରିୟାଃ ?”

୧୯ ଯୀଶୁ କୁଲିକେଦ୍ରିୟମାନଙ୍କୁ, “ଚିଲକାନ୍ କାଜି ?”

“ନାଜ୍ରେତ୍ରେନ୍ ଯୀଶୁଆଃ ବିଷାଏ,” ମୋଡ୍ରେକିନ୍କାଜିକିୟାଃ  
 । “ଇନ୍ଦ୍ରିୟ ନାବୀ ତାଇକେନାଏ, ପାରମେଶ୍ୱାର୍ ଆତଃ ହଡ଼କଆଃ  
 ଆୟାର୍ରେ କାମ୍ ଆତଃ କାଜିରେ ପେଡ୍ରେୟାନ୍ ହଡ଼ ତାଇକେନାଏ  
 । ୨୦ ଆଲେୟାଃ ମାରାଙ୍ଗ୍ ଯାଜାକ୍ ଆତଃ ହାକିମ୍ ଇନ୍ଦ୍ରିୟକେ  
 ଗନଏଃ ସାଜାଇ ଏମ୍ ନାଗେନ୍ତେକ ଏମ୍ଏଣ୍ଡାଃକିୟାଃ ଆତଃ  
 କୁଶ୍ରେକେ କିଲଗଏଃକିୟାଃ । ୨୧ ମେନ୍ଦ୍ ଆଲେ ଇନ୍ଦ୍ରିୟ  
 ଇସ୍ରାଏଲ୍ରେନ୍କେ ମୁକ୍ତି ଏମାକଆ ମେନ୍ତେ ଆସ୍ରାଏତାନ୍ଲେ  
 ତାଇକେନା । ନେ ସବେନାଃ ହବାକାନ୍ତେୟାଃ ତିସିଙ୍ଗ୍ଲଃ  
 ଆପି ମାହାଁ ହବାଅଃତାନ୍ । ୨୨ ଆତଃଗି ଆଲେୟାଃ ଗାତିରେନ୍  
 ଚିମିନାଙ୍ଗ୍ କୁଡ଼ିକ, ଆକ୍ତାକାଅ† କାଦ୍ଲେୟାକ, ଇନ୍ଦ୍ରିୟ ଇଦାନ୍ରେ  
 ତପାଗାଡ଼ାତାଃକ ସେନ୍କେନା, ୨୩ ମେନ୍ଦ୍ ଇନ୍ଦ୍ରିୟ ଇନ୍ଦ୍ରିୟଃ  
 ଗଏଃହଡ଼କ କାକ ନାମ୍କେଦାଃ । ଇନ୍ଦ୍ରିୟ ରୁହାଡ଼କେଦ୍ରେ  
 କାଜିୟାଦ୍ଲେୟାକ, ଆଲେ ଦୁଁଡ଼କେ ନେଲାଦ୍କିନାଲେ, ଇନ୍ଦ୍ରିୟ  
 ଯୀଶୁ ଜୀହ୍ୱାଦ୍ରିୟାଏ ମେତାଦ୍ଲେୟାକିନ୍ । ୨୪ ଏନ୍ତେ ଆଲେୟାଃ  
 ଗାତିକଏତେ ଚିମିନାଙ୍ଗ୍ ତପାଗାଡ଼ାତାଃକ ସେନଃୟାନ୍ ଆତଃ  
 କୁଡ଼ିକଆଃ କାଜିଲେକାକ ନାମ୍କେଦାଃ, ମେନ୍ଦ୍ ଯୀଶୁକେ କାକ  
 ନେଲ୍କିୟାଃ ।”

୨୫ ଯୀଶୁ ମେତାଦ୍କିନାଏ, “ଏ ଡ଼ିକିନ୍ ଆତଃ ନାବୀକଆଃ  
 ସବେନ୍ କାଜି ବିଶ୍ୱାସନାଙ୍ଗ୍ ମନ୍କେଚେୟାକାନ୍ ହଡ଼କିନ୍ ! ୨୬ ଚିୟାଃ  
 ଖ୍ରୀଷ୍ଟ୍ ନେ ଦୁକୁ ସାହାଡ଼ିଙ୍ଗ୍ ଆତଃ ଆୟାଃ ମାନାରାଙ୍ଗ୍ରେ ବଲ୍  
 କା ଲାଗାଡ଼ିଙ୍ଗ୍ତାନ୍ ତାଇକେନା ?” ୨୭ ମୁଣା ଆତଃ ସବେନ୍

---

† ୨୪:୨୨ ୨୪:୨୨ ଚାକିଡ଼

ନାବୀକଏତେ ଏଟେଦକେଦତେ ଗଟା ଧାରାମ୍ପୁଥିରେ ଆୟାଃ ବିଷାଏରେ ଅଲୀକାନ୍ କାଜିକରେୟାଃ ମୁଣ୍ଡି ଉଦୁବାଦକିନାଏ ।

୨୮ ଏନ୍ତେ ଇନ୍କୁ ଆକସେନଃତାନ୍ ତାଇକେନ୍ ହାତୁତେ ସେଟେରୟାନ୍ତି ଯୀଶୁ ଆୟାରତେ ସେନଃତାନ୍ ଲେକାଏ ଉଦୁବେନ୍ୟାନା । ୨୯ ମେନ୍ଦ ଇନ୍କିନ୍ “ଦେଲା ଆଲିଙ୍ଗଲଃ ତାଇନଃମେଁ, ଆୟୁବଃତାନା ଆତଃ ସିଙ୍ଗିହାସୁରଃତାନା” ମେନ୍ତେ କାଜିକିୟାକିନ୍, ଆତଃ ଇନିଃ ଇନ୍କିନ୍ଲଃ ତାଇନଃ ନାଗେନ୍ତେ ବଲୟାନାଏ । ୩୦ ଇନିଃ ଇନ୍କିନ୍ଲଃ ଜମ୍ପଦୁବୟାନ୍ତି ହଲଙ୍ଗକେ ସାବକେଦତେ, ଆଗିଷ୍ ଏମ୍କେଦାଏ, ଆତଃ ଏନା କେଟାଃକେଦତେ ଏମାଦକିନାଏ । ୩୧ ଏନ୍ତେ ଇନ୍କିନାଃ ମେଦ୍ ରାଡାୟାନା ଆତଃ ଇନ୍କିନ୍ ଯୀଶୁକେ ନେଲ୍ତରୁମ୍କିୟାକିନ୍, ଆତଃ ଇନିଃ ଇନ୍କିନ୍ତାଃଏତେ ଦାନାଙ୍ଗୟାନାଏ । ୩୨ ଆତଃ ଇନ୍କିନ୍ ଆକିନ୍ଆକିନ୍ରେ କୁଲିୟାନାକିନ୍, “ଚିୟାଃ ଇନିଃ ହରାରେ ଆଲୀଙ୍ଗଲଃ ବାଗ୍ଗାତାନ୍ ଆତଃ ଧାରାମ୍ପୁଥିରେୟାଃ ମୁଣ୍ଡି ଉଦୁବାଲାଙ୍ଗ ତାଇକେନ୍ ଇମ୍ତା, ଆଲୀଙ୍ଗଆଃ ମନ୍ ରାସ୍କାତେ କାଟି ଜୁଲଃତାନ୍ ତାଇକେନା ?”

୩୩ ଆତଃ ଇମ୍ତାଗି ଇନ୍କିନ୍ ବିରିଦୟାନ୍ତେ ଯୀରୁଶାଲେମ୍ତେକିନ୍ ରୁହାଡୟାନା ଆତଃ ଏଗାରାଝାନ୍ ଚେଲାକ ଆତଃ ଇନ୍କୁଆଃ ଗାତିକ ହୁଣ୍ଡିୟାକାନ୍କିନ୍ ନାମ୍କେଦକଆ । ୩୪ “ସାର୍ତ୍ତିଗି ପ୍ରାଭୁ ଜୀଉବିରିଦାକାନାଏ ଆତଃ ଶିମୋନ୍ତାଃ ନେଲ୍ତରୁମ୍କିୟାଏ” ମେନ୍ତେ ଇନ୍କୁକେ କାଜିୟାଦକଆକିନ୍ ।

୩୫ ଏନ୍ତେ ଇନ୍କିନ୍ ହରାରେ ହବାଲେନ୍ତେୟାଃ ଆତଃ ଚିଲ୍କାତେ ହଲଙ୍ଗ କେଟାଃତାନ୍ରେ ଆଲିଙ୍ଗ ଇନିଃକେ ନେଲ୍ତରୁମ୍କିୟାଃ ଏନା ଇନ୍କୁକେ ଉଦୁବାଦକଆକିନ୍ ।

ୟୀଶୁ ଚେଲାକତାଃରେ ଉଦୁବଃତାନା

(ମାଥୁଉ ୨୮:୧୭-୨୦; ମାର୍କ ୧୬:୧୪-୧୮; ଯୋହାନ୍ ୨୦:୧୯-୨୩; ପ୍ରେରିଡ୍ ୧:୬-୮)

୩୬ ଇନ୍କିନ୍ ନେ କାଜି କାଜିତାନ୍ ତାଇକେନ୍ ଇମ୍ତା, ପ୍ରାଭୁ ଯୀଶୁ ଆଇଃକ୍ତି ଇନ୍କୁଆଃ ଆଲାରେ ତିଙ୍ଗୁୟାନାଏ,

ଆତ୍ମା ମୋତାଦକଆଏ, “ଆପେରେ ଜୀଉସୁକୁ ହବାଅଃକା ।”‡  
 ୩୭ ମୋନ୍ଦ ଇନ୍କୁ ଆକ୍‌ଦାନ୍‌ଆୟାନ୍‌ଲଃ, ବରକେଦ୍‌ତେ ଆବୁ  
 ବଙ୍ଗାବୁ ନେଲ୍‌କିୟାଃ ମୋନ୍‌କେ ଆବ୍‌କାର୍‌କେଦାଃ । ୩୮ ଇନ୍‌ଃ  
 କାଜିୟାଦକଆଏ, “ଚିନାଃମୋନ୍‌କେଦେ ବରତାନା, ଆତ୍ମା ଆପେୟାଃ  
 ମନ୍‌ରେ ଆତ୍ମାଃଉତ୍ତୁ ଚିନାଃମୋନ୍‌କେ ଅମନଃତାନା ? ୩୯ ଆଇଁୟାଃ  
 ତିଃଇ ଆତ୍ମା କାଟା ନେଲେଦେ, ଆଇଁ ତାନିଙ୍ଗ ! ଜୁଟିଦିଙ୍ଗ୍‌ଦେ  
 ଆତ୍ମା ନେଲ୍‌ବାଇଙ୍ଗ୍‌ଦେ, ଆଇଁରେଦେ ନେଲେତାନ୍‌ଲେକାନ୍  
 ଜାଙ୍ଗ୍ ଜିଲୁ ବଙ୍ଗାରେଦ ବାନଆଃ ।”

୪୦ ଇନ୍‌ଃ ନେଆଁ କାଜିକେଦ୍‌ତି ଇନ୍‌କୁକେ ଆୟାଃ ତିଃଇ ଆତ୍ମା  
 କାଟା ଉଦୁବାଦକଆଏ ।§ ୪୧ ଆତ୍ମା ଇନ୍‌କୁ ରାସ୍‌କାତେ କାକ  
 ପାତିୟାବ୍‌ତାନ୍ ଆତ୍ମା ଆକ୍‌ଦାନ୍‌ଆୟାନ୍ ତାଇକେନ୍‌ରେ, “ଚିୟାଃ  
 ଆପେତାଃ ହୁଡିଙ୍ଗ୍‌ଲେକା ଜମୋୟାଃ ମୋନାଃତି ?” ମୋନ୍‌କେ ଇନ୍‌ଃ  
 କୁଲିକେଦକଆଏ । ୪୨ ଏନ୍‌କେ ଇନ୍‌କୁ ଇନ୍‌ଃକେ ଆୟାଗାକାନ୍ ହାକୁ  
 ହୁଡିଙ୍ଗ୍‌ଲେକାକ ଏମ୍‌କିୟାଃ । ୪୩ ଆତ୍ମା ଇନ୍‌ଃ ଏନା ତେଲାଇକେଦ୍‌ତେ  
 ଇନ୍‌କୁଆଃ ସାମ୍‌ନାଙ୍ଗ୍‌ରେ ଜମ୍‌କେଦାଏ ।

୪୪ ଏନ୍‌କେ ଇନ୍‌ଃ ମୋତାଦକଆଏ, ମୁଗାରାଃ ଆନ୍‌ରୁ ପୁଥ୍‌ରେ ଆତ୍ମା  
 ନାବକଆଃ ଆତ୍ମା ଦୁରାଙ୍ଗ୍ ପୁଥ୍‌ରେ ଆଇଁୟାଃ ବିଷାଏରେ ସବେନ୍  
 ଅଲ୍‌କାନ୍‌ତେୟାଃ ପୁରାଆଃ ଲାଗାତିଙ୍ଗ୍‌ୟାଃ, ଏନ୍‌କାଜି ଆପେଲଃ  
 ତାଇକେନ୍ ଇମ୍‌ତାଙ୍ଗ୍ କାଜିକାଦ୍‌ପେୟାଈଙ୍ଗ୍ ।

୪୫ ଏନ୍‌କେ ଇନ୍‌ଃ ଧାରାମ୍‌ପୁଥ୍ ଆବ୍‌କାର୍‌ଉରୁମୋଁ ନାଗେନ୍‌କେ  
 ଇନ୍‌କୁଆଃ ମନ୍‌କେ ସେଣ୍‌କେଦାଏ । ୪୬ ଇନ୍‌ଃ ଇନ୍‌କୁକେ  
 କାଜିୟାଦକଆଏ, “ନେଆଁ ଅଲ୍‌କାନା, ଖ୍ରୀଷ୍ଟ ଦୁକୁସାହାତିଙ୍ଗ୍  
 ଆତ୍ମା ଆପି ମାହାଁରେ ଗଜାକାନ୍‌କଏତେ ଜୀଉବିରିଦ୍  
 ଲାଗାତିଙ୍ଗ୍‌ୟାଃ, ୪୭ ଆତ୍ମା ଯୀରୁଶାଲେମ୍‌ଏତେ ଏଟେଦକେଦ୍‌ତେ  
 ସବେନ୍ ଦିଶ୍ଟାମ୍‌ରେନ୍ ସବେନ୍ ହଡକକେ ଇନ୍‌ୟାଃ ନୁଡୁମ୍‌ତେ  
 ହେୟାତିଙ୍ଗ୍‌ରେୟାଃ ଆତ୍ମା ପାପ୍ ଛାମାରେୟାଃ କାଜି ଉଦୁବ୍  
 ଲାଗାତିଙ୍ଗ୍‌ୟାଃ । ୪୮ ଆତ୍ମା ଆପେ ନେ କାଜିରେୟାଃ ଗାଞ୍ଜାଇକ

---

‡ ୨୪:୩୭ 24:36 ଚିମିନ୍ ମାରି ଅନଲ୍‌କରେ, “ଆତ୍ମା ମୋତାଦକଆଏ, ଆପେରେ  
 ଜୀଉସୁକୁହବାଅଃକା” ମୋନ୍‌କେ କା ଅଲ୍‌କାନା § ୨୪:୪୦ 24:40 ନେ ପଦ ଚିମିନ୍ ମାରି  
 ଅନଲ୍‌କରେ ବାନଃଆ

ତାନ୍‌ପେ । <sup>୪୯</sup> ☆ନେଲେପେ ଆଇଙ୍ଗ୍ ଆପୁଇଁୟାଃ ବାନାର୍‌ସା\* କାଜି ଆପେତାଃତେ କୁଲେୟା; ମେନ୍‌ଦ ତେତାନ୍‌ ପେଡ଼େଃ ଆଉରିପେ ନାମେଜାକେଦ୍ ଯିରୁଶାଲେମ୍ ସାହାରରେ ତାଇନ୍‌ପେ ।”

ୟୀଶୁ ସିର୍ମାତେ ରାକାର୍‌ୟାନାଏ

(ମାର୍କ ୧୬:୧୯-୨୦; ପ୍ରେରିଡ୍ ୧:୯-୧୧)

<sup>୫୦</sup> ☆ୟୀଶୁ ଇନ୍‌କୁକେ ବେଅନିଆ ସାମନାଙ୍ଗ୍‌ତେ ଅତଙ୍ଗ୍ ଇଦିକେଦ୍‌କଆଏ ଆତଃ ଆୟାଃ ତିଃଇ ରିମ୍‌କେଦ୍‌ତେ ଇନ୍‌କୁକେ ଆଶିଷ୍‌କେଦ୍‌କଆଏ । <sup>୫୧</sup> ଆତଃ ଇନିଃ ଇନ୍‌କୁକେ ଆଶିଷ୍‌କତାନ୍‌ଲଃ ଇନ୍‌କୁଏତେ ବିନ୍‌ଗାଅୟାନାଏ† ଆତଃ ସିର୍ମା ଦିଶୁମ୍‌ତେ ଇଦିୟାନା । <sup>୫୨</sup> ଏନ୍ତେ ଇନ୍‌କୁ ଇନିଃକେ ଜହାରକିଃତେ ପୁରାଃ ରାସକାତାନ୍‌ଲଃ ଯିରୁଶାଲେମ୍‌ତେକ ରୁହାଡ୍‌ୟାନା । <sup>୫୩</sup> ଆତଃ ପାରମେଶ୍‌ବାରକେ ଧାନ୍ୟାବାଦ୍ ଏମ୍‌ତାନ୍‌ଲଃ ଜାନାଅ ମାନ୍‌ଦିଅଡ଼ାଃରେକ ତାଇକେନା ।

☆ ୨୪:୪୯ ୨୪:୪୯ ପ୍ରେରିଡ୍ ୧:୪.

\* ୨୪:୪୯ ୨୪:୪୯ ବାଖାଁଣ୍‌ସମାକାଦ୍ / ବାଏଦା

☆ ୨୪:୫୦ ୨୪:୫୦ ପ୍ରେରିଡ୍ ୧:୯-୧୧.

† ୨୪:୫୧ ୨୪:୫୧ ପାରକାୟାନାଏ

**ପାରମେଶ୍ଵରୀୟାଃ ଜୀନିଦ୍ ବାଚାନ୍**  
**The New Testament in the Munda language of India:**  
**ପାରମେଶ୍ଵରୀୟାଃ ଜୀନିଦ୍ ବାଚାନ୍**

copyright © 2020 The Word for the World International

Language: ମୁଞ୍ଜା (Muṅḍa) (Munda)

Contributor: The Word for the World International

**ପାରମେଶ୍ଵରୀୟାଃ ଜୀନିଦ୍ ବାଚାନ୍**  
**ନାଞ୍ଜା ନିୟାମ୍ , 2020**

The New Testament in Munda Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

---

PDF generated using Haiola and XeLaTeX on 22 Feb 2024 from source files dated 14 Apr 2023

903abb6b-97c3-582d-9df8-a6a8f2fce6d6